

sc. 11. pl. 6.

S.



172



DISSERTATIO
APOLOGETICA

REV. PAT. LECT.

JOSEPHI AUGUSTINI ORSI
ORDINIS PRAEDICAT.



DISSERTATIO
APOLOGETICA
PRO SANCTARUM
PERPETUAE, FELICITATIS
ET SOCIORUM MARTYRUM
ORTHODOXIA ADVERSUS
SAMUELEM BASNAGIUM

Auctore

R. P. JOSEPHO AUGUSTINO ORSI O. P.

FLORENTIAE AD SANCTUM MARCUM SAC. THEOLOGIAE LECTORE.

ACCEDIT

FRANCISCI CASTILIONENSIS
MARTYRIUM ANTONIANUM,

SEU

BEATI ANTONII DE RIPOLIS ORDIN. PRAEDICAT.

AB EODEM URSIO NOTIS ILLUSTRATUM.



FLORENTIAE. MDCCXXVIII.

Typis Bernardi Paperini, Typographi S. R. C. Magnae Principis Viduae ab Etruria.

CUM APPROBATIONE.





Eminentiss. ac Reverendiss. Principi

PROSPERO LAMBERTINO

S. R. E. CARDINALI.

F. JOSEPH AUGUSTINUS ORSI ORD. PRAED.

Perpetuam Felicitatem.



I*NTER praecipua
Catholicae Ecclesiae
ornamenta, EMINENTISSIME PRIN-
CEPS, merito illa semper habita est*
ingens

ingens & immensa Martyrum multitudo, quorum aucta tropaeis est, & illustrata victoriis. Si enim florentibus olim Reipublicae aut Imperii rebus, summum Romanae Urbis decus fuit, tot peperisse Heroas, qui ob Patriae libertatem vindicandam, & Imperii fines tuendos, aut etiam amplificandos, sanguinem profuderunt: Quis non Romanam Ecclesiam summis in caelum laudibus extollat ob partam sibi tot Filiorum suorum sanguine gloriam, & actos de universis Nationibus, ac de immanissimis Tyrannis triumphos? Non est itaque, EMINENTISSIME DOMINE, cur miremur, si recentiores Haeretici, qui se ab Ecclesiae Romanae Communione nefario schismate sejunxerunt, hanc
ejus

ejus gloriam si non omnino exstinguere, quod fieri certe non poterat; attamen, quod proximum erat, velut injectis nebulis obscurare conati sunt. Fuit enim, ut nosti, qui per summam injuriam atque temeritatem, edita de paucitate Martyrum Dissertatione, lectissimum fortissimorum militum exercitum decimaret. Sed haec paucorum insania fuit. Pars longe major eorum exstitit, qui non minorem in Ecclesiam Catholicam invidiam inde concitaverunt, quod suis, ut blaterant, non contenta Martyribus, alienos etiam & Haereticos adoptarit, & in suis Fastis nullo adhibito delectu descripserit. Qua in re Basnagii temeritas & audacia omnem excessit modum, ut qui non unum aut alterum,

terum,

terum, aut obscuri nominis Martyres, gravibusque fretus momentis; sed plures, & celeberrimos, atque imprimis insignes, levibus usus atque inanibus conjecturis, uti Montanistas traduxit. Quis enim inter antiquos Martyres majori quam Perpetua & Felicitas famae celebritate resplenduit, & per ora hominum volitavit? Eas tamen Basnagius Montanismi reas agere non dubitavit; & eadem opera Catholicam Ecclesiam insimulare, quod, Haereticis adscitis, suorum Martyrum Catalogum auxerit. Quae quidem injuria non in eas tantum, quas laudavi Ss. Mulieres, sed in eos etiam, sane non paucos, qui se illis mortis socios addidere, aut in earum Actis celebrantur, manifeste redundat.

*dat. Hos enim omnes ejusdem fuisse
constat aut Catholicae, aut Haereti-
cae communionis. Atrocissimam calu-
mnia, EMINENTISSIME PRINCEPS,
ferre non potui & surdis auribus
praeterire. Unde ad eam propulsan-
dam, Dissertationem hanc adorna-
vi, quam Tibi jam destinavam, quum
in Romana Curia, inter alia quae
optime administrabas officia, Pro-
motoris Fidei munere praeclarissime
fungebaris. Quo enim potius quam
Tuo Nomine & auctoritate munita in
apertam lucem prodiret? Ad Te
namque illa tum cura pertinebat, ut
Sanctorum cultum non tuereris mo-
do, sed etiam pro virili parte prove-
heres. Atque utinam, EMINENTIS-
SIME DOMINE, tantum mihi, in ad-*



seren-

*serenda Beatissimorum Martyrum orthodoxia, nervorum & ingenii fuisset; quantum Tibi olim, in Sanctorum virtutibus aestimandis ac meritis discernendis, doctrinae & sagacitatis fuit; egregium illi profecto vindicem ac defensorem nacti fuissent, neque esset, cur isthaec Elucubratio ex alterius nomine & auctoritate pretium commendationemque requireret. Nunc vero quoniam in hoc tenuissimo labore meo nihil ferme laude dignum animadverto, praeter studium ac voluntatem coërcendi Heterodoxi Censoris temeritatem, & ab eo illatam SS. Martyribus injuriam penitus conterendi: propterea Tu illi quae soga-
tiam adjuuge, splendorem, decus, & ornamentum. Nihil enim horum Li-
bro,*

bro, quem non despexeris, sed benigne susceperis, & patrocínio Tuo foveris, deesse aliquo modo potest. Nam sufficit ad haec omnia, ad ornatum scilicet & pretium Operis, ad ejusque commendationem, praeclarissimum & longe lateque resplendens EMINENTIAE TUAE Nomen, quod in vestibulo exhibeat, & ipsa statim fronte praemittat. Quod enim Tu probaveris, quis contemnere audeat, aut pro nihilo ducere? Tu, inquam, quem ob egregias animi dotes, & eximia in Romanam Ecclesiam merita SS. D. N. BENEDICTUS XIII. in amplissimum Purpuratorum ejusdem Ecclesiae Patrum Senatum, summa cum totius Christianae Reipublicae gratulatione, nuper adscivit. At quamvis

*Bonis omnibus ob altissimam ad quam
profectus es dignitatem gaudendum
merito fuerit ac triumphandum :
gratissimum id tamen Praedicatorum
Ordini jure optimo fuit : ut qui certo
futurum credat , ut in Eminentissimo
Gradu , & amplissimo Ordine consti-
tutus , eum sic diligere sic colere per-
gas , quomodo dilexisti adhuc & co-
luisti . Novam itaque Tibi gratulans
dignitatem , hoc EMINENTIAE TUAE
Munusculum offero : quod ut magis lae-
to alacrique vultu respiceres , B. An-
tonini de Ripolis Martyris Nostri Acta
eidem conjunxi , a Francisco Castilio-
nensi haut inconcinne literis tradita ,
& Jacobo Cardinali Papiensi oblata ,
doctrina non minus quam Purpura
Eminentissimo . Novi enim , ac probe
novi ,*

novi, pro eo quo Praedicatorum Ordinem amore prosequeris, quam Tibi cordi sit, ut sanctitate illustrium Virorum, quos ille Ordo innumeros Ecclesiae peperit, gloria & honor in dies magis ac magis amplificentur. Hoc igitur, quod esse volo observantiae erga Te meae aeternum monumentum, benigno laetoque suscipe vultu: dum Sacram Purpuram Tuam venerabundus exosculans, a Sanctis Martyribus, quarum apud Te potissimum ut harum rerum aequissimum judicem causam ago, quam in Nomine gerunt, PERPETUAM Tibi adprecor FELICITATEM.

PRAE-



Στρατὸς τῷ Κυρίῳ, οἱ Ἅγιοι . . . τῆς ἡν δεδομένης αὐτοῖς
παρὰ τῆς ἐκκλησίας τιμῆς, ἀπαμφίῃμεν αὐτῶς; ὡ ἱερασίας
χιρὸς. ὡ τολμηρᾶς γνώμης, ἀντερίζουσας Θεῷ, καὶ τοῖς αὐ-
τῷ ἀντιπραπίουσας προσάγμασιν.



*Exercitus Domini sunt Sancti . . . Hisne igitur suum ne-
gabimus honorem, quem concessit ipsis Ecclesia? O audacem
manum! O temerariam mentem, quae cum Deo contendit,
ejusque jussis adversatur!*

S. Johann. Damascen. Orat. I. de Imaginib. num. x xi.





P R A E F A T I O.



Uotiescumque ad animum
revoco, hinc innumera illa
fane, maximaque commo-
da, quae ex Arte Critica,
modeste religioseque per-
tractata, in literariam Rem-
publicam profluxerunt: in-

de vero innumera mala & incommoda, quae in
eamdem inreligiosi quidam ac temerarii Censores
importarunt: id mecum reputo, nullam esse aliam
disciplinam, quam oporteat majori prudentia, &
judicio, ac religione tractare. Quum intra Gram-
matices fines haec facultas fere continebatur, &
in Poëtarum emendatione arbitrium praecipue suum
exercebat; tam multa, dum nimium conjecturis
suis indulgent, indocti Critici audacesque pecca-
runt, ut ea demum Homeri Poëmata (in quibus
tamen emendandis, Veterum Grammaticorum in-
dustria potissimum versata est) emendatissima Ara-
ti

ti judicio habenda essent, quibus Critici medicas, ut volunt, manus neutiquam admovissent. Roganti enim Timoni, qua ratione emendatissimum Homeri poëma habere posset, respondit ⁽¹⁾: *Si in antiquos incideret codices, non vero jam correctos*. Postquam vero hac eadem disciplina latius imperium provexit; & cum Sacris Interpretibus in Divinorum Codicum ἐξηγήσει, tum etiam Theologis in Sanctorum Patrum, & Conciliorum locis restituendis, & veris Historiis a falsis discernendis, operam accommodavit; longe graviores ex Criticorum inscitia, vel audacia in eam abusus inrepsunt. Quod enim de Arati Poëmate in ejus vita queritur Hipparchus ⁽²⁾, a multis scilicet, Pictoribus, Astronomis, Grammaticis, Geometris, dum quisque pro lubitu propriam lectionem, & interpretationem effingit, fuisse corruptum: ita in universo Sacrae Theologiae, aut Ecclesiasticae Historiae corpore, dum unusquisque quam mavult Sacrorum Codicum, & Sanctorum Patrum lectionem multis in locis substituit, aut receptis Historiis fidem ad libidinem derogat; nihil jam sani imperitorum Criticorum audacia reliquisset; nisi illata ab imperitis Medicis vulnera, aliorum prudentia dexteritaque sanasset. Quo fit, ut sapientis prudentisque Critici industria minus jam, in tanta bonarum Artium

(1) Εἰ τοῖς ἀρχαίοις ἀντιγράφοις ἐντυχάνοι, καὶ μὴ τοῖς ἤδη διορθωμένοις.

(2) Ἐλύμηναν δὲ πολλοὶ τὰ τοῦ ποιήματος ὑπογράφοι, καὶ ἀσέβητοι, καὶ γραμματικοὶ, καὶ γεωμέτραι ἕκαστος αὐτῶν πρὸς τὸ βύλημα τὸ ἰδίον γραφάς, καὶ ἐξηγήσεις ἰδίας ποιούμενοι.

tium & literarum luce, adversus hominum in-
 sciam, aut subdolas artes, quibus olim errorum mon-
 stra in omne disciplinarum genus invec-
 ta sunt, invigilare debeat; quam adversus quorundam im-
 moderatam intemperantiam, qui ad humanam fi-
 dem penitus labefaciendam, disciplinae hujus lon-
 ge utilissimae praeceptionibus abutuntur. Ea est
 hodie exercendae hujus facultatis, & omnia emen-
 dandi corrigendique prurigo; ut minus jam pe-
 riculum sit, ne E. G. Gennadii Liber de Ecclesia-
 sticis Dogmatibus Augustino, Pelagii in Paulli Epi-
 stolas Commentarii Hieronymo, Liber de Cardi-
 nalibus Christi Operibus Cypriano ut olim tri-
 buantur; quam ne Augustino, ipsi, ut ita dixerim,
 Libri de Civitate Dei, Hieronymo Liber de Scri-
 ptoribus Ecclesiasticis, & Cypriano Liber de La-
 psis abjudicentur. Minus jam verendum, ne quis
 Liberium Constantii Augusti minis cessisse dene-
 get, & Athanasii damnationi numquam subscripsisse
 contendat; quam ne ob admissum promiscue
 omnium Haereticorum baptismum, eorum etiam
 qui legitima forma non utebantur, erroris Ste-
 phanus arguatur. Minus denique timendum, ne
 Haereticus aliquis Pseudo-Martyr in Ecclesiarum
 Martyrologia, & Sacra Diptycha recipiatur; quam
 ne e Sacris Fastis, quamvis contestata plurium se-
 culorum auctoritate eorum sanctitate atque virtu-
 te, veri jam Christi Martyres expungantur. Ea

†

est

est enim praesentium temporum conditio, ut dum aliquis acuti Critici severique Censoris palmam ferat, sibi licitum esse putet, & in Sanctorum famam atque existimationem, & in sacratissima quaeque antiquitatis monumenta grassari. Tot inter antiquos Martyres, quorum Ecclesia gloriatur triumphis, nulli ferme esse videbantur, de quibus quisquam difficilior pravam aliquam opinionem in animum inducere potuisset, quam de SS. Perpetuae, Felicitatis, & Sociorum Martyrum religione: nulli ferme, quorum jam inde ab initio in Ecclesia cultus melioribus argumentis, & magis firmis rationibus niteretur. Eccui enim in mentem aliquando venisset, Sanctos Martyres, per quindecim jam ab eorum Martyrio seculorum decursum omnium honori & admirationi habitos, in jus vocare, & veluti Montanistas traducere? Verum, quid non audeat nullis circumscripta limitibus Critices exercendae libido? Basnagius tandem repertus est, qui post adeo longum temporis intervallum, Perpetuam, eosque Martyres, qui se mortis socios ipsi addidere, Montanismi reos ageret, & de grege Montanistarum fuisse suspicaretur. Sententiam ille suam Actorum Eruditorum Lipsiae Concinctoribus ⁽¹⁾ adprobavit: nec dubium, quin isti auctoritate sua eandem in alios opinionem translaturi sint, nisi res ad exactius examen revocetur,

&

(1) Supplem. Tom. vi. Sect. iv.

& omnes iniquae suspicionis nebulæ dissipentur. Turpe profecto esset, ut quum tot jam gravissimi Viri, vel ad liberandum Platonem ab impacta ipsi, ut existimant, de Ideis separatis calumnia; vel ad purgandum Aristotelem reum a quibusdam sublatæ de medio Providentiæ peractum, libros & Apologias in publicum emiserint: quum summus Vir Petrus Gassendus, scripta pro Epicuro Apologia, sibi optime visus fuerit, suum in hoc Philosopho ab iniquis suspicionibus, quibus ferme hætenus laboraverat, vindicando, studium & operam collocasse: qui se beatorum Martyrum, a quibus Christiana Religio tot aucta tropæis est; qui tot Catholice Fidei adversus impiam Idolorum superstitionem victorias sanguine suo pepererunt; qui denique tot nobis, quæ sectaremur, fidei, pietatis, religionis, caritatis, fortitudinis, omniumque aliarum virtutum exempla reliquerunt, vindicem præstaret, nemo reperiretur. Id vero in causa fuit, cur in me, licet huic operi minus idoneum, id tamen muneris ultro susciperem; retundendi scilicet, profligandique intentatas Sanctis hisce Martyribus ab Heterodoxis quibusdam Censoribus contumelias. Id autem muneris, cum ut ea, quæ par erat, fide diligentiaque præstarem, tum ne illud Criticæ facultatis contemtu, aut veros Criticos laceffendi prurigne, quos plurimi sane facio, suscepisse viderer; omnem adhibui sollicitudinem,

dinem, ut nihil huc nisi genuinum, nisi ad severioris Critices regulas exactum, adferrem. Non is ego sum, qui disciplinae hujus longe utilissimae merita pro dignitate non aestimem, qui commoda non agnoscam, quae tot clarissimi Viri ejusdem facultatis usu in literariam Rempublicam invexerunt. Gaudeo, me hoc seculo natum esse, in quo Patres, aliosque veteres Scriptores habemus ab innumeris, quibus antea scatebant, mendis, Criticae Artis opera repurgatos; eorundem Scriptorum Opera genuina laudatae facultatis praesidio a spuris nothisque segregata, quorum antea permixtione misere foedabantur; Ecclesiasticam denique Historiam commentis & fabulis expurgatam, quibus olim fuerat ab indoctis Fabulatoribus conspurcata. Denique tantum abest, ut suas Criticae Facultatis Professoribus laudes invidiam, ut ipsos etiam Heterodoxos, ubi recte ea disciplina usi sunt, non sine laudis praefatione compellem, & eorum etiam testimoniis utar: quod tamen dum in hacce mea Dissertatione, five alibi facio, illud Gravesonii nostri ⁽¹⁾, Romae scribentis, Lectorem praemonitum esse volo; me non eorum doctrinam & dogmata, sed eruditionem dumtaxat commendare: & quod de Eusebio Caesariensi Arianæ factionis significo, adversus Rufinum scribens, olim agebat Hieronymus:

(1) Praefat. ad Tract. de Script. Sac. in fine.

mus ⁽¹⁾: *Doctissimum dixi, non Catholicum, ne more solito mihi & in hoc calumniam struas*; id etiam de Pearsonio, Doduvello, & aliis, quorum heic aliquando testimoniis utor, ad Heterodoxos Criticos Suorum armis revincendos, intelligi volo; doctissimos illos a me dictos esse, non Catholicos, non Orthodoxos, non verae fidei aut religioni addictos, ne & hoc aliquis, Rufino forsitan non absimilis, in invidiam & calumniam aliquando trahat. Non jus itaque tueri, & causam defendere, sed palam & aperte prodere, mihi visus essem, si eo genere probationis usus fuisset, quod ad quorundam palatum magis forsitan sapuisset, & innumera huc coacervassem, vel dubia, vel apocrypha, vel accepta e recentium Sanctorum Historiis documenta, quae omnia Protestantes, licet impie, derident tamen, & se iis minime persuaderi patiuntur. Pauca itaque malui, sed certa, & ex indubiis ratisque monumentis adferre, quam plurima, eaque sublestae fidei, & ab Adversariis, aut omnino non admittenda, aut facile refellenda. Quamvis non adeo pauca mihi suppeditarint ex probatis monumentis, pro Sanctis hisce Martyribus, argumenta, ut non justae Dissertationi satis fuerint; &, ut mihi videtur, aut saltem in votis est, justae etiam Beatorum eorumdem Martyrum defensionis.

Dis-

(1) Lib. 2. Apolog. advers. Rufin.

Differtationi, SS. Martyrum Acta ex Theodori Ruinarti Editione, quae est omnium emendatissima, praemittere visum est; ut qui adornatam a Clarissimo Viro Actorum Prim. Martyr. Collectionem ad manus non habent, his interim utantur, & plenam heinc hauriant & ordinatam rerum a nostris Martyribus gestarum notitiam.



IN-

I N D E X

CAPITUM, ET PARAGRAPHORUM

A P O L O G E T I C A E

H U J U S

D I S S E R T A T I O N I S.



P *Assio SS. Perpetuae, Felicitatis, &c. Ex Actis primorum Martyrum sinceris, & selectis D. Theod. Ruinart.* pag. **L**

CAPUT PRIMUM.

Externis argumentis ex Ecclesiae, & veterum Patrum auctoritate petitis SS. Perpetuae, Felicitatis, & Sociorum Martyrum Orthodoxia vindicatur.

- I.** *Tertulliani coeui Scriptoris pro Perpetua, sociisque Martyribus testimonium.* pag. **19.**
- II.** *Pontius Diaconus eorumdem Martyrum Acta non obscure laudavit.* pag. **19.**
- III.** *Perpetuae & Felicitatis antiquissimum fuisse in Ecclesia Romana cultum, ex Bucherii pervetusto Kalendario demonstratur.* pag. **21.**
- IV.** *S. Augustinus earumdem Martyrum variis in locis cum laude meminit, ac tribus eas Tractatibus celebravit; quorum priorem in editis levi admodum conjectura S. Doctori Basnagius abjudicat.* pag. **25.**
V. Ec-

I N D E X

- V. *Ecclesiarum Carthaginensium celeberrima, & ceterarum Matrix, Perpetuae & Felicitatis Reliquiis illustrata est, & ex earum nominibus nuncupata.* pag. 27.
- VI. *In Missae Canone quotidiano earundem nomina inter celebriores Martyres recensentur.* pag. 33.
- VII. *Argumentum, quod ex his testimoniis conficitur, frustra Basnagius & irrito conatu elevare & labefactare, contendit.* pag. 35.

CAPUT SECUNDUM.

Basnagii externis adversus SS. Martyres argumentis
occurritur.

- I. *A*ctorum Perpetuae & Felicitatis Compilatorem fuisse Montanistarum Haeresi infectum. pag. 40.
- II. *Ruinarii pro Actorum Compilatorem rationes refelluntur, variisque argumentis ejus Montanismus adseritur.* pag. 42.
- III. *Doduvelli pro ejusdem Scriptoris orthodoxia disputatio.* pag. 48.
- IV. *Ejus disputationis primum dejicitur fundamentum.* pag. 50.
- V. *Alterum ejusdem disputationis fundamentum evertitur.* p. 52.
- VI. *A Montanistis Catholicos non fuisse pro Haereticis existimatos.* pag. 56.
- VII. *Ab Ecclesiarum Catholicarum communione Montanistas non se omnino alienos existimasse.* pag. 60.
- VIII. *Ad Catholicorum quoque Martyrum communionem adspirasse.* pag. 67.
- IX. *Non Perpetuae tantum, sed aliorum quoque Catholicorum Martyrum, Tertullianum cum laude meminisse.* pag. 70.
- X. *Alii, praeter Montanistas, Haeretici Catholicorum Actuum Martyrum luci dederunt.* pag. 72.
- XI. *Ex ipsomet Actorum Autore Montanista, Martyres nostros ab hac secta fuisse alienos, ostenditur.* pag. 73.

CAPITULUM, &c.

CAPUT TERTIUM.

Internis Basnagii adversus nostros Martyres argumentis
generale responsum adhibetur.

- I.** *Interna Basnagii adversus Ss. Martyres argumenta.* pag. 75.
- II.** *Aetorum potius Compilatori fides deroganda esset, quam Sanctorum Martyrum orthodoxia in dubium revocanda.* pag. 76.
- III.** *Rationes adducuntur, quibus Aetorum γνῶσις in controversiam vocari posset. Prima ratio ex quibusdam verbis exoticis, quae in Perpetuam, a qua maxima eorum pars scripta perhibetur, minime quadrant.* pag. 79.
- IV.** *Secunda ratio ex styli similitudine, quae unum & eundem Scriptorem refert, quum tamen a tribus diversis scripta fuisse dicantur.* pag. 82.
- V.** *Neque Tertulliani, neque synchroni Scriptoris auctoritas impediret, quo minus de Aetorum fide dubitaremus, si aliquid reapse continerent, quod Catholicos Martyres dedeceret.* pag. 84.

CAPUT QUARTUM.

De visionum, aliorumque caelestium donorum, per priora Ecclesiae secula, copia & ubertate disseritur. Veteres Christianos, & omnium opinione, genuinos Christi Martyres non minori, quam Perpetuam, fiducia Divinis hisce Spiritus Sancti charismatis usos fuisse, demonstratur.

- I.** *Nihil in nostrorum Martyrum Aetis reapse occurrere, quod Montani redoleat officinam.* pag. 83.
- II.** *S. Justinus M. sui temporis Prophetas cum veteribus comparat. Unde conficitur, non minori, quam illos, fiducia Propheticum spiritum usurpasse.* pag. 90.
- III.** *De*

✠ ✠



I N D E X

- III. De Montanistarum initiis. Nullus vetustissimorum Scriptorum Montanus ideo pro falsis Prophetis habuit, quod veluti ad arbitrium Spiritus Sancti revelationibus uterentur. pag. 93.
- IV. De charismatum per haec tempora varietate & copia, insigne S. Irenaei testimonium. pag. 95.
- V. Quam praesto fuerit veteribus Christianis, ad coercendos, abigendosque Daemones, virtus Spiritus Sancti. pag. 97.
- VI. Potamiaenae, non minus quam Perpetuae, memorabile exemplum. pag. 100.
- VII. Quantum Cypriani vita visionibus, ac revelationibus abundaverit, ex ejus Epistolis, & Pontio Diacono ostenditur. pag. 103.
- VIII. Aliorum Martyrum Acta iidem Spiritus Sancti donis referta. pag. 111.
- IX. Perpetuae, & Sociorum Martyrum aetvo charismatum fontem, magis quam Cypriani temporibus, exundasse. pag. 112.

CAPUT QUINTUM.

Nihil in Perpetuae revelationibus contineri, quod in Catholicam Martyrem non apprime conveniat.

- N**on dedecet Christum Dominum Pastoris oves mulgentis figura. pag. 116.
- II. Qua ratione ex prima sua revelatione Perpetua mortem sibi imminere intellexerit. pag. 120.
- III. Nihil absurdi in illa revelatione contineri, qua sibi Perpetua visa est cum Diabolo in Masculum conversa luctari. pag. 123.
- IV. Inepta Perpetuae revelationum cum Montanistarum revelationibus comparatio. pag. 129.
- V. Visio Perpetuae de Dinocrate in poenis constituto. pag. 130.
- VI. Basnagii adversus praedictam Visionem difficultates. p. 131.
- VII. Lo-

CAPITUM, &c.

- VII. Locum illum, in quo Dinocratem Perpetua vidit, fuisse Purgatorium. Basnagii cavillationes retunduntur. pag. [132.](#)
 VIII. Montanistarum de Receptaculis Animarum sententia, non recte a Basnagio exposita. Non unam fuisse hac de re eorundem Haeticorum opinionem. pag. [135.](#)

CAPUT SEXTUM.

Martyrum nostrorum virtutes, & visionum fructus
 ostendunt, Divino illos fuisse Spiritu adflatos,
 & eorum revelationes Deo esse tribuendas.

- L** IN veris Prophetis a falsis discernendis, eorum imprimis morum habendam esse rationem. pag. [140.](#)
 II. Aliqua Actorum loca, in quibus Martyrum nostrorum virtutes graphice describuntur. pag. [141.](#)
 III. Nihil esse in eorum moribus animadvertere, quod Montani redoleat institutionem. pag. [145.](#)
 IV. Perpetuam, Sociosque Martyres naturae leges minime violasse, Ignatii M. exemplo demonstratur. pag. [147.](#)
 V. Aliorum Martyrum pro Martyrii corona preces & vota. pag. [149.](#)
 VI. Alios, praeter Perpetuam, Martyres, aut bestias in se ipsos concitasse, aut instrumenta crudelitatis ad accelerandum Martyrium ultro adhibuisse. pag. [152.](#)
 VII. Veterum Christianorum exempla, qui vel seipsos sponte obtulerunt, vel Praesidium sacrificium in se ultro provocarunt, Perpetuae factum excusant. pag. [154.](#)
 VIII. SS. Andronici, & Tarachi memorabile facinus. pag. [156.](#)
 IX. Perpetuae, & Sociorum Martyrum spiritus quam fuerit a Montanistarum spiritu longe diversus, ex diversis utriusque effectibus demonstratur. pag. [158.](#)
 X. Perpetuae, & Saturi revelationum honesti, & optimi fructus. pag. [160.](#)

INDEX CAPITUM, &c.

CAPUT SEPTIMUM.

Perpetuam, Socioſque Martyres Prophetico fuiſſe Spiritu adflatos, ex Vaticiniorum eventis, & miraculis demonſtratur. Eorum doctrinam, & converſationem fuiſſe a Montaniſtarum Dogmatis & inſtitutis per quam alienas.

- I. *Perpetuae revelationibus eventus in omnibus & ad amuſſim reſponderunt.* pag. 164.
- II. *De Miraculis, quae in noſtrorum Martyrum Aëtis reſcuntur.* pag. 167.
- III. *Non modo Martyrum, ſed aliorum quoque Fidelium animas, Perpetuam & Saturum in Paradifo vidiffe.* pag. 170.
- IV. *Cum Catholicis Martyribus communicaffe.* pag. 171.
- V. *Dinocratis animam in aeternam gloriam Perpetuae precibus fuiſſe tranſlatam.* pag. 172.
- VI. *Optatum Episcopum in Aëtis memoratum Catholicis praeſuiſſe. Nullum id temporis fuiſſe Carthagine Montaniſtarum Episcopum.* pag. 174.
- VII. *Noſtrorum Martyrum in carcere victus communis, & uſtatus, & a Montaniſtarum de Jejunio legibus maxime, abhorrens.* pag. 178.
- VIII. *De Catholicae Eccleſiae, in ſuis alendis fovendiſque Confeſſoribus, ſollicitudine.* pag. 179.
- IX. *Catholicos Martyres paratum ſibi Fidelium pietate-cibum, imo & delicias, neutiquam reſpuiſſe.* pag. 183.
- X. *Diſputationis ἀνακεφαλαιώσις.* pag. 184.



APPROBATIONES.

NOS FR. THOMAS RIPOLL SACRAE THEOLOGIAE PROFESSOR,

AC TOTIUS ORDINIS PRAEDICATORUM HUMILIS
MAGISTER GENERALIS ET SERVUS.



HArum serie, nostrique autoritate Officii licentiam concedimus Rev. Pat. Lectori Fr. Josepho Augu-
stino Orfi Congregationis nostræ Sancti Marci de
Florentia, ut possit Typis mandare Opus, cui titulus : *Disserta-
tio Apologetica pro SS. Perpetuae, Felicitatis, & Sociorum Mar-
tyrum Orthodoxia, adversus Samuelem Basnagium, &c.* Item : *Francisci Castilionensis Martyrium Antonianum, ab eodem Ursio
Notis illustratum.* Dummodo prius examinetur, & approbe-
tur a RR. PP. F. Dominico Celi Sacrae Theologiae Magistro,
& F. Seraphino Loddi Sacrae Theologiae Professore nostri
Ordinis, & servatis aliis de jure servandis. In nomine Pa-
tris, & Filii, & Spiritus Sancti. Amen.

In quorum Fidem, &c. Dat. Romae in Conventu no-
stro S. Mariae super Minervam die 25. Decembris 1727.

FR. THOMAS RIPOLL.
Magister Ordinis.

Reg. fol. 7.
FR. DOMINICUS PONS
Mag. Ex-Province. & Socius.

Approbationes.

EX mandato Reverendissimi P. Fr. Thomae de Ripoll Magistri Generalis Ordinis Praedicatorum, vidi, & attente perlegi Opus Pat. Fr. Josephi Augustini Orsi Lectoris primarii in Conventu S. Marci de Florentia, cui Titulus: *Dissertatio Apologetica pro SS. Perpetuae, Felicitatis, & Sociorum MM. Orthodoxia, adversus Samuelem Basnagium, &c.* Et: *Francisci Castillonensis Martyrium Antonianum ab eodem Urso Notis illustratum*: & quia omnia, quae in eo continentur, consona sunt nostrae Fidei, dogmatibus Ecclesiae Catholicae, & singulari eruditione exarata, cenfeo posse typis mandari.

Dat. Florentiae in Conventu S. Mariae Novellae XII. Kalendas Februarii 1727. ab Inc.

*Ego F. Dominicus Celi Mag. & Ex-Provincialis
Ordinis Praedicatorum.*

Superciliosa Samuelis Basnagii adversus celebres SS. Perpetuae, Felicitatis, Sociorumque triumphos, per tot ab eorum Martyrio secula universalis Ecclesiae iudicio, & veterum Patrum unanimi consensione comprobatos, oblatrandi, imo & convitia iactandi prurigo, in hacce nupera Dissertatione ab Ad. R. P. Lect. Sacrae Theologiae F. Joseph Augustino Orsi Ord. Praed. perdocte, ut moris illius est, elaborata, & a me iussu Reverendissimi P. Mag. Generalis, F. Thomae Ripoll ejusdem Ordinis attente perlecta, ita absumitur, retunditur, & eluditur, ut tibi Christiane Lector, nil luculentius, firmius, & validius exoptandum superfit. Opus sane doctissimo Viro dignum, quo autoritate Scripturae Ecclesiae Institutionem adstruit, testimoniis SS. Patrum confirmat, rationibus solidissimis corroborat, accurata methodo, sacra eruditione, nervosoque stylo venustat. Illud igitur tam Fidei Dogmatibus, quam aequis moribus omnino consonum publica luce decorandum cenfeo. Idemque meum iudicium de Martyrio Antoniano ab eodem Cl. Auctore Notis illustrato.

Dat. Flor. in Conv. S. Marci VI. Kal. Feb. 1727. ab Inc.

Fr. Seraphinus M. Loddi S. Theol. Lect. Ord. Praed.

Adm.

Approbationes.

ADm. Rever. Pat. Joannes Baptista Caracciolus C. R. Sac. Theolog. Praecept. legat hunc Librum, cuius titulus: *Dissertatio Apologetica, &c. Accedit Francisci Castilioni Martyrium Antonianum, &c.* & referat, an quae in eo continentur, consona sint sacris fidei Dogmatibus, & regulis morum.

Dat. iv. Kal. Febr. 1727. ab Inc.

Joseph Maria Archiepiscopus Florentinus.

Illustrissime, & Reverendissime Domine.

Iussibus tuis morem gerens, Illustrissime, & Reverendissime Antistes, *Dissertationem de Orthodoxia Sanctarum Martyrum Perpetuae, & Felicitatis, & Sociorum a Rever. Pat. Ursio conscriptam legi: Ut &: Francisci Castilioniensis Martyrium Antonianum ab eodem Ursio Notis illustratum*, ut meum de his iudicium scripto proferrem. His igitur maxima cum voluptate adtentius perlectis, non modo in nullum plane incurri dictum, quod morum honestati refragetur, aut Catholicae nostrae Religionis decretis, inque eam inviolate colendae observantiae repugnet quicquam, ac contradicat; verum etiam veteris sacrae Historiae eruditione, ac sana & sincera Majorum nostrorum veneratione jugiter digna doctrina & sententiis large conferta, adinventi. Adversarium vero, quod caput est, in *Dissertatione Apologetica*, tam validis proterit argumentorum seriis gravibusque momentis, tam rationum firmis capitibus, omni ex parte robore ad eum prosternendum pollentibus, eoque tandem recte instituto ratiocinio, ut & illius prorsus devicti assertum, falsitatis & erroris luculenter jam manifesteque sit redargutum, & Ursio laetam reportanti victoriam victas oporteat cedat manus Basnagius. Ut igitur in lucem publice edantur hae doctissimi Viri Lucubrationes, dignissimas iudico, Illustrissime & Reverendissime Pater, modo tuus non abfuerit nutus.

Florentiae in nostris Aedibus S. Michaelis. Kal. Febr. 1727. ab Inc.

Tibi addictissimus

*Joannes Baptista Caracciolus C. R. in iisd. Aedibus
Sacrae Theolog. Praeceptor.*

Attenta supradicta Relatione. Imprimatur.

Joseph Maria Archiepiscopus Florentinus.

Approbationes.

3. Idus Februarii 1728.

Adm. Rev. Pat. D. Constantinus Rottignius Casinenfis Sac. Theol. Prae-Lector, videat pro S. Officio, & referat, &c.

*F. Vincentius de Comitibus a Bergamo Inquisit. Gener.
S. Offic. Florentiae.*

Jussu Reverendissimi Patris Inquisitoris Generalis legi Librum, cui titulus: *Dissertatio Apologetica pro SS. Perpetuae, Felicitatis, & Sociorum Martyrum Orthodoxia, &c. Auctore Adm. Rev. P. Josepho Augustino Orsi Ord. Praed. Ut & Martyrium Antonianum ab eodem Orsio Notis illustratum*: quae omnia nedum inoffenso pede citra ullum periculum aut Fidei, aut morum evolvi posse censeo, sed & ejusmodi esse, in quo rerum Ecclesiasticarum studiosus, neque saniozem Artis Criticae usum, neque eruditionis praestantiam, nec ipsum denique styli nitorem desideret. Eo vero potissimum nomine, meo quidem judicio, e re publica erit, ut Dissertatio in lucem prodeat, quod in ea Pseudo-Critici Heterodoxi temeritate solide refutata, cultus insignium, & antiquissimarum Martyrum, ut par erat Catholicis, pie doctaeque vindicetur, indeque Theologis nostris forma elucescat, quam & in suorum ratione studiorum, & in eorum cum Haereticis conflictu utiliter, laudabiliterque sequantur. Atque ego quidem quod sentio, id affirmo.

In Coenobio S. Mariae Abbatiae Florentiae. Idibus, Februarii anni 1728.

*D. Constantinus Rottignius Monachus Casin.
Sac. Theol. Praelector.*

Attenta supradicta Relatione, imprimatur.

*F. Vincentius de Comitibus a Bergamo Inquisitor. Gener.
S. Offic. Florentiae.*

Imprimatur.

Pb. Bonarota Senat. R. C. Aud.



P A S S I O

S A N C T A R U M

PERPETUAE, ET FELICITATIS,

C U M S O C I I S E A R U M,

*Ex Actis Primorum Martyrum Sinceris, &
Selectis D. Theodorici Ruinart.*



P R A E F A T I O.

I.



I vetera fidei exempla, & Dei gratiam testifi-
cantia, & aedificationem hominis operantia,
propterea in litteris sunt digesta, ut lectione
eorum quasi repensitatione rerum, & Deus
honoretur, & homo confortetur; cur non &
nova documenta aequae utrique causae conve-
nientia & digerantur? vel quia & haec vete-
ra futura quandoque sunt, & necessaria poste-
ris, si in praesenti suo tempore minori depu-
tantur auctoritati, propter praesumptam venerationem antiquitatis. Sed
viderint, qui unam virtutem Spiritus unius Sancti, pro aetatibus judi-
cent temporum: cum majora reputanda sint novitiora quaeque ut no-

A

vissi-

1. Passionis nomen retinemus, quod his Actis competere probat Holstenius. In Cod. Salisburg. additur *in Civitate Turbitana*. Sed in eo Cod. deest Praefatio, sicut & in Compendienti.

vissimiora ², secundum exuberationem gratiae in ultima seculi spacia
Joël. 2. decreta: *In novissimis enim diebus, dicit Dominus, effundam de Spi-*
28. *ritu meo super omnem carnem, & prophetabunt filii filiaeque eorum, &*
2. 17. *super servos, & ancillas meas de meo Spiritu effundam: & juvenes vi-*
siones videbunt, & senes somnia somniabunt. Itaque & nos, qui sicut
prophetias, ita & visiones novas; pariter repromissas, & agnoscimus,
& honoramus, ceterasque virtutes Spiritus Sancti ad instrumentum Ec-
clesiae deputamus, cui & missus est, idem omnia donativa administrans
in omnibus, prout unicuique distribuit Dominus, necessario & digerimus,
& ad gloriam Dei lectione celebramus, ut ne qua aut imbecillitas,
aut desperatio fidei apud veteres tantum aestimet gratiam divinitatis
conversatam, sive Martyrum, sive in revelationum dignatione: cum
semper Deus operetur quae repromisit, non credentibus in testimonium,
credentibus in beneficium. Et nos itaque, quod audivimus, & con-
tractavimus, annuntiamus & vobis, fratres, & filiioli, ut & vos qui in-
terfuistis, rememoremini gloriae Domini: & qui nunc cognoscitis per
auditum, communionem habeatis cum Sanctis Martyribus, & per
illos cum Domino Jesu Christo, cui est claritas, & honor in secula
seculorum. Amen.

INCIPIT PASSIO.

II. **A**pprehensi sunt adolescentes catechumini, REVOCATUS, & FELI-
CITAS conserva ejus, SATURNINUS ⁴, & SECUNDULUS. Inter quos
& VIVIA & PERPETUA, honeste nata, liberaliter instituta, matronaliter
Martyres apprehenduntur.
nupta, habens patrem, & matrem, & fratres duos: alterum aequae
catechuminum, & filium infantem ad ubera. Erat autem ipsa anno-
rum circiter viginti duorum. Haec ordinem totum Martyrii sui jam
hinc ipsa narrabit, sicut conscriptum manu sua, & suo sensu reliquit.

III. Cum adhuc, inquit, cum persecutoribus essemus ⁶, & me
Perpetua narras quae con-
figere.
,, pater avertere ⁷, & dejicere pro sua affectione perseveraret: Pater,
,, inquit, *vider, verbi gratia, vas hoc jacens, urceolum, sive aliud?*
,, Et dixit: Video. Et ego dixi ei: Numquid alio nomine vocari po-
,, test, quam quod est? Et ait: Non: Sic & ego aliud me dicere,

,, non

2. Ejusmodi loquenti modos soli fere usurparant Africani. Sic Tertullianus passim
extremiora, extremissimi.

3. Vide quid io animoitione de istis visionibus annotavimus. * Id habes infra Dis-
fert. nostrae cap. 2. ubi data opera Cl. Viri opinio refellitur.

4. In edit. deest SATURNINUS.

5. Hunc locum ex nostris Codd. restituiimus. Editio habebat: *Inter hos Vibia Per-*
petua, honesta, liberaliter educata, matrona licet nupta.

6. Holst. *essam.*

7. Holsten. *avertere cupiret.*

non possum, nisi quod sum Christiana. Tunc pater motus in hoc verbo, misit se in me ut oculos mihi erueret: sed vexavit tantum, & profectus⁸ est victus cum argumentis Diaboli. Tunc paucis diebus, quod caruissem patre, Domino gratias egi, & refrigeravi⁹, absentia illius. In ipso spatio paucorum dierum baptizati sumus; mihi autem Spiritus dictavit, nihil aliud petendum in aqua¹⁰ nisi sufferentiam carnis. Post paucos dies recipimur in carcerem, & expavi, quia numquam experta eram tales tenebras. O diem asperum! aestus validos¹¹ turbarum beneficio¹² concussurae militum, novissime macerabar sollicitudine infantis. Ibi tunc Tertius, & Pomponius benedicti Diacones, qui nobis ministrabant¹³, constituerunt pretio, ut paucis horis emissi in meliorem locum carceris refrigeraremur. Tunc exeuntes de carcere universi sibi vacabant. Ego infantem lactabam jam inedia defectum. sollicita pro eo adloquebar matrem¹⁴, & confortabam fratrem, commendabam filium. Tabescebam ideo, quod illos tabescere videram mei beneficio. Tales sollicitudines multis diebus passa sum, & usurpavi cum mecum infans in carcere maneret; & statim convalui, & relevata sum à labore, & sollicitudine infantis: & factus est mihi carcer subito quasi praetorium, ut ibi mallem esse quam alibi¹⁵.

IV. Tunc dixit mihi frater meus: Domina soror, jam in magna dignitate¹⁶ es; & tanta ut postules visionem, & ostendatur tibi, an passio sit, an comaeatus¹⁷. Et ego quae me sciebam fabulari cum Domino, cujus beneficia¹⁸ tanta experta eram, fidenter

A 2

,, re-

8. Holst. *profecto*.

9. Sic Holsten. Codd. MSS. *refrigerata sum*. Sic in sequentibus differt Holsten. à MSS., quem praetulimus, cum id verbum sic in aliis Actis Africanis expressam observaverimus.

10. Holsten. *ab aqua*, quod sic quis posset interpretari, *ab eo tempore quo baptismum suscepit*.

11. Holst. *validus*.

12. Aestus quippe ibi erat magnus ob inclusorum multitudinem.

13. Cyprianus Epist. 15. novae edit. Pamel. 11. ad Martyres: *Semper ab antecessoribus nostris factum est, ut Diaconi ad carcerem commeantes, Martyrum desideria consiliis suis, & scripturarum ministeriis gubernarent*. Vide & Epist. utriusque editionis §. Hi Diaconi in excerptis Mabillon. dicuntur *Titius, & Pontius*.

14. Cod. Salisb. & *confortabam, fratri commendabam filium*.

15. Holsten. *alieni*.

16. Sic Codd. Compend. & Salisb. at Holstenius habet *in magna dignatione* et, t. in-
ta ut *postulem, &c.*

17. *Comaeatus*, idest liberatio. Unle apud Festum: *Comaeatus* est tempus quo it rediri que possit. Aliorum auctorum, immo & Patrum textus adfert ea occasione Holstenius in notis ad hunc locum.

18. Salisb. *beneficio*.

„ repromisi ei dicens ¹⁹: Crastina die tibi renuntiabo. Et postulavi, &
 „ ostensum est mihi hoc: Video scalam auream ²⁰ mirae magnitudi-
 „ nis pertingentem usque ad Caelum, & ita angustam, per quam
 „ nonnisi singuli ascendere possent: & in lateribus scalae omne genus
 „ ferramentorum infixum. Erant ibi gladii, lanceae, hami ²¹, ma-
 „ cherae, ut si quis negligenter, aut non sursum adtendens ascende-
 „ ret, laniaretur, & carnes ejus inhaererent ferramentis. Et erat sub
 „ ipsa scala draco cubans mirae magnitudinis, qui ascendentibus in-
 „ sidias parabat ²², & exterrebat ne ascenderent. Ascendit autem Sa-
 „ turus ²³ prior, qui postea se propter nos ultro tradiderat, & tunc cum
 „ apprehensi sumus, praefens non fuerat: & pervenit in caput scalae,
 „ & convertit se ad me ²⁴, & dixit mihi: Perpetua, sustineo te. Sed
 „ vide ne te mordeat draco ille ²⁵. Et dixi ego: *Non me nocebit in*
 „ *nomine Domini Jesu Christi*. Et de sub ipsa scala quasi timens me,
 „ lente elevavit caput: & cum ²⁶ primum gradum calcassem, calcavi
 „ illius caput. Et ascendi, & vidi spatium horti immensum, & in
 „ medio horti sedentem hominem canum, in habitu Pastoris ²⁷, gran-
 „ dem, oves mulgentem: & circumstantes candidatos millia multa.
 „ Et levavit caput, & adspexit me, & dixit mihi: Bene venisti,
 „ tegnon ²⁸. Et clamavit me, & de caseo, quod mulgebat, dedit mihi
 „ quasi buccellam. & ego accepi junctis manibus, & manducavi: &
 „ universi circumstantes dixerunt: Amen. Et ad sonum vocis exper-
 „ recta sum, commanducans adhuc dulcis nescio quid. Et retuli sta-
 „ tim fratri meo, & intelleximus, passionem esse futuram ²⁹: & coe-
 „ pimus nullam jam spem in seculo habere.

„ V. Post

19. Cod. Salisb. *repromissionibus ejus dixi*. Porro ejusmodi visionibus Martyres de proximo martyrio saepius communitos fuisse, affirmat Cyprianus passum. Idemque testatur omnia fere Acta genuina ex Africa.

20. Sic Cod. Compend. Salisb. vero cum Victotino, & Corbeicensi, *aeream*. In Casuensi, quo usus est Holstenius, ejus scalae materies non exprimitur.

21. Id est, unci, vel certe amae, quo nomine vocantur harpagines, id est, maxime falces, seu ferramenta recurva longissimis eontis affixa, qualia in nonnullis locis habentur ad compescenda vel extinguenda incendia, evertendisque in his extremis domos.

22. Holsten. *praestabat*.

23. Hunc Codices aliqui *Saturum* appellant, alii *Saturum*. Sed perinde est.

24. In Holst. desit *ad me*.

25. De hac Draconis visione agit Augustinus Serm. 1. de his Sanctis.

26. Holst. *lente ejus caput, & quasi primum, &c.*

27. Vix ullum reperire est antiquitatis monumentum, in quo Christus sub Pastoris specie depictus non sit. Habes ejus rei multa exempla passim in *Roma subterranea*. Sic etiam in calicibus pingi solebat. Vide Tertullian. lib. de pudicitia cap. 7.

28. *Tegnon*, etiam rarius, aliquando tamen *siliam* designat.

29. Eo quod, ut ex Possino notant Rollandiani, videtur Eucharistiam sumere, quae omnibus instante martyrio dabatur. Vide Cypriani Epist. 57. novae edit. Pamel. 54.

„ V. Post paucos dies rumor cucurrit ut audiremur. Supervenit *Rursus à*
 „ & de civitate pater meus, consumtus taedio, ascendit ad me ut me *Patrem ten.*
 „ deiceret, dicens: Miserere, filia, canis meis; miserere patri, si di-
 „ gnus sum à te pater vocari. Si his te manibus ad hunc florem aeta-
 „ tis provexi: si te praeposui omnibus fratribus tuis, ne me dederis
 „ in dedecus hominum. Aspice ad fratres tuos, aspice ad matrem
 „ tuam, & materteram, aspice ad filium tuum, qui post te vivere
 „ non poterit. Depone animos, ne ³⁰ universos nos exterminet. Ne-
 „ mo enim nostrum libere loquetur, si tu aliquid fueris passa. Haec
 „ dicebat pater pro sua pietate basians mihi manus; & se ad pedes
 „ meos iactans, & lacrymis non filiam, sed dominam me vocabat.
 „ Et ego dolebam canos ³¹ patris mei, quod solus de passione mea
 „ gavifurus non esset de toto genere meo; & confortavi eum, dicens:
 „ Hoc fiet in illa catasta ³² quod Deus voluerit. Scito enim nos non
 „ in nostra potestate esse constitutos, sed in Dei. Et recessit à me
 „ contristatus.

„ VI. Alio die cum pranderemus, subito rapti sumus ut audire-
 „ mur, & pervenimus ad forum. Rumor statim per vicinas fori par-
 „ tes cucurrit, & factus est populus immensus. Ascendimus in cata-
 „ sta ³³. Interrogati ceteri confessi sunt. Ventum est & ad me; &
 „ apparuit pater ilico cum filio meo, & extraxit me de gradu, & di-
 „ xit supplicans: miserere infanti ³⁴. Et Hilarianus ³⁵ Procurator,
 „ qui tunc loco Proconsulis Minuci Timiniani defuncti jus gladii ac-
 „ ceperat: Parce, inquit, canis Patris tui. Parce infantiae pueri. Fac
 „ sacrum pro salute Imperatorum. Et ego respondi: *Non facio.* Hi-
 „ larianus, Christiana es? inquit. Et ego respondi: *Christiana sum.* *Damnatur ad be-*
 „ Et cum staret pater ad me deiciendam, iussus est ab Hilariano de-
 „ jici, & virga percussus est. ³⁶ Et doluit mihi casus patris mei, quasi
 „ ego fuisset percussa: sic dolui pro senecta ejus misera. Tunc nos
 „ universos pronuntiat, & damnat ad bestias, & hilares descendimus
 „ ad

30. Cod. Comp. & Salisb. *Et noli nos universos exterminare.* Laudat Perpetuam Augustin. Serm. 2. de his Sanctis, & in Psalm. 47. quod nec Christi praecepta, nec naturae leges ea in occasione violaverit.

31. Holsten. *causam.*

32. Catasta hic locum editorem designat, in quo proponebantur servi venales. Ibi quoque Martyres torqueri solebant, aut interrogari; hinc Cyprian. Epist. novae edit. 38. Pamel. 33. de Lectore, qui Christum in ejusmodi loco confessus fuerat, ait, ipsum à catasta ad pulpitem venisse. Ut enim prior locus erat in foro editor, sic alter in Ecclesia.

33. Cod. Salisb. *ascendimus catastam.* Comp. in *catastam.*

34. Uterque Cod. MS. pro infanti, habet, canos meos.

35. Cod. Salisb. semper habet *Hilarius.* Comp. *Helarianus.*

36. Aug. Serm. 2. de his Sanctis, id Diaboli malitiae tribuit, qui undique, à Perpetua superatus, patrem ejus virga percussit, ut cujus verba contemnerat, falsum verbum condoleret.

„ ad carcerem . Tunc quia consueverat à me infans mammas accipere ,
 „ & mecum in carcere manere ; statim mitto ad patrem Pomponium 37
 „ diaconum , postulans infantem ; sed pater dare noluit , & quomodo
 „ Deus voluit , neque ille amplius mammas desideravit : neque mihi ser-
 „ rem fecerunt , ne sollicitudine infantis , & dolore mammarum macerarer .

„ VII. Post dies paucos , dum universi oramus , subito media ora-
 „ tione profecta est mihi vox , & nominavi *Dinocratem* : & obstupui ,
 „ quod numquam mihi in mentem venisset nisi tunc , & dolui com-
 „ memorata casus ejus . Et cognovi me statim dignam esse , & pro
 „ eo petere 38 debere . Et coepi pro ipso orationem facere multum ,
 „ & ingemiscere ad Dominum . Continuo ipsa nocte ostensum est mihi
 „ hoc in oromate : Video *Dinocratem* exeuntem de loco tenebroso ,
 „ ubi & complures erant 39 , aestuantem & sitientem valde , sordido vul-
 „ tu , & colore pallido , & vulnus in facie ejus , quod cum moreretur
 „ habuit . Hic *Dinocrates* fuerat frater meus carnalis , annorum sep-
 „ tem , qui per infirmitatem facie cancerata 40 male obiit , ita ut
 „ mors ejus odio fuerit omnibus hominibus . Pro hoc ego orationem
 „ feceram : & inter me , & illum grande erat diadema 41 , ita ut uter-
 „ que ad invicem accedere non possemus . Erat deinde in ipso loco ,
 „ ubi *Dinocrates* erat , piscina plena aqua , altiore marginem habens ,
 „ quam erat statura pueri , & extendebat se *Dinocrates* quasi bibiturus .
 „ Ego dolebam , quod & piscina illa aquam habebat , & tamen
 „ propter altitudinem marginis bibiturus non esset . Et experrecta sum ,
 „ & cognovi fratrem meum laborare . Sed confidebam 42 profuturam
 „ orationem meam labori ejus , & orabam pro eo omnibus diebus quo
 „ usque transivimus in carcerem *Castrensem* . Munere 43 enim *Ca-*
 „ *strensi* eramus pugnaturi . Natale tunc *Getae* 44 *Caesaris* , & feci pro
 „ illo

37. In Cod. Compend. *Pompinianum* .

38. Cod. Salisb. *pasi* .

39. Holsten. *complura erant loca tenebrosa* .

40. Cod. Salisb. *macerata* .

41. Locus mendosus . Cod. Salisb. habet *dianten* . Suspiciatur Holstenius scribendum *diadema* , quae vox graeca intervallum significat .

42. Cod. Salisb. *confiderabam* . Apud Holsten. *Fidebam me profuturam labori* , &c .

43. Munera seu ludi , pugnae cum bestiis appellabantur , quod in populorum vel militum delectationem darentur . Dicebantur autem ludi castrenses , si in castris fierent . Sermonem in *die Munerum* habuit Augustinus in *Basilica Reatina* , qui est in nova edit. 19. tomi V. vide notas ibi appositas . Ceterum carcerem quem Holsten. *castrensem* appellat , ceteri codd. *carcerem* simpliciter dicunt .

44. Antoninus *Geta Severi* filius , qui post patris obitum à suo fratre *Cara-calla* , cum quo aliquamdiu imperavit , occisus est . Porro *Getae* nomen deest tam in Cod. Compend. quam Salisburgensi . Illud tamen , quod etiam habent excerpta Mabillon. ex Cod. Casinensi retinemus . At hic per *Natale* interpretari debemus diem , quo *Caesar* factus fuerat , qui dies vulgo *Natalis Imperatoris* dicebatur ; sicut *Natalis Episcopi* dies quo consecratus erat . Nam alias *Geta* , teste Spartiano , die VI. Kalendas Junii natus est .

„ illo orationem die ac nocte gemens, & lacrymans ut mihi donaretur.

„ VIII. Die autem quo in nervo mansimus, ostensum est mihi hoc: Video locum illum, quem videram tenebrosus, esse lucidum; & Dinocratem mundo corpore, bene vestitum, refrigerantem. Et ubi erat vulnus, video cicatricem; & piscinam illam, quam retro videram, summisso margine usque ad umbilicum pueri; & aquam de ea trahebat sine cessatione, & super margine phiala erat 45 plena aqua; & accessit Dinocrates, & de ea bibere coepit, quae phiala non deficiebat. Et satiatus abcessit de aqua ludere more infantium gaudens, & expectata sum. Tunc intellexi, translatum eum esse de poena 46.

Post mortem, fororibus precibus liberatur.

„ IX. Deinde post dies paucos Pudens 47, miles Optio 48, praepositus carceris, qui nos magni facere 49 coepit, intelligens magnam virtutem Dei esse in nobis, multos fratres ad nos admittebat, ut & nos & illi invicem refrigeraremus. Ut autem proximavit dies muneris, intravit ad me pater meus consumtus taedio, & coepit barbam suam evellere, & se in terram mittere; & prosternere se in faciem, & impropere annis suis, & dicere tanta verba, quae moverent universam creaturam. Ego dolebam pro infelici senecta ejus.

Perpetua à patre tertio tentatur.

„ X. Pridie quam pugnaremus, video in oramate (*) huc venisse Pomponium diaconum ad ostium carceris, & pulsare vehementer; exivi ad eum, & aperui ei: qui erat vestitus distinctam candidam, habens multiplices calliculas 50. Et dixit mihi: Perpetua te expectamus, veni. Et tenuit mihi manum, & coepimus ire per aspera loca, & flexuosa. Vix tandem pervenimus anhelantes ad amphitheatrum, & induxit me in media arena, & dixit mihi: Noli pavere, „ hic

Visio Perpetuae.

() i. e. visione.*

45. Holsten. *aurea*.

46. Egregius locus ad probandum, mortuos posse à poenis, quas patiuntur, per vivos preces liberari. Aliqui ex hoc loco deducebant, posse etiam eos, qui ante baptismum decesserant, orationibus adjuvari, quos egregie refellit Augustin. lib. 1. de origine animae cap. 10. & lib. 3. cap. 9. ubi ait, Diuocratem propter peccata quaedam post baptismum commissa tales poenas pertulisse. Nam septennis puer mentiri potuerat, vel aliud quidpiam ad patris gentilis suasionem contra Deum facere. Haec Augustini sententia confirmatur ex eo, quod Perpetua superius dixit, totam suam ipsius familiam, excepto patre, Christi religionem coluisse.

47. Cod. Salisb. *Prudens*.

48. Optio, praefecturae seu ministerii alicujus nomen est. Vide S. Amb. in Epist. ad Ephes. cap. 4. Inspectorem putant Bollandiani à graeco verbo *επιστάτης*, video.

49. Holsten. *qui nos magnificabat; coepit intelligere, magnam virtutem esse in nobis, qui multos ad nos, &c.*

50. Cod. Salisb. *galliculas*. Videntur esse globuli ut malogranata, quae vesti Summi-Pontificis apud Iudeos appendebantur. An *galliculas* sint parvae caligae, v. d. Liturg. Gallican. Mabillon. pag. 473.

„ hic sum tecum, & conlaboro tecum, & abiit. Et adspicio popu-
 „ lum ingentem attonitum. Et quia sciebam, me ad bestias datam
 „ esse, mirabar, quod non mitterentur mihi bestiae. Et exivit quidam
 „ contra me Aegyptius ⁵¹, foedus specie, cum adiutoribus suis pugna-
 „ turus mecum. Veniunt & ad me adolescentes decori adiutores &
 „ fautores mei. Et exspoliata sum, & facta sum masculus. Et coe-
 „ perunt me fautores mei oleo defrigere ⁵², quomodo solent in ago-
 „ nem, & illum contra Aegyptium video in *asa* ⁵³ volutantem. Et
 „ exivit vir quidam mirae magnitudinis, ut etiam excederet fastigium
 „ amphitheatri, discinctam habens tunicam ⁵⁴ & purpuram inter duos
 „ clavos per medium pectus, habens & calliculas ⁵⁵ multiformes ex
 „ auro, & argento factas, & ferens ⁵⁶ virgam quasi Lanista ⁵⁷, & ra-
 „ mum viridem, in quo erant mala aurea. Et petiit silentium, &
 „ dixit: Hic Aegyptius si hanc vicerit, occidet illam gladio; & si
 „ hunc vicerit, accipiet ramum istum. Et recessit. Et accessimus ad
 „ invicem, & coepimus mittere pugnos. Ille mihi pedes apprehende-
 „ re quaerebat ⁵⁸: ego autem illi calcibus faciem caedebam, & subla-
 „ ta sum in aëre, & coepi eum sic caedere quasi terram concalcans.
 „ At ubi vidi moram fieri, junxi manus, ita ut digitos in digitos
 „ mitterem. Et apprehendi illi caput, & cecidit in faciem; & cal-
 „ cavi illi caput, & coepit populus clamare, & fautores mei psalle-
 „ re. Et accessi ad Lanistam, & accepi ramum. Et osculatus est
 „ me, & dixit mihi: Filia, pax tecum. Et coepi ire cum gloria ad
 „ portam Sanavivariam. Et experrecta sum: & intellexi me non ad
 „ bestias, sed contra Diabolum esse pugnaturam; sed sciebam mihi
 „ victoriam imminere ⁵⁹. Hoc usque in pridie muneris egi: ipsius
 „ autem muneris actum, si quis voluerit, scribat.

Visio Sa-
turi.

„ XI. Sed & Saturus benedictus hanc visionem suam edidit,
 „ quam ipse conscripsit. Passi, inquit, eramus, & exivimus de car-
 „ ne,

⁵¹. De hac visione Augustinus lib. 3. de origine animae ad Vincentium cap. 18. *Sancta Perpetua visa sibi est in somnis cum quodam Aegyptio in virum conversa luctari. Quis autem dubitet in illa similitudine corporis animam ejus fuisse non corpus? quod utique in suo semine sexu manens, spiritus sensus jacebat in stratis, quando anima ejus in illa virilis corporis similitudine luctabatur. Vide & Sermon. 182. novae editionis.*

⁵². Salisb. *defricare*.

⁵³. Codd. Compend. & Salisb. *aqua*, sed melius *asa*, seu *apha*, aut *hapha*, idest, pulvis, quo pugiles post unctionem inspergebantur. Huc citant Martialis, lib. 7. epig. 66.

⁵⁴. Holsten. *discinctatus purpuram*.

⁵⁵. Sal. *galliculas*.

⁵⁶. Holsten. *effrens*.

⁵⁷. Lanistae seu praefecti ludi gladiatorum virgas tenebant, quasi censeores, ne ordo perturbaretur.

⁵⁸. Holsten. *volebas*.

⁵⁹. Holsten. *esse*.

ne, & coepimus ferri à quatuor Angelis in Orientem, quorum manus nos non tangebant. Ibamus autem non supini sursum versi, sed quasi mollem clivum ⁶⁰ ascendentes. Et liberati primam jam vidimus ⁶¹ lucem immensam; & dixi: Perpetua, (erat enim haec in latere meo) hoc est quod nobis Dominus promittebat: percepimus promissionem. Et dum gestamur ab ipsis quatuor Angelis, factum est nobis spatium grande, quod tale fuit quasi viridarium ⁶² arbores habens rosae ⁶³, & omne genus floris. Altitudo autem arborum erat in modum cypressi, quarum folia cadebant ⁶⁴ sine cessatione. Ibi autem in viridario, alii quatuor Angeli fuerunt clariores ceteris, qui ubi ⁶⁵ viderunt nos, honorem nobis dederunt, & dixerunt ceteris Angelis: Ecce ⁶⁶ sunt, ecce sunt: cum admiratione. Et expavescentes quatuor illi Angeli, qui gestabant nos, deposuerunt nos: & pedibus nostris transivimus stadium via lata ⁶⁷. Ibi invenimus Jocundum, & Saturninum ⁶⁸, & Artaxium, qui eandem persecutionem passi vivi arserunt; & Quintum, qui & ipse Martyr in carcere exierat; & quaerebamus ab illis ubi essent ⁶⁹ ceteri. Dixerunt autem nobis Angeli: Venite prius, introite, & salutate Dominum.

Jocundus
& alii
Martyres.

„ XII. Et venimus prope locum, cujus loci parietes tales erant, quasi de luce aedificati; & ante ostium loci illius quatuor Angeli stabant, qui introeuntes vestierunt stolas candidas. Et nos vestiti introivimus; & vidimus lucem immensam, & audivimus ⁷⁰ vocem unitam dicentium: Agios, agios, agios; sine cessatione. Et vidimus in medio loci illius sedentem quasi hominem canum, niveos habentem capillos ⁷¹, & vultu juvenili, cujus pedes non vidimus. Et in

B

„ de-

60. C. Comp. glebam.

61. Sic Cod. Salisb. Holsten. Et liberati primo Mundo vidimus. Comp. & liberati primum jam Mundo vidimus.

62. De hoc viridario fusius agit Auctor Sermonis, quem Holstenius sub nomine S. Augustini in Bibliotheca Vaticana repetit, qui nunc ultimus est dubiorum novae editionis.

63. Salisb. rosam.

64. Salisb. ardebant.

65. Cod. Salisb. qui ibi viderunt nos, & honorem.

66. Codd. Salisb. & Comp. Ecce sunt. Expavescentes cum admiratione quatuor illi Angeli qui stabant, deposuerunt nos.

67. Holsten. violata.

68. In Codd. Comp. & Salisb. deest Saturninus; at non modo in Casinensi Cod. sed etiam in Excerptis Mabillon. habetur. In nostro Martyrologio Remigiano Saturni, Jocundi, & Saturnini festum celebratur die 6. Martii.

69. Sic Cod. Salisb. Holstenius autem & Cod. Comp. Et quaerebamus de illis, ubi essent ceteri. Angeli dixerunt nobis.

70. Holsten. Et introivimus, & audivimus vocem.

71. Conter. cap. 1. Apocalypsis. Sic Cyprianus lib. de habitu Virginum: Tu exseraris canitiem, desistas albertem, qui sis ad Domini caput similis.

„ dextra, & in sinistra seniores viginti quatuor, & post illos ceteri
 „ complures ⁷² stabant. Introivimus cum magna admiratione, & ste-
 „ timus ante thronum; & quatuor Angeli sublevaverunt nos: & oscu-
 „ lati sumus illum, & de manu sua trajecit nobis in facie ⁷³. Et ce-
 „ teri Seniores dixerunt nobis: stemus. Et stetimus, & pacem feci-
 „ mus. Et dixerunt nobis Seniores: Ite, & ludite. Et dixi: Perpe-
 „ tua, habes quod vis. Et dixit mihi: Deo gratias, ut quomodo in
 „ carne hilaris fui, hilarior sum & hic modo.

„ XIII. Et exivimus, & vidimus ante fores Optatum Episcopum
 „ ad dexteram, & Aspasium Presbyterum Doctorem ⁷⁴ ad sinistram,
 „ separatos & tristes. & miserunt se ad pedes nobis, & dixerunt no-
 „ bis: Componite inter nos, quia existis, & sic nos relinquitis. Et di-
 „ ximus illis: Non tu es Papa noster ⁷⁵, & tu Presbyter, ut quid
 „ vos ad pedes nostros mittatis? & misimus nos ⁷⁶, & complexi illos
 „ sumus. Et coepit Perpetua ⁷⁷ cum illis loqui, & segregavimus eos
 „ in ⁷⁸ viridario sub arbore rosae. Et dum loquimur cum eis, dixe-
 „ runt illis Angeli: Sinite illos, refrigerent ⁷⁹; & si quas habetis in-
 „ ter vos dissensiones, dimittite vobis invicem. & conturbaverunt eos.
 „ Et dixerunt Optato: Corrige plebem tuam; quia sic ad te conve-
 „ niunt quasi de Circo redeuntes, & de factionibus ⁸⁰ certantes. Et sic
 „ nobis visum est, quasi vellent claudere portas. Et coepimus illic mul-
 „ tos fratres cognoscere ⁸¹, sed & Martyres. Universi odore inenarrabili
 „ alebamus, qui nos satiabat. Tunc gaudens expectectus sum.

XIV. Hae visiones insigniores ipsorum Martyrum beatissimorum
 Secunduli Saturi, & Perpetuae, quas ipsi conscripserunt. Secundulum vero Deus
 mors. maturiore exitu de seculo, adhuc in carcere evocavit, non sine gra-
 tia, ut bestias lucraretur. Gaudium ⁸² tamen et si non anima, certe
 caro ejus agnovit.

XV. Circa Felicitatem vero (nam & illi gratia Domini ejusmodi
 contigit) cum octo jam mensium suum ventrem haberet, (nam prae-
 gnans

⁷². Holsten. seniores quatuor, & post illos ceteri seniores complures stabant: & introiun-
 tes cum admiratione stetimus.

⁷³. Holsten. faciem.

⁷⁴. Doctores ii erant, quibus fideles potissimum catechumenos erudire incumbebat.
 Vide Epist. 10. Cypriani novae edit. Pamel. 24. & notas illustris. Editoris Oxoniensis.

⁷⁵. Cod. Salisb. nonne tu pater noster es.

⁷⁶. Holsten. ut vos ad pedes nobis mittatis. Et moti sumus.

⁷⁷. Cod. Salisb. & Compend. Et coepit Perpetua graeco cum illis loqui.

⁷⁸. Holsten. viridarium.

⁷⁹. Cod. Salisb. & Comp. quiescite & refrigerate.

⁸⁰. Holsten. defatigationibus.

⁸¹. Cod. Compend. Cognoscere Martyres, ubi odore.

⁸². Holsten. gladium.

gnans fuerat apprehensa;) instante spectaculi die, in magno erat luctu 83, ne propter ventrem differretur: quia non licet 84 praegnantem poenae repraesentari: & ne inter aliquos 85 postea sceleratos, sanctum & innocentem sanguinem funderet. Sed & Commartyres ejus graviter contristabantur, ne tam bonam sociam, quasi comitem, solam in via ejusdem spei relinquerent. Conjuncto itaque unito gemitu, ad Dominum orationem fuderunt ante tertium diem muneris. Statim post orationem dolores eam invaserunt. Et cum, pro naturali difficultate octavi mensis, in partu laborans doleret, ait illi quidam ex ministris Cataractariorum 86: Quae sic modo doles, quid facies obiecta bestiis, quas contempsisti cum sacrificare noluisti? Et illa respondit: MODO EGO PATIOR QUOD PATIOR, ILLIC AUTEM ALIUS ERIT IN ME QUI PATIETUR PRO ME, QUIA ET EGO PRO ILLO PASSURA SUM 87. Ita enixa est puellam, quam sibi quaedam soror in filiam educavit.

*Felicitas
aggre-
gium ex-
sponsum.*

XVI. Quoniam ergo permisit, & permittendo voluit Spiritus Sanctus ordinem ipsius muneris conscribi, etsi indigni ad supplementum tantae gloriae describendum, tamen quasi mandatum Sanctissimae Perpetuae, immo fidei commissum ejus exloquimur 88, unum adjicientes documentum de ipsius constantia & animi sublimitate. Cum 89 à Tribuno castigatus eo tractaretur; quia ex admonitionibus hominum vanissimorum verebatur, ne subtraheretur de carcere incantationibus aliquibus magicis; in faciem respondit Perpetua, & dixit: Quid utique non permittis refrigerare noxiis nobilissimis, Caesaris scilicet 90, & Natali ejusdem pugnaturis? Aut non tua gloria est, si pinguioribus sibi producatur? Horruit & erubuit Tribunus; & ita jussit illos humanius haberi 91, ut fratribus ejus & ceteris facultas fieret introeundi, & refrigerandi cum eis, jam & 92 ipso Optione carceris credente.

*Perpetua
obtinere re-
frigerium
pro Mar-
tyribus.*

B 2

XVII. Pri-

83. Salisb. *luctu*.

84. Plures ea de re leges laudat Holstenius in notis ad hunc locum, quem tu consule. Vide & Baronium in notis ad Martyrol. die 7. Martii.

85. Holsten. *alios*.

86. Cataractae sunt fortiores quaedam portae, quae catenis levantur & demittuntur, ut habentur in urbium aut arcium januis; qui eis deputati erant, dicebantur Cataractarii.

87. De praematu Felicitatis partu praeclara habet Augustinus Sermone 281. novae editionis jam laudato.

88. Nempe supra num. 10. S. Perpetua dixit: *Ipsius autem muneris adest mihi, si quis voluerit, scribat.*

89. Codd. Salisb. & Compend. *Quia Tribuno castigante eos & mihi tractante, quoniam ex admonitionibus.*

90. Idem Codd. *quia natali ejus sumus pugnaturi.*

91. Id eorumdem Codd. ope restituiimus; nam Holst. habebat *manibus liberis.*

92. Holsten. *tamen.*

XVII. Pridie quoque cum illa coena ultima, quam liberam ⁹³ vocant, quantum in ipsis erat, non coenam liberam, sed agapen ⁹⁴ coenarent, eadem constantia ad populum verba ista iactabant, comminantes iudicium Domini, contestantes passioni suae ⁹⁵ felicitatem, inridentes ⁹⁶ concurrentium curiositatem, dicente Saturo: *Crastinus dies satis vobis non est, quod libenter videtis, quod odistis. hodie amici, cras inimici. Notate tamen nobis ⁹⁷ facies nostras diligenter, ut recognoscatis nos in die illo iudicii.* Ita omnes ⁹⁸ inde attoniti discedebant: ex quibus multi crediderunt.

XVIII. Inluxit dies victoriae illorum, & processerunt de carcere in amphitheatrum, quasi in caelum, hilares, vultu decori; si forte, gaudio paventes, non timore. Sequebatur Perpetua placido vultu, & pedum incessu, ut matrona Christi Dei dilecta ⁹⁹: vigorem oculorum suorum dejiciens ab omnium conspectu. Item Felicitas salvam se peperisse gaudens, ut ad bestias pugnaret, à sanguine, ab obsterice ad retiarium, lotura post partum baptismo secundo. Et cum delati ¹⁰⁰ essent in portam, & cogerentur habitum induere; viri quidem Sacerdotum Saturni, feminae vero sacratarum Cereri: generosa illa in finem usque constantia repugnavit. Dicebant enim: *Ideo ad hoc sponte pervenimus, ne libertas nostra abduceretur. Ideo animas nostras addiximus ¹⁰¹, ne tale aliquid faceremus: hoc vobiscum pacti sumus.* Agnovit injustitia iustitiam: concessit Tribunus, ut quomodo erant, simpliciter inducerentur. Perpetua psallebat, caput jam Aegyptii calcans. Revocatus, & Saturninus, & Satorus populo spectanti comminabantur de hoc. Ut sub conspectu Hilariani pervenerunt, gestu & nutu coeperunt Hilariano dicere: *Tu nos, inquit, te autem Deus iudicabit.* Ad hoc populus exasperatus, flagellis eos vexari pro ordine venatorum ¹⁰² postulavit. Et utique illi gratulati sunt, quod aliquid & de Dominicis passionibus ¹⁰³ essent consecuti.

XIX. Sed

93. Qui erant ad bestias damnati, pridie pugnae coenabant lautissime, idque palam. Vide Tertullian. Apologet. cap. 42.

94. Agapen coenare, familiaris est Tertulliano loquendi modus: Uterque tamen Cod. MS. habet *adipem pro agapen*. Quid sit agape, nemo nescit, de qua videri potest Albaspinacus lib. 1. Observat. 18.

95. Cod. Salisb. *passiones suas & felicitatem*.

96. Holsten. *irritantes*.

97. Cod. Salisb. *vobis*.

98. Cod. Salisb. *multi*.

99. Holsten. *lucido vultu ut matrona Christi, ut Dei delicata, vigore oculorum dejiciens omnium conspectum*.

100. Holsten. *ducti*.

101. Sic ex Cod. Salisb. restitimus, quod ex conjectura suspicabatur Holst.

102. Stabant venatores cum flagris per ordinem dispositi: ante quos damnati transire coacti, a singulis transeuntes caedebantur.

103. Dominus quippe flagellis quoque caesus fuit.

XIX. Sed qui dixerat, *Petite & accipietis*, petentibus dedit eum ^{Johan. 16. 24.} exitum, quem quisque desideraverat. Nam si quando inter se de Martirii sui voto sermoninabantur, Saturninus quidem omnibus bestiis vel se obijci profitebatur: ut scilicet gloriosiores gestaret coronam. Itaque in commissione spectaculi, ipse & 104 Revocatus Leopardum experti, etiam super pulpitem ab Urso vexati sunt. Saturus autem nihil magis quam Ursu abominabatur: sed uno morsu Leopardi confici se jam praesumebat. Itaque cum Aper subministraretur, venator potius, qui illum Aprum subministraverat 105, subfossus ab eadem bestia, post dies muneris obiit. Saturus solummodo tractus est. Et cum ad Ursu substrictus esset in ponte, Ursus de cavea prodire noluit 106. Itaque secundo Saturus inlaesus revocatur.

Feris obijciuntur.

XX. Puellis autem ferocissimam Vaccam, ideoque praeter consuetudinem comparatam 107, Diabolus praeparavit: sexui earum etiam de bestia aemulatus. Itaque despoliatæ, & reticulis indutæ 108 producebantur. Horrui populus, alteram respiciens puellam delicatam, alteram à partu recenti stillantibus mammis. Ita revocatæ 109 discinguntur. Inducitur prior Perpetua; jactata est, & concidit in lumbos. & ut conspexit 110 tunicam à latere discissam, ad velamentum femorum adduxit, pudoris potius memor, quam doloris. Dehinc requisita, & dispersos capillos infibulavit. Non enim decebat Martyrem dispersis capillis pati, ne in sua gloria plangere videretur. Ita surrexit, & elisam Felicitatem cum vidisset, accessit, & manum ei tradidit, & sublevavit illam. Et ambae pariter steterunt, & populi duritia devicta revocatæ sunt in portam Sanavariam. Illic Perpetua à quodam tunc catechumino, Rustico nomine, qui ei adhaerebat, suscepta, & quasi à somno expergita (adeo in spiritu, & in ecclasi fuerat) circumspicere coepit, & stupentibus omnibus ait: *Quando*, inquit, *producimur ad vaccam illam, nescio* 111. Et cum audisset, quod jam evenerat, non prius credidit, nisi quasdam notas vexationis in corpore & habitu suo

104. Hunc locum egregie ex Cod. Compēd. i. stituimus. qui alias mendosissimus erat, ut conferenti patebit. Nil quippe de Saturnini passione habebatur. omissione harum vocum, ipse &, & ceteris in singulari numero dictis.

105. Holst. *Aper subligaverat.*

106. In utroque Cod. *Pudens miles de industria offeratorum adhaerasset portas puris carnibus, magis ne mitteretur efficit, ita secundo, &c.*

107. Holsten. *paratam.*

108. In utroque Cod. MS. *despoliatæ promovebantur.* Porro S. Blandina retibus inclusa, feris etiam obiecta fuit, ut vidimus in epistola Lugdunensium supra.

109. Holsten. *Revocatæ, & discinctis indutæ.*

110. Holsten. *ubi sedet.*

111. Codd. MSS. *nescio quam? Ubi erat*, inquit Aug. Serm. 180. *laudato, quando ad asperissimam vaccam se pugnare non sensit &c.*

suo recognovisset, & illum Catechuminum ¹¹². Exinde accersitum fratrem suum, & illum Catechuminum allocuta est eos, dicens: *In fide stete, & invicem omnes diligite, & passionibus nostris ne scandalizemini*.

XXI. Item Saturus in alia porta militem Pudentem ¹¹³ exhortabatur dicens: *Adsum* ¹¹⁴ certe, sicut promisi & praedixi; nullam usque adhuc bestiam sensi. Et nunc de toto corde credas. Ecce prodeco illo, & ab uno morsu Leopardi consumor. Et statim in fine spectaculi, Leopardo obiectus de uno morsu ejus tanto perfusus est sanguine, ut populus revertenti illi secundi baptismatis testimonium reclamaverit: Salvum locum, salvum locum. Plane utique salvus erat, qui hoc spectaculo claruerat ¹¹⁵. Tunc Pudenti militi: *Vale inquit, & memor esto fidei meae, & haec te non conturbent, sed confirmant*. Simulque anulum ¹¹⁶ de digito ejus petiit, & vulneri suo mercedem reddidit ei, hereditatem pignoris relinquens ¹¹⁷ illi, & memoriam sanguinis. Exinde jam exanimis prostrernitur cum ceteris ad jugulationem ¹¹⁸ solito loco. Et cum populus illos in medium postuleret, ut gladio penetrante in eorum corpore oculos suos comites homicidii adjungeret; ultro furxerunt, & se quo volebat populus transtulerunt: ante jam osculae invicem, ut Martyrium per sollemnia pacis consummarent. Ceteri quidem immobiles, & cum silentio ferrum receperunt: multo magis Saturus, qui & prior scalam ascenderat, prior reddidit spiritum. Nam & Perpetuam sustinebat. Perpetua autem, ne aliquid doloris gustaret, inter costas ¹¹⁹ puncta exululavit; & errantem dexteram tirunculi gladiatoris ipsa in jugulum suum posuit ¹²⁰. Fortasse tanta femina aliter non potuisset occidi: quia ab immundo spiritu vitnabatur, nisi ipsa voluisset.

O for-

¹¹². In Codd. MSS. desunt haec verba, & illum Catechuminum.

¹¹³. Apud Holfsten. non exprimitur Pudentis nomen. Hunc autem esse arbitror, qui supra cum Martyribus humane egit. Pudens Martyr colitur III. Kal. Maii in vetusto Calendario Carthaginiensi; an iste, vel Pudens senator, de quo Paulus Epist. 2. ad Timotheum cap. 4. meminit; aut tandem Martyr Alexandrinus, de quo Bollandiani hac die agunt.

¹¹⁴. Holfsten. *ad summum*.

¹¹⁵. Holfsten. *modo laevrat*.

¹¹⁶. Cod. Salisb. *anulum*.

¹¹⁷. Quid igitur conqueruntur Adversarii, quod Sanctorum Reliquias religiose asseramus. Numquid anulus ille sanguine Martyris tinctus projiciendus erat? Cod. Salisb. habet: *Reddidit ei beatam hereditatem, relinquens ei pignus, & memoriam tanti sanguinis*.

¹¹⁸. Locus ille vulgo vocabatur spoliarium, ubi scilicet conficiebantur, qui ex arena semivivi exierant. Ibityrones athletae reos conficiebant, ut sic ad pugnam, aliuscerent; hinc juvenculus hic S. Perpetuam pupugisse dicitur.

¹¹⁹. Holfsten. *ossa compuncta*.

¹²⁰. Holfsten. *transiit*.

O fortissimi, ac beatissimi Martyres! O vere vocati, & electi in gloriam Domini Nostri Jesu Christi. quam qui magnificat, & honorificat, & adorat, utique & haec non minus veteribus exempla in aedificationem Ecclesiae legere debet, ut novae quoque virtutes, unum & eundem semper Spiritum Sanctum usque adhuc operari testificentur; & omnipotentem Deum Patrem & Filium ejus Jesum Christum Dominum Nostrum, cui est claritas, & immensa potestas in secula seculorum. Amen.

*Omnes
tandem
consum-
mantur.*

*SS. Tri-
nitas.*



DIS



Οταν διηγώμεθα τὴς βίης τῶν διαπρεψάντων ἐν εὐσεβείᾳ, δοξάζομεν πρῶτον τὸν δεσπότην διὰ τῶν δέλων· ἐγκωμιάζομεν δὲ τὴς δικαίης διὰ τῆς μαρτυρίας ᾧν ἴσμεν· εὐφραίνομεν δὲ τὴς λαὸς, διὰ τῆς ἀκούης τῶν καλῶν.



Quando vitam eorum, qui pietate insignes fuerunt, enarramus; primum quidem Dominum in servis honoramus: deinde justos ornamus, ea testificando, quae nobis comperta sunt: demum laetificamus populos, dum res optimas audiunt.

S. Basilus Serm. in S. Martyr. Gordium.





DISSERTATIO APOLOGETICA


PRO

SS. PERPETUA, FELICITATE,
ET SOCIIS.



CAPUT PRIMUM.

Externis argumentis ex Ecclesiae, & veterum
Patrum auctoritate petitis SS. Perpetuae,
Felicитatis, & Sociorum Martyrum
Orthodoxia vindicatur.

- I. ertulliani coevi Scriptoris pro Perpetua, sociisque
Martyribus testimonium.
- II. Pontius Diaconus eorumdem Martyrum Acta non obscu-
re laudavit.
- III. Perpetuae & Felicитatis antiquissimum fuisse in Ecclesia Ro-
mana cultum, ex Bucherii pervetusto Kalendario demonstratur.

C

IV. S.

- IV. *S. Augustinus earumdem Martyrum variis in locis cum laude meminit, ac tribus eas Tractatibus celebravit; quorum priorem in editis levi admodum conjectura S. Doctori Basnagius abjudicat.*
- V. *Ecclesiarum Carthagenensium celeberrima, & ceterarum Matrix, Perpetuae & Felicitatis Reliquiis illustrata est, & ex earum nominibus nuncupata.*
- VI. *In Misaë Canone quotidiano earumdem nomina inter celebriores Martyres recensentur.*
- VII. *Argumentum, quod ex his testimoniis conficitur, frustra Basnagius & irritò conatu elevare & labefactare contendit.*



Ullum omnino est religiosi cultus & observantiae signum, quod non jam inde ab antiquis temporibus confertim in sanctas hasce ac celeberrimas Martyres contulerit Ecclesiae Catholicae pietas, & unanimis ubique terrarum in eas Christianae Religionis adfectus, populorumque devotio. Earum scilicet nomina, vetustissima Ecclesiarum Tabularia exhibent, & in omnibus pene Martyrologiis descripta sunt: earum Sollennitas & natalis dies magno Christianae plebis concursu celebrata: earum Acta in Ecclesiis publice lecta: in earum honorem, & super earum Reliquias Tempia & Altaria Deo consecrata: Panegyricae Orationes in earum anniversaria festivitate a Patribus habitae: earum denique specialis, inter quotidiana Sacrificia, commemoratio ad nostra usque tempora perennavit. Haec omnia clarissimis testimoniis ostendam, quae ita disponam, ut plane & aperte constet, jam inde ab earum necesse fuisse perpetua, & non interrupta Ecclesiae traditione pro veris Martyribus habitas, adeoque in Ecclesiae Catholicae pace & communione obivisse.

I. Ter-

I. Tertullianus, qui Perpetuae coevus fuit, & Carthagini incola, ubi Perpetua, Sociique Martyres neci traditi sunt, ejus in libro de Anima cap. lv., his verbis meminit: *Perpetua fortissima Martyr sub die passionis, in revelatione Paradisi solos illic Commartyres suos vidit.* Ne verbo quidem indicat, fuisse illam sectae Montanisticae addictam: quod certe vanissimus homo nequaquam praetermisisset, solitus inflatis buccis sceleratae factionis decora resonare. Meminit in eodem libro cap. ix. fanaticae cujusdam Mulieris Angelorum, ut putabat, & ipsius Domini visionibus adsuetae; neque monere omittit, suae illam fuisse communionis: *Est, inquit, hodie Soror apud nos revelationum charismata fortissima, &c.* Alterius meminit libro de Virginibus velandis prope finem, quam pariter Sororem nominat, & Montanistam fuisse, perspicuis verbis declarat: *Nobis, id est, Paracleti Discipulis, qui novas non spernimus prophetias, charismata honoramus, & visiones revelationesque suscipimus, Dominus, etiam revelationibus, velaminis spatia metatus est. Nam cuidam Sorori nostrae Angelus in somnis, &c.* Nihil ejusmodi tradit, ubi de Perpetua loquitur, nihil ejusmodi jaecat. Martyrem tantummodo nominat, & fortissimam: non illam Sororem suam, non Martyrem suam praedicat, & ne verbo quidem significat, fuisse illam Montanistarum superstitionibus ac deliramentis imbutam. Estne vero credibile, adeo singulare Sectae suae ornamentum sibi suisque perspicuis verbis adferere neglexisse, qui tam sollicitè monitos nos esse voluit, insanas etiam Mulierculas, nulla virtute insignes, sed insomniis unice deditas, e Montani schola & institutione prodiisse? Quae contra adfert Basnagius, & argumentum, quod ex hisce Tertulliani verbis in suae opinionis confirmationem exculpit, inferius evertam.

II. Pontius Diaconus, qui post Perpetuae & Felicitatis obitum quinquaginta circiter annis floruit, in Vita S. Cy-

priani haec habet, quae ad earum Acta, mea quidem Sententia, manifeste respiciunt, uti etiam Viro Clariss. Lucae Holstenio jam pridem est observatum (1): *Majores nostri Plebeiis & Catechumenis Martyrium consecutis tantum honoris, pro Martyrii ipsius veneratione dederunt, ut de passionibus eorum multa, aut prope dixerim, pene cuncta conscripserint, ut ad nostram quoque notitiam, qui nondum nati fuimus, pervenirent.* Haec Pontii verba Perpetuae, & Felicitatis Acta digito veluti ostendunt, & in ea optime quadrant. Plebei hoc loco, ut idem observavit Holstenius, accipiendi sunt Laici, nullum in Clero ordinem adepti. Sic enim paullo inferius idem Pontius: *Multa sunt, quae adhuc Plebejus, multa, quae jam Presbyter fecit.* Catechumenas fuisse tum ipsas, tum earum in passione Socios, Actorum Collectori, ipso statim initio, diligenter est adnotatum: *Apprehensi sunt adolescentes Catechumini, Revocatus & Felicitas conserva ejus, Saturninus & Secundulus, inter quos & Vivian Perpetua, honeste nata, liberaliter instituta, matronaliter nupta, habens patrem, & matrem, & fratres duos: alterum aequae Catechuminum, &c.* Hic esse videtur Satorius, quem fratrem suum Perpetua in hisce Actis appellat: *Tunc dixit mihi frater meus: Domina soror, &c.* Et infra: *Et retuli statim fratri meo, & intelleximus, passionem esse futuram.* Loquitur autem de Saturo, ejusdem agonis commilitone. Sunt denique ejusmodi Acta ea diligentia conscripta, quam Pontius verbis superioribus laudat. Multa enim, aut prope dixerim, pene cuncta, quae ad eorum passiones pertinent, complectuntur, ad ipsas usque minutiores circumstantias, ut plane nesciam, an aliqua antiquorum Martyrum Acta majori adcurratione ac diligentia descripta sint. Pontii itaque verba in ea, quae prae manibus habemus, Acta ita belle conveniunt, ut nullis eorum, quae modo

(1) In Not. ad Passio. Ss. Perpetuae, Felicit. &c. §. 11. vers. 1.

do exstant, melius. An autem Pontii aetate aliqua exstiterint, ad quae aptius ejus verba referri possent, valde equidem dubito: quum non adeo in vetustioris aevi moribus positum fuisse videatur, ut Gesta Martyrum adeo exquisita diligentia literis traderentur. Fallitur enim Doduvellus, quum ex laudatis verbis concludit ⁽¹⁾, *adeo sedulos fuisse in Martyrum Gestis memoriae tradendis Veteres, ut nihil illos fere fugerit; ut ex Actorum paucitate, quae supersunt, paucitatem quoque Martyrum colligat*. Non enim adserit Pontius, in singulorum Martyrum Gestis memoriae tradendis pari diligentia Veteres fuisse versatos: ejus namque proposito satis erat luculentissimum horumce Actorum exemplum, quæis tam sedulo ad Posterum transmissa fuerat Plebejorum & Catechumenorum Martyrum memoria. Inde enim facile omnes intelligebant, quam non segnior operam adhibere ipse deberet in Episcopi & Martyris praeclarissimis Gestis literarum monumentis consignandis. Nullus itaque dubito, quin Perpetuae, Felicitatis, & Sociorum Acta prae oculis Pontius habuerit. Nam & ad Plebejos pertinent, & Catechumenos, & aetas facile convenit, antequam scilicet Pontius ipse nasceretur; & eo, quod ipse describit, studio fuerunt, ac diligentia concinnata: adeoque medio seculo tertio fuisse Perpetuam, ejusque Socios, Carthagine, ubi sanguinem fuderant, pro veris Martyribus habitos, laudata Pontii verba non obscure suadent.

III. Id vero nemo mirabitur, qui secum animo reputaverit, sequenti, id est, quarto Ecclesiae seculo, celebrem quoque Romae fuisse Perpetuae & Felicitatis festivitatem. Id constat ex vetustissimo Ecclesiae Romanae Calendario, quod Bucherius publica luce donavit, & ad Liberii tempora pertinere, unanimis esse videtur Eruditorum sententia. In hoc itaque venerandae antiquitatis monu-



(1) Dissert. xi. Cyprianica, de Martyr. paucit. §. 111. & v.

mento, *Nonis Martii, Perpetuae & Felicitatis Africae*, nomina inscripta sunt. Quod certe indubium est vetustissimi in Ecclesia cultus argumentum. Quum enim Viri eruditi Bucherianum Kalendarium in Liberii tempora conferunt, non ea ipsorum mens est, Romae tum primum institutas fuisse, quae in eo recensentur, Martyrum sollemnitates: absurda enim esset ejusmodi cogitatio. Nam Bucherianus iste, seu Liberianus Indiculus ex antiquioribus Diptychis & Tabulariis descriptus est: quum non tum primum Ecclesiae, praesertim Apostolicae, & maxime atque imprimis Romana, sed jam inde ab initio, ut ex Tertulliano ⁽¹⁾, aliisque Auctoribus discimus, sacros Fastos habuerint, pro illorum temporum conditione, adcuratissime digestos. Fieri itaque optime potuit, ut aliquot ante Liberium annis Perpetuae & Felicitatis Natale coeptum fuerit in Urbe celebrari: Carthagine autem priusquam Romae receptum fuisse & vulgatum earum cultum, annon vero per quam simillimum est? Quum igitur medio seculo quarto Liberius, sub quo laudatum Kalendarium conditum est, sedere coepit: morosi nimium Critici esset, inficias ire, Carthagine, saltem ineunte seculo quarto, Nostrarum celebrem fuisse memoriam.

Est aliud, quod circa Liberianum istum Martyrum Lateralium diligenter velim animadverti, ex quo nostrarum Martyrum cultus non vetustas modo, sed & celebritas intelligi facile potest. Martyres scilicet in eo Calendario descriptos, praeter Nostras & Cyprianum, omnes esse Romanos: neque, his tribus exceptis, ullum in eo exteris Martyribus locum esse. Quod profecto clare & aperte demonstrat, quam ab antiquis temporibus in ore famae praedicti Martyres versarentur. Sanctos quidem Martyres, non uni alicui Ecclesiae, sed omnibus, a primis Christianae Fidei

(1) Lib. de Praescript. cap. 32. & lib. de Corona Milit. cap. 13.

dei seculis, fuisse deputatos, haud incite Oxoniensis Cypriani Operum Editor observavit; est tamen aliquid in ejus verbis, pro illorum, de quibus loquitur, temporum conditione, non satis accurate dictum: „Videmus enim, *inquit* ⁽¹⁾ Acta Martyrum ab una Ecclesia ad alias transmissa; „ & singularum Ecclesiarum Martyrologia non suorum modo, sed & longe diffitorum hominum nomina continere. Si de recentioribus Martyrologiis sermo sit, puta, Hieronymiano, & ceteris quae inde profluxerunt; non est; cur ullam erudito Viro controversiam excitemus: sed in antiquissimis Calendariis suos dumtaxat, paucis exceptis, aut finitimarum Provinciarum, unaquaeque Ecclesia Martyres exhibet. Sic in Romano Bucherii, praeter Nostras & Cyprianum, ut dictum est, omnes Romani: & in Carthagenensi Mabilloniano plerique omnes Carthagenenses, aut Africani, aut, pauci tamen, ex quibusdam aliis Provinciis, quibuscum magnum olim Christianis Carthagenensibus commercium intercessit. Est autem Bucheriano longe recentius Calendarium Mabillonianum, & integrum ferme inter utrumque seculum intercessit: progressu vero temporis ampliora semper condita fuisse Martyrologia, quae non singularum Ecclesiarum tantum, sed & longe diffitorum hominum nomina contineant, clarum & perspicuum est: sicut etiam festivitatum numerum sequioribus seculis valde fuisse auctum, & eas quoque sollemnitates adscitas, quibus remotissimae longeque inter se diffitae Ecclesiae suos unaquaeque Martyres celebrabat. Sed ut ad Perpetuam & Felicitatem redeamus; quisquamne ibi incicias, dandum id esse earum famae atque celebritati, quod solae cum Cypriano, ex Africanis, immo & aliarum Provinciarum Martyribus, in Romano Calendario locum habuerint, priscis illis temporibus, quibus unaquaeque Ecclesia suis contenta Martyribus, exterorum

Mar-

(1) In Notis ad Epist. Celerini inter Cyprianic. 21.

Martyrum sollemnitates non nisi rarissimas adsciscibat? Et de Cypriano quidem facile intelligitur, unde illi adeo insigne decus, ut ejus nomen cum Romanis Martyribus in Liberiano Indiculo describeretur: id scilicet praeclarissimis ejus meritis datum est, non in Ecclesiam modo Carthaginensem, & universam Africam; sed in omnem qua patet Ecclesiam, & imprimis Romanam longe lateque diffusis. Nostreis autem unde cum Cypriano eadem gloriae celebritas, ut ex tot Martyribus, qui Africae arenas glorioso cruore inrigarunt, adeo mature, id est, non longe post initium seculi quarti, solae cum Sanctissimo illo ac celeberrimo Episcopo specialem Romae sollemnitatem consequerentur? Profecto, aut ex earum Actis, aut ex miraculorum ad earum monumenta frequentia. Ex miraculis, non dicet utique Bafnagius: igitur ex Actis; quae omnium proinde tum manibus terebantur. Annon vero absurdum est cogitatu, intra unius seculi spatium, ex hominum memoria excidere potuisse, celeberrimas hasce, notissimasque Mulieres, quarum Actorum lectione Christiani mirifice capiebantur, Montanistarum fuisse erroribus maculatas? Id eo difficilius creditu est, quo earum insignior existit fama: quae enim ad obscurae sortis homines pertinent, facile e Posterorum memoria delet oblivio. Rem vero adeo singularem, Mulieres scilicet ob invictae fortitudinis laudem, & caelestes revelationes omnium admirationi habitas, Montanistarum addictas fuisse superstitionibus; neque Catholici, neque Haeretici, tam brevi temporis intervallo, in oblivionem abire, atque intercidere permisissent. Non quidem Catholici, qui ut ab Haeticorum, etiam gloria confessionis insignium, consuetudine refugiebant: ita sollicite cavebant, ne falsi pro veris, idest, Haeretici pro Catholicis Martyribus in sacra Diptycha reciperentur. Et licet aliquando Haeticorum nomina in Martyrologia inreperint: id tamen, ut inferius demonstrabitur, sequioribus

se-

seculis, & a rerum gestarum memoria remotissimis factum est: id vero de quo nunc agimus, vix elapso ab earum passione seculo, contigisset: quod certe in Martyribus ejusdem celebritatis & nominis caret exemplo. Sed neque Montanistae, haud infrequens in Africa Haereticorum factio, suos sibi a Catholicis subripi Martyres, passi fuissent. Sed de hoc alibi plenior erit & opportunior dicendi locus.

IV. Initio seculi quinti florebat Augustinus, cujus, Possidius in Indiculo recenset, *De Natali Perpetuae & Felicitatis Tractatus tres*, qui in novissima Operum ejus editione, PP. Benedictinorum Congregationis Sancti Mauri studio, adornata, sunt inter Sermones, num. cclxxx. cclxxxi. & cclxxxii. Primum, id est, ducentessimum octuagesimum, alias, de diversis centesimum tertium, in dubium Basnagius revocat, imo non esse Augustini existimat, levissima ductus conjectura „ Non existimamus, inquit ⁽¹⁾, Augustini Sermonem esse „ se *De Natali SS. Perpetuae & Felicitatis Martyrum*, ubi „ haec leguntur: *exhortationes earum in divinis revelationibus, triumphosque passionum, cum legerentur audivimus.* „ Quae sane non quadrant ad Augustini mentem, qui verbis „ expressis Perpetuae visiones Scripturis Sanctis eximit: ⁽²⁾ „ *De fratre autem S. Perpetuae Dinocrate, nec Scriptura ipsa „ canonica est.* Quid vero magis canonicum, quam *Divinae „ revelationes*, quales Sermonis Auctori existimantur? Verum non Augustinus modo, sed neque ullus unquam Catholicus Scriptor *Divinas* heic pro *Canonicis* accepisset. Quis enim, exceptis Montanistis, privatas hujusmodi revelationes, & privata auctoritate literis traditas, pro canonicis habuit? An igitur Sermonis Auctorem aliquem fuisse dicet e Montanistarum Secta declamatorem? Non puto, id dicturum Virum eruditum. Quisquis igitur fuerit Sermonis Auctor, sane doctus, & Catholicus, & totus Augustinianus,

D

di-

(1) An. 203. n. vi.

(2) Lib. 1. de Anima, & ejus orig. cap. 10.

divinas dixit, a Deo immixtas, ut pie existimabat, revelationes, non autem, quod eas crederet, divina fuisse conscriptas auctoritate: aliud est enim, divinam esse revelationem, aliud divinam esse & canonicam Scripturam, in qua talis nobis revelatio proponitur. Ut divinam dicamus aliquam revelationem, sufficit, ut Deum auctorem habuisse, probabiliter existimemus; sed ut canonicam dicamus Scripturam, in qua talis revelatio continetur, necesse est, ut canonicum Scriptorem, & divino adflatum spiritu habuerit. Augustinus igitur, ut deinceps videbimus, Perpetuae revelationes ex Deo fuisse, probabiliter credidit: adeoque *divinas* hoc sensu & notione dicere potuisset. Auctori vero sermonis neque in mentem venit, Perpetuae Acta, in quibus ejusmodi revelationes leguntur, canonicam esse Scripturam, eorumque Auctorem divino adflatum fuisse spiritu, divinaque praeditum auctoritate. Quare inter Sermonis Auctorem, quicumque ille fuerit, & Augustinum optime convenit: neque tam levi, inanique conjectura laudatus Sermo Augustino fuerat abjudicandus. Concedatur tamen, neque hunc, neque duos sequentes Sermones in *Natali Martyrum Perpetuae & Felicitatis*, qui modo inter ejus Opera exstant, Augustini esse: an contra apertum Possidii testimonium negabit, *tres* S. Doctorem de *Natali Perpetuae & Felicitatis Tractatus habuisse*? Adeoque eas pro veris Catholicisque Martyribus a sancto Doctore fuisse habitas, & quinto ineunte seculo celebrem fuisse earum in Africa sollennitatem? An negabit, Augustini esse Enarrationem in Psalmum XLVII. ubi *Sanctae Perpetuae* meminit, & ejus Acta publice in Ecclesiis lecta fuisse significat? *Sicut novimus*, inquit, *& legimus in Passione Beatae Perpetuae*. Sed & in libris de Anima, & ejus Origine ⁽¹⁾ Perpetuam ubique Sanctam appellat: & quamvis ejus passionis Acta scripturarum

Ca-

(1) V. d. lib. 1. cap. 10. & lib. 3. cap. 11. & lib. 4. cap. 18.

Canone eximat, neque ex eis testimonia proferri velit adversus fidei Mysteria; eodem tamen numero ac pretio habet, quo ceterorum Martyrum Acta, eandem illis, ac ceteris, fidem adhibet, neque ullibi Perpetuae visiones pro Muliercularum insomniis habet, vel uti Montanistarum fignenta, aut humani spiritus ludificationes explodit: adeoque a Deo immisas fuisse, & hoc sensu *divinas*, ea fide credit, quam hujusmodi nonumentis adhibere viri prudentia & judicio praediti consueverunt.

V. Sed omnibus, quae hactenus produximus, argumentis luculentius est illud, quod ex Basilicae dignitate, ac vetustate conficitur, quam Carthagine Perpetua ac Felicitas habuerunt. Celeberrima siquidem & antiquissima omnium Ecclesiarum Carthagenensium, &, ut modo dicitur, Matrix, illa fuisse videtur, quae in antiquis monumentis modo *Basilica restituta* ⁽¹⁾, modo *Basilica majorum* ⁽²⁾, modo *Basilica major* ⁽³⁾, modo *ad majores* ⁽⁴⁾ nuncupatur. In ea utpote majori Plebis Carthagenensis concursu frequentata, plerique Augustini Sermones habiti sunt eorum, quos S. Doctor Carthagine recitavit. In ea Concilium secundum Carthagenense sub Genetio anno cccxc. & ceterae deinceps Carthagenenses Synodi celebratae sunt. De hac eadem Basilica intelligendum puto S. Optatum Milevitanum, ubi de Schismatica Majorini ordinatione loquens, haec habet ⁽⁵⁾: *Interea ad Basilicam, ubi cum Caeciliano tota Civitas in frequentia fuerat, nullus de supradictis accessit. Et paullo post: Illo tempore aut reus (Caecilianus) debebat expelli, aut communicari debuit innocent. Conferta erat Ecclesia populis: plena erat Cathedra Episcopalis: erat Altare loco suo, in quo pacifici*

D 2

(1) In Actis Conc. Carthagin. II. & apud August. Serm. 19. & apud Victor. Vitenf. lib. 1. de Persecut. Vandal.

(2) Apud August. lib. de Gestis Pelag. cap. 11. & Serm. 294.

(3) Apud eund. Serm. 258. & apud Victor. Vitenf. ubi sup.

(4) Apud August. Serm. 34.

(5) Lib. 1. contra Parmenian.

fici Episcopi retro temporis obtulerunt, Cyprianus, Lucianus, & ceteri. Sic exitum est foras; & Altare contra Altare erectum est, &c. De hac, inquam, Basilica seu Majorum, seu *Restituta*, loqui hoc loco S. Optatum existimo, propterea quod a Victore Vitenſi memoriæ proditum sit (1), Carthaginensium Episcoporum sedem illic semper fuisse, ac domicilium. Porro in hac Ecclesia, quam omnium Carthaginensium statuere jure optimo possumus celeberrimam juxta atque antiquissimam, Perpetuae & Felicitatis condita fuisse corpora, laudatus Victor Vitenſis testis locupletissimus est (2): *Basilicam Majorem, ubi corpora Sanctorum Martyrum Perpetuae, atque Felicitatis sepulta sunt suae religioni (Vandali) licentia tyrannica manciparunt*. Imo ex Perpetuae eandem Basilicam appellatam fuisse nomine, haud obscure colligitur ex Actis secundi Concilii Carthaginensis, quod habitum fuisse dicitur in *Basilica Perpetua* (forte an *Perpetuae*) *Restituta*. Hoc autem esse puto antiquissimi & celeberrimi cultus, & earum orthodoxiae evidentissimum argumentum.

Vetustissimum fuisse in Ecclesia morem, & ipsi pene Christianae Religioni coevum, ut Catholica plebs ad Memorias Martyrum conveniret, & ea loca frequentaret, ac religiosa devotione coleret, ubi sacrae ipsorum exuviae conditae fuerant, nemo qui Historiam Ecclesiasticam vel a limine salutarit, ignorat. De Romanis monumentis, in quibus sacra Apostolorum Corpora deposita fuerant, id manifeste testatur Zephyrino aequalis, adeoque Tertulliano, Perpetuae, & Felicitati synchronus Cajus: *Ego vero, inquit (3), Apostolorum tropaea possum ostendere. Nam sive in Vaticanum, sive ad Ostiensem viam pergere libet, oc-*
cur-

(1) Lib. 1. de Persecut. Africana.

(2) Ibid.

(3) Έγώ δέ τά τρέλαια τῶν Ἀποστόλων ἔχειν δύναμαι. ἰδὲ γάρ θεόλεκτος ἀνελθὼν ἐπὶ τὴν βατικάνην, ἢ ἐπὶ τὴν ὁδὸν τὴν Ὀστίαν, ἐρώσας τὰ τρέλαια τῶν ταύτης ἱερουμένων τῶν ἐκκλησίῶν. Disput. adversus Proclum apud Euseb. Histor. Ecclesiast. lib. 2. cap. 25.

Pro Ss. Perpetua, Felicitate, &c. 29

current tibi tropaea eorum, qui Ecclesiam illam fundaverunt. In iis iisdem locis, amplificata postmodum religione, & Ecclesia a persecutionibus respirante, extructas fuisse Basilicas, sacrasque Domos religiosis usibus mancipatas, etiam constat. Illud denique ex antiquis monumentis compertum est, & ratio ipsa suadet, celebriores atque insigniores Basilicas insignioribus atque illustrioribus fuisse Martyribus aedificatas; aut saltem celebriorum & insigniorum Martyrum ἀντίστα in celebriores & insigniores Basilicas fuisse translata. Praesertim vero majores Ecclesiae ut praecipuorum Martyrum Reliquiis decorarentur, cura Episcoporum fuit: idque tum propter majorem ipsorum Martyrum gloriam, tum propter Ecclesiarum splendorem, tum denique quia frequentior erat Christianae Plebis ad Matrices Ecclesias concursus, atque ut eo etiam frequentius praecipuorum Martyrum devotione adlecta conflueret. Quum igitur Perpetuae & Felicitatis Corpora in majorem Ecclesiam Carthaginensem illata fuisse, ex Victore Vitenfi habeamus; quin inter illustriores Martyres, antequam eo inferrentur, fuerint numeratae, ambigere non debemus.

Sed Translationis tempus, ut de cultus antiquitate, etiam constet, eruendum est. Anno cccxc. quo secundum Concilium Carthaginense habitum est, major Ecclesia Carthaginensis ex Perpetuae nomine, ut vidimus, nuncupabatur. Eo igitur anno antiquiorem statuere debemus sacrorum Pignorum Translationem. Sub Liberio Bucherianum Kalendarium, ut diximus, concinnatum est. In eo, ut & in omnibus Martyrologiis, Perpetuae & Felicitatis festum nonis Martiis consignatur. Hunc autem non earum Martyrii, sed Translationis esse diem, Cl. Pagius hoc argumento probat (1). Passae sunt Ss. Martyres, quo die Natale Getae

Cae-

(1) Anno 198. num. v.

Caesaris colebatur: *Munere Castrensi eramus pugnaturi. Natale tunc Getae Caesaris.* Et infra: *Quid utique non permittis refrigerare noxiis nobilissimis, Caesaris scilicet, & Natali ejusdem pugnaturis?* At in diem septimam Martii, neque Imperii Caesarei, neque Getae Natale genuinum incidebat. Natus enim Geta, teste Spartiano ⁽¹⁾, *Sexto Kalendas Junias*: Caesarea vero dignitate anno cxcviii. non ante diem xiiii. Aprilis ornatus est: „ Et ratio est, *inquit Pagi*, quia, ut mox visuri sumus, Caracalla post eum, „ diem Tribunitiam Potestatem, & Augusteam dignitatem „ a patre obtinuit; & verisimile non est, Getam minorem filium prius a Patre Caesarem dictum, quam Caracallam majorem natu filium a patre Augustum nuncupatum. Utraque itaque nuncupatio vel eodem tempore „ post mensem Martium facta, vel Caracalla prius dictus „ Augustus, quam Geta Caesar. Quare Ss. Perpetua & „ Felicitas alio die, quam quo passae sunt, in Martyrologiis coluntur. Quod non raro accidisse, passim in hoc „ Opere observabimus; diesque septima Martii, dies est, „ quo Carthaginem earum reliquiae postea translatae, „ non vero dies obituali. Quum itaque medio seculo quarto Liberius sedere coeperit, hoc tempore sacrarum Reliquiarum fuerat peracta Translatio: adeoque statuere jure optimo possumus, eam Translationem non multo post initium seculi quarti, reddita jam per Constantinum Ecclesiae pace, fuisse celebratam; & ab earum Martyrio seculo dumtaxat elapso, Perpetuam & Felicitatem praecipuarum Martyrum loco habitas, & ad earum memorias Carthaginensem populum frequentissimum concurrisse.

Vidimus, quomodo ex nostrarum Martyrum in majorem Ecclesiam Carthaginensem Translatione cultus earum celebritas, & antiquitas demonstretur: videndum superest, quam

(1) In Getâ, esp. 3.

quam luculenter ex eodem principio earum orthodoxia confirmetur. Ecclesia, domus, Cathedra, & Altare imprimis Episcopi, centrum erant, ut notat Illustrissimus ⁽¹⁾ Albaspineus Ecclesiasticae communionis. Eo Catholica plebs frequentissima confluebat, inde populum Episcopus adloquebatur, ibi preces eorum & oblationes & vota suscipiebat. Heic erat locus orationis, heic locus Sacramentorum, heic denique sollemnis Sacrificii locus. Cetera Altaria, ut idem observat Albaspineus, in subsidium communionis exstructa sunt, cujus, ut dictum est, centrum Ecclesia, & Altare Episcopi habebantur. In hoc Altari quam frequentes Catholici communicabant, tam ad illud Schismaticis, & Haereticis nullus permittebatur accessus: imo inde vi etiam adhibita extrudebantur, qui Ecclesiae Catholicae communionem excidissent, ne forte ob loci sanctitatem & amplitudinem, in quo Veteres Catholicae communionis arcem constituerant, pro Catholicis haberentur. Hujus rei argumento id esse potest, quod de Paulo Samosateno narrat Eusebius; nefarium scilicet Haeresiarcham sententia Synodi exauctoratum, & Antiocheno Episcopatu dejectum, domo, sede, & Ecclesia Episcopali exturbari neutiquam potuisse, quamdiu Zenobia, cujus ille favore & gratia utebatur, rerum in Oriente potita est. Tamdiu enim se pro legitimo Episcopo habendum existimavit, & Catholicam plebem, sibi retinere posse credidit, quamdiu domum, Cathedram, Basilicam, & Altare occuparet, in quo Majores sui sedere, plebem colligere, oblationes, & vota populi suscipere, & Sacrificia Deo offerre consueverant. Catholici vero Episcopi omni ope & conatu egerunt, ut nequissimo homine expulso, Domnus, qui ei fuerat subrogatus, Episcopalem Basilicam obtineret, & in Decessorum suorum Sede, Cathedraque collocaretur. Quod quidem profligata Zenobia

Au-

(1) In Not. ad Oper. lib. 1. adv. c. Permenian.

Aureliani ope perfectum est, *qui*, ut ait Eusebius ⁽¹⁾, *ab Episcopis interpellatus rectissime hoc negotium dijudicavit, iis domum dari praecipiens, quibus Italici Christianae Religionis Antislites, & Romanus Episcopus scriberent*. Quae quum ita sint, omnes, puto, hoc argumento facile intelligunt, quam fixa fuerit, apud Veteres, constans, certaue sententia, Martyres nostras in Ecclesiae pace & communione obiisse, dum eo ipsarum Corpora inferri voluerunt, quo veluti ad Catholicae communionis centrum & arcem Carthaginensis populus confluebat. Praecipuorum ossa Martyrum ideo sub primario illo Episcopi Altari recondebantur, ut Catholici eo convenientes, se non aliorum Fidelium modo, sed & Sanctorum Martyrum communionis participes esse intelligerent. Contra Schismatici, & Haeretici, quibus ad illud pietatis asylum nullus patebat accessus, nullam sibi esse scirent, neque cum Ecclesia Catholica, neque cum Sanctis Martyribus communionem. Unde S. Optatus Milevitanus Donatistas veluti Schismaticos hoc argumento traducit, quod Sanctorum Apostolorum memoriis in urbe neutiquam communicarent ⁽²⁾: *Denique si Macrobio* (Donatistarum in Urbe Pseud-Episcopo) *dicatur, ubi illic sedeat: numquid potest dicere, in Cathedra Petri, quam nescio si vel oculis novit, & ad cujus Memoriam non accedit quasi Schismaticus, contra Apostolum faciens, qui ait* ⁽³⁾: *Memoriis Sanctorum communicantes. Ecce praesentes sunt ibi duorum Apostolorum Memoriae; dicite, si ad has ingredi potuit, ita ut obtulerit illic, ubi Sanctorum Memorias esse constat?* Apud Veteres igitur adeo compertum fuit, Perpetuae & Felicitati nihil, dum viverent, cum Haereticis fuisse commune, & in Ecclesiae pace, & communione martyrium consummasse, ut earum sacras Re-

li-

(1) Βασίλειος ἐν τῇ ἐκδόσει Αὐρηλιανῶς, αἰσιώτατα περὶ τὸ πρακτικὸν διῶλκον· τούτοις νόμοι προσηγορεύονται τὸν οἶκον, εἰς ᾧ οἱ κατὰ τὴν Ἰταλίαν καὶ τὴν Ῥωμαίων πόλιν ἐπίσκοποι τὸ δόγματος ἐπισκεύονται. Lib. 7. Hist. Eccl. cap. 30.

(2) Lib. 2. advers. Parmenian.

(3) Ad Rom. 12. 13.

liquias, ab earum martyrio seculo vix elapso, eo intulerint, quo Haeretici maxime vetabantur accedere, & ubi nemo, nisi Catholicus, communicabat.

VI. Denique pro nostrarum Martyrum cultus antiquitate & celebritate, atque earumdem orthodoxia, ex assidue repetita earum inter quotidiana Sacrificia commemoratione, haud absimilia praecedentibus confici possunt argumenta. Perpetuae enim & Felicitatis tum in Missali Gelasii, tum in Gregorii Sacramentario, tum denique in vetustissimo Sacramentario Gallicano ⁽¹⁾ quotidie repetitur, cum paucis aliis Martyribus, in Missae canone, commemoratio. Obvia sunt omnibus antiquissimorum Patrum testimonia, Tertulliani imprimis ⁽²⁾, & Cypriani ⁽³⁾, quibus ii aperte testantur, Martyrum natalitios dies, speciali eorum inter Sacrificia commemoratione, fuisse celebratos. An vero praeter anniversariam Martyrum in die Natalis eorum celebritatem, priscorum temporum usus haberet, ut vel omnium, vel insigniorum nomina, inter quotidiana Sacrificia, e sacris Diptychis recitarentur, haud ita e Veterum testimoniis comper- tum est. Indicare id tamen S. Cyprianus videtur Epist. 39. ad Pamel. num. 30. ubi postquam de Celerini avia Celerina, & patruo ejus, & avunculo Laurentino & Ignatio loquutus est, qui martyrio jampridem fuerant coronati, subjungit: *Sacrificia pro eis semper, ut meministis, offerimus; quoties Martyrum passiones, & dies anniversaria commemoratione celebramus*. His scilicet verbis haud obscure significat Cyprianus; *quoties* alicujus Martyris recurrebat anniversaria sollemnitas, & praedictorum *semper* fuisse renovatam, inter Sacrificiorum sollemnia, mentionem. Et fieri quidem optime potuit, ut quum non magnus erat Martyrum numerus; sicuti nulli eorum deerat anniversaria sollemnitas: neque in-

E

signio-

(1) Apud Mabillon. Tom. 1. Musaei Italici.

(2) Lib. de Corona Milit. cap. 3.

(3) Epist. 12. al. 37. & Epist. 39. al. 34.

signioribus tantum, & qui atrociora tormenta experti fuerant, sed etiam obscurioribus, & qui nullis cruciatibus toleratis pro confessione Nominis in carcere obierant, ut ab eodem Cypriano statutum est (1): postea vero aucta in immensum eorum copia, praecipui tantum, ut vetera nos Kalendaria docent, & quorum illustrior erat fama, retenti sunt, pro quibus annua Sacrificia, & oblationes celebrarentur: ita primum quidem omnium fieret in quotidianis Sacrificiis commemoratio; postea vero, ut ex Liturgiis, antiquissimis illis quidem, at tertio tamen seculo recentioribus, compertum est, illustriorum dumtaxat in Missis quotidianis nomina retinerentur. Sed ut sit de vetustiorum temporum usu, nulli dubium est, quin ii, quorum in Missae Canone quotidie memoria renovatur, & modo, & olim fuerint inter illustriores Martyres computati. Quod proinde argumento est, Perpetuam atque Felicitatem, quae in antiquissimis Liturgiis id honoris, cum aliis paucis, sortitae sunt, a Majoribus nostris non inter Martyres modo, sed etiam inter insigniores fuisse Martyres numeratas.

Illud etiam hoc loco non sine animadversione praetermittendum, quod supra etiam est adnotatum; laudatas Liturgias, aut Sacramentaria, in quibus Perpetuae & Felicitatis quotidie mentio iteratur, non ad Carthaginensem, aut alias Africae Ecclesias, sed ad Romanam, & Gallicanam pertinuisse. Quod magis adhuc magisque demonstrat, quam ab antiquis temporibus nostrae in ore famae Martyres versarentur. In Missae Romanae Canone nulli olim, nisi Romani Martyres memorabantur, si praeter Apostolos, & Ignatium, virum Apostolicum, qui & Romae passus est, Martyres nostras, & Cyprianum excipias: Agatham enim, & Luciam Martyres Siculas a Gregorio Magno Canoni adjunctas, scribit Aldhelmus (2). Cypriano
cur

(1) Epist. 12. al. 37.

(2) Lib. de Virginitate cap. 25.

id honoris tribueretur, praeclara ipsius, ut diximus, in Ecclesiam Romanam merita obtinuerunt. Nostreis vero unde haec specialis praerogativa, ut quamvis exterae & alienae ac Transmarinae Provinciae; Romae tamen earum quotidie memoria inter sacra Mysteria perageretur? Unde, inquam, illis hoc decus, nisi ex ea famae celebritate, qua semper per ora hominum volitarunt, & insigniorum Martyrum loco habitae sunt? Cum qua profecto famae celebritate non consonat, ut tam brevi temporis intervallo, cui dum viverent addictae fuissent Religioni, ex hominum memoria elaberetur.

Illud denique heic pariter observandum, hanc intra saeram Synaxim Sanctorum Martyrum commemorationem eo praecipue spectare, ut intelligamus, nos cum illis in Christo, cujus Corporis in Altari Sacrificium offertur, communicare, quod & ipsa Canonis verba aperte testantur: *communicantes, & memoriam venerantes, &c.* Eo autem pertinere credenda est exteriorum illa Martyrum commemoratio, ut unam ubique esse sciamus Catholicam Ecclesiam, & unam omnium Ecclesiarum, quamvis loco diffitarum, communionem, ut quae alienos Martyres, haud secus quam domesticos, venerantur. Quod, ut supra est observatum, clare & perspicue demonstrat, tam certo de nostrarum Martyrum orthodoxia apud Veteres constituisse, ut earum nomina Catholicae communionis symbolum esse voluerint.

VII. Horum omnium, de quibus haecenus disseruimus, testimoniorum auctoritatem elevare se putat levissima hac responsione Basnagius. Quod nempe „ horum constantia Martyrum, nec non Actorum antiquitas posteris fucum fecit, „ ut in pretio haberentur. Productaque deinde, quam supra confutavi, de Augustini Sermone conjectura, subjungit: „ Concedatur tamen verba haec Augustini esse. Quaestio „ facti est, Perpetua fueritne Ecclesiae mulier, an sectae „ Montanisticae. Jam vero in quaestionibus hujusmodi viri „ boni saepe numero tota errant via, & haereticos Mar-

„ tyres inrepsisse in Martyrologia, suo loco ostendimus. De Actis, & eorum auctoritate inferius dicendum erit. Nunc breviter videndum, an non summae temeritatis sit, ob levissimas, ut deinceps ostendam, conjecturas, eorum orthodoxiam & sanctitatem in dubium revocare, quos constat, statim ab eorum passione, ac deinceps per quindecim & amplius secula nullo non religionis & observantiae signo, non ut genuinos tantum, sed inter celebriores Christi Martyres, universalem Ecclesiam esse veneratam? Quorum scilicet memoriam jam inde ab antiquis temporibus frequentavit: quibus altaria, & basilicas, quae centrum essent Catholicae communionis, excitavit: quorum anniversariam sollemnitate non modo Ecclesia Carthagenensis, sed etiam Romana altero ab eorum passione seculo celebravit: quorum nomina in antiquissimis Ecclesiarum tabulis inter illustriorum Martyrum nomina recensentur: quorum memoria, cum paucis aliis insignioribusque item Martyribus quotidie in Missae Canone renovatur: quos denique non unum, aut alterum privatum Martyrologium, sed omnia, & in diversarum Ecclesiarum usum concinnata pariter celebrant. Haec enim omnia in nostras Martyres simul fuisse collata, satis jam praesenti hoc capite demonstravi. *Sed constantia Martyrum, & Actorum antiquitas Posteris fucum fecit.* Sed numquid pene coaevs, aut supparibus Scriptoribus imponere potuissent? *Sed in his facti quaestionibus viri boni saepe falluntur.* Sed numquid & Ecclesiae universalis auctoritas? cui tantum in hisce etiam quaestionibus detulit Augustinus, ut de his nihil temere judicare voluerit, quae tempore persecutionis, ut insectatores suae pudicitiae devitarent, in rapturum, atque necaturum se fluvium projecerunt, eoque modo defunctae sunt, earumque Martyria in Catholica Ecclesia veneratione celeberrima frequentantur: *De his, inquit (1), nihil temere au-*
deo

(1) Lib. 1. de Civit. Dei cap. 16.

Pro SS. Perpetua, Felicitate, &c. 37

deo judicare. Utrum enim Ecclesiae aliquibus fide dignis testificationibus, ut earum memoriam sic honoret, divina persuaserit auctoritas, nescio: & fieri potest, ut ita sit. Quid si enim hoc fecerunt, non humanitus deceptae, nec errantes, sed obediētes? Sicut de Samsone aliud nobis fas non est credere,,. At Haeretici Martyres in Martyrologia inrepsērunt. Sed numquid etiam in antiquissima Kalendaria? Numquid etiam ad eorum monumenta Sacrificia, & Catholicorum conventus celebrati? Numquid in eorum memoriam altaria Deo, & Basilicae consecratae? Numquid eorum laudes veteres Patres orationibus, & publicis Tractatibus exornarunt? Numquid denique inter illustriores Martyres per tot annos etiam nunc in Missae Canone memorantur? Marculum Pseudo-Martyrem Donatistarum, primus, seculo nono, imprudenter in suum Martyrologium Rabanus retulit (1); inde in notum Bedae Martyrologium, & ex eo in aliquot Ufuardini Martyrologii Codices, & editiones inrepsit (2); Sed error facile detectus est, & Romani Martyrologii conditores Numidiae Nicomediam, Marculo Marcellum, Constanti Constantium, Macarianis Arianos subrogarunt. Legentes enim sub eisdem circiter dies in antiquioribus Martyrologiis Marcelli Nicomedienſis Martyris nomen, & ejus Acta ignorantes, ex Marculi Actis interpolatis hoc ei elogium concinnarunt: *Nicomediae* (pro *in Numidia*) *S. Marcelli* (leg. *Marculi*) *Presbyteri, qui Constantii* (verius, *Constantis*) *tempore ab Arianis* (pro *a Macarianis*) *e rupe praecipitatus Martyr occubuit*. Quae PP. Benedictinorum conjectura est in Not. ad Augustini lib. 3. contra Cresconium cap. 49. Qua de re videndus etiam Cl. Mabillonius in Adnot. ad Marculi Acta Tom. 3. Vett. Analector. Jam vero quid huic, aut si quod est aliud huic simile, exemplo cum Martyribus nostris aliqua ex parte commune? Quae non sequioribus seculis per unius, aut alte-

(1) Apud Mabillon. Tom. 4. Vett. Analect.

(2) Apud Bollandi Socios Tom. 7. Mensis Junii.

alterius Scriptoris oscitantiam in privatum aliquod Martyrologium inreperunt, sed in publicis, & antiquissimis Ecclesiae tabulis, in publicis item precibus, ut earum nomina recitarentur, & nullum non religiosi cultus testimonium, jam inde ab initio consequutae sunt. Sed videamus, quibus Basnagius argumentis hac sanctioris famaе, & publici cultus perpetua veluti possessione SS. Martyres deturbare conatus est: gravissima enim ea esse oportet, quae hanc ei de nostris hisce Martyribus post tot ab earum passione secula intulerunt opinionem. Antiquorum enim consentientibus testimoniis, & perpetuae de illarum Orthodoxia, & sanctitate Ecclesiae traditioni fides in re tam gravi abrogari non debuit, nisi aliam opinionem invicta perspicuaque argumenta pene repugnanti indiderunt. An ejusmodi sint, quae Basnagius adtulit, sequentibus Capitibus differemus.






CAPUT SECUNDUM.

Basnagii externis adversus SS. Martyres
argumentis occurritur.



- I. ctorum Perpetuae, & Felicitatis Compilatore[m] fuisse
Montanistarum haeresi infectum.
- II. Ruimartii pro Actorum Compilatore rationes reselluntur,
variisque argumentis ejus Montanismus adseritur.
- III. Doduvelli pro ejusdem Scriptoris orthodoxia disputatio.
- IV. Ejus disputationis primum dejicitur fundamentum.
- V. Alterum ejusdem disputationis fundamentum evertitur.
- VI. A Montanistis Catholicos non fuisse pro Haereticis exi-
stimatos.
- VII. Ab Ecclesiarum Catholicarum communione Montanistas non
se omnino alienos existimasse.
- VIII. Ad Catholicorum quoque Martyrum communionem ad-
spirasse.
- IX. Non Perpetuae tantum, sed aliorum quoque Catholicorum
Martyrum, Tertullianum cum laude meminisse.
- X. Alii, praeter Montanistas, Haeretici Catholicorum Acta
Martyrum, luci dederunt.
- XI. Ex ipsomet Actorum Auctore Montanista, Martyres no-
stros ab hac secta fuisse alienos, ostenditur.

I. DE

I.



E Auctore, seu potius, ut videri vult, Aetorum Perpetuae, & Felicitatis Compilatore, non una eademque Eruditorum sententia est. De Montanistarum familia unum fuisse, Vir candidus juxta, atque eruditus, ut Basnagii verbis utar, olim sensit Valesius ⁽¹⁾. Contra Doduvellus non omnem modo ab ipso Montanifini suspensionem amolitur; sed hominem quoque fuisse contendit adversus Montanistas Catholicae Fidei zelo, & ardore flagrantem ⁽²⁾. Valesio nullo modo adfentiri potest Cl. Ruinartius ⁽³⁾. Contra Basnagius Valesii opinioni se adhaerere lubenter profitetur, indeque primum, ut postea videbimus, adversus Martyres nostros conficit argumentum. Ea res omnino postulat, ut de tota hac controversia per quam adcuratissime differamus, ne si Valesii opinionem amplectamur, temere id fecisse existimemur; sin autem, ne ex quodam praeconceptae opinionis praejudicio factum id esse videatur. Ut igitur agnoscat Lector, me secum candide agere, & nihil huc praejudicatum adferre, in Valesii opinionem, meis licet rationibus primo adpectu satis incommodam, valde animum inclinare profiteor. Argumento mihi est Auctoris praefatio, qui sane his utitur verbis, quae quamvis, si alio tempore scripta forent, in Catholicam sententiam, utcumque interpretari possemus, at habita ratione temporis, quo scripta sunt, vehementem nobis Montanifini suspensionem adferunt. Sic enim habet: *Sed viderint, qui unam virtutem Spiritus unius sancti pro aetatibus judicent temporum: quum majora reputanda sint novitiora quaeque ut novissimiora, secundum exuberationem gratiae in ultima seculi spatia decreta:* ⁽⁴⁾ In novissimis enim diebus, dicit Dominus, ef-

(1) Praefat. ad Parisien. Aetorum Edition.

(2) Dissert. 4. Cyprianica de Visionibus, &c. §. 8. & seqq.

(3) In Admonit. Actis praemissa num. 6.

(4) Johel 2. 28. & Aetor. 2. 17.

effundam de spiritu meo super omnem carnem, & propheta-
bunt filii filiaeque eorum, & super servos & ancillas meas
de meo spiritu effundam: & juvenes visiones videbunt,
& senes somnia somniabunt. Itaque & nos, qui sicut pro-
phetias, ita & visiones novas pariter repromissas, & agno-
scimus & honoramus, &c. Quis credat, haec Scriptori Catho-
lico excidere potuisse, quo tempore Montanistica haeresis
in Ecclesia vehementissime grassabatur? Quum novissimo-
rum temporum conditionem, ob charismatum copiam & spi-
ritus exuperantiam Paracletus suo reservatam, tantopere jacta-
bant & extollebant haeretici? Quum novas visiones, & Pro-
phetias repudiare se profiteretur Ecclesia; contra qui illas
agnoscerent, & honorarent, pro haeticis haberentur?
*Quum majora, inquit, reputanda sint novitiora quaeque, ut
novissima, secundum exuberantem gratiae in ultima seculi
spatia decreta.* Abruptiusne, aut impudentius locutus un-
quam professus Montanista fuisset? Estne ovum, ut ajunt,
ovo similis, quam haec Auctoris verba, cum his Tertul-
liani sub finem libri de Resurrectione carnis? *At enim Deus
omnipotens adversus haec incredulitatis, & perversitatis inge-
nia, providentissima gratia sua effundens in novissimis die-
bus de suo spiritu in omnem carnem in servos suos, & an-
cillas, & fidem laborantem resurrectionis carnalis animavit,
& pristina instrumenta manifestis verborum, & sensuum lu-
minibus ab omni ambiguitatis obscuritate purgavit.* Nam quia
haereses esse oportuerat, ut probabiles quique manifestaren-
tur: hae autem sine aliquibus occasionibus Scripturarum audere
non poterant, idcirco pristina instrumenta quasdam materias
illis videntur subministrasse, & illas quidem iisdem literis
revincibiles. Sed quoniam necdum dissimulare Spiritum Sanctum
oportebat, quominus & ejusmodi eloquiis superinundaret, quae
nullis haeticorum versutiis semina subspargerent, imo &
veteres eorum cespites vellerent; idcirco jam omnes retro am-
biguitates, & quas volunt parabolas, aperta atque perspicua

totius Sacramenti praedicatione discussit, per novam prophetiam de Paracleto inundantem, cujus si hausseris fontes, nullam poteris fitire doctrinam, nullus te ardor exuret quaestionum, resurrectionem quoque carnis, usquequoque potando, refrigerabis. Novissima veteribus anteponit, hoc est, novas Montani revelationes pristinis Instrumentis, utriusque scilicet Testamenti libris; non, ut Rhenanus, & Pamelius interpretantur, Novi Foederis libros Mosais, & Prophetis. Non enim ex lege tantum, & Prophetis, sed vel maxime ex Novi Testamenti obscuris quibusdam locis, ambiguitatibus, & parabolis fuorum dogmatum materiam haeretici decerpebant. Cui rei providentissima gratia sua Deum prospexisse docet, in novissimis diebus de spiritu suo effundendo in omnem carnem, qui ejusmodi eloquiis superinundaret, quae nullis haereticorum versutiis materiam, & semina subministrarent, & omnes retro ambiguitates, & parabolae, aperta, atque perspicua totius Sacramenti praedicatione discerneret: quod factum esse subiungit, *per novam prophetiam de Paracleto inundantem.* Adeoque quantum Novi Testamenti libri magis aperta perspicuaeque rerum caelestium revelatione, quae veteres figurae expositae sunt, Legalibus, & Prophetis praestant; tantum Montani Prophetiae, quae vel ipsas Evangelii ambiguitates, & parabolae aperta totius Sacramenti praedicatione discusserunt, ipsis quoque Novi Foederis libris erant anteposendae. Quam profecto sententiam Actorum Collector paucioribus quidem, sed non minus expressis verbis insinuavit, quum ait, *majora reputanda esse noviora quaeque, ut novissimiora secundum exuberantem gratiae, &c.* idest, ut loquitur Tertullianus, secundum *novam prophetiam de Paracleto inundantem.*

II. Respondet Ruinartius, quod quamvis haec verba, „ primo aspectu Montani errores sapere videantur; si tamen paullo accuratius discutiantur, nihil in ipsis contineri, „ nisi orthodoxum, & fidei Catholicae plane consonum.

Non

„ Non enim, *inquit*, iste Auctor visiones novissimas cum
 „ Scripturis Canonicis, ut putavit Valelius, sed solummodo
 „ cum veterum Martyrum visionibus, & revelationibus com-
 „ parat; asseritque non minori venerationi habendas esse,
 „ quae suo tempore, quam quae priscis temporibus, id est,
 „ primo, aut secundo Ecclesiae seculo, contigerant. Immo
 „ & aliquatenus has novas revelationes majori studio sus-
 „ cipiendas esse dicit, cum exempla eo efficaciora sint, quo
 „ magis praesentia: tum deinde, quod hae novissimae vi-
 „ siones, quae aliquando veteres futurae erant, aliqua au-
 „ thoritate fulciendae essent, ut a posteris crederentur. Id
 „ patere, *ait*, ex eadem ipsius Auctoris tota Praefatione;
 „ ubi ne unum quidem verbum de Scripturae Sacrae cum
 „ visionibus Martyrum comparatione habetur, *si vetera*,
 „ *inquit*, *fidei exempla . . . propterea in litteris sunt digesta*,
 „ *ut lectioe eorum quasi repensitatione rerum, & Deus bono-*
 „ *retur, & homo confortetur; cur non & nova documenta*
 „ *aeque utrique causae convenientia & digerantur?*

Verum, non has tantum, quas Ruinartius refert ra-
 tiones produxit Auctor, cur novas revelationes, & prophe-
 tias prae antiquis in pretio haberi vellet; sed illam potissi-
 mum, quam nemo nisi merus putusque Montanista adtulisset,
 & quae satis ostendit, ipsum novissimas revelationes non
 modo veterum Martyrum revelationibus, sed ipsis quoque
 Scripturis Canonicis praetulisse: ob *exuberantem*, scilicet
gratiae in altissima seculi spatia decreta, secundum Johelis
 Prophetiam. Ecquis enim, cui sanum esset caput, Spiritus
 Sancti gratiam novissimis hiscie diebus, idest, tertio ineun-
 te, magis quam primo, aut secundo seculo exuberasse,
 somniavit? Quis nisi Montani spiritu abreptus, ut id osten-
 deret, Johelis verbis, quibus futura haec novissimis diebus
 spiritus exuberatio praenunciabatur, usus aliquando fuisset?
 Unde non ea tantum ratione, ut Ruinartius credidit, iste
 Auctor culpandus est, quod *harum Martyrum visiones ex iis*

esse, quae Deus per Johellem repromiserat, existimaverit. Laudata enim Johelis verba ad omnia, quae in N. Testamento a Deo charismata dispensantur referri posse, non abnuo. Sed eo Montanistam se prodit, quod Prophetæ verba adhibuerit, ad majorem ostendendam novissimis diebus, quam præcedentibus Ecclesiae seculis, caelestium charismatum *exuberationem*. Porro, quamvis, ut idem Ruinartius subjungit, Ecclesia Fidelium dicta, vel scripta inter Scripturas Canonicas nequiquam computarit, etsi non dubitet ab eo processisse, a quo alii dantur genera linguarum, alii prophetiae, alii sermo sapientiae, aliis alia dona, quae laudato Johelis testimonio prænuntiata, & promissa fuisse certum est; attamen non inde sequitur, idem pariter de Aëtorum Scriptore sentiendum esse. Quamvis enim neque Ecclesia, neque Scriptores Catholici, Novi Testamenti charismata, & a Deo procedere, & laudato Johelis testimonio prænuntiata, & promissa fuisse, umquam dubitarint: numquam tamen aut Ecclesia, aut aliquis Catholicorum Johelis verbis usus est ad majorem novissimorum temporum, quam præteritorum Ecclesiae seculorum visionibus, & revelationibus venerationem; auctoritatemque conciliandam.

Est quidem hoc adversus Aëtorum, ut ajunt, Compilatorem gravissimum praejudicium; nescio tamen, an non gravius sit, quod ex sequentibus verbis conficitur argumentum. Sic enim pergit: *Itaque & nos, qui sicut prophetias, ita & visiones novas pariter repromissas & agnoscimus & honoramus.* Haec plane peremptoria sunt: neque enim clarioribus verbis potuisset Auctor, quam ipse sectam profiteretur, exponere: haec Montanismi tessera sunt, & Montanisticae Doctrinae clara & aperta professio. Id enim Catholicos inter, & Montanistas id temporis disceptabatur, an novae idest, extraordinariae & inusitatae visiones & prophetiae agnoscendae essent atque honorandae: an contra, repudiandae atque abjiciendae. Catholici novas visiones & prophetias

tias ut maligni spiritus seductionem averfabantur; non quod nullas eo tempore in Ecclesia agnoscerent visiones & prophetias, aut quod charismatum fontem exaruisse contenderent: sed novarum visionum & novae prophetiae nomine, insolitas, ut dixi, & ut loquitur apud Eusebium ⁽¹⁾ Asterius, *Praeter morem, atque institutum Ecclesiae a majoribus traditum, & continua deinceps successione propagatum*, intelligebant. Contra Montanistae novas hasce revelationes, & prophetias plurimi faciebant, amplectebantur, & honorabant, & hunc primum suae ab Ecclesia secessioni colorem praetulerunt, unde etiam scelerata factio, ut ex Serapione constat ⁽²⁾, nomen accepit, & *nova Prophetia nominata est*. Quod suae ipsos sectae nomen indidisse, his verbis Asterius Urbanus clare & aperte testatur ⁽³⁾: *Et Ecclesiam illius loci deprehendisse nova illa, non ut ipsi dicunt, prophetia, &c.* Novas prophetias, postquam ad Montanistas defecit, passim jactat & praedicat Tertullianus, libro de Jejuniiis ⁽⁴⁾: *propter hoc novae prophetiae recusantur*. Et libr. 3. cont. Marcion. ⁽⁵⁾ *qui apud fidem nostram est, novae prophetiae sermo testatur*. Et libr. 4. ⁽⁶⁾ *quam defendimus in causis novae prophetiae*. Et libr. de Resurrect. carnis ⁽⁷⁾: *per novam prophetiam de Paraclete inundantem*. Firmiliano ⁽⁸⁾ Cataphryges sunt, qui *novas prophetias usurpare conantur*. Ex quo etiam intelligimus, novos eos a Catholicis quoque *Prophetas* fuisse appellatos. Quae quum ita sint, Montanistam utique palam se prodit, & apertissime

me

(1) Παρά τῇ κατὰ παράδοξιν ἢ κατὰ διανοηθῶν ἀποδοῦν τῆς ἐκκλησίας εἶδος δίδον. L. b. 5. Histoi. cap. 16.

(2) Τῆς ἐπικλημένης νέας προφητείας, &c. Epist. ad Caricum & Ponticum, apud Euseb. lib. 5. capite decimo nono.

(3) Κατακαταβὼν τῷ κατὰ Πίοντον (leg. τέπον) ἐκκλησίαν ὑπὸ τῆς νέας ταύτης ἐχθρῆς αἰνῶτοι καὶ προφητείας, &c. Lib. 1. adversus Cataphryg. apud Euseb. ibid. cap. 16.

(4) Cap. 1.

(5) Cap. 24.

(6) Capite 22.

(7) Capite ultimo.

(8) Epist. inter Cyprianic. 75.

me profitetur, qui ferventibus per ea tempora de novis visionibus, & prophetiis Catholicos inter, & Montanistas disidiis, novas se visiones, & prophetias agnoscere, & honorare, palam aperteque testatur. Neminem certe Catholicorum ita esse loquutum, ostendi potest: Montanistarum illa professio est, cui similem, postquam hujus sectae dogmata amplexus est, Tertullianus his verbis edidit (1): *Nam quia spiritalia charismata agnoscimus, &c.* Ita & Aëtorum Editor: *visiones novas, & prophetias agnoscimus, & honoramus.* Atqui, secundum Firmilianum, *καταφρονες illi appellantur, qui novas prophetias usurpare conantur.* Aëtorum igitur Concinnator Cataphrygum seu Montanistarum Catalogo eximi, nulla ratione potest.

Tertium, & illud etiam gravissimum argumentum desumo ex quadam observatione, quam Auctor facit, ubi narrat, quomodo Perpetua ad ferocissimam Vaccam se pugnas se non senserit (2): *Illic Perpetua quasi a somno expergita (adeo, inquit Auctor, in spiritu, & in ecclasi fuerat) circumspicere coepit, & stupentibus omnibus ait: quando inquit producimur ad Vaccam illam nescio.* Quo enim illa observatio pertinet, *adeo in spiritu, & in ecclasi fuerat*, nisi ad stabiliendam Montanistarum de ecclasi doctrinam? Verum equidem est, ecclasis nomen in bonam partem aliquando fuisse a Patribus usurpatum; iis tamen temporibus, quibus Montanistarum haereticis potissimum grassabatur, in deteriorem ferme partem acceptum est, & ut mentis alienationem, furorem, amentiamque significat. Unde quum ea tempestate Catholicos inter, & Montanistas, Tertulliano teste, disputaretur: an verae Prophetiae ecclasis conveniret, adfirmantem opinionem Montanistae, negantem Catholici propugnabant *Defendimus*, inquit Tertullianus (3):

in

(1) Lib. de Anima cap. 19.

(2) In Actis n. 10.

(3) Lib. 4. Cont. Marcion. c. 11.

Pro SS. Perpetua, Felicitate, &c. 47

in causa novae Prophetiae, gratiae ecclasiæ, id est, amentiam convenire . . . de quo inter nos, & Psychicos quaestio est. Hinc scripti eidem Tertulliano pro Montanistis adversus Ecclesiam, ut est apud Hieronymum (1), περὶ ἐκστάσεως libri. Contra vero Miltiadi, ut est apud Eusebium (2), adversus eosdem Montanistas hoc titulo, περὶ τῆ μὴ δυνάμει προφητεῖαν ἐν ἐκστάσει λαλῶν. Quod non deceat Prophetam in ecclasi loqui. In quem Eusebii locum scite Valesius observat: Catholicos hoc praecipue objecisse Montanistis, qui se prophetico spiritu plenos esse jactabant, quod in ecclasi prophetarent: cum tamen, nec in Novo, nec in Veteri Testamento, Prophetas in ecclasi unquam prophetasse legamus. Ecquis igitur tam obesis naribus erit, cui non Montanismus in praemissis Auctoris nostri verbis suboleat? Equidem non ea mihi mens est, in omnem Scriptorem, ecstases inter Dei charismata recensentem, invidiam Montanismi conferre: non me latet, hoc nomen in bonam, etiam ab antiquissimis Patribus, quandoque partem acceptum. Praeter nocturnas visiones, immisas a Spiritu Sancto per dies innocentibus pueris ecstases habemus ex Cypriano, in quem nulla hac de re transferri potest pravae opinionis suspicio (3): Praeter nocturnas visiones, per dies quoque impletur apud nos Spiritu Sancto puerorum innocens aetas, quae in ecclasi videt oculis, & audit, &c. Non eadem tamen de Actorum Compilatore ratio est, qui non ut Cyprianus, & alii deinceps antiqui Patres sedatis Montanistarum tumultibus, sed gliscentibus in dies factionibus, ac discordiis, laudata monumenta literis consignavit; quo certe tempore, aut nomine ecclasis abstinendum erat, aut ita utendum, ut omnis ab eo pravae significationis invidia, aut suspicio removeretur.

III. Nunc

(1) Catal. in Apollonio, & in Tertulliano.

(2) Lib. 5. cap. 17. ex Asterii Urb. lib. 3. adv. Cataph.

(3) Epist. 16. al 10.

III. Nunc mihi adoriendus est Doduvellus, cujus, uti jam dixi, ea sententia est, Aëtorum Compilatores, non modo Catholicae communionis, & alieno a Montanistis fuisse animo, sed etiam ut eorum novas prophetias falsi convinceret, laudata monumenta studuisse publica luce donare. Hanc autem habet hujusce suae mirae profecto opinionis rationem: „Maximilla de se praedixerat, post se Prophetissam aliam non futuram, sed consummationem. Verba ejus apud Epiphanium illa sunt (1): Μετ' ἐμὲ προφῆτης ἔκείτης ἐσται, ἀλλὰ σὺ τέληα. Sub Imperii Marci finem excessisse Maximillam, verisimillimum est. Cum enim ab ejus excessu ad suum, quo scribebat, annum, annos XIII. sive XIV. inchoatum numeret Asterius Urbanus (2), non alio illa, quam ad Commodi imperium aptius referri posse, existimant Eruditi. Contra Catholici, vel hinc illos prophetiae praetextus falsi convincendos putant, quod suae prophetiae, vel ex confesso, finis foret aliquando statuendus. Verum Prophetiam perpetuam fore, & ad mundi usque consummationem revera permanfuram. Qua rationatione ita abfuerunt a negandis suorum temporum prophetiis, ut in quacumque Ecclesia non fuissent Prophetae, ea ne esset quidem pro Ecclesia habenda.

Ita argumentatus est Asterius Urbanus (3): „Nam si quidem ut praedicant, post Quadratum & Ammiam Philadelphensem, Mulieres illae Montani in prophetiae gratiam successerunt; ostendant nobis quinam inter ipso Montano, ac Mulierculis successerint. Etenim prophetiae donum in omni Ecclesia ad ultimum usque Domini adventum permanere debere, Auctor est Apostolus.

„Ad

(1) Haereti. XLVIII. c. II.

(2) Apud Euseb. Hist. Eccl. l. 5. cap. 16. 17.

(3) Εἰ γὰρ μὲν Κωδράτον ἢ τὴν ἐν φιλαδεύμῃ Ἀμμίαν, ὡς φασιν, καὶ περὶ Μορτανὸν διαδίδαντο γυναῖκες τὸ προφητικὸν χάρισμα, τὰς ἀπὸ Μορτανῶ, ἢ τὰν γυναῖκων τίνας παρ' αὐτοὺς διαδίδαντο, δεξιόσταν' εἶναι γὰρ αὐτὰ τὸ προφητικὸν χάρισμα ἐν πάσῃ τῇ ἐκκλησίᾳ μέχρι τῆς τελείας παρουσίας, ὁ Ἀπόστολος ἀξιοῖ. Apud Euseb. Hist. Eccl. l. 5. cap. 17.

„ Ad eandem formam argumentatur vetus ille Auctor,
 „ quicumque fuit, Martyrum contemporaneus, Actorum
 „ Perpetuae & Felicitatis. Is ubi, allato Joëlis loco proba-
 „ basset, ita non deficere a veteris Testamenti illis novi
 „ Testamenti prophetias, ut sint potius ex adverso, sub novo
 „ Testamento potiores expectandae; haec deinde subjungit
 „ in illam, quam dixi, sententiam: *Itaque & nos, qui sicut*
 „ *prophetias, ita & visiones novas, &c.* Eo omnino spe-
 „ ctat tota ea disputatio, ne fraudi esset secuturis visionibus,
 „ quod ultimis Ecclesiae temporibus illas Deus revelare di-
 „ gnatus sit. Id ne esset, hoc sibi probandum fuit, ul-
 „ timis esse illas praecipue temporibus, semperque ad
 „ consummationem usque expectandas. Poterant ea fortassis
 „ adversus Ethnicos dicta videri, poterant etiam adversus
 „ Montanistas. Contra Montanistas potius dicta crediderim,
 „ quia quae dixerat, ea scripturarum testimonio confirma-
 „ vit. Id sane manifestum est, quæ hic protulerat, esse
 „ apud suos in confesso, quod a Montanista scribi omnino
 „ non poterat.

„ Notetur enim in primis, scripta esse ab Auctore
 „ A. D. ccii. idest, anno ab obitu Maximillae circiter xxiii.
 „ decessisse enim illam diximus anno Marci ultimo, i. e.
 „ Dom. clxxix. Atqui ea si vera fuisset Prophetissa, non jam
 „ alius erat Propheta expectandus. Qui igitur alios adhuc
 „ expectavit, semper expectandos existimavit, fieri non
 „ potest, ut illam pro vera Prophetissa habuerit, nec
 „ proinde Montanista esse potuit. Quamquam enim ea
 „ haeresis postea in varias deinde sectas distributa fuerit;
 „ in eo tamen omnes conveniebant, primas illas Muliercu-
 „ las pro Prophetissis fuisse agnoscendas. Notetur secun-
 „ do, ut sensu benignissimo Maximillae verba interprete-
 „ mur, & de Mulieribus Prophetissis, non de Viris Pro-
 „ phetis intelligamus: ne ita quidem hanc Praefationem a
 „ Montanista scribi potuisse. Perpetuae enim Prophetissae.

„ visiones erat complexurus. Quamquam certum sit, hanc
 „ interpretationem ad mentem Maximillae accommodari non
 „ posse. Quae enim post se συντέλῃαν fore dixerat, eam
 „ omnem prorsus prophetiae usum exclusuram necesse erat.
 „ Tertio, quum hac ipsa argumentatione, ante annos ad mini-
 „ mum decem, in secta illa refellenda usus fuerat Asterius
 „ Urbanus; quis credat, eadem argumentatione usurum se-
 „ ctæ patronum? Quarto, id etiam ex eodem Urbano con-
 „ stat, de facto illos omnem suam Prophetarum successionem
 „ in Maximilla terminasse, nec alium quemvis post illam
 „ admisisse successorem. Eadem argumentatione usus Epi-
 „ phanius, post illius obitum neminem alium a Montanistis
 „ ad sua usque tempora agnitum esse confirmat. Fieri igitur
 „ non potest, ut Montanista Saturum, Perpetuamque in Pro-
 „ phetarum album retulerit. Id saltem ex illa aliorum argu-
 „ mentatione concedat Lector necesse est, qui ita argumenta-
 „ tur, non esse eo nomine pro Montanista aestimandum. Nec
 „ tamen aliud proferunt, qui aliter sentiunt Viri sane eru-
 „ diti. Haec Doduvellus, quae tamen quamvis erudite,
 „ ac subtiliter disputata, extorquere a me neutiquam potue-
 „ runt, ut illis ad sensum accommodarem. His enim in re-
 „ bus, quibuscumque nostris subtilibus, atque eruditis obser-
 „ vationibus praevalere debent rerum gestarum indubiae fidei
 „ monumenta, ex quibus, ut modo ostendam, manifestissime
 „ constat, nihil in tota hac Doduvelli disputatione inesse vi-
 „ rium, atque soliditatis ad Montanismi suspensionem ab Au-
 „ ctore nostro amoliendam.

IV. His igitur duobus fundamentis tota haec eruditi Viri
 disputatio nititur. Primo, sub imperii Marci finem excessisse
 Maximillam, tribus circiter ac viginti annis, antequam Mar-
 tyrium Perpetua & Felicitas, earumque Socii subirent. Se-
 cundo, persuasum fuisse Montanistis, nullum post Maximillae
 obitum Prophetam futurum, multo autem minus aliam post
 eam Prophetidem exspectandam. Fieri proinde non posse,

ut

ut Actorum scriptor, qui Saturum & Perpetuam prophetiae ac caelestium revelationum donis insignes, eademque charismata, ad consummationem usque, in Ecclesia permanens credidit, Montanistarum fuerit erroribus imbutus. Mihi vero neutrum horum, quae Vir doctus adsumit, admitti posse videtur. Et ad primum illud quod attinet de obitu Maximillae, equidem scio, multos in ea versari opinione, illum esse in annum Marci ultimum conferendum. Sed, ut alibi ostendi ⁽¹⁾, & jampridem Valesius observavit ⁽²⁾, inde eorum error profluxit, quod Asterium, qui se quatuordecim annis post Montani, & Maximillae obitum, libros suos scripsisse testatur, Apollonio vetustiorē esse crediderint, a quo memoriae proditum est, quadraginta annis antequam scriberet, Montanum prophetiam suam invexisse ⁽³⁾. At non res ita se habuit. „Etenim, ut Valesius observat, Apollonius, Montano adhuc superstite, cum insanis suis vatibus Priscilla & Maximilla, librum suum composuit, ut ex his fragmentis, quae profert Eusebius, elicitor, idque non uno loco; ut cum dixit, ἡ προφήτης ἡμῖν ἠπάτω τὰ κατὰ Ἀλέξανδρον, ἢ λέγοντα ἑαυτὸν μάρτυρα, ὃ συνεσταται, ὃ προσκυνῶσι, καὶ αὐτῷ πολλοί. Et paullo post de eodem Alexandro loquens ait, ὃν ὁ προφήτης συνόντα πολλοῖς ἔτι σιν ἄγνοῦ. Ex quibus apparet verbis, & Alexandrum & Montanum ipsum, ac Maximillam adhuc vixisse, cum haec scriberet Apollonius. Neque vero ait Apollonius, quadraginta annos effluxisse ab obitu Montani ad tempus, quo ista scribebat. Sed id tantum dicit; quadraginta annis antequam ipse ad scribendum accederet, Montanum Pseudo-Prophetiam suam invexisse. Quare quum Severo imperante, & superstite adhuc Maximilla, libros suos Apollonius elucubravit, me-

(1) Dissert. de capit. crimin. absol. sect. 2. cap. 5.

(2) Annot. ad Euseb. lib. 5. cap. 18.

(3) Apud Euseb. loc. cit.

moratos Asterio quatuordecim a Maximillae obitu quietis Imperii, & Ecclesiae pacis annos, a Caracallae post mortem Patris initiis, ad Alexandri priores annos esse ducendos, & Maximillam anno Domini plus minus ccxii. obiisse, loco superius laudato demonstravi. His ita animadversis facile corruunt, quae Doduvellus falsae de Maximillae interitu epochae superstruxit. Perpetuam enim, atque Felicitatem anno circiter cciii. sub ipsa pene Severianae persecutionis initia, Martyres occubuisse, verosimillima Eruditorum, quos inter & Doduvellus, opinio est. Unde Perpetuae Martyrium Maximillae interitum annis, ad minus, decem praecessit: adeoque Scriptor Montanista ejus prophetias agnoscere potuit, ac venerari, eamque ut prophetissam colere, quamvis non ignoraret, imo & inconcussae, ac firmiter crederet, nullam post Maximillam fore Prophetissam.

V. Deinde, si arbitremur vera esse, quae de Maximillae obitu Doduvellus statuit, eam scilicet anno Marci ultimo excessisse; necesse profecto est, ut falsa omnino sint, quae secundo loco tradit de Montanistarum in hanc sententiam consensione, quod nulla post Maximillam futura esset in Ecclesia Prophetissa. Etenim tam clare, & aperte demonstrari potest, Montanistas, alias post Maximillam (si ejus mors in annum Marci ultimum conjiciatur) Prophetissas agnovisse, ut mirum sit, hoc Virum doctum jecisse opinionis suae fundamentum. Annon ad Montanistas defecerat Tertullianus, quum librum scripsit *de Anima*? Annon ab obitu Maximillae, triginta ferme annis, si illa Aurelii ultimo excessit, hunc librum elucubravit? Et tamen alias se ibi, post insanam illam mulierem, Pseudo-Prophetissas agnoscere, profiteretur (1): *Est hodie Soror apud nos revelationum charismata sortita, quas in Ecclesia inter Dominica sollemnia per celsa*
sin

(1) Cap. 9.

fin in spiritu patitur, conversatur cum Angelis, aliquando etiam cum Domino, & videt, & audit Sacramenta, & quorundam corda dinoscit, & medicinas desiderantibus submittit. Jam vero prout Scripturae leguntur, aut Psalmi canuntur, aut adlocutiones proferuntur, aut petitiones delegantur; ita inde materiae visionibus subministrantur: forte nescio quid de Anima disierueramus, quum ea Soror in spiritu esset. Post transacta sollemnia, dimissa plebe, quo usu solet nobis renuntiare, quae viderit (nam & diligentissime digeruntur, ut etiam probentur) inter cetera, inquit, ostensa est mihi anima corporaliter, &c. En egregiam post Maximillam Montanistarum Prophetissam! Quid quod in eodem libro (1) Perpetuae revelationes, non minus quam Passionis Auctor, agnoscit, atque commendat? adeoque Perpetuam, non minus quam Actorum Collector, in Prophetarum album referendam existimavit: Perpetua fortissima Martyr in revelatione gloriae Paradisi, solos illic Commartyres suos vidit. Et tamen Perpetua vix nata erat, quum Maximilla obiit, si sub Imperii Marci finem vivere desit, anno scilicet clxxix. Anno enim ccciii. quo Martyr occubuit, annorum erat, ut in Actis habetur, circiter viginti duorum. Quid etiam quod in eodem pariter libro tam longe abest, ut credat, post Montanum, & Maximillam prophetiae spiritum in Ecclesia defecisse; quin potius eos sibi viam ad nova charismata suscipienda aperuisse significet, qui eadem in Pseudo-Prophe- tis illis neutiquam fuerant adspersati: & hanc perpetuam, atque indeficientem divinorum charismatum redundantiam, cum Apostoli, in eodem loco, tum alibi (2), Joëlis testimoniis, haud secus quam Actorum Scriptori, adstruat, atque confirmet? Nam quia spiritalia charismata agnoscimus, post Johannem quoque prophetiam meruimus & consequi. Est hodie Soror, &c. relataque insanae Vatis visione, subjungit:

Haec

(1) Cap. lxx.

(2) L. b. de Resurrect. Carnis sub fin.

Haec visio est; Deus testis, & Apostolus charismatum in Ecclesia futurorum idoneus sponsor. Quid denique quod in libro de Jeuniis adversus Psychicos hoc eor nomine vellicat, quod divinae gratiae charismatis terminos constituerent, seu palos, ut loquitur, terminales? Quod utique in ipsos Montanistas retorqueri nullo negotio potuisset, si eisdem gratiae donis fines in Maximilla posuissent: sed rursus, inquit ⁽¹⁾, palos terminales figitis Deo, sicut de gratia, ita de disciplina; sicut de charismatibus, ita & de sollennibus, ut proinde officia cessaverint, quemadmodum & beneficia ejus.

Haec mecum cogitanti in mentem venit, an Montanistas in Africa perspecta omnia forte non essent, quae Maximilla in Asia oracula fuderat. Sed ab hac me cogitatione revocavit Firmiliani ad Cyprianum Epistola ⁽²⁾, ex qua constat, etiam in Asia, alias post Maximillam inter Montanistas surrexisse Prophetissas: *Ante viginti, inquit, & duos fere annos temporibus post Alexandrum Imperatorem, multae istic constitutiones & pressurae acciderunt, vel in commune omnibus hominibus, vel privatim Christianis.... In hac autem perturbatione constitutis fidelibus:.... emerfit istic subito quaedam Mulier, quae in ecclesiâ constituta, propheten se praeferreret, & quasi Sancto Spiritu plena sic ageret. Ita autem principium daemoniorum impetu ferebatur, ut per longum tempus sollicitaret, & deciperet fraternitatem, ac mirabilia quaedam, & portentosa perficiens, & facere se, terram moveri, polliceretur... Quibus mendaciis, & jactationibus subegerat mentem singulorum, ut sibi obedirent, & quocumque praeciperet, ac duceret, sequerentur: faceret quoque Mulierem illam, cruda hyeme, nudis pedibus per asperas nives ire, nec vexari in aliquo, aut laedi illa discursione: diceret etiam, se in Judaeam, & Hierosolymam festinare, fingens tamquam inde*

de-

(1) Capit. undecimo.

(2) Inter Cyprianic. lxxv.

venisset, &c. Haec ideo lato calamo exscripsi, ut quisquis intelligat, quam egregias Montanistae, etiam in Asia, post Maximillam habuerint Prophetissas. Sane si tempora convenirent, hanc omnino ipsam esse crederes Maximillam, adeo in illam omnia concinunt, quae de Maximilla ex Asterio Urbano, & aliis Scriptoribus, Eusebius refert. Nam praeter jam dicta; & utriusque spiritum coarguere, & confutare Catholici adgressi sunt; & sicut Maximilla, ut ait Tertullianus (1), *non alium Deum praedicabat, nec aliquam, ejusdem Tertulliani judicio, fidei, aut spei regulam evertibat*: Ita ista, multos, ut est apud Firmilianum, baptizavit, usitata, & legitima verba interrogationis usurpans, ut nil discrepare ab Ecclesiastica regula videretur. Et paullo ante de eadem femina dixerat: *etiam hoc frequenter ausam esse, ut & invocatione non contemptibili sanctificare se panem, & Eucharistiam facere simularet, & Sacrificium Domino non fuisse sacramento solitae praedicationis offerret*. Quae omnia Montanistici spiritus characteres sunt, & suis Prophetissis a Montano fuisse permisa, ab antiquis Scriptoribus memoriae proditum est. Constat igitur, propterea non esse aliquem e Montanistarum catalogo expungendum, quod aliam post Maximillam agnoverit Prophetissam. Quamvis enim insana haec Vates id de se praedicaverit: Μετ' ἐμὲ ὡροφῆτις ἐστὶν ἡ γὰρ, &c. Attamen fieri potuit (& id frequentissime Sectariis accidit) ut ad haec tam manifesta mendacia animum noluerint advertere: aut aliam Propheten intellexerint, quae novam, & perfectiorem doctrinam, ac disciplinam inveheret; quo sensu novos ipsi se Montanistarum Patriarchae Prophetas nuncuparunt, quia novam judicio suo inchoarunt post Apostolos Prophetiam. Ut ut sit, patet, jam puto, Doduvellum infirmo nimium niti tibicine, quum Actorum Collectorem Montanistarum ideo catalogo eximit, quod Perpetuam, post Maximil-

(1) Lib. de Jejunii cap. 1.

millam, Propheten existimaverit, quum eam Tertullianus quoque professus Montanista eodem loco ac numero habuerit.

VI. Heinc autem, ut superius dixi, Basnagius primum suum adversus Ss. Martyres ducit argumentum. „ Ex „ Actorum, *inquit*, Collectore verosimillima nobis conjectura nascitur, Perpetuam, eosque Martyres, qui se mortis socios ipsi addidere, de grege Montanistarum fuisse. „ Nemo sane familiae hujus, Catholicorum Acta Martyrum luci dedisset, quos utpote Psychicos contentui habebant. „ Constat etiam, Perpetuam, Felicitatem, Saturum, eandem cum Actorum Autore fidem profiteri, ut ex verbis ipsius exploratum est: *Et nos itaque quod audivimus, & contrectavimus, annuntiamus & vobis, fratres & filioli, ut & vos, qui interfuistis, rememoremini gloriae Domini: & qui nunc cognoscitis per auditum, communionem habeatis cum Sanctis Martyribus.* Atqui Collector Actorum suo se indicio Montanistam prodit. Deinde Tertullianus Catholicis infensissimus, Montanique defensor acerrimus, magnis Perpetuae laudibus afficit, ejusque visionibus utitur ad probandum, solos ante diem judicii solemnibus Martyres in coelum recipi: *Quomodo*, inquit, *Perpetua fortissima Martyr, &c.* „ Eo gravius id argumenti, quod Tertullianus, & Perpetuae coaetaneus, & incola Carthagini, ubi Perpetua vitam cum morte commutavit, ignorare non potuerit, cujusnam sectae esset, sive mulier illa, sive Passionis ejus Collector. Est autem certo certius, Tertullianum neque Psychicorum alicui tot tantaque praeconia voluisse tribui, multo autem minus verba ipsius, auctoritatemque adhiberi ad probandam, quam adstruebat, Sententiam.

Ut hoc argumentum, quod aliquam, praecipue mihi, primo adspectu molestiam creare posse videtur, penitus dissipetur, atque evertatur; aliqua sunt mihi circa Montanistas observanda, ex quibus non animadversis omnem illud verisimi-

similitudinem ducit. Primum illud sit, Catholicos non fuisse a Montanistis, qui non omnino desiperent, ut E. G. a Tertulliano, pro Haereticis existimatos. Id primo constat ex hujus libro de Monogamia, ubi statim initio Psychicos ab Haereticis distinguit: *Haeretici nuptias auferunt, Psychici ingerunt*. Si quaeras, quomodo id esse potuerit? Ratio in promptu est, quam paullo inferius idem subjungit, quod tota Montanistarum a Catholicis differentia, ipsius judicio, non fidei, sed disciplinae res esset; hac enim ratione Paracletum suum ab Haereseos suspicione liberare conatur: *Adversarius enim Spiritus ex diversitate praedicationis appareret, primo regulam adulterans fidei, & ita ordinem adulterans disciplinae: quia cujus gradus prior est, ejus corruptela antecedit, idest, fidei, quae prior est disciplina. Ante quis de Deo Haeticus sit, necesse est, & tunc de instituto. Paracletus autem multa habens edocere, quae in illum disulit Dominus, secundum praefinitionem, ipsum primo Christum contestabitur, qualem credimus toto cum ordine Dei creatoris, & ipsum glorificabit, & de ipso commemorabit: & sic de principali regula agnitus, illa multa, quae sunt disciplinarum, revelabit, fidem dicente pro eis integritate praedicationis, licet novis, quia nunc revelantur. Eadem ratione & in lib. de Jejuniiis ⁽¹⁾ objectam a Catholicis Montano Haereseos notam depellere conatus est, eandemque dijudicandi Haereseos regulam tradidit. Quum enim inveetae per Montanum disciplinae & institutioni a Catholicis opponeretur, quod aut *Pseudo-Prophetia* esset, si *spiritualis vox sollemnia illa constituit*; aut *Haeresis*, si *humana praesumptio adinvenit*: ita respondit: *Indubitate, & Haeresis, & Pseudo-Prophetia Divinitatis diversitate judicabuntur apud nos, unici Dei creatoris, & Christi ejus antisites*. Similia habet libro de Virginibus velandis, pariter sub initium, ubi luculentius exponit, praef-*

H

mis-

(1) Capite undecimo.

missis locis memoratam, *regulam fidei*, quam qui adulterat, Haereticus est: qui servat, quamvis ordinem adulteret, aut innovet disciplinae, Haereticus ipsius iudicio censeretur non debet: esse autem huiusmodi, quae Montanus Apostolorum praedicationi, atque institutis adjecit; ordinata ea scilicet esse ad perficiendam, manente tamen eadem fidei regula, disciplinam: non esse propterea Montano de vetustate praescribendum; aut Montanistas ob nova haec instituta inter Haereticos numerandos; aut, ut deinceps videbimus, ab Apostolicarum Ecclesiarum communione alienos esse censendos: *Regula quidem fidei una omnino est, sola immobilis, & inreformabilis: credendi scilicet in unum Deum omnipotentem, mundi conditorem, & Filium ejus Jesum Christum, natum ex Virgine Maria, crucifixum sub Pontio Pilato, tertia die resuscitatum à mortuis, receptum in caelis, sedentem nunc ad dexteram Patris, venturum judicare vivos & mortuos, per carnis etiam resurrectionem. Hac lege fidei manente, cetera jam disciplinae, & conversationis, admittunt novitatem correctionis Quae est ergo Paracleti administratio, nisi haec, quod disciplina dirigitur, &c.* Postea sequitur de communicatione, quam se Montanistae cum Ecclesiis Apostolicis habere jactabant ob consensionem in eandem fidem, eademque fidei Sacramenta, de qua deinceps videbimus. Interim idem conficio argumentum ex his, quae docet in principio libri contra Praxeam, ubi quamvis aperte fateatur, se ob Paracleti agnitionem, atque defensionem a Psychicis esse disjunctum; attamen eandem dijudicandi Haereses regulam tradit, ex qua plane consequens est, hanc Montanistas inter & Psychicos dissensionem non iis in rebus positam fuisse, quae fidem ipsius iudicio laederent, aut ex quibus possent Haereses pullulare: Nos vero, & semper, & nunc magis, ut instructiores per Paracletum, deductorem scilicet omnis veritatis, unicum quidem Deum credimus, sub hac tamen dispensatione, quam οἰκονομίαν dicimus, ut unicus Dei sit, & Filius ser-

sermo ipſius, qui ex ipſo proceſſerit, per quem omnia facta ſunt, & ſine quo factum eſt nihil. Hunc miſſum a Patre in Virginem, & ex ea natum hominem, & Deum, filium hominis, & filium Dei, & cognominatum Jeſum Chriſtum. Hunc paſſum, hunc mortuum, & ſepultum ſecundum Scripturas, & reſuſcitatum a Patre, & in caelos reſumtum, ſedere ad dexteram Patris, venturum judicare vivos, & mortuos. Qui exinde miſerit ſecundum promiſſionem ſuam a Patre Spiritum Sanctum Paracletum, ſanctificatorem fidei eorum, qui credunt in Patrem, & Filium, & Spiritum Sanctum. Hanc regulam ab initio Evangelii decucurriſſe, etiam ante priores quoſque Haereticos, nedum ante Praxeas heſternum, probabit tam ipſa poſteritas omnium Haereticorum, quam ipſa novellitas Praxeae heſterni. Quo peraeque adverſus univerſas Haereſes jam hinc praepudicatum ſit, id eſſe verum, quodcumque primum: id eſſe adulterum, quodcumque poſterius. Profecto non ignorabat Tertullianus, imo id aperte fatebatur, novam eſſe Montani prophetiam, novam ipſius praedicationem, ejus inſtituta ab initio Evangelii minime decucurriſſe, ſed in poſteriora haec tempora, uti Montaniſtae eſtutiebant, fuiſſe a Chriſto dilata. Unde non alia ratione potuit a Montano ſuo Haereſeos, ſive adulterii Haeretici culpam, infamiamque amovere, quam dicendo, inductas ab eo heſterna die traditiones, non fidei regulam adulterare, ſed perficere diſciplinam: adeoque ad diſciplinam, non ad fidem pertinuiſſe controverſias Montaniſtas inter & Catholicos excitatas; & neque hos, neque illos in Haereticorum cenſum fuiſſe reſeſtendos, quod ſalva fidei regula, in iis quae converſationis, & diſciplinæ ſunt, invicem diſſiderent. Idem etiam conſtat, ut alia plurima omitam, ex toto libro de Praeſcriptionibus adverſus Haereticos, quo certe titulo nequaquam Pyſchicos, ſive Catholicos comprehendit, quum nihil magis adverſus Haereticos urgeat, quam veteres & Apoſtolicas tradi-

tiones, & Apostolicarum Ecclesiarum auctoritatem; nihil magis Haereticis exprobrat, quam novitatem, imo hoc ei propositum fuerit, ut ex ipso discimus, omnes Haereticorum sectas hoc solo titulo arguere: *Sed alius*, inquit ⁽¹⁾, *libellus hunc gradum sustinebit adversus Haereticos, etiam sine retratu doctrinarum revincendos, quod hoc sint de praescriptione novitatis*. Est autem, ut ipse etiam Basnagius docet ⁽²⁾, laudatus liber a Tertulliano conscriptus, postquam ad Montanistas defecerat. Et est scriptus adversus omnes Haereses, ut idem ipse Tertullianus alibi diserte testatur ⁽³⁾: *Sed plenius ejusmodi Praescriptionibus adversus omnes Haereses alibi jam usi sumus*. Quum igitur nihil occurrat in eo libro, quod Catholicos possit offendere, imo quod non ex eorum sententia prolatum sit, adeo ut multorum opinio fuerit ⁽⁴⁾, eum fuisse a Tertulliano, antequam Montani dogmata amplecteretur, elucubratum; consequens est, Psychicos, seu Catholicos non fuisse a Tertulliano inter Haereticos computatos.

VII. Secundo notandum est, quod & ex praecedentibus sponte fuit, & quae jam dicta sunt, luculentius adhuc confirmat; Montanistas, quamvis conversatione, & disciplina ab Apostolicarum Ecclesiarum institutionibus, moribusque differrent, se tamen non esse arbitratos, in iis, in quibus fidei, & Christianae Religionis summa vertitur, ab earum communione alienos. Id ex eodem Tertulliano, & iisdem ferme locis compertum est. Libro enim de Virginibus velandis postquam docuit, Catholicos, & Montanistas in unam fidei regulam conspirare, & Paracletum non fidem adulterasse, sed disciplinae supremam admovisse manum; statim subjungit: *Per Graeciam, & quasdam Barbarias ejus, plures*
Et-

(1) Lib. 1. advers. Marcion. cap. 1.

(2) Anno D. 200. N. 1x. Vid. & Pagium A. 195. num. 1v.

(3) Lib. de Carne Christi cap. 2.

(4) V. Pamel. in vita Tertull. ad A. 303.

Ecclesiae Virgines suas abscondunt. Est & sub hoc caelo institutum istud alicubi, ne qui Gentilitati Graecanae, aut Barbaricae consuetudinem illam adscribat. Sed eas ego Ecclesias proposui, quas & ipsi Apostoli, vel Apostolici viri condiderunt, & puto ante quosdam. Habent igitur & illae eandem consuetudinis auctoritatem, tempora, & Antecessores opponunt, magis quam posteræ istae. Quid observabimus, quid diligemus? Non possumus respicere consuetudinem, quam damnare non possumus, utpote non extraneam, quia non extraneorum, cum quibus scilicet communicamus juxta pacis, & nomen fraternitatis. Una nobis, & illis fides, unus Deus, idem Christus, eadem Lavacri Sacramenta. Semel dixerim, una Ecclesia sumus. Ita nostrum est, quodcumque nostrorum est. Sed nihil luculentius ad id probandum adferri potest iis, quæ in eandem sententiam subtilissime disputat in libro de Præscriptionibus adversus Haereticos, quem, uti dixi, jam Montanista composuit. Aliqua ex eo libro loca, quamvis prolixiora, huc adferre, operæ præteritum existimavi, quia rem plane conficiunt, & optimo in lumine collocant. Ait igitur, ad convincendos Haereticos, hoc solum esse disputandum ⁽¹⁾: quibus competat fides ipsa, cujus sint Scripturae: a quo, & per quos, & quando, & quibus sit tradita disciplina, qua fiunt Christiani. Ubi enim apparuerit esse veritatem disciplinae, & fidei Christianae, illic erit veritas Scripturarum, & expositionum, & omnium traditionum Christianarum. Deinde subjungit, quod Apostoli a Christo edocti ⁽²⁾, & consecuti promissam vim Spiritus Sancti ad virtutes, & eloquium, primo per Judaeam contestata fide in Jesum Christum, & Ecclesiis institutis, deinceps in orbem profecti, eandem doctrinam ejusdem fidei Nationibus promulgaverunt, & proinde Ecclesias apud unamquamque civitatem condiderunt, a quibus traducem fidei, & semina doctrinae

cc-

(1) Cap. 19.

(2) Cap. 10.

ceterae exinde Ecclesiae mutuatae sunt, & quotidie mutantur, ut Ecclesiae fiant. Ac per hoc, & ipsae Apostolicae deputantur, ut soboles Apostolicarum Ecclesiarum. Omne genus ad originem suam censeatur, necesse est. Itaque tot, ac tantae Ecclesiae una est illa ab Apostolis prima, ex qua omnes: sic omnes primae, & omnes Apostolicae, dum una omnes probant unitatem: dum est illis communicatio pacis, & appellatio fraternitatis, & contesseratio hospitalitatis; quae jura non alia ratio regit, quam ejusdem Sacramenti una traditio. Hanc igitur dirigimus praescriptionem ⁽¹⁾: si Dominus Iesus Christus Apostolos misit ad praedicandum, alios non esse recipiendos praedicatores, quam quos Christus instituit. . . . Quid autem praedicaverint, idest, quid illis Christus revelaverit, & hic praescribam, non aliter probari debere, nisi per easdem Ecclesias, quas ipsi Apostoli condiderunt, ipsi eis praedicando, tam viva (quod ajunt) voce, quam per Epistolas postea. Si haec ita sunt, constat proinde omnem doctrinam, quae cum illis Ecclesiis Apostolicis matricibus, & originalibus fidei conspiret, veritati deputandam, id sine dubio tenentem, quod Ecclesiae ab Apostolis, Apostoli a Christo, Christus a Deo suscepit: reliquam vero omnem doctrinam de mendacio praejudicandam, quae sapiat contra veritatem Ecclesiarum, & Apostolorum, & Christi, & Dei. Superest ergo, uti demonstremus, an haec nostra doctrina, cujus regulam supra edidimus, de Apostolorum traditione censeatur, & ex hoc ipso, an ceterae de mendacio veniant. Communicamus cum Ecclesiis Apostolicis, quod nulla doctrina diversa, hoc est testimonium veritatis. Et infra adversus Haereses, quae se de vetustate jactabant, seseque imperitis, quod sub Apostolis fuissent, pro Apostolicis venditabant: id, ait, illis incumbere, ut ostendant, aliquem se, vel ex Apostolis, vel ex Apostolicis viris, qui tamen cum Apostolis perseveraverit, suae habere institutionis auctorem, aut saltem Apostolica-

(1) Cap. 21.

licarum Ecclesiarum communione potiri (1): Ceterum si quae audent inferere se aetati Apostolicae, ut ideo videantur ab Apostolis traditae, quia sub Apostolis fuerunt, possumus dicere: edant ergo origines Ecclesiarum suarum, evolvant ordinem Episcoporum suorum, ita per successiones ab initio decurrentem, ut primus ille Episcopus aliquem ex Apostolis, vel Apostolicis viris, qui tamen cum Apostolis perseveraverit, habuerit auctorem, & antecessorem. Hoc enim modo Ecclesiae Apostolicae census suos deferunt: sicut Smyrnaeorum Ecclesia habens Polycarpum, ab Iohanne conlocatum refert: sicut Romanorum Clementem a Petro ordinatum edit: proinde utique & ceterae exhibent, quos ab Apostolis in Episcopatum constitutos, Apostolici semini traduces habeant. Constringant tale aliquid Haeretici. Quid enim illis post blasphemiam illicitum est. Sed etsi confinxerint, nihil promovebunt. Ipsa enim doctrina eorum cum Apostolica comparata ex diversitate & contrarietate sua pronuntiabit, neque Apostoli alicujus auctoris esse, neque Apostolici. Quia sicut Apostoli non diversa inter se docuissent, ita & Apostolici non contraria Apostolis edidissent, nisi illi, qui ab Apostolis desciverunt, & aliter praedicaverunt. Ad hanc itaque formam provocabuntur ab illis Ecclesiis, quae licet nullum ex Apostolis, vel Apostolicis auctorem suum proferant, ut multo posteriores, quae denique quotidie instituuntur, tamen in eadem fide conspirantes, non minus Apostolicae deputantur pro consanguinitate doctrinae. Ita omnes Haereseis ad utramque formam a nostris Ecclesiis provocatae probent se quaquam putant Apostolicas. Sed adeo nec sunt, nec possunt probare quod non sunt; nec recipiuntur in pacem, & in communicationem ab Ecclesiis quoque modo Apostolicis: scilicet ob diversitatem Sacramenti nullo modo Apostolicae. Sed nihil luculentius iis, quae non multo inferius de praecipuis Ecclesiis Apostolicis, & praesertim Romana, disserit in haec verba (2): *Age jam, qui*

vo-

(1) Cap. xxxii.

(2) Cap. xxxvi.

voles curiositatem melius exercere in negotio salutis tuae, per-
 curre Ecclesias Apostolicas, apud quas ipsae adhuc cathedrae
 Apostolorum suis locis praesidentur, apud quas ipsae authenticae
 literae eorum recitantur, sonantes vocem, & repraesentantes
 faciem uniuscujusque. Proxime est tibi Achaja, habes Corin-
 thum. Si non longe es a Macedonia, habes Philippos, habes
 Thessalonicenses. Si potes in Asiam tendere, habes Ephesum.
 Si autem Italiae adjaces, habes Romam, unde nobis quoque
 auctoritas praesto est: statu felix Ecclesia, cui totam Apo-
 stoli doctrinam cum sanguine suo profuderunt, ubi Petrus pas-
 sioni Dominicae adaequatur, ubi Paulus Jobannis exitu coro-
 natur, ubi Apostolus Johannes, posteaquam in oleum igneum
 demersus, nihil passus est, in Insulam relegatur. Videamus
 quid dixerit, quid docuerit, quid cum Africanis quoque Ec-
 clesiis contesserarit: unum Deum novit creatorem universitatis,
 & Christum Jesum ex Virgine Maria filium Dei creatoris, &
 carnis resurrectionem: legem, & Prophetas cum Evangelicis,
 & Apostolicis literis miscet, & inde potat fident eam: aqua si-
 gnat, Sancto Spiritu vestit, Eucharistia pascit, Martyrio exhor-
 tatur; & ita adversus hanc institutionem neminem recipit.
 Haec institutio, non dico jam, quae futuras Haereses praenun-
 tiabat, sed de qua Haereses prodierunt. Sed non fuerunt ex il-
 la, ex quo factae sunt adversus illam. Etiam de Olivae nucleo
 mitis, & opimae, & necessariae, asper Oleaster exoritur:
 etiam de papavere Fici gratissimae, & suavissimae, ventosa,
 & vana Caprificus exsurgit. Ita & Haereses de nostro fru-
 ctificaverunt, non nostrae, degeneres veritatis grano, & men-
 dacio sivestris. Potuisset ne a Baronio, Bellarmino, & aliis
 qui Romanae Ecclesiae addictissimi habentur, quidquam de
 illa, aut magnificentius, aut illustrius praedicari? Quis cre-
 deret, haec Haeretico homini, & ab Ecclesia Romana
 extorri excidere potuisse, quibus omnes penitus adversus
 ejusdem Ecclesiae doctrinam Haereses profligantur? Nemo
 prorsus, qui non adverterit ad ea, quae haecenus ex hoc

Au-

Pro SS. Perpetua, Felicitate, &c. 65

Auctore deduximus, non id scilicet in mentem venisse Montanistis, se ob novam Prophetiam, ac disciplinam ab Ecclesiarum Apostolicarum communione in iis, quae fidei sunt, & in quibus summa vertitur religionis, excidisse. Attamen quia non omnes consentiunt, librum de Praescriptionibus a Tertulliano, dum inter Catholicos versaretur, non fuisse compositum; addam ex lib. iv. cont. Marcion. quem constat, postquam simultates cum Psychicis, ut ait ⁽¹⁾, habere coeperat, fuisse ab eo concinnatum, simile de Ecclesiis Apostolicis, & praesertim Romana, testimonium; adulterum scilicet, & haereticum esse habendum quidquid in rebus fidei ab earum traditione recedit, & extraneum esse existimandum quidquid cum illis non in una eademque fide communicat ⁽²⁾: *In summa, si constat, id verius, quod prius; id prius, quod & ab initio; ab initio, quod ab Apostolis: pariter utique constabit, esse ab Apostolis traditum, quod apud Ecclesias Apostolorum fuerit sacrosanctum. Videamus quod lac a Paulo Corinthiis hauserint; ad quam regulam Galatae sint re-
correcti; quid legant Philippenses, Thessalonicenses, Ephesi; quid etiam Romani de proximo sonent, quibus Evangelium & Petrus, & Paulus sanguine quoque suo signatum reliquerunt: Habemus & Johannis alumnas Ecclesias. Nam & si Apocalypsin ejus Marcion respuit; ordo tamen Episcoporum ad originem recens, in Johannem stabit auctorem. Sic & ceterarum generositas recognoscitur. Dico itaque apud illas, nec solas jam Apostolicas, sed apud universas, quae illis de societate Sacramenti confederantur, id Evangelium Lucae ab initio editionis fuisse quod cum maxime tuetur. Haec profecto, & his similia, quae apud eum passim occurrunt etiam in iis libris, quos constat, postquam ad Montani dogma delapsus est, ab eo fuisse promulgatos, scribere numquam ausus fuisset, qui se non*

I

exi-

(1) Vid. cap. xxii.

(2) Cap. v.

existimasset in iisdem cum Ecclesiis Apostolicis hdei Dogmatibus communicare. Non ignorabat profecto Tertullianus, novam ab Ecclesia Romana damnari Prophetiam, & disciplinam reprobari, quam Montanus invexerat: & tamen Romanae Ecclesiae, & ceterarum Apostolicarum auctoritatem ubique praedicat, mirumque in modum extollit, eosque a Christianismo, ab Apostolis, & a Christo alienos esse decernit, qui non in unam, eandemque fidem cum Ecclesiis Apostolicis conspiraverint. Quod profecto certissimo est argumento, non fuisse Montanistis persuasum, se ab Ecclesiae Catholicae communione in iis, quae fidei sunt, excidisse.

Denique, ut innumera praetermittam, quae huc in eandem sententiam adferri possent; veram Christi Ecclesiam non fuisse Tertulliani iudicio ad solam Montanistarum sectam coarctatam, sed Catholicos quoque ad unum idemque Ecclesiae corpus pertinuisse, cuius membra, quamvis non easdem omnino sectarentur morum institutiones, eadem nihilominus fide, iisdemque Sacramentis inter se colligarentur; ea luculenter ostendunt, quae de Christiani nominis, Ecclesiaeque amplitudine adversus Ethnicos disputat ⁽¹⁾: *Hesperi sumus, & vestra omnia implevimus, urbes, insulas, castralla, municipia, conciliabula, castra ipsa, tribus, decurias, palatium, Senatum, forum, sola vobis relinquimus templa. Cui bello non idonei, non promti fuissetus, etiam impares copiis, qui tam libenter trucidamur, si non apud istam disciplinam magis occidi liceret, quam occidere? Potuimus & inermes, nec rebelles, sed tantummodo discordes solius divortii invidia adversus vos dimicasse. Si enim tanta vis hominum in aliquem orbis remoti sinum abruptissemus a vobis, suffudisset utique dominationem vestram tot qualiumcumque amissio civium, imo etiam, & ipsa destituitio punisset: proculdubio expavissetis ad solitudinem vestram, ad silentium rerum, & stuporem quemdam quasi*
mor-

(1) Apolog. cap. xxxvii.

Pro SS. Perpetua, Felicitate, &c. 67

mortuae urbis quaesissetis, quibus in ea imperassetis. Plures hostes, quam cives vobis remansissent, nunc enim pauciores hostes habetis prae multitudine Christianorum pene omnium civium, pene omnes cives Christianos habendo. Sed hostes maluisse vocari generis humani potius, quam erroris humani. Haec de solis Montanistis intelligi sane non possunt. Numquam enim haec Secta adeo pomaeria sua dilatavit. Sed neque de Christianis, prout etiam Haeretici hoc nomine continentur. Haereticos enim Christianorum numero eodem libro (1) aperte submovit: Sed dicit aliquis, etiam de nostris excedere quosdam a regula disciplinae: desinunt tum Christiani haberi penes nos. Haec igitur Ecclesia, cujus per totum librum inculpato sanctissimosque mores describit, atque tuetur, & e cujus sinu multos, ait, id temporis innumerosque Martyres produisse, quorum sanguis semen erat Christianorum, neque Haereticos complectebatur, neque solos Montanistas, sed vel maxime Catholicos, qui, ut est apud eundem Tertullianum (2), de multitudine gloriabantur, & e quibus constat, innumeros prae aliis fectis fuisse Martyres coronatos. Attamen quum, Tertulliani iudicio, quo tempore Apologeticum promulgavit, nempe in medio aestu persecutionis, ipsi quoque Montanistae Catholicorum numero censerentur: manifestum est, ex iis, & veris Catholicis unam eandemque, ex ejus sententia Christi Ecclesiam constituisse, quae licet ubique non easdem omnino morum institutiones usurparet: unum tamen idemque Religionis corpus censenda esset, quod in eadem fidei dogmata conspiraret, iisdemque fidei Sacramentis uteretur.

VIII. Tercio notandum est, id quod etiam ex praemissis sponte sua proficiscitur, Catholicorum Martyres fuisse a Montanistis pro veris Martyribus aestimatos, & ad eorum

I 2

quo-

(1) Ibid. cap. XLVI.

(2) Lib. de Jeunius cap. XI.

quoquomodo communionem viam adfectasse. Catholicos quidem Martyres a Montanistarum communione abhorruisse, memoriae prodidit Asterius Urbanus, non item Montanistas Catholicorum Martyrum communionem esse averfatos (1): *Quamobrem*, inquit, *quotiescumque Ecclesiae Viri ad Martyrium pro vera fide subeundum vocati, una cum quibusdam de Pbrygum Haeresi, qui Martyres dicuntur, casu quodam coierint, semper ab illis dissentiunt: & communionem eorum sollicitè vitantes, gloriosum Martyrii exitum consequuntur; quippe qui Montani, & Muliercularum spiritui adsensum commodare nefas ducant. Atque id verum esse, constat ex iis, quae nostra aetate in urbe Apatinea, quae ad Macandrum sita est, gesta sunt a Cajo & Alexandro Martyribus, oriundis Eumenia. Hujus quoque rei manifesta nobis ex eodem Tertulliano suppetunt argumenta. Imprimis ex libro ad Martyras, qui quum furente persecutione editus fuerit, nullum dubium est, quin ad eorum classem pertineat, quos dum in Montani castris militaret, elucubravìt. Certum autem imprimis est, hunc librum veris, ex Tertulliani quoque sententia, Christi Martyribus fuisse nuncupatum, ut quos innumeris laudibus cumulat, & benedictos passim appellat: (2) *Inter carnis alimenta benedicti Martyres designati. Imprimis ergo benedicti, &c.* (3) *Quo vos benedicti de carcere, &c.* (4) *Sic nunc benedicti, &c.* Proinde vos benedictae, &c. (5) *Haec benedicti non sine causa, &c.* Secundo, certum est, hos, quos tantis benedictionibus cum-*

(1) Ὅσον τοι καὶ ἐπὶ τοὺς οἱ ἐπὶ τῆς κατὰ ἀλλόθεν πίστεως μαρτύρων κληθέντες ἀπὸ τῆς ἐκκλησίας τυχεῖσι μετὰ τινος ἀπὸ τῆς τῶν Φρυγῶν αἵρέσεως λεγομένην μαρτύρων διακρίσονται πρὸς αὐτοὺς, καὶ μὴ κοινωνήσαντες αὐτοῖς τελευτήσουσι, διὰ τὸ μὴ βέβαιον εὐκαταθέσθαι τῇ διὰ Μοντανῶν καὶ τῶν γυναικῶν πνεύματι. καὶ ὅτι τὸτο ἀληθές, καὶ ἐπὶ τῶν ἡμετέρων χρόνων ἐν Ἀπαμείᾳ τῇ πρὸς Μαιάνδρου ποταμὸν γογγυζομένην, ἐν τοῖς περὶ Γάϊον καὶ Ἀλεξάνδρον ἀπὸ Εὐμενίας μαρτυρησάντων, πρὸς αὐτοὺς. Apud Euseb. lib. v. Cap. xvi.

(2) Cap. 1.

(3) Cap. 11.

(4) Cap. 111.

(5) Cap. v.

muat, & ad caelum usque laudibus effert, non Montanistas fuisse Martyres, sed Catholicos, aut ex his saltem plurimam eorum partem constituisse. Id constat ex capite primo, ubi eos ad mutuam pacem his verbis adhortatur: *Quam pacem quidam in Ecclesia non habentes a Martyribus in carcere exorare consueverunt. Et ideo eam etiam propterea in vobis habere, & custodire debetis, ut si forte, & aliis praestare possitis.* Hic enim Catholicorum mos fuit, ut communionem ob crimina capitalia dejecti, Martyrum opem implorarent. Porro Catholici ad Montanistas, quibus sciebant ejusmodi Ecclesiae Catholicae morem, & consuetudinem improbari, minime confugissent. Tertio, certum est, Martyres, ad quos ejusmodi librum Tertullianus destinavit, a sua communione alienos neutiquam credidisse. Eos enim rogat, quod inter alimenta carnis, quae illis Ecclesia subministrabat, & hoc ab eo munusculum acciperent, quod ad saginandum spiritum faceret; quod certe mutuae communionis indubium est argumentum. Certum denique est, Ecclesiam, quae laudatos Martyres alimentis carnis tamquam pia mater fovebat, veram Christi Ecclesiam, Tertulliani quoque judicio, fuisse: *Inter carnis alimenta benedicti Martyres designati, quae vobis, & Domina Mater Ecclesia de uberibus suis, & singula fratres de opibus suis propriis in carcere subministrant, capite aliquid & a nobis, quod faciat ad spiritum quoque educandum.* Atqui Catholica Ecclesia nisi de Catholicis Martyribus sollicita non fuisset. Praeterea inter praecipuas Ecclesiae Romanae dotes, ex quibus illam, ut supra vidimus, summopere commendat, hanc etiam recenset, quod suos ad Martyrium adhortaretur: *martyrio, inquit, adhortatur.* Quae vero laus, aut gloria fuisset, non genuinos, sed adulteros Christo Martyres parere? Aut quis dubitet, an veros Christi Martyres in honore Tertullianus habuerit, & eorum communionem exoptarit? Postremo, eorum Martyrum, quorum fidem, constantiam, & multitudinem cum
in

in Apologetico, tum in libro ad Scapulam, & alibi frequentissime praedicat, maximam partem fuisse Catholicorum, nec Basnagius, puto, inficias iturus est: nisi forte velit eximiam hanc Catholicæ, adeoque verae Christi Ecclesiæ, laudem detrahere, quod secundissima fuerit Sanctorum Martyrum parens.

IX. His animadversis, nullam, puto, in Basnagii superius propositis argumentis superesse difficultatem. Quis enim miretur (si ad ea, de quibus hactenus disseruimus, animus adverterit) quis, inquam, miretur, Auctorem Montanistam Catholicorum Acta Martyrum in lucem edere voluisse, & ad habendam cum illis communionem suos fuisse adhortatum? An id magis mirandum, quam quod ad eos, Auctor similiter Montanista, librum eorum laudibus repletum, communionis utique symbolum, destinavit? aut quod Apostolicarum Ecclesiarum communionem, quarum inter præcipua membra Martyres computantur, tantopere commendavit? Quis etiam miretur, Tertullianum magnis Perpetuam laudibus adfecisse, fortissimæque Martyris præconio exornasse? Annon magis mirandum, quod Catholicos Martyres, in libro ipsis nuncupato, tot benedictionibus cumularit, quod eorum certaminis *Agonothetem* esse dixerit ⁽¹⁾: *Deum vivum, Xistarchem Spiritum Sanctum, coronam aeternitatis bravium, Angelicæ substantiæ politiam in caelis, gloriam in secula seculorum?* Quis denique miretur, Perpetuæ visionibus uti eum voluisse ad probandum, solos ante diem iudicii sollennis Martyres in caelum recipi? Non est profecto id magis mirandum, quam quod Rutilii Martyris in libro adversus Ecclesiam promulgato cum multa laude meminerit, ejusque exemplo usus fuerit ad probandum, fugiendam non esse persecutionem, quia nihil fuga profuit, si Deus nolit? *Rutilius Sanctissimus Martyr, quem totiens*, inquit ⁽²⁾,
fu-

(1) Capite tertio.

(2) Lib. de Fuga in persecut. cap. v.

fugisset persecutionem de loco in locum, etiam periculum (ut putabat) nummis redemisset, post totam securitatem, quam sibi prospexerat, ex inopinato apprehensus, & Praefidi oblatu, tormentis dissipatus, credo, pro fugae castigatione, dehinc ignibus datus, passionem, quam vitarat, misericordiae Dei retulit. Quid aliud voluit Dominus nobis demonstrare hoc documento, quam fugiendum non esse, quia nihil fuga profit, si Deus nolit? Non hunc, puto, Basnagius dicturus est Martyrem Montanistam, quum sibi licitum esse crediderit, salutis suae fuga consulere, & periculum pretio redimere: quae illicita ex Montani disciplina habebantur; & tamen tot tantaque in eum congerit praeconia, ejusque exemplum, ut Sanctissimi Martyris, adhibet ad probandam, quam adstruebat sententiam. Mavili etiam Martyris Adrumetini eum laude meminit in libro ad Scapulam, ejusque exemplo utitur ad probandam, quam adstruebat sententiam, quod nulla videlicet Civitas, nullus Persecutor impune laturo essent Christiani sanguinis effusionem (1): *Tibi quoque, optamus, adnotationem solam fuisse, quod quum Adrumeticum Mavilum ad bestias damnares, & statim haec vexatio subsequuta est, & nunc ex eadem causa interpellatio sanguinis.* Et hunc igitur Basnagius audebit tam levi conjectura, quod a Tertulliano laudatus fuerit, e Montanistarum secta Martyrem pronuntiare? Psychicos non adeo, ut ostendi, contemtui habebant Montanistae, ut eos ab Haereticis non distinguerent, ut in iis, quae sunt fidei, alienae eos communionis esse censerent, ut eorum denique Martyres ludibrio pariter haberent: neque Tertullianus, quamquam Catholicis insensissimus, & Montani defensor acerrimus, eo umquam vesaniae processit, ut iis qui in Catholicae Ecclesiae sinu Martyres occubuisent, aut Martyrii coronam detraheret, aut meritas laudes, praeconiaque invideret.

X. Quo

(1) Cap. 111.

X. Quo id minus miremur in Montanistis, similium Haereticorum exempla non desunt. Quantis enim laudibus Socrates, & Sozomenus, licet Novatiani, Catholicos non solum Martyres, sed etiam Doctores non exornant? Neque eos dico Martyres, aut Doctores, qui, antequam Novatianus Schisma conflaret, in Ecclesia Catholica floruerunt: sed eos, qui deinceps exorti sunt, & a quibus, laudati Scriptores optime noverant, Novatianos inter Haereticos computari. Quibus enim praeconiis Hosium, Athanasium, Alexandrum CP. Magnum Basilium, Gregorium Theologum, aliosque id generis Doctores Catholicos non adficiunt? Quam iidem non tribuunt Nicaenis Patribus auctoritatem? Quam magnae huic Synodo reverentiam, honoremque non deferunt? Quamvis Catharos, seu Novatianos inter Haereticos numerarit. Quid porro dicam de iis, qui sub Juliano Apostata, sub Valente Imperatore Ariano, & in Perside sub Sapore, Martyribus, passi sunt? Quantis a Socrate, & Sozomeno laudibus celebrantur? An non eos veros inter, ac genuinos Christi Martyres numerant? An non eorum Acta, quantum ipsorum in scribendis Historiis institutum patiebatur, in lucem proferrunt? An non eandem illis, quam antiquis Martyribus tribuunt auctoritatem, quamvis non ignorarent, non eos Novatianae fuisse, sed Catholicae communionis? Et porro mirabimur, si Auctor Montanista Catholicorum quorundam Acta Martyrum collegerit, ac literis consignarit? Si Tertullianus fortissimos eos Martyres nuncuparit, & eorum revelationibus auctoritatem aliquam, honoremque detulerit? Idque adversus eorum orthodoxiam gravissimum esse praedictum, & eos proinde Catholicorum numero Martyrum eximendos, & Montanistis relinquendos, arbitrabimur? Id si ita est; expugnantur etiam oportet e Catholicorum Diptychis tot Sanctissimi Doctores, imo & ipsi Nicaeni Patres, tot fortissimi Martyres, tot etiam religiosissimi Monachi, quorum laudes, nec Socrates, nec Sozomenus tacuerunt;

ex-

expungantur, inquam, e Catholicarum Ecclesiarum Diptychis, & Novatianis adcescantur, propterea quod in eos Novatiani Scriptores tot tantaque praeconia contulerint.

XI. At ego non solum ex Auctore Montanista nullum creari posse existimo Ss. Martyribus praejudicium, quin & gravissimum inde pro illis conficere mihi videor argumentum. Non enim Scriptor Montanista dissimulasset, aut verbis solum ambiguus, & obscuris indicasset, fortissimos Athletas sectae suae Martyres exstitisse, hos novam Prophetiam fructus germinasse, ad ejusmodi certamina duriorē, quam invexerat, disciplina, Montanum imbelles quoque feminas instituisse. Quinimo haec, aliaque hujusmodi palam apertisque verbis praedicasset, & opportune importune nulla non ferme pagina Lectoribus inculcasset. An nescimus, quae sit his de rebus Haereticorum jactantia? quam inde soleant inaniter superbire, similive arrepta occasione in Catholicos impudentissime debacchari? Exemplo esse potest Auctor Donatista, qui Ss. Saturnini, Dativi, & Sociorum Martyrum Acta literarum monumentis consignavit. Quamvis enim laudati Martyres e Donatistarum secta non fuerint, quum nisi sedata persecutione praetextu Traditionis conflatum schisma non sit; attamen quia passi sunt, ne divinas Scripturas Persecutoribus traderent, & Traditores videbantur exemplo suo praedamnasse, suaeque communione ejecisse: mirum, quam inde se jactet, quave impudentia in Catholicos insurgat petulantissimus Scriptor! *Devicto*, inquit ⁽¹⁾, *atque prostrato Diabolo, victricem palmam in passione gestantes, sententiam in Traditores, atque in eorum consortes, qua illos ab Ecclesiae communione rejecerant, cuncti Martyres proprio sanguine consignabant. Fas enim non fuerat, ut in Ecclesia Dei simul essent Martyres, & Traditores.* Aliquid ne in Auctore Montanista simile occurrit? Mirum, quam modeste, quam ve-

K

re-

(1) In Praefat.

recunde se gerat ! Ait quidem, se novas visiones, & prophetias agnoscere, atque honorare: sed Perpetuae, Saturique visiones, ac caelestes revelationes literis mandaturus, non ideo Catholicis insultat, qui novos Prophetas recipere recusabant. Suos quidem ad habendam cum Martyribus communionem adhortatur; sed non ideo illos a Catholicorum communione, novos Prophetas reprobantium (quod Auctor Donatista facit) deterret. Unde autem Haeretico homini tanta modestia? nisi quia optime noverat, se non Montanistarum, sed Catholicorum Gesta Martyrum literis commendare.






CAPUT



CAPUT TERTIUM.

Internis Basnagii adversus nostros Martyres argumentis generale responsum adhibetur.

- I.  *Interna Basnagii adversus St. Martyres argumenta.*
- II.  *Aetiorum potius Compileri fides deroganda esset, quam Sanctorum Martyrum orthodoxia in dubium revocanda.*
- III. *Rationes adducuntur, quibus Aetiorum ὑποτίττες in controversam vocari possiet. Prima ratio ex quibusdam verbis exoticis, quae in Perpetuam, a qua maxima eorum pars scripta perhibetur, minime quadrant.*
- IV. *Secunda ratio ex styli similitudine, quae unum, & eundem Scriptorem refert, quum tamen a tribus diversis scripta fuisse dicantur.*
- V. *Neque Tertulliani, neque synchroni Scriptoris auctoritas impediret, quo minus de Aetiorum fide dubitaremus, si aliquid recapse continerent, quod Catholicos Martyres dedeceret.*

- I.  *Xterna, ut vocant, argumenta duobus praecedentibus Capitulis profecuti sumus, interna sequentibus Capitibus examinabimus. De his in hunc modum disserit eruditus Basnagius: „His argumentis, externis scilicet, insita praestant. Quippe eo se modo „Perpetua gerit, quasi Spiritum Sanctum, veluti monile „quoddam in arca inclusum sua haberet ad nutum, ejus il-*

„ lustrationibus quando vellet usura ad arbitrium. Audiantur
 „ verba ejus capite quarto: *Dixit mihi frater meus: Domina*
 „ *soror jam in magna dignitate es; & tanta, ut postules vi-*
 „ *sionem, & ostendatur tibi, an passio sit, an comitatus. Et*
 „ *ego, quae me scicbam fabulari cum Domino, ejus beneficia*
 „ *tanta experta eram, fidenter repromisi ei dicens: Crastina*
 „ *dic tibi renuntiabo.* Miram sane fiduciam, & sola Mon-
 „ tani familia dignam! Neque satis cum gravitate decen-
 „ tiaque oblata Perpetuae visa conjunguntur. Homo in ha-
 „ bitu Pastoris, de caelo quod mulgebat, dedit Perpetuae
 „ quasi buccellam. Hinc colligit sibi mortem imminere. No-
 „ tabilius illud, quod Capite decimo Perpetua narrat: *Exiit*
 „ *quidam contra me Aegyptius, socius specie, cum adjutori-*
 „ *bis suis pugnaturus mecum. Veniunt, & ad me adolescen-*
 „ *tes decori adjutores, & fautores mei: & exspoliata sum,*
 „ *& facta sum masculus.* Procedit igitur cum Aegypto ad
 „ pugnam Perpetua sexu mutato, victoriae pretium acce-
 „ ptura ramum viridem, in quo erant mala aurea. Et pe-
 „ titit silentium, & dixit: *Hic Aegyptius, si hanc vicerit,*
 „ *occidet illam gladio; & si hunc vicerit, accipiet ramum*
 „ *istum. Et recessit. Et accessimus ad invicem, & coepimus*
 „ *mittere pugnos. Ille mihi pedes apprehendere quaecebat:*
 „ *ego autem illi calcibus faciem cacdebam.* Haecine sunt Spi-
 „ ritu Sancto digna! Similia ne Prophetis obtulit unquam?
 „ Scilicet ea visa sunt, quibus sacrum Joëlis accommodetur
 „ oraculum. Montani prorsus redolent officinam somnia
 „ ejusmodi, ecstasis ejus simillima, qua Tertullianus probat,
 „ animam esse aërcoloris, & formae per omnia humanae (1).

II. His omnibus difficultatibus hoc primum adhibeo gene-
 rale responsum: quod siquidem objecta Perpetuae visa aliquid
 reapse, aut Spiritu Sancto, aut Martyre indignum contine-
 rent, Actorum potius sinceritas, quam Martyrum ortho-
 xia

(1) Lib. de Anima cap. ix.

Pro SS. Perpetua, Felicitate, &c. 77

xia in dubium esset revocanda. Hac primum responsione usus est & S. Augustinus. Quum enim sibi Perpetuae visio inferius examinanda, qua fratrem suum Dinocratem in poenis, deinde in refrigerio vidit, objiceretur: hoc primum respondit ⁽¹⁾, quod *nec Scriptura ipsa canonica est, nec illa sic scripsit, vel quicumque illud scripsit, &c.* Quibus verbis dubitare videtur, an reapse Perpetua revelationes suas in literas miserit: adeoque non omnem Actis, & eorum Editori fidem adhibere. Hic enim perspicue docet, Perpetuam & Saturum, quae ad visiones, & revelationes pertinent, suis ipsos manibus conscripsisse: *Haec, inquit sub initium, ordinem totum Martyrii sui jam hinc ipsa narrabit, sicut conscriptum manu sua, & suo sensu reliquit. Quum adhuc, inquit, cum persecutoribus essemus, & me pater avertere, &c.* Et infra: *Tunc dixit mihi frater meus, &c.* Atque ita semper cum ipsa, tum Satorius in propria persona loquuntur. Et capite decimo: *Hoc usque in pridie Muneris egi: ipsius autem Muneris actum, si quis voluerit, scribat.* Et mox cap. xi. *sed & Satorius benedictus hanc visionem suam edidit, quam ipse conscripsit.* Et infra cap. xiv. *Hae visiones insigniores ipsorum Martyrum beatissimorum, quas ipsi conscripserunt.* Et tandem cap. xvi. se, ait, Perpetuae mandatum exsequi, & quae postea, ipso praefertim die Muneris, facta sunt, sicut ipsa desideraverat, Posterorum memoriae commendare: *Quoniam ergo permisit, & permittendo voluit Spiritus Sanctus ordinem ipsius Muneris conscribi, etsi indigni ad supplementum tantae gloriae describendum; tamen quasi mandatum Sanctissimae Perpetuae, imo fideicommissum ejus exsequimur, &c.* Qui ergo rem toties ab Auctore contestatam, atque inculcatam in dubium revocat, omnem profecto ejus dictis fidem non habet. Nulli autem S. Augustinus in controversiam vocat: fueritne Perpetua Ecclesiae mulier, an sectae Montanisticae; sed ubi-

(1) Lib. 1. de Anima, & ejus orig. cap. 1.

ubicumque illius meminit, meminit autem frequentissime, ut Sanctissimam Martyrem, & invictissimam celebrat. Unde ex Augustini sententia Actorum potius fides, quam Martyrum orthodoxia in dubium revocanda esset, siquidem in Actis aliquid occurreret, quod aut Spiritum Sanctum, aut veros Christi Martyres dedeceret.

Et sane quot, licet antiqua, Ss. Martyrum, aut Apostolorum, aut quorumlibet insignium Virorum Acta, vel historiae, hoc potissimum argumento, aut in dubium revocantur, aut penitus exploduntur, & ad fabulas amandantur? Quot etiam antiqua monumenta, hoc eodem argumento, Actoribus, quorum nomina praeferunt, abjudicantur? Ita qui Barnabae, aut Clementis, aut Ignatii Epistolas inter supposititios fetus recensent, hac praesertim ratione nituntur, quod in eis Apostolici Viri doctrina, spiritus item Apostolici vis, & majestas desideretur. Hac etiam ferme una ratione ducuntur, qui Hermæ visiones, quamvis Antiquis adeo celebratas, ut pene in Scripturarum Canonem relatae ab eis fuerint, exhibant, atque explodunt; quod nempe multa ipsorum iudicio contineant, Apostolorum Discipulo non satis digna, & ab Apostolorum doctrina per quam aliena; neque, ut verbis utar Basnagii, satis cum gravitate, decentiaque, oblata Hermæ visa conjungantur. Nemo tamen Criticorum eo hactenus audaciae processit, ut ob naevos aliquos, aut errata, aut etiam noxia doctrinae capita, quae sibi in hisce, aut ejusmodi monumentis deprehendere videbatur, de illorum sana fide, atque orthodoxia dubitaret, quibus ejusmodi Opera Patres, etiam antiquissimi, tribuerunt. Maluerunt scilicet laudatis Patribus eripere, quae illorum indigna spiritu judicarunt, quam de illorum pietate, ac religione indignum aliquid statuere; & secundum eorum contestatam virtutem de libris, aut tributis ipsis visionibus arbitrium facere, quam ob libros, aut visiones eorum famam, & honorem in discrimen adducere: neque ideo pravam de sanctis quibusdam Viris opi-

opinionem animo imbiberunt, quod prava judicarent, quae illis Scripta tribuebantur; sed quae prava judicabant, iis tribui noluerunt, de quibus, fas non erat, pravam animo imbibere opinionem. Quum igitur nefas esset, & summae temeritatis, de Perpetuae, & Sociorum Martyrum religione, ac recta fide, per tot ab eorum Martyrio secula, universalis Ecclesiae iudicio, & veterum Patrum unanimi consensione comprobata, controversiam movere: si quid in eorum Actis offendit Basnagius, quod in Catholicos Martyres ipsius iudicio non quadret, id potius omne debuit, ut adulterinum rejicere, quam de Sanctis Martyribus indignum aliquid constituere.

III. Neque profecto, si huic, quam Augustinus aperuit, insistere orbitae voluisset, pro ea qua pollebat ingenii vi & critico acumine, Basnagio defuissent argumenta, quibus hanc opinionem utcumque fulcire, & plausibilem efficere potuisset. Primo enim non sibi quisquam facile persuaderet, Mulierem Africanam adeo fuisse Graecis literis addictam, ut ab iis in tam brevi Scriptura saepius usurpandis, sibi nequiverit temperare. Haut me latet, Graeca esse quamplurima verba, quae in vulgarem etiam, & popularem Latini sermonis usum transierunt: at non ejusmodi sunt, quae a Perpetua in suis describendis visionibus usurpantur, imo fere inusitata, & quae in Latinis Scriptoribus vix, aut numquam occurrunt. Ita cap. iv. *Bene venisti Tegenon*. Ubi Ruinartius admonet, quod *τέκνον*, etsi rarius, aliquando tamen filiam designat. Sed vellem, Latinum Scriptorem protulisset, qui *τέκνον* pro *filia* scripserit. Cap. vii. *Offensum est mihi hoc in oromate*. Et cap. x. *Video in oromate*. In quae loca haec adnotat Vir Cl. Lucas Holstenius: „ Res exigit, ut re-
„ scribatur *boromate*, nisi haec vox ita deformata in usu po-
„ pulari Afrorum erat. Est autem *ὀραμα* vox Graeca, sonans
„ visum, sive visionem. Usurpatur Actor. Cap. 12. 9. Latini
„ Scriptores ea rarius usi sunt; tamen Aldhelmus lib. de
„ Virginitate cap. 3. ubi de S. Joanne Evangelista loquitur,
„ ait,

„ ait, cum in *Pathmo raptum in horomate*, ubi Meursius re-
 „ *cte oramate* substituit in Mantissa critica (sicque in Biblio-
 „ theca Ss. Patrum editum reperio) frustra reprehendente
 „ Suvartio Analectorum lib. 3. cap. 9. qui *chroma* ibi re-
 „ scribendum, persuadere nequidquam conatur. Reperio
 „ etiam apud Alcuinum lib. 1. de Vita Sancti Willebrordi
 „ cap. 2. haec verba: *Mater intempestae nobis quiete cae-*
 „ *lesse in somnis vidit horama*. Quod ait Vir doctissimus,
 „ Latinos Scriptores hac voce rarius esse usos, perspicuum est;
 „ sed quod indicare videtur, eam in usu populari Afrorum
 „ fuisse, haut facile concesserim: quum neque in Tertulliano
 „ ejusdem aevi Scriptore, quamquam exoticis ejusmodi, ac
 „ praecipue Graecis vocibus admodum delectetur, & fre-
 „ quentissime de visionibus, ac revelationibus agat, occurrat:
 „ neque in supparibus Scriptoribus, Cypriano, & Pontio Dia-
 „ cono, quamquam & ipsi varias subinde visiones referant:
 „ neque item in Optato Milevitano, Augustino, Fulgentio,
 „ ac Victore Vitenfi, quamvis non adeo castigata locutione,
 „ & a populari usu remotissima, utantur. Eodem capite de-
 „ cimo vox alia Graecae significationis occurrit: *Aegyptium*
 „ *video in asae volutantem*. „ *Asa*, inquit in hunc locum laudatus
 „ *Hollstenius*, pulvis est, Graeca significatione. Est enim Grae-
 „ cum nomen, $\alpha\phi\eta$, latine scriptum. Solebant autem pu-
 „ giles certaturi inspergere uncta corpora pulvere, vel in eo
 „ humi jacente se volutare. Ovid. Metamorph. 9. de duo-
 „ bus Palaestritis invicem sibi pulverem ad istum usum mi-
 „ nistrantibus:

„ *Ille cavis hausso spargit me pulvere palmis*

„ *Inque vicem fulvae jactu flavescit arenae.*

„ Quam arenam, unde flavescabant hoc modo pugilum corpo-
 „ ra, Martialis lib. 7. Epigram. 66. vocat Haphen hoc versu:

„ *Et flavescit Haphe . . .*

Nescio tamen, an praeter Martialem, apud alium Latinum
 Scriptorem reperiat; & Poëta forsitan metri causa hanc

vo-

vocem usurpavit. Capite item septimo Graecum aliud, paullo post, nomen legitur: *Et inter me & illum grande erat diadema*. De hac etiam voce haec habet Holstenius in notis: „ Non dissimulo, si suspicioni esset indulgendum, videri non sine fundamento reponi posse, *diastema* pro *diadema*. Nam diastematis vocem Latinis eo seculo frequentatam, intelligere licet ex L. Frontino lib. de Agror. Qualit. ubi sic scribit: *Si tres circuli pares fuerint, inter se aequali diastemate connexi*. Et Hygenus de limit. constit. *Quid quod nec illa ipsa regione, Solis conspectus recte potest deprehendi, nisi aequalibus ab ortu & occasu diastematibus, ferramentum ponatur*. Item: *Terram punctum esse caeli, & infra Solem amplo diastemate Spiritus sustineri*. De hac tamen Viri doctissimi observatione haec subjungit Petrus Possinus: „ Quae notat hic Holstenius de conjectura, qua rescribendum suspicatur *Diastema* pro *diadema*, videntur hanc exceptionem pati, quod loca illa, quae citat Frontini, & Hygeni Agrimenforum, parum certo persuadeant, S. Perpetuam usam hoc loco ista voce, quae erat propria Artis Agrimenforiae, ac consequenter aliena ab usu vulgari, praesertim Mulierum in Africa. Itaque ex constanti ac diserta M. S. Codicis lectione vocem *diadema* retineri vult, & idem ferme quod *Limbi* nomen hoc loco significare. Sed quae in hanc mentem erudite atque subtiliter disserit, non ostendunt, hanc fuisse eo tempore hujus vocis usitatam, ac popularem notionem, sicut modo *Limbi* nominis apud Scholasticos: adeoque, melius ac *diastema*, in Africanam feminam convenire. Licet enim Tertullianus Perpetuae coevus, & Carthagini incola, & postea S. Augustinus, saepius abdita haec Animarum receptacula nominarint, numquam ea tamen *diademata* nuncuparunt: quamquam ille, ut dictum est, exoticis & peregrinis, hic vero popularibus vocibus admodum delectarentur. Jam vero quis sibi facile persuadeat, Mulierem ad Martyrium festinantem,

Graecam adfectasse eruditionem, aut inter carceris umbras, & angustias, in brevi hoc Commentario literis consignando, de inusitatis vocibus excogitasse, & non magis eas, quae in usu familiari habebantur, prout sponte sese ac statim ad mentem offerebant, usurpasse? Satorus quoque Graecas literas amat, adeo ut in brevi Scriptiuncula, qua visionem suam exponit, Graecis nequirit vocibus abstinere: *Et audivimus vocem unitam dicentium; Agios, agios, agios; sine cessatione.*

IV. Secundo, si Actorum Editori fidem adhibemus, Acta non uno Auctore constant, sed e trium Scriptorum monumentis concinnata sunt, Perpetuae nimirum, Saturi, & eorundem Actorum Collectoris, qui & Praefationem adjunxit, & quae ipso die Muneris gesta sunt, in literas misit. Verum si oculos propius admoveamus, eaque non oscitanter a nobis, aut somniculose legantur, sed praesenti animo, & ea, qua par est, adtentione, unum statim eundemque Auctorem repraesentare videntur. Similia in omnibus verba, similes phrasae, similes locutiones occurrunt: unus idemque stylus in omnibus deprehenditur. Auctor Epistolae Biturigibus scriptae ad Henricum Valesium id Opus Tertulliano adtribuit. Quod ut probaret, collatis multis Actorum locis cum aliis Tertulliani Operibus, ostendit, eundem omnino stylum, easdem loquendi formulas, ac etiam saepius eadem verba in utrisque reperiri. Sed hae loquendi formulae, hae phrasae, haec verba, hic demum quicumque sit Tertullianicus stylus, non in iis tantum, quae de suo Auctor se adjecisse fatetur, sed in iis etiam, quae ut Perpetuae, & Saturi verba exhibet, animadvertitur. Basnagius tamen laudatum Opus Tertulliano his argumentis abjudicat: quod Tertulliano nullus Veterum ea tribuit. Quia etiam stylus illo Tertulliani humilior est, nec paribus ignibus micat. Denique Acta Perpetuae laudat ipse Tertullianus suppresso suo nomine, quod edit, dum Operum suorum meminit. In prima ista-

rum

rum ratione, & ultima non multum momenti ineſt. Ad primam enim reſponderi facile poſſet; primo, argumentum eſſe negativum, quod propterea non admodum urget. Secundo, ideo non fuiſſe id Operis inter Tertulliani Opera recensitum, quod Aſtorum potius Collector, quam Auſtor haberetur. Poſtremam quoque rationem facile eſſet eludere, dicendo imprimis, quod Tertullianus Aſta non citat, ſed Perpetuae Viſionem memorat, quam aliunde accepiſſe poterat, quam ex Aſtis. Deinde, quum librum ſcripſit de Anima, Aſta forſitan nondum ediderat, ſed ea apud ſe retinebat ſuo tempore publicanda. Plus itaque momenti in ſecunda ratione eſt. Non enim negari poteſt, Aſtorum humilior eſſe dicendi genus, neque Tertulliani cothurno incedere. At non Perpetua ſolum, & Saturus, ſed ipſe quoque Aſtorum Editor humilior repit. Unde quemadmodum phraſes aliquas, & verba Tertulliani verbis, ac phraſibus ſimilia, non minus Saturus, & Perpetua, quam Paſſionis eorum Editor, habent: ita non minus Iſte humilior dicendi genus, quam Perpetua, & Saturus, conſectatur. Et ſiquidem Auſtor Epistolae propter aliquam ſimilitudinem ſuſpicatus eſt, an Aſtorum Editor ipſe fuerit Tertullianus: multo magis propter unum ferme, eundemque orationis characterem, ſuſpicio eſſe poterit, annon Aſta ex unius ejusdemque Auſtoris manu proſecta ſint.

Haec non eo dicta velim, quod ejusmodi conjecturis admodum deferam, aut quod Aſtorum *γνωρίσματα* in ſuſpicionem adducere, in animo reapse habeam: ſed ut oſtenderem, quibus argumentis confirmari poſſet opinio ejus, qui ſibi in Perpetuae viſionibus, ac revelationibus aliquid videretur offendere, quod aut Spiritum Sanctum, aut Catholicae communionis Martyrem dedeceret; ac propterea ea omnia vellet, ut Montaniſtarum commenta, & conſectas ab otioſis, ac ſuperſtitioſis hominibus fabulas repudiare. Quod certe minoris audaciae foret, quam Sanctos ipſos Martyres

Catholicorum Diptychis expungere, & in Montanistarum censum referre.

V. Neque vero aut Tertulliani auctoritate, aut ipsa Actorum vetustate ab incoepo, si opus esset, prosequendaque hac via deterrerer. Non equidem Tertulliani auctoritate; quamvis enim ea ad manus habuisse credatur, & pro genuinis, atque indubiae fidei monumentis laudasse: de hoc tamen, ut dixi, non constat; quum ipsi commemoratam Perpetuae visionem aliunde potuerit accipere. Deinde, non multum in hacce controversia Scriptoris hujus auctoritati deferendum est: quum nullius hisce in rebus criterii, & judicii fuerit, ut qui sibi ab insanis, fanaticisque Mulierculis turpissime imponi passus fuerit, & animam *aerei coloris* esse crediderit, & *formae per omnia humanae*, quod eam sibi, quaedam e Montanistarum Secta Pseudo-Prophetes, ejusmodi coloribus, & lineamentis praeditam renuntiaverit.

Fuerint etiam ab Auctore coaevo, ut fertur, & ipse in Praefatione testatur, Ss. Martyrum Acta in literas missa, & serae Posteritati commendata: non inde tamen consequens esset, ea quae ad visiones pertinent, omnia esse avidis auribus, nulloque adhibito criterio excipienda. Quam facile est enim, ut hisce in rebus, & boni Viri fallantur, & male feriat homines cum otio suo, tum aliorum credulitate abutantur! Auctor, ut vidimus, Montanista, quae de Perpetuae, & Saturi visionibus habet, omnia ad arbitrium confingere potuisset. Res in imis carceris latebris, & recessibus gestae narrantur. Quid Deo cum Martyribus actum fuerit, ipse dumtaxat Deus novit, & Martyres qui jam excesserant. Quis ergo praestaret, ea quae Basnagio Montanistarum redolent officinam, esse Martyribus reapse tribuenda, & non magis explodenda ut otiosi hominis, vanissimaeque sectae addicti deliramenta? Quo id proclivius de homine Montanista in animum induceremus, faceret exemplum Auctoris Donatistae, qui Marculi, perditae hujus, & Schismaticae factionis Pseudo-

Mar-

Pro SS. Perpetua, Felicitate, &c. 85

Martyris Acta literarum monumentis commendavit. Quamvis enim Scriptor & ipse coevus fuerit; quanta sunt tamen, quae mira licentia commentus est, & multo majore impudentia Lectoribus in illis Actis obtrudit! Quas enim refert hujus Hypocritae revelationes, Catholico Martyre haut prorsus indignas, quis non ut audacissimi capitis commenta repudiet? Qua ergo libertate Auctori Donatistae in his, quae de Marculi visionibus narrat, fidem abrogamus, quod Haeretico homini non conveniant: eadem erga Scriptorem Montanistam uti possemus, si quas refert Perpetuae, & Saturi visiones in Catholicos Martyres non quadrarent.

Nollem equidem negare, Saturum, & Perpetuam caelestibus inclaruisse revelationibus: sed an illae ipsae sint, quas Scriptor Montanista publici juris fecit, merito quispian, si opus esset, in controversiam vocaret. Quidam eorum, qui adversus Ignatianas Epistolas calanum exeruerunt, aliquas a S. Martyre conscriptas fuisse literas, non inficiantur. Quin & ultro admittunt, eas a Polycarpo fuisse collectas, earumque *συναγωγή* suae S. Episcopum ad Philipenses Epistolae subjunxisse: sed quas modo habemus, vel ab Ignatio scriptas, vel a Polycarpo editas fuisse, non admittunt, quod multa ipsorum judicio contineant, quae fieri non potest, ut Epistolae vere ab Ignatio scriptae habuerint. Hac responsione Dallaeus (1) Polycarpiani testimonii vim elevare conatur, qui etiam ab Impostore confictas genuinis Ignatii, & a Polycarpo laudatis, Epistolis similes aliqua re fuisse largitur. Basnagius, qui S. Ignatio, quae modo sub ejus nomine circumferuntur, non secus ac Dallaeus, abjudicat, quod multa contineant, quae fieri non potest, ut Epistolae vere ab Ignatio scriptae habuerint: cur non eidem, ubi de Perpetuae revelationibus agebatur, orbitae institit? An non minoris temeritatis fuisset, admittere quidem, fuisse

(1) Apud Pearson. Vindiciar. P. 1. cap. 5.

fuisse Perpetuam caelestibus in carcere visionibus recreatam, sed easdem esse pernegare, quas Editor Montanista vulgavit, quod multa contineant, quae fieri non potest, ut immissae Catholicis Martyribus revelationes habuerint? Id, inquam, annon minoris temeritatis fuisset, quam Montanismi Catholicos Martyres reos agere? Largiri etiam facile potuisset, quas ab Impostore confictas existimaret Perpetuae, & Saturi visiones, iis quae in ore famae tunc versabantur, similes aliqua re fuisse, sed non easdem omnino, quod ejus emundissimis naribus, quae modo exstant, Montanistarum redoleant officinam.

Denique, juxta hypothesim, quam in hoc capite persequor, quod Montanismum reapse Perpetuae, & Felicitatis Acta redoleant, illud etiam largiri quis facile posset, Perpetuam, & Saturaum suas in carcere scripsisse revelationes; sed quum casu quodam, antequam vulgarentur, in manus hominis Montani superstitionibus implicati venissent, eas illum ad arbitrium interpolasse, & quibusdam in locis, ut magis libuit, figmentis Haereticis inquinasse. In Interpolatorem proinde, non autem in Ss. Martyres, esse refundenda, quae Montanismum Criticis peritioribus saperent.




CAPUT



CAPUT QUARTUM.


De visionum, aliorumque caelestium donorum, per
 priora Ecclesiae secula, copia, & ubertate
 disseritur. Veteres Christianos, &, omnium
 opinione, genuinos Christi Martyres non
 minori, quam Perpetuam, fiducia
 Divinis hisce Spiritus Sancti
 charismatibus usos fuisse,
 demonstratur.



- I.  *Nil in nostrorum Martyrum Actis reapse occurrere,
 quod Montani redoleat officinam.*
- II. *S. Justinus M. sui temporis Prophetas cum veteribus com-
 parat. Unde conficitur, non minori, quam illos, fiducia Pro-
 pheticum spiritum usurpasse.*
- III. *De Montanistarum initiis. Nullus vetustissimorum Scripto-
 rum Montanistas ideo pro falsis Prophetis habuit, quod ve-
 luti ad arbitrium Spiritus Sancti revelationibus uterentur.*
- IV. *De charismatum per haec tempora varietate, & copia,
 insigne S. Irenaei testimonium.*
- V. *Quam praesto fuerit veteribus Christianis, ad coërcendos, abi-
 gendosque Daemones, virtus Spiritus Sancti.*

VI. Po-

- VI. *Potamiaenae, non minus quam Perpetuae, memorabile exemplum.*
 VII. *Quantum Cypriani vita visionibus, ac revelationibus abundaverit, ex ejus Epistolis, & Pontio Diacono ostenditur.*
 VIII. *Aliorum Martyrum Acta iisdem Spiritus Sancti donis referta.*
 IX. *Perpetuae, & Sociorum Martyrum aevo charismatum fontem, magis quam Cypriani temporibus, exandasse.*

- I.  Uum, ut saepius dixi, quae Capite praecedenti in medium produxi, non in eam mentem accipi velim, quasi Actorum γυναικῶν in controversiam vocare, aut eorumdem Editorem, etsi Montanistam, in fraudis suspicionem adducere, in animo habeam: alia nunc nobis via, Augustino etiam duce, capeSSenda, dandaque opera est, ut omnem a Perpetuae visionibus, etiam prout in Actis referuntur, Montanismi suspicionem amoliamur. Ut enim Acta nullis Montanistarum commentis inquinata esse negemus, & Perpetuae revelationes aliquid habere, quod Montani Scholam officinamque redoleat, Ecclesiae auctoritas facit, quae non heri, aut nudiustertius, sed ab antiquis temporibus, ut ex Augustino constat (1), publicam eorum lectionem adprobavit. Facit etiam auctoritas Patrum, qui nihil a fide alienum, nihil indecorum, nihil denique, quod Montanistarum redoleat officinam, in iis ipsis Perpetuae revelationibus subodorati sunt, quibus modo Montanismi suspicio imprudentissime adspersitur. Non erant Patres in rebus fidei subodorandis adeo obesis naribus, ut non statim bonum Christi odorem, & caelestium charismatum fragrantiam ab Haereticarum fabularum, ineptiarumque foetore discernerent. Non modo, nullus ostendi

(1) Enarrat. in Psal. XLVII.

di potest Haereticus Martyr, quem pro Catholico Patres coluerint: Sed neque etiam ulla Catholicorum Martyrum Acta Haereticis fabulis inquinata, quorum ad Fidelium aedificationem publicam in Ecclesia lectionem esse voluerint. Ut boni Pastores solliciti admodum erant, ut a noxiis, atque inutilibus herbis oves averterent suas: Neque credimus, fraudem, nulli per tot secula animadversam, nunc tandem Bafnagio suboluisse. Enitendum est igitur, ut injectas antiquis hisce, & probatis Veterum Patrum calculo, monumentis Haereticæ pravitatis maculas detergamus, & inde etiam constatam SS. Martyribus sceleris hujus invdiam depellamus. Quod me facile consecuturum esse, confido, singula quaeque ad examen revocando, & ad severiores Critices regulas expendendo, quae Bafnagium in pravam hanc de SS. Martyribus opinionem adduxerunt.

Primum, ut vidimus, inter insita, & ex ipsis Actis, & Perpetuae verbis collecta, adversus Martyres argumentum repetit ex eo, quod initio Capitis quarti Perpetua narrat in haec verba: *Tunc dixit mihi frater meus: Domina soror jam in magna dignitate es; & tanta, ut postules visionem, & ostendatur tibi, an passio sit, an comneatus. Et ego, quae me sciebam fabulari cum Domino, cujus beneficia tanta experta eram, fidenter repromisi ei dicens: Crassina die tibi renuntiabo.* Eo, inquit Bafnagius, se modo Perpetua gerit; quasi Spiritum Sanctum veluti monile quoddam in arca inclusum sua haberet ad nutum, ejus illustrationibus, quando vellet, usura ad arbitrium; recitatisque superioribus verbis, miram, subjungit, fiduciam, & sola Montanistarum familia dignam!

Hoc argumento facile me expedirem, si innumera huc adferrem similis, si non etiam majoris fiduciae exempla, non modo ex recentiorum Sanctorum Historiis; sed e Theodoriti quoque Historia Religiosa, e Gregorii Dia-

M

logis,

logis, ex Johannis Moschi Prato Spirituali, & aliis hujusmodi quinti, sexti, ac sequentium seculorum Voluminibus coacervata. At quoniam mihi cum ejusmodi hominibus quaestio est, qui id generis monumentis omnem temere fidem abrogant, haec in praesentiarum missa faciam, & ad alia me exempla testimoniaque convertam, quibus ii tantum refragari audeant, qui aut Christianam Religionem ludibrio habent, aut nullam penitus Religionem colunt. Non est tamen, cur a me aliquis exspectet, ut omnia huc conferam caelestium visionum, Propheticarum revelationum, aliorumque divinorum charismatum exempla, quibus Ecclesia plurimum fuit tribus prioribus seculis illustrata. Quamquam enim id multum juvaret, ut intelligeremus, unde Perpetuae animum tanta fiducia incesserit (ex summa videlicet per ea tempora caelestium donorum ubertate, & pene quotidiano, & communi, ac quibusvis justis exposito divinorum charismatum usu) attamen quia bene longam eruditamque *de Visionibus* ad Epistolam VIII. Cypriani Dissertationem texuit Henricus Doduvellus inter Protestantes non infimi subsellii Theologus, in qua Veterum Patrum, initio sumto ab Apostolicis, ad Cyprianum usque, loca omnia, in quibus de visionibus agunt, adversus eos adseruit, ac vindicavit, qui, ut ait, *quae legunt in illius seculi Auctoribus de visionibus, ea ad Montanum trahunt atque Montanistas*; ideo hoc ego labore in praesentia supersedebo, sed ea dumtaxat cum ex antiquorum Patrum Scriptis seligam testimonia, tum ex Martyrum sinceris Actis probatisque Historiis exempla, quae ad meum institutum propius accedere videbuntur, & ex quibus facile possit intelligi, Montanistarum familiae propriam non fuisse miram illam Perpetuae fiduciam, qua futuri eventus revelationem Fratri spondit.

11. Notanda sunt autem imprimis quaedam Justini Martyris loca ex Dialogo cum Tryphone, in quo, ut Euse-

sebius advertit ⁽¹⁾: *Prophetiae dona adhuc sua aetate in Ecclesia vixisse, scribit. Sed quomodo vixerint, productis Sancti Martyris testimoniis, compertum magis habebimus, atque exploratum. Ita enim ait ⁽²⁾: Apud nos enim huc usque etiam Prophetica exstant dona; unde & vos intelligere debetis, quae olim in genere vestro fuere, ea esse in nos translata. Et infra; quam perspicuum esse docet, & in omnium oculis positum, nullum tum amplius exstare in Judaeorum gente Prophetam: tam palam esse omnibus, ac manifestum, esse revera inter Christianos non viros tantum, sed etiam feminas, Prophetiae Spiritu, secundum Johelis Vaticinium, adflatos ⁽³⁾: Ita ut in genere vestro non amplius more veteri Prophetae futuri essent: Quod & oculis ipsi vestris cernere potestis. Post illam, namque nullus omnino apud vos natus est Propheta. Et paullo post ⁽⁴⁾: Est apud nos videre, & feminas, & masculos dona a Spiritu Dei habentes. Hoc Justinus Martyris testimonio falsi imprimis convincitur Basnagius, dum ait ⁽⁵⁾, in Novo Testamento de solis Philippi Evangelistae Filiabus referri, quod a Numinae aetate oracula funderent. Nam S. Justinus promiscuum & commune fuisse tradit masculis & feminis Prophetiae donum. Quamquam & illud non admodum verosimile videatur, Philippi Filias, quanvis, ut scribit ad Victorem Polycrates ⁽⁶⁾, in Asia consenuerint, ad id usque temporis pervenisse. Asterius quoque Urbanus inter Novi Testa-*

M 2

men-

(1) Γράφει δὲ καὶ ὡς ἐστὶ μέχρι καὶ αὐτὰ χαρίσματα προφητικά διέλημμεν ἐπὶ τῆς ἐκκλησίας. lib. iv. Hist. Cap. xxviii.

(2) Παρὰ γὰρ ἡμῖν καὶ μέχρι νῦν προφητικά χαρίσματα εἰσιν. ἔξ δ' καὶ αὐτοὶ συνίσταν ὁράσεις, ἐπὶ τὰ πάλαι ἐν τῷ γένει ὑμῶν ὄντα ὡς ἡμῖς μετεσθαι.

(3) Μικροὶ ἐν τῷ γένει ὑμῶν κατὰ τὸ παλαιὸν ἔθνος προφήτας γενόμενοι. ὅτε καὶ ἔφη ὑμῖν ἰδοὺ εἰς· μὲν' ἐκείνοι γὰρ ὡς ὅτις ὅλους προφήτας παρ' ὑμῖν γιγνέσθαι.

(4) Καὶ παρ' ἡμῖν εἰσιν ἰδοὺ καὶ ἄνδρες καὶ γυναῖκες χαρίσματα ἀπὸ τοῦ πνεύματος τοῦ Θεοῦ ἔχοντες.

(5) Anno D. 103. n. V.

(6) Apud Euseb. lib. v. Hist. Eccles. Cap. xxiv.

menti Catholicos Prophetas, ut quos dicat nihil ad Montanistas pertinuisse, μηδὲν αὐτοῖς προσήκοντας, praeter Philippi filias, Ammiam quamdam Philadelphensem recenset, quam, adeo celebris fama fuit, Prophetico adflatam fuisse Spiritu, ut Montanistae jactarent, quod ⁽¹⁾ *post Quadratum & Ammiam Philadelphensem mulieres illae Montani in Prophetiae gratiam successerant*. In hos itaque Novi Testamenti non Prophetas modo, sed etiam Prophetissas, translata fuisse, docet Justinus, Prophetica dona, quibus olim Synagoga inclaruerat; idque tanta perspicuitate, atque evidentia, ut Judaeos ipsos hujusce rei testes appellet. Quod utique argumento est, non minori copia, atque ubertate sese novis hisce Prophetis, quam antiquis, Prophetiae Spiritum infudisse. Jam vero, an non eo se modo Veteris Testamenti Prophetae gerebant, quasi Spiritum Sanctum veluti monile quoddam in pectore suo, ut in arca inclusum, sua haberent ad nutum, ejus illustrationibus usuri ad arbitrium? Annon de futuris eventibus a Populo requisiti, eadem plane fiducia, qua Perpetua, se illi crastina die, aut post breve tempus renuntiuros spondebant? Quid ergo mirum, si Novi Testamenti Prophetis, ut Agabo, Silae, Quadrato, Polycarpo, & Prophetissis, ut Filiabus Philippi, Ammiae Philadelphensi, & deinde Perpetuae, adeo familiarem fuisse dicamus, ut a Christianis interrogati, hac fiducia responderint: *Cras vobis renuntiabimus?* Prophetae scilicet, aut Prophetidis appellationem, non illi olim, aut illae tulisse videntur, qui semel tantum, aut iterum Prophetica fudissent oracula, sed qui Prophetico spiritu familiariter, & pene dixerim, ad arbitrium uterentur. Alioquin, cum Prophetica dona tanta olim in Ecclesia copia exundarent; cur aliqui tantum, nec magno sane numero, Prophet

tac

(1) Μετὰ Κοδράτον ἡ τὴν ἐν φιλαδεφείᾳ Ἀμμίαν, αἱ περὶ Μοντανὸν διελέξαντο γυναῖκες τὴν προφητικὸν χάρισμα. Apud Euseb. Hist. Eccles. Cap. xviii.

tae κατ' ἐξοχὴν dicti fuissent, ut quos Asterius apud Eusebium loco saepius laudato recenset, & Polycarpus dictus Ecclesiae Smyrnenſi διδάσκαλος Ἀποστολικός, ἡ Προφητικός (1). *Doctor Apostolicus, & Propheticus?*

III. Non longe post Justinī Martyrium Montanisticae factionis initia videntur esse collocanda, si ut Ruinartius (2), & alii volunt, anno CLXVII. aut etiam serius S. Martyr occubuit. Anno enim CLXXVII. quo Lugdunenses Martyres passi sunt, nefariae sectae fundamenta, ut Eusebius refert, iacta jam fuerant. Principio, ut ex eodem Eusebio constat, varia fuit eorum fortuna: alii eos ut veros Prophetas celebrabant, alii quid de illis statuerent, ancipites haerebant, adeo ut aliarum quoque Ecclesiarum, & praesertim Gallicanae, de hac nova Prophetia sententiam per literas Asiāni rogarint. Causam vero cur non statim ab omnibus repudiarentur, hanc fuisse tradit Eusebius, quod quum adhuc in Ecclesia divinae gratiae charismata adfluerent, haud insolens videbatur, eos quoque, qui austerum vivendi genus extrinsecus confectabantur, caelestibus charismatis abundare: *Quum Montanus*, inquit Eusebius (3), *& Alcibiades, ac Theodotus tunc primum in Phrygia, opinione hominum, tamquam Prophetae celebrari coepissent; (multa quippe divinae gratiae miracula in pluribus Ecclesiis etiam tum fieri solita fidem plurimis faciebant, eos quoque prophetare) quumque illorum hominum causa dissensio orta esset, qui in Gallia erant fratres, privatum de his iudicium suum, religiosum imprimis, & cum recta fide consentiens, rursus eidem Epistolae su-*

(1) Epist. de illius Martyrio apud Euseb. lib. 4. Hist. Eccles. cap. 15.

(2) Admonit. in Acta S. Justinī M. n. 12.

(3) Τὸν δ' ἄρτι τὸν Μοντανὸν ἡ Αἰκισιδάδην ἡ Θεόδοτον, περὶ τῶν Φρυγίας ἀρτι τότε πρῶτον τὰς περὶ τὴν περησιώσεως ἐπέληψιν παρὰ πολλοῖς ἐκφρονοῦντας· πλῆθος γὰρ ἐν τῇ ὁμοῦ παρορθεύοντι τὴν αἰσὴν χάρισματος ἀντί τὸν κατὰ διαφόρους ἐκκλησιαστικῶν ἐκτελέμενον, πρὶν παρὰ πολλοῖς τὴν ἀρετὴν περησιώσεως παρῆχον· ἡ δὲ διαφωνία ὑπερχύοντες περὶ τὸν δοδολυμένον, αὐτὸς ἐλὼν κατὰ τὴν Γαλιαν ἀδελφοί, τῶν ἰδίων κρίσειν ἡ περὶ τούτων, ἐκλαβὴν ἡ ἐρδορθεύοντων ὑποτάσσουσιν· ἐκδίδουσι ἡ τὸν παρ' αὐτοῖς τελευτῶντων μετῴκτων διαφύ-

subjunxerunt, prolatis interfectorum apud se Martyrum variis Epistolis, quas illi dum in vinculis adhuc essent, partim ad fratres in Asia & Phrygia degentes, partim ad Eleutherum Romanæ urbis Episcopum scripserant, pro pace Ecclesiarum quasi legatione fungentes. Haec de Montanistarum initiis Eusebius; ex quibus nemo non facile intelligit, eam per haec tempora in Ecclesia fuisse divinorum charismatum ubertatem, ut ex eo firma conjectura capi non posset, aliquos e Prophetarum albo expungendos esse, quod cum magna fiducia Propheticum spiritum usurparent. Ejusdem libri capite decimo sexto, & seqq. aliquot illius aevi Scriptores memorat, qui Montanistas gravissimis scriptis exagitarunt, ut Apollinarem Hieropolitanum, Asterium Urbanum, Miltiadem, Apollonium, Serapionem, Aelium Publium Julium Develtum Coloniae Thraciae Episcopum, & ex quibusdam longas bene *φίλους* adfert, in quibus cernere est, quo signorum genere veteres illi Patres adulterinum Montani spiritum deprehenderint. Praeter prava eorum mores, & Vaticiniorum falsitatem, illud imprimis, ut supra vidimus, novis hisce Prophetis objecerunt, quod velut arrepticii, subito quodam furore ac mentis excessu concussi, insana quaedam & importuna atque aliena proloquerentur, praeter morem atque institutum Ecclesiae a Majoribus traditum, & continua deinceps successione propagatum. Nullibi autem id illis opposuisse legimus, quod Perpetuae Basnagius opponit, eamque propterea uti Montanistam traducit, quod caelestes revelationes cum magna fiducia praestolarentur. Nullum certe Vir eruditus adferre poterit veterum Patrum testimonium, quo demonstret, magnam illam, quam in Perpetua miratur, fiduciam Montanisticae familiae fuisse propriam: qua ergo ipse potius fiducia, ne dicam temeritate & audacia, hoc esse voluit in sanctissima Femina Montanistici spiritus argumentum?

IV. His

αὗτοι ἐπιστολάς δὲ ἐν δεσμοῖς ἐνὶ ἐπαρχοῦσι, τοὺς ἐπ' Ἀσίᾳς καὶ Φρυγίᾳ ἀδελφοὺς δι-
χύρασαν· ἃ μὴ οὐκ ἢ Ἐλευθέριον τῷ τότε Ὁμιλίῳ ἐπισκόπῳ, τῆς τῶν ἐκκλησιῶν ἀγά-
πης ἕνεκα περιβιόντις. lib. v. Cap. 3.

IV. His eisdem temporibus pietatis, & eruditionis laude florebat imprimis Irenaeus. Ex secundo ipsius adversus Haereses libro insignem locum adfert Eusebius, in quo „divinae, inquit (1), admirandaeque virtutis specimina adhuc „sua aetate in quibusdam Ecclesiis superfuisse, testatur „his verbis: *Tantum abest, inquit (c. 56.) ut mortuum excitent per orationem, quemadmodum Dominus, & Apostoli fecerunt. Sed & saepenumero inter fratres tota simul unius loci Ecclesia ob aliquam necessitatem id flagitante cum jejunii multis & orationibus, reversa est in corpus anima defuncti, & sanctorum precibus hominis vita donata est.* Et aliquanto post: *Quod si, inquit, simulatione quadam ac praesigii haec Dominum fecisse dicturi sunt, ad Prophetarum oracula eos deducentes, ex illis demonstrabimus, cuncta de ipso ita praedicta & gesta esse certissime, eumque esse Filium Dei.* Unde etiam in ejus nomine quotquot veri sunt ejus discipuli, accepta ab eo gratia ad salutem, atque utilitatem reliquorum omnium ea faciunt, prout unusquisque ipsorum ab eo munus acceperit. Alii enim Daemones expellunt certissime, ac verissime; adeo ut qui ejusmodi malis spiritibus liberati sunt, saepe fidem amplectantur, & in Ecclesia permaneant. Alii praescientiam futurorum, & visiones sortiti sunt, & propheticas praedictiones. Alii infirmos per impositionem manuum

ευ-

(1) Ἐκ δευτέρῃ τῆς αὐτῆς ὑποθέσεως, ἐπὶ δὲ ἣς αὐτὸν ὑποδείκνυται τὴς θείας καὶ παραθέ-
ξαι δυνατόν ἐν ἐκκλησίᾳ τισὶν ὑπερίλυπτο, διὰ τούτων ἐπισημαίνεται λόγος. τοσού-
τοι δὲ ἀποδίδου τὸ ναρὴν ἰγῶμα, καθὼς ὁ Κύριος ἤγαγε καὶ οἱ Ἀπόστολοι δια τριτοπ-
χῆς καὶ ἐν τῇ ἀδελφότητι πολλὰς, διὰ τὸ ἀσκαλῶν τὴς κατὰ τὴν ἐκκλησίαν πά-
σης αὐτοσημῆς μετὰ νεκρῶν καὶ λιτανείας ποιεῖς, ἐπίκεινται τὸ πνεῦμα τῷ πνε-
ματικῶτι, καὶ ἐκπύρηνει ὁ ἀνθρώπος ταῖς εὐχαῖς τῶν ἁγίων. καὶ αὐτὸς ποιεῖ μὲν ἴσην.
αἱ δὲ καὶ τὴν Κύριον φαντασιολογῶν τὰ ταυτοῦτα πεισινκαίαι εὐρεσιν, ἐπὶ τὰ προφανῆ οὐδ-
γοῦντες αὐτὸς, ἐξ αὐτῶν ἐπισημαίνον πάντα εἶναι περὶ αὐτὸ καὶ προσημαίνον καὶ γρηγοῦν
βιβλίας, καὶ αὐτὸν μὴν αἶμα τὸν ἦν τὸ Θεὸν. διὸ καὶ ἐν τῇ ἐκκλῆσῃ οἱ ἀλλοῦς
αὐτὸ μαρτυροῦναι, παρ' αὐτῷ λαβόντες τὸν χάριν ἐπιτελεῖν ἐκ' εὐαγγελίου τῇ τῶν λοιπῶν
ἀνθρώπων, καθὼς ὡς ἕκαστος αὐτῶν τὸν ἀνθρώπον ἀλλοῦ περὶ αὐτὸ. οἱ μὲν γὰρ δαίμονας
ἐλάτουν βιβλίας καὶ ἀλλοῦς ὡς πολλὰς καὶ τρισίους αὐτὸς ἐκείνης καθηρισθέντας ἀπὸ
τῶν πνευμάτων, καὶ αἶμα ἐν τῇ ἐκκλησίᾳ οἱ δὲ καὶ πρὸς τὴν ἐκκλῆσιν τῶν μελόν-
των, καὶ ὁπποῖας καὶ εἰς τὴν προφητείαν· ἀλλὰ δὲ τὴς κομῆτας διὰ τὴς τῶν χαρῶν ἐπι-
δείξεως

curant, ac pristinae sanitati restituunt. Sed & mortui aliquoties, ut supra diximus, excitati sunt, & pluribus deinceps annis nobiscum remanserunt. Quid plura? Non potest numerus iniri donorum, quae per universum orbem Ecclesia a Deo accipiens, in nomine ejus, qui sub Pontio Pilato crucifixus est, Jesu Christi, quotidie ad opitulationem Gentium operatur; nec fallens quemquam, nec pecuniam corradens. Ut enim gratis accipit a Deo, sic etiam gratis ministrat. „ Idem, inquit Eusebius, „ in alio loco ita scribit. Sicuti multos ex fratribus audimus in Ecclesia, qui prophetiae dona consecuti sunt, & omni linguarum genere per spiritum loquuntur, & ad hominum utilitatem occulta in lucem proferunt, atque arcana Dei mysteria exponunt „. Ex his igitur apparet, multiplicem donorum spiritualium varietatem ad illa usque tempora penes eos, qui digni essent, permansisse. Quum res Ecclesiae id temporis ita se haberent, & tanta esset divinorum charismatum varietas & copia, ut neque eorum iniri numerus posset, & quotquot essent ἀληθῶς αὐτῷ μαθηταί *veri ejus*, idest, Christi discipuli Propheticiis donis abundarent, & vel mortuos, excitarent, vel Daemones ejicerent, aut futura praeviderent, aut occulta cordium penetrarent, aut infirmos per impositionem manuum sanitati restituerent, aut omni genere linguarum per Spiritum loquerentur: annon imprudenter illi faciunt, qui res Christianorum illius temporis ex praesenti rerum statu metientes, tantopere mirantur, quod Ss. Femina, ἀληθῶς αὐτῷ μαθήτρια, adeoque divinis hisce charismatis adsueta, ut quae se *sciebat fabulari cum Domino*, cun-

θεῖναι δύναιτο, καὶ ἐγὼς ἀποκαθίσταιν. ἤδη δὲ καθὼς ἔοικεν, καὶ νεκροὶ ἀγέρθησαν, καὶ παρέμειναν σὺν ἡμῖν ἱκανοὶ ἔσονται. καὶ τί γὰρ; ἢ ἔστιν ἀριθμὸς πάντων τῶν χαρισμάτων ὡς κατὰ πάντος τὸ πνεῦμα ἢ ἐκκλησία παρὰ Θεοῦ λαβῆσα, ἐν τῷ ἐόντι Ἰησοῦ Χριστῷ τῷ συγκυρῶντι ἐπὶ Ποντίῳ Πιλάτῳ, ἐκείνης ἡμέρας ἐπ' ἐκκλησίᾳ τῇ τῶν ἰδίων ἐπιτελειᾷ, μὴτε ἔξαπατῶσα τίνας, μὴτε ἐξηρῶντομένη· ὥς γὰρ δορεῖν ἄλλῃ παρὰ Θεοῦ, δορεῖν καὶ διακεῖν. καὶ ἐν ἐτέρῳ δὲ τόπῳ ὁ αὐτὸς γράσκει. καθὼς καὶ πολλοὶ ἀκούοντες ἀδελφῶν ἐν τῇ ἐκκλησίᾳ προσηλυτικὰ χαρίσματα ἔχοντων καὶ παντοδαπαῖς λαλοῦντων διὰ τὸ πνεῦματος ῥημάτων, καὶ τὰ κρυφία τῶν ἀδελφῶν ὥς φανερὰ ἀγάντων ἐπὶ τῇ συμφορῇ; καὶ τὰ μυστήρια τοῦ Θεοῦ ἐκδιηγούμενων. ταῦτα καὶ περὶ τὰ διαφόρα χαρίσματα μίξει καὶ τῶν ἀδελφῶν χρόνῳ παρὰ τοῖς αἰῶσι διαμένον. lib. quinto Hist. Eccles. Cap. septimo.

cunctis jam terrenis adfectibus exsoluta; & in ipsa Martirii expeditione, eam sibi sumserit de divina dignatione fiduciam, *cujus beneficia tanta experta erat*, ut fidenter se fratri renunciaturam sponderit, an passio futura esset an comectus? Id Basnagii judicio longe est ab istorum temporum moribus: sed annon longius est etiam ab hodierna consuetudine, quod tunc *τολλοις* saepenumero inter fratres factum esse, testatur Irenaeus, quod *tota simul unius loci Ecclesia ob aliquam necessitatem id flagitante cum jejuniis multis & orationibus, reversa sit in corpus anima defuncti, & Sanctorum precibus hominis vita donata sit?*

V. Sed ut intelligat Basnagius, qua fiducia veteres Christiani divina haec charismata, & virtutes administrarent, audiat quae Tertullianus jactet de illorum in Daemones imperio (1): *Edatur hic aliquis sub tribunalibus vestris, quem Daemone agi constat: Jussus a quolibet Christiano loqui Spiritus ille, tam se Daemonem confitebitur de vero, quam alibi Deum de falso. Aequè producatúr aliquis ex iis, qui de Deo pati existimantur, qui aris inbalantes numen de nidore concipiunt, qui ructando conantur, qui anhelando profantur. Ista ipsa Virgo caelestis pluviarum pollicitatrix, iste ipse Aesculapius medicinarum demonstrator, alias demorituris Socordio, & Denatic, & Asclepiodoto subministrator, nisi se Daemones confesii fuerint, Christiano mentiri non audentes, ibidem illius Christiani procacissimi sanguinem fundite. Quid isto opere manifestius? Quid hac probatione fidelius? Simplicitas veritatis in medio est: virtus illi sua adssistit: nihil suspicari licebit: magia, aut aliqua ejusmodi fallacia fieri dicetis, si oculi vestri, & aures permiserint vobis. Quid autem injici potest adversus id, quod ostenditur nuda sinceritate? An non haec magna fiducia; de cujusvis Christiani sanguine cum Tyrannis transigere, si non ad arbitrium, & quam maluerit, in Daemones exerceat potestatem? An istam quoque fiduciam sola Mon-*

N

tani

1) Apolog. cap. 23111.

tani familia dignam, Basnagius dicere audebit, quod huic Sectae Tertullianus fuerit addictus? At nullus heic ejusmodi cavillationibus locus: non heic de occultis privatisque visionibus aut revelationibus agitur, sed de re cujus publicum, & sub ipsis Ethnicorum Magistratum tribunalibus, exhibetur experimentum; & Christianae Religionis decus, & Christiani hominis sanguis in discrimen vocatur, nisi signum oblatum ex sententia processerit. Annon vero ita se gerit, ita loquitur Tertullianus, quasi Spiritum Sanctum ad coercendos & subjiciendos sibi Daemones, veluti monile quoddam in arca inclusum sua Christiani haberent ad nutum, ejus virtute, ac potestate, quando vellent, usuri ad arbitrium? Unde autem Christianis tanta fiducia, nisi ex quotidiano id genus virtutum experimento? *Christum timentes*, subjungit laudatus Auctor, & *Deum in Christo*, subjiciuntur *servis Dei & Christi*. Ita de contactu, deque adflatu nostro . . . etiam de corporibus nostro imperio excedunt *invisi & dolentes*, & *vobis praesentibus erubescetes*. Libro autem de Corona Milit. hoc spiritu, hac virtute non Clericos modo aut insigniores Christianos, sed quosvis promiscue, etiam Laicos, praeditos fuisse, clare & aperte significat, dum Christianos, illos utique, quibus ex Ecclesiae Catholicae disciplina militare licebat, a suscipienda vel exercenda militia hoc inter cetera argumento deterret, quod militibus noctu pro Daemonum templis excubandum esset, in quos Christianus interdum imperium exercebat, quosque exorcismis fugabat (1): *Et quos interdum exorcismis fugavit, noctibus defensabit, incumbens, & requiescens super luncbo, quo perfossus est latus Christi*. Cui, ut vidimus, concinit Irenaeus, qui veros Christi Discipulos, nulla distinctione adhibita, hac, ait, inter cetera dona, praeditos fuisse potestate, ut Daemones expellerent βαλῶνς καὶ ἀληθεῖς. Et utroque antiquior Justinus ipsos Ethnicos

(1) Capite undecimo.

cos harum virtutum testes appellat, ut quae sub ipsorum oculis, & palam ederentur ⁽¹⁾: Hoc ipsum ex his, quae sub adpectu vestro fiunt, intelligere potestis. Complures siquidem Daemonum intemperis correptos homines per orbem omnem & hanc vestram Urbem, quos alii adjuratores, & incantatores, & venefici vestri curare non potuerunt, permulti hominum nostrorum, Christianorum inquam, per nomen Jesu Christi sub Pontio Pilato crucifixi adjurantes sanarunt, atque etiam nunc sanant, exarmantes, atque exigentes ab hominibus, qui illos obsederunt, Daemones. Et in Dialogo cum Tryphone ⁽²⁾: Opitulatorem namque ipsum, & redemptorem nominamus, cujus etiam nominis potentiam Daemones tremunt & reformidant, & hodie quoque illi per nomen Jesu Christi crucifixi sub Pontio Pilato, qui Judaeae procuratorem egit, adjurati, nobis parent. Et rursus: Et nunc nos, qui in crucifixum sub Pontio Pilato Jesum Dominum nostrum credimus, Daemonia cuncta, Spiritusque malignos adjurantes, sub potestate eos nostra subditos habemus. Non minori quam Tertullianus fiducia magnus hac de re loquitur Athanasius, quamvis quarto seculo, non eadem qua tertio ineunte, ubertate haec Spiritus Sancti charismata redundarent ⁽³⁾: Haec autem quae dicimus, non in solis verbis consistunt, sed ipsa etiam experientia praeclararum veritati dat testimonium. Accedat itaque quisquis voverit, ac virtutis insignia in Christi virginibus, nec non in

N 2

ado-

- (1) Καὶ τὸν ἐν τῷ ὄπ' ἔχειν γινόμενον μαθὼν δύνασθαι, δαιμονολήπτης γὰρ περὶ αὐτῆς κατὰ τὴν ἀδ. σμην, ἐν τῇ ὁμότητι πᾶσι πολλοὶ τῶν ἡμετέρων ἀνδρώπων, τὸν Χριστιανὸν, ἐξορκίζοντες κατὰ τὸ ἐνόντος Ἰησοῦ Χριστοῦ τὸ ζαυρομόδιος ἐπὶ Ποντίῳ Πιλάτῳ, ὅπερ τῶν ἄλλων πάντων ἐποικισθῆναι καὶ ἐποσθῆναι καὶ ἐπερκαυτῆν μὴ ἰσθύντας, ἰσθύνονται, καὶ ἐν τῇ ἰδίᾳ καὶ παρὰ τὸν καὶ ἐκδιώκοντες τῆς κατήχουρας τῆς ἀνδρώπων δαίμονας. Apolog. II. ad Senas.
- (2) Βουδὴν γὰρ ἐκόντων καὶ λυθροσθῆν καλῶμεν, ὃ καὶ τὴν τὸ ἐνόντος Ἰησοῦ Χριστοῦ τὸ ζαυρομόδιος ἐπὶ Ποντίῳ Πιλάτῳ τὸ γινόμενον ἐπιτρέψαι τῆς Ἰουδαίας ὑποτάσσεται. Καὶ τὸν ἡμῶς οἱ περὶ σὺντας αἱ τὸν ζαυρομόδιος ἐπὶ Ποντίῳ Πιλάτῳ Ἰησοῦ Κυρίου ἡμῶν, τὰ δαιμόνια πάντα καὶ πνεύματα ποικιλῆ ἐξορκίζοντες ὑποτασσόμενα ἡμῖν ἔχουμεν.
- (3) Ταῦτα δὲ τὰ λογόμενα παρ' ἡμῶν οὐκ ἀπὸ λόγων εἰσιν, ἀλλὰ καὶ ἐκ αὐτῆς τῆς πάρας ἔχα τῇ τῆς ἀλυσθῆς μαρτυρίαν. παρὰ γὰρ ὁ βελήμενος καὶ δουρῶτα τῆς μὲν περὶ τὸ γυνήρισμα ἐν ταῖς Χριστῷ παρθένοις καὶ ἐν τοῖς παρθενύῳ ἀγνύουσι πατρίσι, τῆς δὲ ἀδα-
νσελ.

adolescentibus, qui castimoniam profitentur, immortalitatisque fidem in tanto Christi Martyrum choro contempletur. Veniat, & quisquis ea, quae diximus, experiri cupit, atque in mediis ipsis Daemonum praestigiiis, & oraculorum fallaciis, ac magiae prodigiis, signo Crucis, quae apud ipsos ludibrio est, utatur, solumque Christum nominet: mox videbit, quam cito per ipsum fugentur Daemones, cessent oracula, ars omnis magica veneficiaque evanescant. Si non est incredibile, veteres Christianos tantam exercuisse adversus Daemones potestatem, & ad malignos Spiritus coercendos, Spiritus Sancti virtutem, veluti gladium a femore pendentem habuisse ad nutum, eum, quando vellet, exerturos ad arbitrium: cur incredibile videbitur, Feminam divino Spiritu plenam ita se gefsisse, quasi ipsum veluti monile quoddam in pectore suo ut in arca inclusum habuisset ad nutum, ejus illustrationibus, quando vellet, usura ad arbitrium? Non video, quid huic argumento reponi possit. Non nititur incertis, aut obscuris exemplis, non dubiis, aut forte confictis revelationibus, non vagis vulgi rumoribus, aut traditionibus; sed palam, & in omnium oculis rerum gestarum fide, clarissimis monumentis contestata, consignataque. Spiritus Sancti virtute ad comprimendos Daemones veteres Christiani ad arbitrium utebantur. *Quid hoc opere manifestius?* Cur igitur Candidata Martyrii Spiritus Sancti illustrationes ad arbitrium impetrare non potuit? *Quid hac probatione fidelius?* *Simplicitas veritatis in medio est: virtus illi sua adsistit; nihil suspicari licebit;* non Montanismum, aut Phanatismum, aut aliquid hujusmodi.

VI. Eadem, qua Perpetua, Severi persecutione, sancta Potamiaena, inter Alexandrinos hujus temporis Martyres celeberrima, sublata est, cujus non solum exstat apud

Euse-

ναίας τῷ κρίει ἐν τῷ τοῦτον τῶν μαρτύρων αὐτῇ χορῷ. ἔκτεν δὲ ὁ πάρεν τῶν προ-
 ληθέντων βουλόμενος λαβῶν, καὶ ἐπ' αὐτῆς τῆς φαντασίας τῶν δαίμονων, καὶ τῆς τῶν μαρ-
 τῶν ἀσπίδος, καὶ τῶν τῆς μεγάλης θαυμασίας, χρητάδου ὃ ἐκμήν τῷ γηλυμένῳ παρ' αὐ-
 τοῖς σαρῶ, τοῖς Χριστὸν ἐκράντας μίον, καὶ ἐψίται πῶς δὲ αὐτῷ δαίμονες μὲν εὐζῶσι,
 μινῶν δὲ πᾶνται, μαχρία δὲ πᾶσα καὶ φαρμακία κατήργηται. Lib. de Incarnat. Verbi
 Dei n. 48. novae Edit.

Pro SS. Perpetua, Felicitate, &c. 101

Eusebium illustris apparitio, sed insignis in Deum fiducia exemplum, non minus quam illud Perpetuae, admiratione dignum. Eusebii verba pro more subijciam (1): *Protinus igitur iudicis sententia damnatam, Basilides unus ex apparitoribus ad supplicium abducit. Quumque vulgus eam vexare, & obsecraenis verbis illudere ei conaretur, Basilides quidem eos, qui contumeliam Virgini faciebant, absterrens propellebat, multaque misericordiae, & humanitatis erga illam praebebat indicia. Illa vero benignitatem hominis erga se libenter amplectens, bono animo eum esse iussit: se namque post obitum salutem ipsius a Domino impetraturam, & collata in se beneficia brevi remuneraturam esse . . . Et hujusmodi quidem certamen nobilissima Virgo decertavit. Brevi autem postea Basilides Christianum se esse, idque palam profiteri Quumque quidam in Domino fratres eum adissent, & causam subitae illius, atque insperatae conversionis interrogarent, dixisse fertur, Potamiaenam tertio post Martyrium die, noctu sibi adfidentem coronam capiti suo imposuisse, dixisseque se ipsius causa Dominum orasse, atque id, quod petierat, impetrasse: nec diu postea ipsum ad superos migraturum. Posthac signaculo Domini a fratribus accepto posttridie Christum gloriose confessus, capite truncatus est. An minori fiducia Basilidi salutem, & beneficiorum certam remunerationem Potamiaena spondit, quam Perpetua Saturo*
fu-

(1) Ἅμα δὲ λόγῳ τὸν τῆς ἀποφάσεως ὅρον καταδείξαμεν, ὁ Βασιλίδης ὡς τις ἦν τῶν ἐν στρατίαις ἀναφερμένων, ἀπ' αὐτοῦ παραλαβὼν τὴν ἐπὶ θανάτῳ. ὡς δὲ τὸ πλῆθος ἐνοχλῶν αὐτῇ καὶ ἀκολάστοις ἐμβριζῶν ἐν ἡματιν ἐπηρεῶτο, ὁ μὲν ἀνῆλθεν ἀποτοβῶν τὴν ἐμβριζήσασαν, πλῆθος ἔλειον καὶ φιλανδρωπίαν ὡς αὐτὴν ἐνθαυόμενος· ἡ δὲ τῆς περὶ αὐτὴν συμπαθείας ἀποδείξαμεν τὸν ἄνδρα θαρρῶς παρακαλεῖν αὐτὴν ἐξαιτήσεσθαι γὰρ αὐτὸν ἀπὸ τῆς θανάτου, παρὰ τὴν ἐαυτῆς Κυρίῳ, καὶ ὅτι ὡς μακρὸν τῶν ὡς αὐτὴν πεπραγμένων τὴν ἀμειβὴν ἀποτίσκει αὐτῇ καὶ ὁ μὲν τῆς αἰδέμεν κόρης, τοιοῦτος κατεγνώσθη ἄλλος. ἡ μακρὸν δὲ χρόνον διαλειπὼν ὁ Βασιλίδης Χριστιανὸν ὑπέρχην, καὶ τότε ἐμφανῶς βυολογήην. Τὸν δὲ κατὰ Θεὸν ἀδελφῶν ὡς αὐτὸν ἀφικομένον, καὶ τὴν αὐτῆς τῆς ἀδελφῆς καὶ παραδόξῃ ταύτης ὁμῆς πυνθανομένην, λέγεται ἅπαν, ὡς ὅρα Ποταμίανα τρεῖς ὅσον ὕψιον ἡμῖρας τῷ μαρτυρίῳ νύκτωρ ἐπιδόσα, εἶπαν αὐτῇ τῇ κεφαλῇ περιδόσα ἂν, ὅτι τὴν παρὰ κεκακκέναι χεῖρὶν αὐτῇ τὸν Κύριον, καὶ τῆς ἀξιώσεως τετυχηκέναι· ὅτι ὡς μακρὸν τὴν αὐτὴν παραλήψομαι. ἐπὶ ταῖς τῶν ἀδελφῶν τῆς ἐν Κυρίῳ σφραγίδος μιταδόντων αὐτῇ, τῇ μετέπειτα ἡμῖς τῷ τῷ Κυρίῳ διαπρέψας μαρτυρίῳ, τὴν κεφαλὴν ἀποτιμῆται.
Lib. vi. Hist. Eccl. Cap. v.

futuri eventus praedictionem? Annon ita quoque Potamiaena se gerit, quasi divinae Praedestinationis ordinationes in numerato haberet, aut post mortem divinorum consiliorum arbitra futura esset, gratiae per se victricis auxiliis usura ad arbitrium, per quae Basilidi Christus donaret, *non solum ut crederet in eum, sed etiam ut pateretur pro eo?* Si brevi Potamiaena fore speravit, ut suae pro Basilide preces exaudirentur: cur non in eandem spem Perpetua quoque potuit adduci? Si laudi Potamiaenae datur, quod certam fecerit Basilidi futurae salutis spem: cur vitio Perpetuae vertitur, quod certam Saturo spem injecerit futurae revelationis? Si Potamiaenae prophetiam nemo umquam in Montanismi suspicionem adduxit: cur similem Perpetuae prophetiam in invidiam Montanismi trahemus? Quid enim differunt: *Bono animo esto, post obitum impetrabo tibi salutem. Et: Crastina die tibi renuntiabo?*

Exstincta Severi persecutione pax diuturna successit, ad Decium usque, nisi Maximini persecutione, quae tamen brevis, & localis fuit, non interrupta. Hoc temporis intervallo visiones, & revelationes in Ecclesia non defuerunt, ut aliquibus exemplis constat, quae uti insigniora, & ad publicum Ecclesiae statum, & ad publicas item Personas, atque imprimis celebres pertinentia, Historiae suae Eusebius inferuit. Cujusmodi fuerunt illae, quibus Alexander in Hierosolymorum Antistitem electus est ⁽¹⁾, & qua S. Fabianus Ecclesiae Romanae Pontifex renunciatus ⁽²⁾: sed eas praetereo, quod nihil ferme cum nostro argumento commune habeant, ut illas etiam Dionysii Alexandrini, quas idem Eusebius refert ⁽³⁾, in quibus praesenti causae non multum videtur esse praesidii.

VII. Ad

(1) Vid. Euseb. lib. vi. cap. xi.

(2) Vid. Euseb. ibid. cap. xxix.

(3) Vid. ipsius Epist. ad German. apud Euseb. ibid. c. xl. & Epist. ad Philemon. apud eund. lib. vii. cap. vii.

VII. Ad Cyprianum itaque veniam, quo nemo magis ita se gessit, quasi Spiritum Sanctum, veluti monile quoddam in arca inclusum sua, habuisset ad nutum, ejus illustrationibus, quando vellet, usus ad arbitrium. Duo autem in ejus revelationibus, ac visionibus spectanda sunt: earum scilicet varietas, atque frequentia; & quam inde concepit sanctissimus juxta, ac prudentissimus Vir de divina dignatione, & familiaritate fiduciam. Ut autem haec diligentius Lector, atque commodius animadvertat, eas heic S. Martyris visiones exponere visum est iisdem verbis, quibus ab ipso suis in Epistolis referuntur. Epistola undecima, alias juxta Pamelii Editionem octava, nihil ferme habet praeter visiones, atque revelationes. Scripta est e secessu Presbyteris, & Diaconibus, hortaturque illos ad preces assidue fundendas; unde Augustinus ejus in lib. 4. de Baptismo mentionem faciens, hunc illi titulum dedit: *Ad Clericos, de precando Deo*. Deciana persecutio saevissime id temporis grassabatur: impulsus autem se fuisse dicit, divinis praesertim revelationibus, ad scribendum: *Nam quod, inquit, magis suavit, & compulit, ut has ad vos literas scriberem, scire debetis (sicut Dominus ostendere, & revelare dignatur) dictum esse in visione: petite, & impetratis. Tunc deinde praeceptum Plebi adstanti, ut pro quibusdam Personis designatis sibi peterent. In petendo autem fuisse dissonas voces, & dispares voluntates: & hoc vehementer displicuisse illi, qui dixerat: petite, & impetratis, quod Plebis inaequalitas discerneret, nec esset fratrum consensus una, & simplex & juncta concordia*. Unanimitatis hujus, pacisque inter fratres, & concordiae defectus causam fuisse, subjungit, grassantis persecutionis, quam sibi longe antequam decerneretur, sequenti visione ostensam fuisse, testatur: *Imo vero nec venissent fratribus haec mala, si in unum fraternitas fuisset animata. Nam, & illud ostensum est, quod sederet Paterfamilias sedente sibi ad dexteram juvene, qui juvenis anxius, & cum*
qua-

quadam indignatione subtristis, maxillam manu sustinens, moesto vultu sedebat. Alius vero in sinistra parte consistens, rete portabat, quod se mittere, ut circumstantem populum caperet, minabatur; & quum miraretur quid hoc esset, ille, qui vidit, dictum est ei: Juvenem qui ad dexteram sic sederet, contristari & dolere, quod praecepta sua non observarentur: illum vero in sinistra exultare, quod sibi daretur occasio, ut a Patrefamilias potestatem sumeret saevienti. Hoc prius longe ostensum est, quam tempestas vastitatis hujus oriretur. Et vidimus impletum, quod fuerat ostensum. Sicuti pacis tempore futuram persecutionem, ita, saeviente persecutione, brevi futuram pacem in visione pariter intellexit, de qua in eadem Epistola ita scribit: Denique ad minimum famulum suum, & in delictis licet plurimis constitutum, & dignatione ejus indignum, tamen illic pro sua circa nos bonitate, mandare dignatus est: dic illi, inquit, securus fit, quia pax ventura est. Sed quod interim morula est, supersunt adhuc aliqui, qui probentur. Neque tantum de fundendis assidue precibus, sed de aliis quoque pietatis operibus, & religionis officiis, supernis revelationibus admonitum se fuisse testatur: Sed & de victu parco, & sobrio potu divinis dignationibus admonemur, &c. Adeo vero de vaticiniorum suorum futuris eventibus sanctissimus Praeful securus erat, ut quamvis nullus adhuc optatae tranquillitatis radius appeteret, jussit tamen has literas promulgari, & per Clerum, ad quem scriptae fuerant, Plebi quoque communicari: *Disimulare haec singula, & apud conscientiam meam solus occultare non debui Nec ipsi utique apud vos hanc Epistolam teneatis occultam, sed legendam fratribus suggeratis.* Sed ab omni pacis spe tam longe aberat afflictæ Plebis animus, ut nullam plerique gravissimi Pastoris literis, ac revelationibus fidem accommodarint: quam eorum incredulitatem in principio libri de Lapsis reprehendit, ab eo conscripti post redditam Ecclesiae, ob insperatum ac repentinum Deciorum interitum, tranquillitatem:

Pro SS. Perpetua, Felicitate, &c. 105

tem: Pax ecce dilectissimi fratres Ecclesiae reddita est, & quod difficile nuper incredulis, ac perfidis impossibile videbatur, ope atque ultione divina securitas nostra reparata est.

Non minus visionibus abundat Epistola novissimae Editionis decima sexta, ad Pamelii numeros decima, quin plures, & varias, paucioribus tamen verbis, complectitur: *Castigare nos itaque divina censura, nec noctibus desinit, nec diebus: praeter nocturnas enim visiones, per dies quoque impletur apud nos Spiritu Sancto puerorum innocens aetas, quae in ecclasi videt oculis, audit, & loquitur ea, quibus nos Dominus monere & instruere dignatur. Et audietis omnia, quando ad vos reducem me Dominus fecerit, qui, ut secederem, iussit. Interim temerarii & incauti & tumidi quidam inter vos, qui hominem non cogitent, vel Deum timeant; scientes, quoniam si ultra in iisdem perseveraverint, utar ea admonitione, qua me uti Dominus jubet; ut interim prohibeantur offerre.* Quis haec legens Cypriano nostro praeclarum illud non adscribat elogium, quod a Polycrate Melitoni Sardenſi longe antea tributum fuerat (1): *τὸ ἐν ἁγίῳ πνεύματι πάντα πολιτευόμενον, qui Spiritu Sancto adflatus cuncta gessit.* Unde cum a plerisque nostrorum Prophetam fuisse habitum, ex Tertulliano in septem libris, quos scripsit adversus Ecclesiam pro Montano, refert Hieronymus (2). At haec omnia in Cyprianum nostrum non minus quadrant: quid enim persecutionis tempore ab eo gestum, quod non Spiritu Sancto adflatus perfecerit? Ut Plebem suam ad futurum bellum expediret, longe antequam exardeſceret, divina illud revelatione praefenſit. Indicto bello, ut latebras quaereret, & persecutionem declinaret, Deum auctorem habuit; neque, ut ipſemet, & Pontius Diaconus in ejus vita testantur, sine divina revelatione seceſſit. Orta tempeſtate, quibus aut virtutum exercitationibus su-

O

pe-

(1) Epist. ad Victorem P. apud Euseb. lib. v. cap. xxiv.

(2) Catalog. in Melitone.

peranda esset, aut pietatis officiis tranquillitas impetranda, divina item revelatione cognovit. Futuram pacem, non minus quam proximum bellum, divina pariter revelatione prae-novit. Qua erga Lapfos disciplina uti deberet, & nocturnis ipse visionibus, & diurnis innocentum puerorum raptibus, & excessibus intellexit. Qua item in incautos quosdam, ac temerarios Presbyteros censura deberet animadvertere, a Deo similiter per apertam & manifestam admonitionem accepit. Afsiduis hisce Spiritus Sancti donis ac muneribus fretus, ad reditum quoque suum supernam revelationem praestolabatur: *Et audietis omnia, quando ad vos reducem me Dominus fecerit, qui ut secederem iussit*: quam illi non defuisse, postea dicemus.

Interim, antequam e secessu Carthaginem remearet, Aurelium, & Celerinum gloria confessionis insignes in Clerum cooptavit. Id vero non sine consuetis visionibus, ac divinis revelationibus factum est. Nam, quum illorum temporum usus haberet, ut Ordinationes Clericae non sine Plebis testimonio, & totius Cleri suffragio celebrarentur; cur illos absens in Clerum provexerit, hanc, de Aurelio loquens, adfert rationem, quod humano testimonio non indigeret, qui divino probatus fuerat suffragio (1): *In Ordinationibus Clericis, fratres carissimi, solemus vos ante consulere, & mores ac merita singulorum communi consilio ponderare: sed expectanda non sunt testimonia humana, cum praecedunt divina suffragia. Aurelius frater noster, illustris adolescens, a Domino jam probatus, &c.* Et Epistola sequenti de Celerini Ordinatione loquens, eam quoque per spiritum Prophetiae nec sine visionibus ac revelationibus peractam fuisse, testatur: *Quum enim, inquit, consentire dubitaret, Ecclesiae ipsius admonitu, & hortatu in visione per noctem compulsus est, ne negaret nobis suadentibus, cui plus licuit, quae & cogit.*
Fe-

(1) Epist. xxxviii. ad Pam. num. xxxiii.

Pro SS. Perpetua, Felicitate, &c 107

Felicissimus Schismatis Carthagine auctor, & quinque Presbyteri perditae factionis fomites, quas in sanctissimum Virum turbas concitarint, saepius ipse in suis Epistolis narrat. Hac de re, & de persecutione, quae inde imminabat, divinitus aliquid accepisse, nec caelestem defuisse revelationem, ex his S. Martyris verbis colligunt Eruditi: *Persecutio est haec alia, & alia tentatio, & quinque illi Presbyteri nihil aliud sunt, quam quinque primores illi, qui edicto nuper Magistratibus fuerant copulati, ut fidem nostram subverterent, ut gracilia fratrum corda ad letales laqueos praevaricatione veritatis averterent. Eadem nunc ratio, eadem rursus everfio, per quinque Presbyteros Felicissimo copulatos, ad ruinam salutis inducitur.* Videtur, inquit Pamelius, alludere ad visionem quampiam, in qua apparuisse videntur cum Magistratibus quinque primores, qui edictum contra Episcopos una publicarent. Neque huic interpretationi refragatur Rigaltius, eandemque manifeste amplectitur Doduvelus (1). Eadem Epistola, modo XLVIII. al. XL. quae ultima est earum, quas in secessu conscripsit; quam, ut supra diximus, praestolabatur de reditu revelationem, se jam accepisse, perspicue, ut mihi videtur, luculenterque significat. Primo enim queritur: „quod quorundam Presbyterorum malignitas, & perfidia perfecisset, ne sibi ad suos ante Diem Paschae venire licuisset. Cavebat scilicet, ne per minas, & per insidias perfidorum major ex suo adventu Carthagine tumultus oriretur: & quum paci, & tranquillitati Episcopus providere in omnibus debeat, ipse materiam seditioni dedisse, & persecutionem denuo exacerbasse videretur. Postea subjungit, hanc esse persecutionis novissimam, & extremam tentationem, quae & ipsa, inquit, cito Domino protegente transibit, ut repraesenter vobis post Paschae diem cum Collegis meis. Annon manifesta haec

O 2

ha-

(1) Dissert. IV. Cyprianica de visionibus, &c. §. XVIIII.

habemus & clara Propheticae revelationis indicia? Ante Pascha suo se secessu continuit, metuens ne adventu suo materiam seditioni daret, & ne persecutionem denuo exacerbasse videretur: post Pascha tamen certo se rediturum promittit. Sed an non poterat post Pascha idem periculum imminere? Nequaquam: noverat enim cito transituram persecutionis hujus novissimam tentationem. Sed unde id noverat, ut adeo certum promitteret? Non aliunde profecto nisi ex divina revelatione.

Sublatis Deciis, secundam Cypriani temporibus Ecclesiae persecutionem Gallus & Volusianus intulerunt. Hanc quoque S. Cyprianus, antequam saeviret, imo & antequam decerneretur, non una, aut altera; sed multis, & crebris, & manifestis ostensionibus ac visionibus futuram intellexit; & per Synodicas secundi Concilii Carthagenensis ad Cornelium literas, non suae tantum, sed etiam Romanae Ecclesiae significavit ⁽¹⁾: *Sed enim cum videamus diem rursus alterius infestationis appropinquare coepisse, & crebris atque assiduis ostensionibus admonemur, ut ad certamen, quod nobis hostis indicit, armati & parati simus; Plebem etiam nobis de divina dignatione commissam exhortationibus nostris paremus, &c.* Postea: *Obtemperandum est namque ostensionibus, atque admonitionibus iustis, ut a Pastoribus oves in periculo non deserantur, &c.* Rursus: *Placuit nobis, Spiritu Sancto suggerente, & Domino per visiones multas & manifestas admonente, quia hostis nobis imminere praenunciatur & ostenditur, colligere intra castra milites Christi, &c.* His Cypriani verbis haec subjungit Cl. Doduvellus ⁽²⁾: Non credent haec fortasse Athei. Sed quid habent, quominus fide digna esse censeant? Visiones haec habemus non multas modo, sed & manifestas; nec illas post eventum confictas, sed vero antea praenunciatas, eventumque comprobatas; nec

id

(1) Epist. LVII. al. LIX.

(2) Dissert. de Visionib. &c. §. XIV.

Pro SS. Perpetua, Felicitate, &c. 109

id obscura privati cujuscumque fide, sed Synodi totius consentiente suffragio, mansurisque, si falsae fuissent, in rei memoriam aeternis monumentis, scriptisque consignatas, *sile*, ut Hieronymus ait, *clarioribus*; non video quid praeterea velle possent ad rem facti comprobendam, si modo ex aequo judicare vellent, nec fidem prorsus omnem hominibus derogare. Rursus de eadem persecutione ita scribit ad Plebem Thibaritanam ⁽¹⁾: *Nam quum Domini instru-entis dignatione instigemur saepius, amplius & admoneamur; ad vestram quoque conscientiam admonitionis nostrae sollicitudinem perferre debemus. Scire enim debetis, & pro certo credere ac tenere, praesurae diem super caput esse coepisse... Nec putamus talia esse quae veniunt, qualia fuerunt illa, quae transierunt: gravior nunc & ferocior pugna imminet*. Non immerito dubitatur, quomodo Deciana, gravior & ferocior futura esset Galli persecutio; quum reapse brevior fuerit, & longe mitior? Hunc nodum ita solvi in Dissert. de Poenit. seu de Capit. Crim. absolut. ⁽²⁾ Non futuram modo persecutionem, sed & omnia pariter mala, quae non minus Ecclesiae, quam Reipublicae impendebant, fuisse Cypriano his visionibus demonstrata; irruptiones scilicet Barbarorum, indeque sequutas Christianorum aequae ac Gentilium captivitates: & funestissimam luem, quae late per Imperium Romanum grassata est; cujus mali acerbitem, & innumerabiles strages, cum Sanctus ipse Cyprianus, tum Pontius Diaconus in ejus vita, tum alii Auctores deplorant. Hae igitur, aliaeque calamitates cum persecutione conjunctae Galli & Volusiani Imperium Deciano longe gravius Christianis effecerunt. Quumque non omnes malorum causae clare & distincte fuissent S. Martyri revelatae, tot quas praeviderat calamitates, & Christianorum funera, ex sola oritura esse persecutione, sibi facile persuasit.

Vi-

(1) Epist. LVIII. et. LVI.

(2) Sect. III. cap. 5.

Vidimus hætenus, quam frequentes, & familiares Cypriano fuerint caelestes revelationes: videamus modo, in quam S. Martyr fiduciam ex earum frequentia fuerit adductus: & an non Ipse etiam, haud secus ac Perpetua, eo se modo gesserit, quasi Spiritum Sanctum, veluti monile quoddam in arca inclusum sua, habuisset ad nutum, ejus illustrationibus, quando vellet, usus ad arbitrium. Talis fiducia signum est securitas illa, quam praeferebat, non defuturam sibi caelestem revelationem, quae tempus ad reditum opportunum demonstraret, quod jam antea est nobis animadversum. Nunc aliud non minus perspicuum proferam in eandem rem argumentum. Gravissima illa Epistola, qua Florentium Pupianum virum seditiosum ac turbulentum vehementissime objurgat; ei tandem veniam, si resipiscat, hac conditione promittit, si Deus id permittat, & aliquo sensibili signo suam hac de re sententiam, voluntatemque significet ⁽¹⁾: *Si temeritatis & superbiae atque insolentiae tuae agere vel sero poenitentiam coeperis . . . communicationis tuae poterimus habere rationem; manente tamen apud nos divinae censurae respectu & metu; ut prius Dominum meum consulam, an tibi pacem dari, & te ad communicationem Ecclesiae suae admitti, sua ostensione & admonitione permittat. Memini enim, quid jam mihi sit ostensum, imo quid servo obsequenti & timenti, de Dominica & divina auctoritate, praeceptum; qui inter cetera; quae ostendere, & revelare dignatus est, & hoc addidit: Itaque qui Christo non credit Sacerdotem facienti, postea credere incipiet Sacerdotem vindicanti.* Quibus S. Martyris verbis haec subjicit Doduvellus ⁽²⁾: Ita erant frequentes ea aetate divinae revelationes, ut ne de resipiscente quidem Pupiano polliceri auderet quid esset statuturus, ne aliud fortasse a Deo juberetur; ut Deum proinde primum innueret esse consulendum; ut tandem Dei in re-

(1) Epist. LXVI, ad LXX.

(2) Dissert. IV. Cyprianica §. XX.

Pro SS. Perpetua, Felicitate, &c. III

rebellem poenam expectaret, talem plane, qualem Apostolicarum censurarum comitem fuisse, apud doctos in confesso est. Iterum de Presbyteris, qui, se inconsulto, Lapsis communicaverant: *Utar*, inquit ⁽¹⁾, *ea admonitione, quam Dominus jubet, ut interim prohibeantur offerri, &c.* Non ignorabat Cyprianus, ejusmodi visiones viris impiis, ac temerariis, quales modo non paucos experimur, ludibrio & contemtui haberi; sed adeo tamen pro certo habebat, suas ex Deo esse revelationes, ut nihil de futuris eventis dubitaret: & non solum quibus jam fuerat donatus publicare, sed novas etiam palam sibi promittere, minime vereretur; unde in eadem Epistola statim subjungit: *Quamquam sciam somnia ridicula, & visiones ineptas quibusdam videri, sed utique illis, qui malunt contra Sacerdotem credere, quam Sacerdoti. Sed nihil mirum, quando de Joseph fratres sui dixerunt: Ecce somniator ille venit; nunc ergo venite, occidamus illum; & somniator postea quod somniaverat, consecutus sit, & occisores ac venditores confusi sint; ut qui verbi prius non credidissent, factis postmodum crederent.*

Superest alia Cypriani visio Prophetica ad Martyrium ejus pertinens; sed eam sequenti capiti reservabo. Interim rogo, annon videatur, Spiritum Sanctum in pectore suo, quasi in arca, inclusum habuisse, qui in disciplinae etiam Ecclesiasticae exercitio visiones expectabat, & nihil statueret audebat, nisi Dominum antea consulisset, & nisi manifesto aliquo indicio voluntatis ejus certior factus fuisset? & an Perpetua Montanismi propterea fuerit insimulanda, quod ipsa etiam divinis revelationibus adsueta, eadem fiducia se gesserit?

VIII. Quam frequentes id temporis exhibitae Martyribus fuerint caelestes visiones, ac Propheticae revelationes, fidem amplissimam faciunt sincera ac genuina cum Jacobi, & Ma-

(1) Epist. xvi. al. x.

& Mariani, &c. tum Montani, & Lucii, ac Sociorum Martyrum Acta, his referta caelestibus visionibus, ac Propheticiis vaticiniis. Non est mihi animus eas heic singillatim referre: oporteret enim integra ferme Acta transcribere, quae apud doctissimum Ruinartium videri commode possunt. Unum dumtaxat ex Actis Montani exemplum adferam, quod ad praesens argumentum propius accedit. His autem verbis in Actis describitur ⁽¹⁾: *Quum autem jam carnifex immineret, & gladius super cervices ejus libratus penderet, expansis ille (idest Montanus) ad caelum manibus, voce clara, ita ut non tantum ad aures Plebis, sed & Gentiles quoque ipsos sonus vocis feriret; oravit rogans, & deprecans, ut Flavianus, qui per suffragium populi de comitatu eorum remanserat, sequeretur die tertia. Et quo precis suae fidem faceret, manualet, quo oculos fuerat ligatus, in partes duas discidit, & jussit alteram reservari, qua Flaviano oculi post crastinum ligarentur. Sed & in medio eorum in area solum servari jussit, ut nec sepulturae consortio privarentur. Et perfectum est sub oculis nostris quod Dominus in Evangelio repromisit: ut qui tota fide peteret, quidquid peteret, impetraret. Nam post biduum Flavianus quoque productus, gloriam suam passione perfecit. Non magis mirandum est, Perpetuam futuram ante diem crastinum Martyrii sui revelationem praenuntiasse, quam Montanum futurum post triduum Flaviani Martyrium esse vaticinatum. Quo enim Prophetico Spiritu actus Montanus petiit, ut Flavianus sequeretur die tertia; eodem Perpetua rogavit, ut sibi ante proximum diem ostenderetur, passio ne futura esset, an comineatus. Nam utrumque, ut multis Scripturarum exemplis compertum est, ad Spiritum pertinet Prophetiae; & futuros eventus praevidere, & certas expectare futurorum eventuum revelationes.*

IX. Est autem illud circa praecedentes cum Cypriani, tum coaevorum Martyrum visiones & Prophetica vaticinia
se-

(1) Apud Ruinart. in Actis sincer., &c. §. xv.

sedulo animadvertendum : constare inter omnes, charismatum copiam amplio- rem longe fuisse initio Ecclesiae, quam posterioribus seculis: adeo ut Origenes, qui aliquot annis ante Decii persecutionem libros scripsit adversus Celsum, auctor sit, signorum Spiritus Sancti vestigia dumtaxat apud paucos morum candore prae- celledentes, & qui mores suos ad Evangelii normam exigerent, ad haec tempora superfuisse: Postquam enim dixit miraculis probari veritatem Evangelii, ait, ea posse demonstrari; ⁽¹⁾ cum ex multis aliis, tum ex eo quod vestigia quaedam eorum supersint apud eos, qui secundum Verbi voluntatem vivunt. Et in alio ejusdem Operis Libro ⁽²⁾: Signa autem Spiritus Sancti initio quidem doctrinae Jesu, & post ejus assumptionem plurima offensa sunt, deinde vero pauciora. Sed & nunc ipsius adhuc apud paucos exstant vestigia, quae animas & verbo, & congruentibus actionibus expurgant. Vestigia vero quae essent, his luculentius verbis declarat ⁽³⁾: Etiamnum vestigia Sancti illius Spiritus apud Christianos supersunt. Excantant daemones, multas curationes perficiunt, & vident quaedam secundum voluntatem Verbi, de futuris. Ex quibus verbis constat, uberrimum illum, & in omnes, ut de suis temporibus testatur. Irenaeus, qui veri essent Christi Discipuli, diffusum caelestium charismatum fontem, etsi non penitus exaruisse, non ea tamen amplitudine & copia postmodum exuberasse. Quam proxime autem ad Irenaei tempora Perpetua & Saturus accedebant; tam longe ab iis temporibus, quibus suos Origenes adversus Celsum libros elu-

P

cu-

(1) Ἐκ πολλῶν μὲν ἄλλων, καὶ ἐκ τῆς ἰσχύος δὲ (ἢ τιμῆς) αὐτῶν ἐστὶ συζῆσθαι παρὰ τοῖς κατὰ τὸ βούλημα τοῦ λόγου βιῶσι. lib. 1. pag. 5. Edit. Cantab.

(2) Σημεῖα δὲ τοῦ ἁγίου πνεύματος κατ' ἀρχὰς μὲν τῆς ἡμετέρας διδασκαλίας, μετὰ δὲ τῆς ἀνελπίστου αὐτῶ πλάνης ἐδάκνυτο, ὥστερον δὲ ἐλάττωτο, πάλιν καὶ νῦν ἐστὶ ἰσχύς ἐν αὐτοῖς παρ' ὀλίγοις, τὰς ψυχὰς τῶν λόγων καὶ ταῖς κατ' αὐτὸν προῆται κακοδαμναῖς. lib. vii p. 337.

(3) Καὶ ἐστὶ ἰσχύς τοῦ ἁγίου ἐκείνου πνεύματος . . . παρὰ Χριστιανοῖς σαφέντα· ἐκπαύουσι δαιμόνας καὶ πολλὰς ἰσχύας ἐκτελεῖσι, καὶ ὁρατὰ τινα κατὰ τὸ βούλημα τοῦ λόγου παρὰ πολλοῖς. lib. 1. pag. 34.

cubavit (sub Gordiani nimirum aut Philipporum Imperio; post longam & diuturnam Ecclesiae pacem) extrema saltem Cypriani tempora, & Montanius Sociique Martyres distabant. Unde si adeo Spiritu Sancto repleti sunt Ss. Martyres, quum aliqua dumtaxat signorum ejus vestigia supersessent, ut ejus illustrationibus uti ad arbitrium viderentur: quid miramur, si eandem Perpetuae sui copiam fecerit Spiritus Sanctus, quo tempore *numerus non poterat iniri charismatum, quae per totum mundum Ecclesia a Deo recipiebat?*




CAPUT




CAPUT QUINTUM.

Nihil in Perpetuae revelationibus contineri, quod in Catholicam Martyrem non apprime conveniat.



- I.  *On dedecet Christum Dominum Pastoris oves mulgentis figura.*
- II. *Qua ratione ex prima sua revelatione Perpetua mortem sibi imminere intellexerit.*
- III. *Nihil absurdi in illa revelatione contineri, qua sibi Perpetua visa est cum Diabolo in Masculum conversa luctari.*
- IV. *Inepta Perpetuae revelationum cum Montanistarum revelationibus comparatio.*
- V. *Visio Perpetuae de Dinocrate in poenis constituto.*
- VI. *Basnagii adversus praedictam Visionem difficultates.*
- VII. *Locum illum, in quo Dinocratem Perpetua vidit, fuisse Purgatorium. Basnagii cavillationes retunduntur.*

VIII. *Montanistarum de Receptaculis Animarum sententia; non recte a Basnagio exposita. Non unam fuisse hac de re eorumdem Haereticorum opinionem.*

- I.  Alterum adversus Martyres argumentum Basnagius instituit ex modo ipso, & qualitate oblatarum Perpetuae visionum, quae ipsi non videntur satis cum gravitate decentiaque conjungi: „ Homo, *in habitu* „ *Pastoris, de casco quod mulgebat, dedit* „ *Perpetuae quasi bucellam.* Hinc colligit sibi mortem imminere. Duo scilicet in hac Perpetuae visione censoria auctoritate notare Basnagius videtur. Primo, humilem Christi figuram in habitu Pastoris oves mulgentis. Secundo, quod oblatam Perpetuae bucellam Perpetua & Saturus in signum acceperint futurae mortis.

Sed nulla ratio erat, cur horum aliquo offenderetur. Et de primo quidem audiendus Cl. Holstenius in notis: „ Repraesentatus est Perpetuae Christus ea forma, quae piæctus cernebatur in Oratoriis, & vasis sacris illorum temporum. Nam cum Evangelia titulum & personam Pastoris, praecipue Christo adtribuunt, gaudebant primorum temporum Christiani, hanc ejus amabilissimam speciem, Fidelium, nomine ovium passim designatorum, frequentissime oculis objicere. Habes in Roma subterranea Bosii pag. 59. & deinceps, multas imagines e Coemeteriorum monumentis expressas, in quibus ferme omnibus Christus Pastoris specie cum ovibus pingitur. IN PRIMA ETIAM HAC IPSA FORMA HIC EXPRESSA, PASTORIS OVES MULGENTIS. Non raro etiam pingebatur ferens in humeris repertam ovem, quae perierat, juxta parabolam Evangelicam, idque praecipue in calicibus: quod indicat Tertullianus in libro de Pudicitia contra Catholicos scripto, cap. 7. his verbis: *A parabolis licebit incipias, ubi est ovis perdita,*
a Do-

Pro SS. Perpetua, Felicitate, &c. 117

„ a Domino requisita, & humeris ejus reposita; procedant
 „ ipsae picturae calicum vestrorum, si vel in illis perlucebit
 „ interpretatio pecudis illius, &c.

Quibus addo, in Opere Italico Illustris. & Cl. Senatoris Philippi Buonarroti, cujus titulus: *Osservazioni sopra alcuni Frammenti di Vasi antichi di vetro ornati di figure, trovati ne' Cimiterj di Roma*; plura cernere esse Veterum Calicum eotypa hac Christi figura, sub Boni Pastoris habitu, insignita, uti Tab. v. Fig. 1. & 2. & Tab. vi. Fig. 2. Vid. etiam Tab. 1. Fig. 1. & Tab. iv. nummum aereum majoris modi, vulgo *Medaglione*, ex utraque parte specie Boni Pastoris insculptum, quae omnia doctissimis Observationibus Cl. Auctor illustrat. Sed in rem nostram maxime faciunt quae de Figura 2. Tab. vi. disserit in haec verba: „ In „ questo Frammento si vede il Pastor buono fra due Pecore, „ o Arieti co' soliti calcei di fasce attraversate a spina di pe- „ sce. Si dee osservare a canto al medesimo quella Sec- „ chiolina, o vaso di latte, la quale si vede ancora nelle „ Pitture de' Cimiterj (1), e specialmente nella Tavola III. del „ sesto cubiculo del Cimiterio di Calisto presso l' Arrin- „ ghio, ella si vede attaccata ad un Peto, o Pastorale te- „ nuto da un' Agnello a giacere, per simbolo del buon Pa- „ store; a' piedi poi del medesimo Pastore nella Tavola 1. „ del secondo cubiculo del Cimiterio di S. Agnesa, si vede „ il Peto con un vaso, ma di figura diversa, e con un „ manico da parte. Questi vasi de' Pastori si dicevano *Mul- „ strae*, o *Mulstralia* (2): la qual sorta di vaso in Greco „ si chiamava *πέλλα*, ed era simile allo Scifo, ma di fon- „ do alquanto piu largo, e però non dissomigliante troppo „ dal nostro, e serviva specialmente per mugnere il lat- „ te (3). Un' altro vaso di latte era nominato Sino (4), il qua-

(1) Arringh. Tab. 6. cub. 3. Coem. Callisti.

(2) Servio sopra l' Egloga 3.

(3) Ateneo l. xi. c. xiv.

(4) Servio sopra l' Egloga 7. Nonio cap. 15.

„ quale secondo la forza del nome sarà stato più grande del
 „ nostro piccolo vaso, &c. *Et infra*: per tornare al nostro
 „ piccolo vaso di latte accanto al buon Pastore, io lo credo
 „ fatto non solo per continuazione dell' Allegoria alle cose
 „ Pastorali, ma in oltre lo giudico quasi per una figura,
 „ del Divinissimo Sacramento dell' Altare, e ciò pare, che
 „ si ricavi dagli Atti antichissimi delle Sante Perpetua, e
 „ Felicità, dove si dice, che S. Perpetua ricevè in visione
 „ dal Divino Pastore del Latte: *Et de caseo, quod mul-*
 „ *gebat, dedit mihi quasi buccellam, & ego accepi junctis*
 „ *manibus, & manducaui, & universi circumstantes dixerunt,*
 „ *Amen.* Funzioni, ed atti divoti soliti praticarsi da' Cri-
 „ stiani antichi nel ricevere la Santa Comunione ⁽¹⁾, e quel-
 „ le parole della Cantica ⁽²⁾, *Bibi vinam meum cum lacte meo*,
 „ sono applicate da Sant' Ambrogio ⁽³⁾ al Sacramento del-
 „ l' Eucaristia. Vedendosi appresso l' Arringhio nelle pit-
 „ ture della volta del nono cubicolo del Cimiterio de' San-
 „ ti Marcellino, e Pietro un' Agnello colla palma, che ha
 „ sulle spalle un simil vasetto, circondato col nimbo, o sia
 „ diadema ⁽⁴⁾, ed essendo quivi lo stesso Agnello negli an-
 „ goli della medesima volta ben quattro volte dipinto, ho
 „ dubitato, se per fortuna ne' tempi più antichi conservasse-
 „ ro in un vaso simile posto sopra un' Agnello la Santa Eu-
 „ caristia, siccome si servirono poi pel medesimo Ministero
 „ di vasi, che avean la forma della Colomba. In queste
 „ cose però è bene l' osservare, ma bisogna tenere sospeso
 „ il giudizio, sino che si abbiano altri riscontri. Haec Illu-
 „ stris. Senator, qui etiam observat, ejusdem Pastoris tunicam
 „ in inferiori parte duobus esse orbibus, seu bullis ornatam,

c1-

(1) Tertull. de spectac. cap. 25. Cornelio app. Euseb. Hist. l. vi. c. 43. Dionis. app. Euseb. l. vii. c. 9. S. Agost. serm. ad infant. de Sacram. S. Ambrog. l. iv. de Sacram. cap. 5. Cirillo Catech. 5. il Concilio in Trullo Can. 102.

(2) C. v. 1.

(3) De Sacr. l. v. cap. 3.

(4) Hujus Agni figura ornatus gratia huic Capiti subjuncta est.

Pro SS. Perpetua, Felicitate, &c. 119

eaque ornamenta in hisce Perpetuae, & Felicitatis Actis a Graeca voce κάλλος Calliculas appellari; fuisseque ut plurimum aurea, vel argentea, ut ex eisdem Actis compertum est, & aliis antiquis figuris apud Lambecium ⁽¹⁾, & Petrum Sanctem Bartolum ⁽²⁾, & apud Vaticanum Virgilii Exemplar tempore Constantini Magni exaratum ⁽³⁾.

Sed ut πρὸς τὸ πρόβλημα redeamus; iis, quae a Viris doctissimis adnotata sunt, illud etiam adjungo, id genus imaginum Montanistis non admodum placuisse, aut in usu fuisse. Quod ex eisdem Tertulliani verbis manifestissime colligo: *Procedant*, inquit, *ipsae picturae calicum vestrorum*: non ait, nostrorum, sed, *vestrorum*; idest, quae vobis, non autem nobis, in usu sunt. Et ejusdem libri capite decimo: *Cui ille si forte patrocinetur Pastor, quem in calice depingis, prostitutorem & ipsum Christiani Sacramenti, merito & ebrietatis idolum, & moechiae asylum post calicem subsequaturae, de quo nihil libentius bibas, quam oves poenitentiae secundae. At ego ejus Pastoris Scripturam habeo, qui non potest frangi*. Rursum, non ait: quem in calice depingimus; sed, *quem in calice depingis*. Praeterea, piam hanc picturam vocat *ebrietatis idolum, & moechiae asylum*. Adeo contumeliosis verbis eam minime proscidisset, si Montanistis quoque in usu fuisset, eaque sacra vasa ornassent Christi excipiendo Sanguini destinata. Unde conjectura existit, Catholicis ritibus adsueta fuisse Perpetuam, quae Christum Eucharistiam sibi, aut Eucharistiae symbolum ministrantem, sub Pastoris habitu adspexit.

Praeterea, si Christus Pastoris speciem dedignatus non est, sed eam sibi tam frequenter accommodavit: cur Pastoris officia dedignaretur? inter quae non ultimum locum tenet oves mulgere. An Christum magis dedecet haec figura,

(1) Bibl. Caes. Tab. 4. Append. p. 301.

(2) Pitture antiche delle Grotte di Roma Tav. 4.

(3) Ant. 1. AEncid. librum.

ra, quam illa Gallinae pullos suos sub alas congregantis, eosdemque foventis, quam benignissimus Dominus, captui se nostro accommodans, minime respuit? Et sane imminenti Martyrio praefigurando nulla magis apta figura quam Pastoris oves mulgentis. Qua enim alacritate Pastor e mammis ovium lac exprimit, eadem e venis Martyrum sanguinem Christus bonus Pastor excepit.

II. Circa secundam difficultatem pauca haec habet idem Cl. Holstenius: „ Multa dici possent de usu lactis & mellis „ symbolice Catechumenis dari solito, ex Hesychio in „ Exodum pag. 257. & Tertulliano de Corona pag. 121. „ Edit. Rigal. ubi dicit: *lactis, & mellis concordiam praegustamus*. Vide Albaspineum lib. 2. Observat. ultima.

Sed his multo plura addit in Paralipomenis ad Holstenii notas Petrus Possinus, quaeque etiam magis conferunt ad solvendam objectam nobis a Basnagio difficultatem: „ *Et de caseo, &c.* Ad haec verba, quod notatum in Holstenii „ Schedis reperi de lacte Catechumenis dari solito, non „ sufficit ad sententiam loci declarandam: & alia his adjuncturum fuisse Auctorem, si ultimam huic operi manum „ potuisset imponere, declarat spatium purae chartae ab eo „ in Adversariis, post haec quae descripsimus S. Perpetuae „ verba, relictum, ultimis videlicet curis explendum. Explicandum scilicet restabat, quomodo ex hac porrectione buccellae per visum ministratae, experrecta intellexerit S. Perpetua, itemque Frater ejus, postquam ei rem „ narravit, significatum divinitus, eos qui carcere attinebantur, nequaquam inde dimittendos, sed consummandos Martyrio. Haec enim post superius descripta „ verba, ibi subduntur. *Et retuli statim Fratri* (qui nempe illam rogaverat, ut ostendi sibi divinitus curaret, „ morituri ne essent, an salvi emittendi) *& intelleximus,* „ *passionem esse futuram, & coepimus nullam jam spem in* „ *seculo habere*. Unde autem id intellexerint, merito quae-ritur.

Pro SS. Perpetua, Felicitate, &c. 121

ritur. Ego existimo, inde quod in visione adumbratus er-
ga Perpetuam ritus fuerat Eucharistiae ministrandae: quae
cum notissimo tunc usu dari soletet iis, quos certum erat
breui morituros, recte id Perpetua & ipsius Frater inter-
pretati sunt, ut, significatam eo visu Confessorum mox secu-
turam necem arbitrarentur. Ritus perceptionis Eucharis-
tiae eo adumbratus cernitur, quod *quasi buccella* Perpe-
tuae porrigitur, quod *eam ipsa accipit junctis manibus*, quod
deinde *comedit, circumstantibus, Amen, acclamantibus*.
Quae omnia in Eucharistiae olim ministracione solita serva-
ri, notius est e plurium Antiquorum testimoniis, & S. prae-
sertim Ambrosii, quam ut demonstrari pluribus opus sit.
Certe de usu Africanarum Ecclesiarum peculiariter con-
stat, solitas eas Eucharistiam ministrare Confessoribus in
Martyrii procinctu constitutis: idque ita necessarium arbi-
tratas esse, ut inde argumentum sumserint scribendi ad Cor-
nelium Rom. Pontificem, manu quidem & calamo S. Cy-
priani, nomine autem aliorum quoque septem & triginta
Episcoporum Africanorum, ut aequi consuleret, gratiam
fieri legis prius sancitae de non admittendis umquam ad Ec-
clesiae, & Eucharistiae communionem iis, qui semel in per-
secutione lapsi fuissent: quoniam tunc ex iis multi in poe-
nitentium numero scripti, a novis persecutoribus pericli-
tarentur, & ut res se habebant, brevi pro Christi con-
fessione interficiendi viderentur; quibus in procinctu ago-
nis positis, denegari consuetum Viaticum Corporis Chri-
sti, nimis erat inhumanum. Ex hac Epistola, quae se-
cunda lib. 1. apud Cyprianum est, quaedam adscribam,
ad fidem rei quam tractamus faciendam, opportuna: *Sed*
cum, inquit, *videamus diem rursus alterius infestationis*
appropinquare coepisse, & crebris atque assiduus ostensionibus
admoneamur, ut ad certamen, quod nobis hostis indi-
cit, armati & parati simus: plebem etiam nobis divina
dignatione commissam exhortationibus nostris praeparemus,

Q

&

„ & omnes omnino Milites Christi, qui arma desiderant, &
 „ praelium flagitant, intra castra Domini colligamus; necessita-
 „ te cogente censuimus, eis, qui de Ecclesia Domini non recesserunt;
 „ sed poenitentiam agere, & lamentari, ac Dominum
 „ deprecari a primo lapsus sui die non destiterunt, pacem dan-
 „ dam esse, & eos ad praelium, quod imminet, armari &
 „ instrui oportere. Et paullo post: „ At vero nunc non in-
 „ firmis, sed fortibus pax necessaria est, nec morientibus,
 „ sed viventibus communicatio a nobis danda est, ut quos
 „ excitamus & exhortamur ad praelium, non inermes &
 „ nudos relinquamus, sed protectione Corporis & Sanguinis
 „ Christi muniamus: & cum ad hoc fiat Eucharistia, ut pos-
 „ sit accipientibus esse tutela, quos tutos esse contra Ad-
 „ versarium volumus, munimento Dominicae saturitatis ar-
 „ memus. Nam quomodo docemus, aut provocamus eos in
 „ confessione nominis sanguinem suum fundere, si eis milita-
 „ turis Christi sanguinem denegamus? Aut quomodo ad Mar-
 „ tyrii poculum idoneos facimus, si non eos ad bibendum
 „ prius in Ecclesia poculum Domini, jure communicationis ad-
 „ mittimus? Siquidem, ut aliquanto post additur: „ Idoneus
 „ esse non potest ad Martyrium, qui ab Ecclesia non arma-
 „ tur ad praelium: & mens deficit, quam non recepta Eu-
 „ charistia erigit, & accendit.

Haec esse non abnuo praeclare, atque optime exco-
 gitata, & quae possint Basnagii scrupulo plenissime satis-
 facere: aliqua tamen adjiciam Cl. Viro non observata, quae
 omnem ab hoc loco offensionem removebunt. Primo ita-
 que observo, simile quid occurrere in Actis S. Philippi Epi-
 scopi Heracleensis, & Martyris, in quibus Hermes ejus
 Diaconus, qui una cum ipso Martyrium per ignem consum-
 mavit, necem sibi certo paratam esse, hac, uti narrat, re-
 velatione cognovit (1): *Hoc me passurum, Deo ac Domino jam*
ante

(1) Apud Ruinart. in Actis sanct. §. xiii.

Pro SS. Perpetua, Felicitate, &c. 123

ante annuntiante, cognoveram revelatione certissima. Nam quum dulci sopore devinctus jacerem, columba mihi visa est nivo candore perlucida, cubiculum illud ingressa, subito in medio capite confidisse: quae & inde descendens in pectus, escas mihi gratissimi cibi offerens, statim cognovi, quod me Dominus vocare dignatus est, & dignum habuit passione.

Secundo observo, non dicere Perpetuam, se, Fratremque suum ex sola buccellae porrectione (ut Possino, & postea Basnagio visum est) mox secuturam necem intellexisse. Omnia quae viderat, Fratri Perpetua retulit: multo autem clariora signa viderat futurae passionis; ex quibus quidni clarius intellexerint, *passionem esse futuram*? Viderat scalam auream mirae magnitudinis pertingentem usque ad caelum, & in lateribus scalae omne genus ferramentorum infixum. Erant ibi gladii, lanceae, hami, macherae. Viderat sub ipsa scala Draconem cubantem mirae magnitudinis, qui adscendentibus insidias parabat, & exterrebat, ne adscenderent. Viderat Saturnum adscendentem, in caput scalae pervenientem, & inde se etiam ad adscensum invitantem. Viderat se quum primum scalae gradum calcasset, caput etiam illius Draconis calcantem. Viderat denique Christum in habitu Pastoris oves mulgentem, &c. Annon haec omnia signa erant secuturae necis manifestissima? Cur ergo volumus, ex sola porrectione buccellae Sanctos Martyres intellexisse sibi mortem imminere. Subjungit quidem, ut Possinus observat, post illa verba, *& de caseo, quod mulgebat, &c.* subjungit, inquam, Perpetua: *& retuli statim Fratri meo, & intelleximus passionem esse futuram.* At quemadmodum non id tantum retulit Fratri quod ultimo loco viderat, porrigi nempe sibi buccellam lactis: ita non ex hoc signo tantum intellexerunt, *passionem esse futuram.*

III. Alteram Perpetuae visionem in invidiam Basnagius vocat his verbis: „Notabilius illud, quod cap. 10. „Perpetua narrat: *Exiit quidam contra me Aegyptius, foc-*

„ *duſ ſpecie, cum adiutoribus ſuis pugnaturus mecum. Veniunt*
 „ *& ad me adoleſcentes decori, adiutores & favitores mei:*
 „ *& exſpoliata ſum, & facta ſum mafculus.* Procedit igitur
 „ cum Aegypto ad pugnam Perpetua ſexu mutato, victoriae
 „ pretium acceptura *ramum viridem, in quo erant mala*
 „ *aurea.* Et petiit ſilentium, & dixit: *Hic Aegyptius, ſi*
 „ *hanc vicerit, occidet illam gladio; & ſi hunc vicerit, ac-*
 „ *cipiet ramum iſtum. Et receſſit. Et acceſſimus ad invi-*
 „ *cem, & coepimus mittere pugnos. Ille mihi pedes appre-*
 „ *hendere quaerebat: ego autem illi calcibus faciem caede-*
 „ *bam.* Haecine ſunt Spiritu Sancto digna? Similia ne Pro-
 „ phetis obtulit unquam? Scilicet ea viſa ſunt, quibus ſa-
 „ crum Johelis accommodetur oraculum. Montani potius
 „ redolent officinam ſomnia ejuſmodi, ecſtaſis ejuſ ſimil-
 „ lima, qua Tertullianus probat, animam eſſe *aërei coloris*
 „ *& formae per omnia humanae.*

Tria ſunt igitur, quae praecipue in hac Perpetuae
 viſione Baſnagium videntur offendere. 1. Illa ſexu in Per-
 petua mutatio. 2. Victoriae pretium ramus viridis cum ma-
 lis aureis. 3. Luſta Perpetuae cum Aegypto: Ad haec
 ſingula antequam reſpondeam, illud generatim dicam, plu-
 rimas, non modo quae in ſinceris Martyrum Actis, & San-
 ctorum Hiſtoriis, aliisque indubiae fidei monumentis, ſed
 in Sacris quoque utriuſque Teſtamenti Libris recenſen-
 tur, viſiones ac revelationes contemptui poſſe ac ludibrio
 facile exponi, ſi ipſa per ſe ſe ſymbola ſpectentur, &
 non eorum ad res divinas & incorporeas *σχέσις* & ha-
 bitudo. Imo non in viſionibus tantum, & internis re-
 velationibus, ſed in actionibus quoque Prophetiſis, & Le-
 gis ceremoniis multa ſunt, quae vani, & ſuperbi homi-
 nes cum riſu olim exceperunt, nec ad earum myſticas ra-
 tiones adtenderunt. Unde factum eſt, ut quae aliis Spi-
 ritu Sancto indigna, inepta, & ridicula viſa ſunt; alii ho-

no-

nori, & admirationi habuerint, & summa veneratione prosequuti sint: quod illi scilicet non ultra id, quod sensibus objectum est, animum intenderint, hi vero latentia quoque in hisce figuris mysteria sedulo investigaverint. Id quod etiam videmus in hac interpretanda Perpetuae revelatione contigisse. Quod enim modo Basnagium offendit, olim Augustini mentem mirifice delectabat: (1) *Delectat*, inquit, *piam mentem tale spectaculum contueri, quale sibi beata Perpetua de se ipsa revelatum esse narravit, virum se factam certasse cum diabolo. Illo quippe certamine in virum perfectum etiam ipsa currebat, in mensuram aetatis plenitudinis Christi.* Et in alio Sermone ad eandem Perpetuae visionem adludens, similia repetit (2): *Quid enim gloriosius his feminis, quas viri mirantur facilius, quam imitantur? Sed hoc illius potissimum laus est, in quem credentes, & in cujus nomine fidei studio concurrentes, secundum interiorem hominem, nec masculus, nec femina inveniuntur, ut etiam in his, quae sunt feminae corpore, virtus mentis sexum carnis abscondat, & in membris pigeat cogitare, quod in factis non potuit apparere.*

Cur vero Basnagio displicuerit, victoriae praemium ramo viridi malis aureis ornato designari, satis equidem percipere non possum. An non enim Johannes Evangelista in Martyrum manibus palmas vidit? *Et palmae*, inquit, *in manibus eorum.* Si victorias Martyrum in palmis adumbravit Spiritus Sanctus, cur ramus viridis ejusdem victoriae typus esse non potuit?

Non erat etiam, cur Perpetuae lucta cum Diabolo adeo Basnagius offenderetur, ut qui Jacobi luctam cum Angelo saepius legerit. An non enim, si non ad mysticas hujus facti rationes attendamus, magis absurdum videri poterit, hominem non in somniis, sed vigilantem totam noctem luctari

(1) Sermon. CCLXXXI. alias de Diversis 104.

(2) CCLXXX. alias de Diversis 103.

luctari cum bono Angelo; quam sanctam feminam luctari in somniis cum Diabolo? Quod si non indignum fuit Spiritu Sancto, lucta Jacobi cum Angelo mysticum quid adumbrare: cur quaerit Basnagius, an digna fuerit Spiritu Sancto oblata Perpetuae visio, qua sibi videbatur adversus Diabolum decertare? Cur etiam quaerit, an similia umquam Prophetis Spiritus idem Sanctus obtulerit? Obtulit enim, ut vidimus. Quid enim interest, dormiendo, an vigilando Jacobus, & Perpetua luctati fuerint, ille cum Angelo, ista cum Diabolo? Ramus viridis tamquam victoriae pretium Perpetuae oblatus, simile quid etiam habet, ut vidimus, in canonicis & genuinis Spiritus Sancti revelationibus, palmas scilicet, quas in manibus Martyrum Johannes vidit. Sexus denique mutatio nil aliud denotat, ut Augustinus observat, quam quod Apostolus scripsit: In Christo Jesu, neque masculum esse, neque feminam: & non solum masculos, sed etiam feminas evadere per virtutis exercitationem, *secundum interiorem hominem in virum perfectum, in mensuram aetatis plenitudinis Christi*. An ergo indignum fuit Spiritu Sancto mystica visione significare, quod mysticis verbis Paulus expresserat? Sed annon idem Spiritus Sanctus, quod per Isaiam de Gentium conversione sub diversis variorum animalium figuris, metaphoricisque verbis praedixerat, postmodum Apostolorum Principi, linteo ipsi in visione exhibito omnis generis immundis Animalibus reposito, significavit? An non saepius idem Spiritus Sanctus, quod per Prophetas verbis aliquando praedixit, idem & Prophetis actionibus adumbravit, quae primo adspectu non satis videri possunt cum decentia fuisse gravitateque conjuncta? Ut quum Isaias nudus jubetur ambulare; Ezechiel panem comedere, aut opertum stercore quod egreditur de homine, aut in boum fimo confectum; & Osee sumere sibi uxorem fornicariam, & filios sibi facere fornicationum. Quid responderet Basnagius, si Atheus aliquis ipsum interroga-

ret:

Pro SS. Perpetua, Felicitate, &c. 127

ret: haecine sunt Spiritu Sancto digna? haecine tibi videntur satis cum gravitate, decentiaque conjuncta? Quamcumque igitur rationem excogitaret, ut Prophetica haec gesta mandante Spiritu Sancto suscepta, ab impiorum inquisitionibus tueretur, similem & nos semper & facile excogitabimus ad Perpetuae visionem ab ipsius Basnagii cavillationibus vindicandam: nisi forte majorem in dormientis quamvis Propheticiis somniis, quam in vigilantium Propheticiis item actionibus decentiam gravitatemque requirat.

Quamquam & illud minime praetermittendum, imprudenter petere Basnagium, ut huic Perpetuae visioni aliam omnino similem in sacris Libris exhibeamus. Hoc enim argumento omnes ferme in suspensionem adducere poterit Sanctorum visiones, quae in Historiis Ecclesiasticis referuntur. Non multas enim reperiet recensitis in sacris Libris omnino similes. Oblatam Sancto Cypriano futuri Martyrii revelationem in ejus vita Pontius Diaconus refert, cui nullam omnino similem Prophetis obtulit unquam Spiritus Sanctus. Hanc igitur in exemplum adducam: *Eo die quo primum, in exilii loco mansimus (nam & me inter domesticos comites dignatio caritatis ejus delegerat exsulem voluntarium, quod utinam & in passione licuisset!) apparuit mihi, inquit, nondum somni quiete sopito, juvenis ultra modum enormis: qui cum me quasi ad praetorium duceret, videbar mihi tribunali sedentis tum Proconsulis admoveri. Is ut in me respexit, adnotare statim coepit in tabula sententiam, quam non sciebam: nihil enim de me solita interrogatione quaesierat. Sed enim juvenis, qui a tergo ejus stabat, admodum curiosus legit quidquid fuerat adnotatum. Et quia inde verbis proferre non poterat, nutu declarante monstravit, quid in literis tabulae illius haberetur. Manu enim expansionis imitatus: quod volebat intelligi, ad instar liquidi sermonis expressit. Intellexi sententiam passionis futuram.*

Ro-

Rogare coepi, & petere continuo, ut dilatio mihi vel unius diei prorogaretur, donec res meas legitima ordinatione, disponerem. Et quum preces frequenter iterassem, rursus in tabula coeperat nescio quid adnotare. Sensi tamen de vultus serenitate Judicis mentem, quasi iusta petitione commotam. Sed & ille Juvenis, qui jamdudum de passionis indicio, gestu potius, quam sermone prodiderat; clandestino identidem nutu concessam dilationem, quae in crastinum petebatur, contortis post invicem digitis, significare properavit. Huic omnino similem frustra requiret Basnagius inter Propheticas cum Veteris, tum Novi Testamenti revelationes. Scripturae loca, quibuscum haec Cypriani visio aliquam videtur habere similitudinem, notavit Pontius; sed non adeo adfinia sunt, ut quae superius adnotavimus cum ea, de qua nunc agimus, Perpetuae revelatione: Sic enim habet: *Quid hac revelatione manifestius? Quid hac dignatione felicius? Ante illi praedicta sunt omnia, quaecumque postmodum subssecuta sunt. Nihil de Dei verbis imminutum, nihil de tam sancta promissione mutilatum. Singula denique secundum quod ostensa sunt, recognoscite. Dilationem petit crastini, cum de passionis sententia cogitaretur: postulans, ut res suas die illo, quem impetraverat, ordinaret. Hic dies unus significabat annum, quo ille post visionem acturus in seculo fuerat. Nam, ut manifestius dicam, eo die post exactum annum coronatus est, quo hoc illi ante annum fuerat ostensum. Diem autem Domini, etsi non annum, in divinis literis legimus, promissioni tamen futurorum debitum illud tempus accipimus. Unde nihil interest, si nunc sub dici significatione solus annus ostensus est; quia illud plenius debet esse, quod majus est. Quod vero nutu potius, & non sermone explanatum est; repraesentationi temporis servabatur sermonis expressio. Solet enim tunc verbis quodcumque proferri, quotiens quidquid profertur, impletur. Nam & vere nemo cognovit, quare hoc ei ostensum fuit*

Pro SS. Perpetua, Felicitate, &c. 129

fuiſſet, niſi quia poſt eodem die, quo id viderat, coronatus eſt. Medio nihilominus tempore imminens paſſio pro certo ab omnibus ſciebatur: paſſionis tamen dies certus ab iisdem omnibus, quaſi ignorantibus, tacebatur. Sane & in Scripturis tale aliquid invenio. Nam Zacharias Sacerdos, promiſſo ſibi per Angelum filio, quia non crediderat, obmutuit; ita ut filii nomen ſcripturus potius quam relaturus, nutu tabulas poſtularet. Merito & hic, ubi Dei Nuntius paſſionem Antiſtiſtis imminentem nutu potius expreſſit: & fidem admonuit, & Sacerdotem munivit. Haec habuit omnino Pontius, ut Cyprianicae revelationis fidem tueretur & dignitatem; quibus non mihi videor pro Perpetuae revelatione minus conſentanea produxiſſe. Aut ergo utramque pariter repudiabit, ut Spiritu Sancto minime dignam; aut certe utramque recipiet, & eundem ſpiritum auctorem habuiſſe fatebitur. Praecipue, quia quod de Cypriani revelatione ſollicite oſtendit Pontius, idem & nos Capite ſequenti de Perpetuae revelationibus demonſtrabimus; eas nimirum fuiſſe rebus ipſis, & ſequitis eventibus comprobatas.

IV. Quod etiam addit Baſnagius: Montani redolere officinam Perpetuae ſomnia, & ecſtaſis ejus eſſe ſimillima, qua Tertullianus probat, animam eſſe *aërei coloris*, & *formae per omnia humanae*: aequè poterit omnibus viſionibus accommodari, in quibus aut Anima, aut Angelus, vel ipſe Deus ſub rerum corporalium figuris repraeſentantur. An reapse Perpetua credidit in humano Spiritu ſexus diverſitatem? An ſuam Animam in virilem ſexum credidit fuiſſe mutatam? An quam vidit Aegyptii formam, propriam Daemonis putavit eſſe figuram? An Chriſtum verum eſſe Lanitam, & Angelos eſſe decoros adoleſcentes exiſtimavit? An ſe judicavit iſſe revera cum gloria ad Portam ſanavivariam? Quenadmodum infana illa Tertulliani Muliercula, Animam vere eſſe credidit, & adfirmavit, *aërei coloris*, & *formae per omnia hu-*

R

bu-

humanae? Quid ergo commune habet Perpetuae visio cum delirae hujusce feminae insomniis, ut horum illa simillima esse dicatur? Quum tam sine causa existimetur, credidisse Perpetuam esse revera in Anima nostra sexus diversitatem, quam sine causa judicaretur, existimasse illam cetera, quae tum vidit, res esse ipsas, non autem rerum & futurorum eventuum similitudines. Audiendus igitur longe prae Basnagio commodior hujusce visionis ac benignior interpretes Augustinus (1): Sancta Perpetua visa sibi est in somnis cum quadam Aegyptio in virum conversa luctari. Quis autem dubitet, in illa similitudine corporis Animam ejus fuisse, non corpus? Quod utique in suo femineo sexu manens, sopitis sensibus manebat in stratis, quando Anima ejus in illa virilis corporis similitudine luctabatur.

V. Temperare heic mihi non possum, quin ea quoque breviter refellam, quae ad celebrem illam Perpetuae de fratre suo Dinocrate revelationem Basnagius adnotat. Quamquam enim ad impugnandam Ss. Martyrum orthodoxiam argumentum inde non capiat; ex ejus tamen observationibus illibata sinceraque Martyrum fides admodum periclitatur. Est autem ejusmodi visio: *Video Dinocratem exeuntem de loco tenebroso, ubi & complures erant, aestuantem & sitientem valde, sordido vultu, & colore pallido, & vulnus in facie ejus, quod cum moreretur habuit Pro hoc ergo orationem feceram: & inter me, & illum grande erat diadema (vel Diastema) ita ut uterque ad invicem accedere non possemus. Erat deinde in ipso loco ubi Dinocrates erat, piscina plena aqua, altiore marginem, habens, quam erat statura pueri, & extendebat se Dinocrates quasi bibiturus. Ego dolebam, quod & piscina illa aquam habebat, & tamen propter altitudinem marginis bibiturus non esset. Et experrecta sum, & cognovi Fratrem meum*

(1) Lib. iv. de Orig. Animae cap. 18.

Pro SS. Perpetua, Felicitate, &c. 131

meum laborare. Sed confidebam, profuturam orationem meam labori ejus, & orabam pro eo omnibus diebus quo usque, transivimus in carcerem Castrensem. Munere enim Castrensi eramus pugnaturi. Natale tunc Getae Caesaris: & feci pro illo orationem die & nocte, gemens & lacrymans, ut mihi donaretur. Die autem, quo in nervo mansimus, ostensum est mihi hoc. Video locum illum, quem videram tenebrosus, esse lucidum; & Dinocratem mundo corpore, bene vestitum, refrigerantem, &c. Tunc intellexi, translatum eum esse de poena.

VI. Male habet hic locus Protestantes, ut quo Ecclesiae Romanae fides de Purgatorio, & de vivorum precibus pro Defunctis invictissime adstruitur; adeoque non mirum, si ejus auctoritatem Basnagius nugis pluribus & cavillationibus conatus est elevare: „ De qua visione, inquit ⁽¹⁾, audiendus est „ Augustinus ⁽²⁾: De fratre autem S. Perpetuae Dinocrate, nec „ Scriptura ipsa canonica est, nec illa sic scripsit, vel qui- „ cumque illud scripsit, ut illum puerum, qui septennis mor- „ tuus fuerat, sine baptismo diceret fuisse defunctum: pro quo „ illa imminente Martyrio, creditur exaudita, ut a poenis „ transferretur ad requiem. Nam illius aetatis pueri, & men- „ tiri, & verum loqui, & confiteri, & negare jam possunt. „ Et ideo quum baptizantur, jam & Symbolum reddunt, & „ ipsi pro se ad interrogata respondent. Quis igitur scit, utrum „ puer ille post baptismum persecutionis tempore, a Patre impio „ per idololatriam fuerit alienatus a Christo, propter quod in „ damnationem mortis ierit, nec inde nisi pro Christo mori- „ turae sororis precibus donatus exierit. Baptismum non ade- „ ptum fuisse Dinocratem, qui septennis fato functus erat, „ eo liquet, quod & soror ejus jam nupta, jam annos duos „ & viginti nata, tamen erat inter Catechumenos, & Pa- „ ter a Religione Christiana foret alienus. Quo casu pre-

R 2

„ ci-

(1) Anno 201. num. vii.

(2) Lib. 1. de Anima, & ejus Origine cap. 10.

„ cibus Perpetuae Dinocrates liberari non potuit. Deinde
 „ ex hac visione purgatorius ignis extinguitur. Non enim
 „ in flammis, sed in loco tenebroso versantem Dinocratem
 „ vidit Perpetua, soli poenae, quae *damni* est, non *sensus*
 „ subditum. Itaque Ruinarum nil juvat visio haec proban-
 „ do, *mortuos posse, a poenis quas patiuntur, per vivorum pre-*
 „ *ces liberari*. Etenim ex Latinorum sententia poena sensus
 „ qui baptismum consecuti sunt, soli per vivorum suffragia
 „ liberantur. Quod si post baptismum Dinocrates Idolola-
 „ tria pollutus fuit, ut innuit Augustinus, nullius sane pre-
 „ cibus meritis poenis eximi potuit. Denique tenebrosus il-
 „ le locus, ubi Dinocrates includebatur, a Purgatorio pror-
 „ sus diversus communem illum carcerem sonat, in quem
 „ omnes praeter Martyrum animas conjici, Patribus bene
 „ multis, Montanistisque creditum. Hinc scriptum Tertul-
 „ liano: *tota Paradisi clavis tuus sanguis est*. Et ipsos Pa-
 „ triarchas Inferis detineri putavit, donec a Christo libe-
 „ rarentur. In eo carcere, quem Limbum Recentiores di-
 „ cunt, Dinocrates collocari censebatur.

VII. Tot nugae numquam, puto, vir doctus effutiis-
 set, nisi Catholicorum dogmata impugnandi libidine actus
 fuisset in praeceptis. Liquere imprimis putat adversus Au-
 gustini opinionem, Dinocratem, qui septennis obiit, ba-
 ptismum non fuisse adeptum, quod & Sororis exemplo pro-
 bat, & ex eo quod Pater a Religione Christiana foret alie-
 nus. Ego autem liquere puto, salutaribus undis Dinocra-
 tem fuisse perfusum, quod quum tota Perpetuae familia, ut
 ipsa perspicue testatur, Christi religionem coleret, vero-
 simile non sit, sollicitos eos non fuisse, ut Puero periculi-
 tanti, per baptismi Sacramentum, antequam decederet, sub-
 veniretur. Unde nullum est omnino argumentum, quod ex
 Sororis exemplo conficit. Fateor enim, dilatum multis olim
 fuisse baptismum, nisi vitae periculum immineret: at ubi in
 proximo discrimine versabatur hominis salus: quis tantam
 cre-

Pro SS. Perpetua, Felicitate, &c. 133

credat in familia Christiana desiderium, ut nulla eos Pueri in extremis agentis cura tetigerit, nullam omnino sollicitudinem gesserint, ut regenerationis lavacro in extremo salutem spiritu, vel invito Patre, perfunderetur?

Deinde ait, purgatorium hac Perpetuae visione ignem extinguui. Non ita visum est Cl. Holstenio, qui ad haec Perpetuae verba: *aesuantem valde, & sitientem*, hanc satis apposite notam adjunxit: „ Apprime haec congruunt cum „ doctrina Ecclesiae de Purgatorio, ubi aestu, & igne animae torquentur. Deinde, quia non ad extinguendum modo purgatorium ignem, sed ipsum quoque Purgatorium evitandum, haec Basnagius observat; operae pretium erit, illius animum in memoriam revocare doctrinae, quam saepius legisse existimo apud nobiliores Theologos, & Catholicarum partium acerrimos defensores: dogma fidei non esse, igne ne corporeo, an aliis poenis, tenebris puta, maerore, tristitia crucientur, quibus quum ex hac vita decedunt, aliquid superest in futura vita purgandum. Sane in Concilio Florentino nulla ferme Latinos inter & Graecos de Purgatorio controversia fuit, quamvis Graeci, *Purgatorium, non ignem, sed obscurum quemdam locum, ac laborum plenum esse censerent*: & dum Purgatorium admitterent, ⁽¹⁾ *sive ignis*, illud, *sive obscuritas, sive turbo, sive id genus aliud sit*, non referre putarent. Quod etiam non admodum referre Sacra ipsa Synodus censuit: quum in Definitione Fidei, cui Ecclesiae utriusque Antistites subscripserunt, hoc tantum fuerit de Purgatorio decretum ⁽²⁾ *Animas poenis purgatoriis post mortem purgari, & ut a poenis huiusmodi releventur, prodesse eis Vivorum suffragia, Missarum scilicet Sacrificia, orationes, & eleemosynas, &c.* Nil ergo faceret

(1) Εἴτε πῦρ εἴσιν, ἢτε ὄψορα, ἢτε τι ἄτερον, ἢ διαφέρμεθα. Sess. xiv.

(2) Τὰς φοβὰς καθαρτικαῖς τιμωρίας καθαιρεθαι μετὰ θάνατον. ὥς δὲ ἀποκαθίζεσθαι αὐτὰς τῶν τοιούτων τιμωριῶν λυσιτελεῖν αὐταῖς τὰς τῶν ζώντων πικρῶν ἐπιμελείας. δαλονότι τὰς ἱερὰς θυσίας, καὶ εὐχὰς, καὶ ἐλεημοσύνας &c.

ret ad hujus loci vim elevandam Basnagii observatio, licet nullis Dinocrates corporeis flammis arsisset: quum locus ille tenebrosus, in quo eum *aesuantem valde & sitientem* Perpetua vidit, optime congruat cum Purgatorio, quod Graeci in Florentina Synodo, Latinis nequaquam contradicentibus, admiserunt. Et quamvis Latinorum de corporeis Purgatorii flammis opinio, ut Bellarminus ait ⁽¹⁾, *probabilissima* sit; in eo tamen, ut idem Bellarminus docet ⁽²⁾, fidei summa non vertitur: & cum Latinorum opinione Perpetuae verba, ut observavit Holstenius, apprime congruunt.

Illud magis mirandum, quod Basnagius immediate subiungit, Perpetuam soli poenae, quae *damni* est, non *sensus* subditum vidisse Dinocratem. Quid ergo? tenebrae, sitis, aestus, sordidus vultus, color pallidus, vulnus in facie, &c. ad poenam, quae *damni* est, non *sensus*, pertinere sibi videntur? Poena *damni* a Theologis definitur, privatio divinae visionis: an istam solum Dinocrates sustinebat? Si ita est; ergo quum postea Perpetua intellexit, translatum eum fuisse de poena, Divina visione recreatus est. Quod certe Basnagius non admittet; quum, ut notat, Montanistarum, quorum nefariae sectae Perpetuam addicit, doctrina fuerit, solos ante diem iudicii sollemnis in caelum Martyres recipi.

Illud etiam longe mirabilius, quod Ruinartum nil hanc visionem juvare dicat probando: *mortuos posse a poenis, quas patiuntur, per vivorum preces liberari*. Quum se Perpetua verbis adeo disertis adfirmet, suis precibus impetrasse, ut de poenis, quibus torquebatur, Dinocrates transferretur, mirum profecto est, quomodo Ruinartum nil juvet visio haec probando: *mortuos posse a poenis, &c.* Heic jam profecto, vel Actorum *ymnologiae*, aut Martyris fides in controversiam

vo-

(1) Lib. 11. de Purgat. Capp. x. & xi.

(2) Ibid.

Pro SS. Perpetua, Felicitate, &c. 135

vocatur. Ruinartum neque de Actorum sinceritate, neque de Martyris fide suspicio ulla tangebatur. Basnagius autem, qui nullam de Actis quaestionem movet, videamus quibus argumentis Perpetuae fidem abrogare conetur: *Ex Latino- rum sententia*, inquit, *poena sensus, qui baptismum consecuti sunt, soli per vivorum suffragia liberantur*. At nos, baptizatum fuisse Dinocratem, cum Augustino pro certo habemus, & poenae sensus fuisse subditum, clarissime demonstravimus. *Quod si*, subjungit, *post baptismum Dinocrates Idololatria pollutus fuit, ut innuit Augustinus, nullius sane precibus meritis poenis eximi potuit*. At si, inquam, post baptismum Dinocrates Idololatria pollutus fuit, ut innuit Augustinus, soli poenae, quae damni est, non sensus, subditus esse non potuit. Deinde non jam heic agitur de Perpetua; sed de Augustini opinione. Fuisse ab impio Patre per Idololatriam alienatum a Christo, & ad Gentilium sacrilegia revocatum, ut Augustinus innuit, illa non scripsit. Multa sunt alia peccata, ut idem Augustinus observat, ob quae esse potuit Dinocrates purgatoriis poenis addictus, mentiri potuit, irasci, ludere praeter decorum, &c. Quaecumque autem fuerint ex Augustini opinione, de qua modo disserere non libet, Dinocratis peccata, aut quibuscumque poenis torqueretur, non dubitat S. Doctor, quin *inde pro Christo moriturae sororis precibus donatus exierit*. Adeoque non video, quare Ruinartum non juvet visio haec probando, *mortuos posse a poenis, quas patiuntur, per vivorum preces liberari*.

IX. Ait denique Basnagius, tenebrosum illum locum, ubi Dinocrates includabatur, a Purgatorio prorsus diversum, communem illum carcerem sonare, in quem omnes praeter Martyrum animas conjici, Patribus bene multis, Montanistisque creditum. Circa Animarum, ut vocant, Receptacula, non una semper eademque fuit Tertulliani sententia. In libro enim de Anima ⁽¹⁾ ex Paracleti, hoc est,

Mon-

(1) Cap. LVII. vid. & Capp. LV. & LVI.

Montani doctrina, omnes animas penes Inferos collocat, & illic supplicia interim, & refrigeria: Cur enim, inquit, non putes, animam & puniri, & foveri in Inferis interim sub expectatione utriusque iudicii in quadam usurpatione, & candida ejus? Sed alibi hanc uti Marcionis opinionem Scripturae auctoritate confutat (1): Sed Marcion aliorum cogit, scilicet utramque mercedem Creatoris, sive tormenti, sive refrigerii apud Inferos, determinat eis positam, qui legi, & Prophetis obedierint: Christi vero, & Dei sui caelestem defuit sinum, & portum. Respondebimus & hac ipsa Scriptura revincente oculos ejus, quae ab Inferis discernit Abrahae sinum pauperi. Aliud enim Inferi, ut puto, aliud quoque Abrahae sinus. Nam & magnum, ait, intercedere regiones istas profundum, & transitum utrinque prohibere. Sed nec allevasset dives oculos, & quidem de longinquo, nisi in superiora, & de altitudinis longinquo per immensam illam distantiam sublimitatis, & profunditatis. Unde apparet sapienti cuique, qui aliquando Elysios audierit, esse aliquam localem determinationem, quae sinus dicta sit Abrahae, ad recipiendas animas filiorum ejus etiam ex Nationibus Eam itaque regionem sinum dico Abrahae, etsi non caelestem, sublimiorem tamen Inferis, interim refrigerium praebituram animabus iustorum, donec consummatio rerum resurrectionem omnium plenitudine mercedis expungat, tunc apparitura caelesti promissione, &c. Salva ea promissione, cur non capiat sinum Abrahae dici, temporale aliquod animarum fidelium receptaculum, in quo jam deliniatur futuri imago, ac candida quaedam utriusque iudicii prospiciatur. Juxta hanc secundam opinionem dici non potest, tenebrosum illum locum, in quo Dinocrates includebatur, communem aliquem fuisse carcerem in quem omnes praeter Martyrum animas conjici, Patribus bene multis, Montanistisque creditum: quum sinum Abrahae ad

re-

(1) Lib. IV. CONT. MARCION. CAP. XXXIV.

recipiendas animas filiorum ejus destinatum, regionem fuisse doceat Tertullianus, etsi non caelestem, sublimiorem tamen Inferis, interim refrigerium praebituram animabus justorum. Sed juxta primam sententiam, sicuti penes Inferos, & supplicia erant, & refrigeria; ita penes Inferos erat & Purgatorium: adeoque statui non potest, locum illum tenebrosum, in quo Dinocrates includebatur, a Purgatorio prorsus fuisse diversum. Etenim Purgatorii nomine alterius vitae poenas intelligimus Justis post aliquod tempus in refrigerium commutandas: neque ad fidei dogma de Purgatorio quaestio illa pertinet, an loco ab Inferis separetur ⁽¹⁾. Quum igitur Dinocrati locus ille tenebrosus, in quo ipsum aestuantem valde & sitientem Perpetua vidit, paullo post in lucidum fuerit commutatus, in quo eum Sanctissima Soror *mundo corpore, bene vestitum, & refrigerantem* adspexit, adhuc ex veterum quorundam Patrum, & Montanistarum sententia affirmari nullo modo potest, locum illum tenebrosum, in quo primum Dinocrates includebatur, a Purgatorio prorsus fuisse diversum.

Si rata esset & certa Cl. Holstenii lectio; communis Theologorum de Receptaculis Animarum sententia, egregie, ut Possinus observat ⁽²⁾, hac Perpetuae visione confirmaretur. Ita enim habet: *Video Dinocratem exeuntem de loco tenebroso, ubi & complura erant loca tenebrosa, &c.* Docent scilicet Theologi, quatuor esse sub terra locos distinctos, in quibus animae mortuorum detinentur; nempe omnium infimum, ubi Daemones, & animae damnatae; supra hunc, Purgatorium, ubi animae purgantur ad tempus; deinde Limbum puerorum, quo detinentur animae mortuorum in solo peccato originali; postremo Limbum Patrum nunc vacuum a tempore Mortis, & Resurrectionis Christi, &c. Haec, subjungit Possinus, fuisse videntur illa complu-

S

plu-

(1) Vid. Bellarmin. lib. 2. de Purgat. cap. vi.

(2) Paralipomen. ad Holsten. Notas.

plura loca tenebrosa, quae se vidisse laudatis verbis Sancta Perpetua testatur. At Ruinartus habet: *Ubi & complures erant*. Quod equidem ad Inclusorum multitudinem, quam ad locorum diversitatem aptius refertur. Quamvis varia esse sub terra animarum Receptacula, neque his verbis Perpetua neget: sed de hac Sanctae Martyris visione iterum Capite septimo sermo redibit.




CAPUT



CAPUT SEXTUM.

Martyrum nostrorum virtutes, & visionum fructus ostendunt, Divino illos fuisse Spiritu adflatos, & eorum revelationes Deo esse tribuendas.



- I.  *N* veris Prophetis a falsis discernendis, eorum imprimis morum habendam esse rationem.
- II. *Aliqua Actorum loca, in quibus Martyrum nostrorum virtutes graphice describuntur.*
- III. *Nibil esse in eorum moribus animadvertere, quod Montani redoleat institutionem.*
- IV. *Perpetuam, Sociosque Martyres naturae leges minime violasse, Ignatii M. exemplo demonstratur.*
- V. *Aliorum Martyrum pro Martyrii corona preces, & vota.*
- VI. *Alius, praeter Perpetuam, Martyres, aut bestias in se ipsos concitasse, aut instrumenta crudelitatis ad accelerandum Martyrium ultro adhibuisse.*

S 2

VII. Ve-

VII. *Veterum Christianorum exempla, qui vel seipsos sponte obtulerunt, vel Praesidum sacritiam in se ultro provocarunt, Perpetuae factum excusant.*

VIII. *SS. Andronici, & Tarachi memorabile facinus.*

IX. *Perpetuae, & Sociorum Martyrum spiritus quam fuerit a Montanistarum spiritu longe diversus, ex diversis utriusque effectibus demonstratur.*

X. *Perpetuae, & Saturi revelationum honesti, & optimi fructus.*

I.



Superioribus Capitibus argumenta labefactavi, quae Basnagius ex ipsis eorum Actis adversus Martyres conficit. Praesenti, & sequenti Capite argumenta in medium producam, quae pro Sanctis Martyribus ex iisdem Actis collegi, & quibus invictissime, ut puto, eorum orthodoxia vindicatur: ut quemadmodum Adversarius, & externis, ut vocant, argumentis, & internis adversus Martyres militat: ita nos pro illis, postquam huiusce Dissertationis Capite primo externa produximus argumenta ex Ecclesiae & Veterum Patrum auctoritate petita, internis, postremis his duobus Capitibus, decertemus, quae nobis ex ipsis eorum Actis luculentissima suppetunt.

Primum esto, quod ex Perpetuae Sociorumque Martyrum heroicis virtutibus, patientia, pietate, moderatione caritate, fortitudine, & rerum omnium humanarum contemptu sponte promicat, atque efflorescit. In moribus Prophetarum, ad veros a falsis discernendos, multum inesse momenti, Veteres existimarunt. Unde *Apollonius Ecclesiasticus* ille, apud Eusebium ⁽¹⁾, *Scriptor, Cataphrygarum Haeresim adhuc sua aetate vigentem refutare aggressus, peculiare adversus eos volumen condidit, tum falsas Prophetias, quae ab illis*

(1) Τῆς δὲ κατὰ Φρύγας καλυμμένης αἰρέσεως, ἣ Ἀπολλώνιος ἐκκλησιαστικὸς συγγραφεὺς, ἀμαχῶντος ὥστις τότε κατὰ τὴν Φρυγίαν ἐλιγχον ἐκπορεύμενος, ἴδιον κατ' αὐτὸν περὶ αὐτῆς σύγγραμμα· τὰς μὲν φησὶν αὐτὴν προφητικὰς ψευδῆς ὕδας κατὰ λέξιν εὐδύνειν.

Pro SS. Perpetua, Felicitate, &c. 141

illis circumferuntur, verbatim expendens, tum vitam moreſque eorum, qui Haereſis illius Auctores fuerunt, diſcutiens. Aliqua deinde ex hoc Opere Fragmenta proferit, in quibus pravos Montani, & Muliercularum ejus, Themifonis etiam, & Alexandri mores deſcribit, ac poſtea ſubjungit (1): Aſtus Prophetæ tamquam fructus examinandi ſunt. Ex fructibus quiſque arbor cognoscitur. Et poſt pauca (2): Si negant, Prophetas ſuos munera accepiſſe, hoc igitur fateantur, non eſſe illos Prophetas, ſi munera accepiſſe conviſti ſint. Ac tum demum ſexcenta ejus rei documenta, ac teſtimonia proferemus. Neceſſe porro eſt, ut omnes Prophetæ fructus, atque aſtus probentur. Dic mihi, tingit ne capillos Prophetæ? An ſibi oculos linit? An ſtudet ornari? Prophetæ ne tabula ludit, & ceſſeris? An pecuniam locat fenori? Ingenue fateantur, ac reſpondeant, utrum hæc agere liceat, an ſecus? Ego vero hæc apud ipſos aſta eſſe convincam.

II. In his autem Perpetuae, Felicitatis, & Sociorum Martyrum Aſtis mira ubique reſplendent Chriſtianarum omnium virtutum exempla; ita ut adfirmari merito poſſit, quot in Montano, Maximilla, Themifone, & Alexandro Apollonius vitia reprehendit, tot in Sanctis hiſce Martyribus, ac Perpetua præſertim, & multo etiam plura, virtutum omnium decora refulgere. Aliqua Aſtorum loca, quæ magis ad rem faciunt, in ſpecimen indicabo. §. III. *Cum adhuc, inquit, cum perſecutoribus eſſemus, & me Pater avertere & dejicere pro ſua affectione perſequeretur, &c. dixi ei Ego aliud me dicere non poſſum, niſi quod ſum Chriſtiana. Tunc Pater motus in hoc verbo, miſit ſe in me, ut*

τὸν δὲ βίον τῶν τῆς αἰρέσεως ἀρχηγῶν ἐκαστὸς τις γέγραπται διαλέγων. Lib. v. Hiſt. Ecclæſ. Cap. xviii.

- (1) Δὲ γὰρ τίς καρπὸς δοκιμαζομένου τοῦ προφήτου· ἀπὸ γὰρ τοῦ καρποῦ τὸ δένδρον γινώσκεται.
 (2) Ἐάν ἀρνούνται ὅρα τὸς προφήτας ἀντὶ τοῦ ἀλαφροῦ, τότε ἐμμελογοῦσάτωσαν, ἵνα ἴδω ἐλεγχθῶσιν ἀλαφρότης, ὥς αἰεὶ προφῆται· καὶ μυρίας ἀποδείξεις τούτων παραστήσωσι· ἀνταποκρίνεται δὲ ἑστὶ πάντας καρπὸς δοκιμαζομένου προφήτου· προφήτης, ἀπὸ μοι, βάνεται· προφήτης γινώσκεται· προφήτης φιλοκατομῆ· προφήτης τῶ βλαβῆς καὶ κίβους παῖς· προφήτης δαμάει· ταῦτα ἐμμελογοῦσάτωσαν, πότιστοι ἔξισιν ἢ μὴ· ἐγὼ δὲ ἵνα γέγραπται περὶ αὐτοῖς δόξω.

ut oculos mihi erueret: sed vexavit tantum, & profectus est victus cum argumentis diaboli. Tunc paucis diebus, quod caruissem Patre, Domino gratias egi, & refrigeravit absentia illius. In ipso spatio paucorum dierum baptizati sumus; mihi autem Spiritus dictavit, nihil aliud petendum in aqua, nisi sufferentiam carnis. Post paucos dies recipimur in carcerem, & expavi, quia numquam experta eram tales tenebras . . . Ego infantem lactabam jam inedia defectum. Sollicita pro eo adloquebar matrem, & confortabam fratrem, commendabam filium. Tabescebam, ideo quod illos tabescere videram mei beneficio. Tales sollicitudines multis diebus passa sum, & usurpavi, ut mecum infans in carcere maneret; & statim convaleui, & revelata sum a labore, & sollicitudine infantis: & factus est mihi carcer subito quasi praetorium, ut ibi malletm esse, quam alibi. Quot heic virtutes emicant! Constantia adversus Patris minas, & blanditias; constantia item, adversus humanas omnes adfectiones, pietas erga parentes, materna pro filio sollicitudo, in carceris incommodis tolerandis invicta patientia: hypocritarum more, Stoica gravitate humanos adfectus non dissimulat, sed Christiana virtute superat, ac moderatur: Domino gratias agit, divinam opem implorat, alienas magis angustias quam suas dolet, miro religionis in Deum, & caritatis in proximum documento. Eadem virtutes in aliis quoque locis resplendent. §. v. Post paucos dies rumor cucurrit, ut audiremur. Supervenit autem & de Civitate Pater meus, consumptus taedio, ascendit ad me, ut me dejiceret dicens: miserere filia canis meis, &c. Haec dicebat Pater pro sua pietate basians mihi manus; & se ad pedes meos jactans, & lacrymis non filiam, sed dominam me vocabat. Et ego dolebam canos Patris mei, quod solus de passione mea gavisurus non esset de toto genere meo: & confortavi eum, dicens: „Hoc fiet in illa cata-
„sta, quod Deus voluerit. Scito enim nos non in nostra po-
„testate esse constitutos, sed in Dei. Similia & filialis erga

Pro SS. Perpetua, Felicitate, &c. 143

Patrem observantiae, & Christianae fortitudinis exempla habentur §. vi. qui totus quamvis describendus esset, haec ex eo tamen pauca subjiciam: *Et Hilarianus Procurator . . . parce, inquit, canis Patris tui. Parce infantiae pueri. Fac sacrum pro salute Imperatorum. Et ego respondi: non facio. Hilarianus: Christiana es? Et ego respondi: Christiana sum. Et cum staret Pater ad me dejiciendum, jussus est ab Hilariano dejici, & virga percussus est. Et doluit mihi casus Patris mei, quasi ego fuisset percussa: sic dolui pro senectute ejus misera. Tunc nos universos pronuntiat, & damnat ad bestias, & hilares descendimus ad carcerem. Hanc Perpetuae filialem erga Patrem observantiam his S. Augustinus verbis commendat (1): „ Doluit illa senis parentis injuriam; „ & cui non praebuit assensum, servavit affectum. Oderat quippe in illo stultitiam, non naturam; & ejus infidelitatem, non originem suam. Majore igitur gloria tam dilectum Patrem male suadentem fortiter repulit, quem vapulantem videre sine maerore non potuit. Proinde & dolor ille nihil retraxit robori fortitudinis, & aliquid addidit laudibus passionis: diligentibus enim Deum omnia cooperantur in bonum. Earumdem virtutum aliud §. ix. occurrit exemplum: *Ut autem proximavit dies Muneris, intravit ad me Pater meus consumptus taedio, & coepit barbam suam evellere, & se in terram mittere, & prosternere se in faciem, & improperare annis suis, & dicere tanta verba, quae moverent universam creaturam. Ego dolebam pro infelici senectute ejus. Heic iterum audiendus Sanctus Augustinus (2): „ Per caritatem multi mortui sunt seculo, ut viverent Deo. Hac caritate accensi Martyres, NON SIMULATI, NON VANA GLORIA VENTILATI, NON TALES, de quibus dictum est: si tradidero corpus meum ut ardeam, &c. sed tales quos VERE Christi & VERITATIS caritas perdu-**

„ ce-

(1) Serm. cclxxxi. al. de Divers. 104.

(2) Enarrat. in Psalm. xlviii. num. 13.

„ ceret ad passionem: quid eis fecerunt persecutiones fac-
 „ vientium? Majorem violentiam habuerunt oculi silentium
 „ suorum, quam persecutiones insectantium. Quam mul-
 „ tos enim tenebant filii, ne paterentur? Quam multorum ge-
 „ nibus provolvebantur uxores, ne viduae relinquerentur?
 „ Quam multos parentes filii prohibebant mori, sicut no-
 „ vimus, & legimus in Passione BEATAE PERPETUAE? Fa-
 „ cta sunt ista. Sed lacrymae quantaelibet, & quantolibet
 „ impetu fluere, quando ardorem caritatis exstingerent?
 §. xv. plura nobis confertim exhibentur mutuae caritatis,
 spei, & magnanimitatis exempla: Circa Felicitatem vero
 (nam & illi gratia Domini ejusmodi contigit) cum octo jam
 mensium suum ventrem haberet (nam praegnans fuerat apprehen-
 sa) instante spectaculi die, in magno erat luctu, ne pro-
 pter ventrem differretur: quia non licet praegnantem poenae re-
 praesentari: & ne inter aliquos postea sceleratos, sanctum &
 innocentem sanguinem sunderet. Sed & Commartyres ejus gra-
 viter contristabantur, ne tam bonam sociam, quasi comitem,
 solam in via ejusdem spei relinquerent. Conjuncto itaque uni-
 to gemitu, ad Dominum orationem fuderunt ante tertium,
 diem Muneris. Statim post orationem dolores eam invaserunt.
 Et cum, pro naturali difficultate octavi mensis, in partu la-
 borans doleret, ait illi quidam ex Ministris Cataractariorum:
 Quae sic modo doles; quid facies objecta bestiis, quas contem-
 pisti, cum sacrificare noluisti? Et illa respondit: MODO EGO
 PATIOR QUOD PATIOR, ILLIC AUTEM ALIUS ERIT IN ME, QUI
 PATIETUR PRO ME, QUIA ET EGO PRO ILLA PASSURA SUM.
 Ita enixa est puellam, quam sibi quaedam soror in filiam edu-
 cavit. Nihilo inferiora sunt, neque minori admiratione di-
 gna, quae describuntur §§. xvi. & xvii. Perpetuae & Sa-
 turi, infracti excelsique animi documenta. Sed non est
 omittendus §. xviii. ut ex universarum virtutum conne-
 xione & varietate contextus: Inluxit dies victoriae illo-
 rum, & processerunt de carcere in amphitheatrum, quasi in
 cae-

Pro SS. Perpetua, Felicitate, &c. 145

*cælum, hilares, vultu decori; si forte gaudio paventes, non timore. Sequebatur Perpetua placido vultu, & pedum incessu, ut Matrona Christi Dei dilecta, vigorem oculorum suorum dejiciens ab omnium conspectu. Item Felicitas salvam se peperisse gaudens, ut ad bestias pugnaret, a sanguine, ab obstrictrice ad retiarium, lotura post partum baptismo secundo. Et cum delati essent in portam, & cogerentur habitum induere; viri quidem Sacerdotum Saturni, feminae vero Sacratarum Cere-ri: generosa illa in finem usque constantia repugnavit. Dicebant enim: „ Ideo ad hoc sponte pervenimus, ne libertas nostra ab-
„ duceretur. Ideo animas nostras addiximus, ne tale aliquid
„ faceremus: hoc vobiscum pacti sumus. Agnovit injustitia
justitiam: concessit Tribunus, ut quomodo erant, simpliciter in-
ducerentur. Perpetua psallebat, caput jam Aegyptii calcans. Revocatus, & Saturninus, & Saturus populi spectanti commi-
nabantur de hoc. Ut sub conspectu Hilariani pervenerunt, ge-
stu, & nutu coeperunt Hilariano dicere: „ Tu nos, inquit,
„ Te autem Deus judicabit. Ad hoc populus exasperatus, fla-
gellis eos vexari pro ordine venatorum postulavit. Et utri-
que illi gratulati sunt, quod aliquid & de Dominicis pas-
sionibus essent consecuti. Videndus & §. xx. ubi praeter in-
victam animi fortitudinem, qua se ferocissimae Vaccae, San-
ctae mulieres obtulerunt, suspicienda venit & Perpetuae
modestia: Jactata enim a ferocissima bestia concidit in lum-
bos; & ut conspexit tunicam a latere discissam, ad velamen-
tum femorum adduxit, pudoris potius memor, quam doloris.*

III. Nihil in his Martyrum gestis animadvertere est ex Montani Schola & institutione profectum; nihil scilicet superstitiosum, nihil incompositum, nihil tumultuosum, nihil turbidum, nihil denique inordinatum, quae sunt, ut ex Asterio Urbano, Apollonio, Miltiade, Serapione, Aelio Publico, & aliis Patribus constat ⁽¹⁾, Montanistici Spiritus characteres: sed in

T

omni-

(1) Apud Euseb. lib. v. Hist. Eccl. cap. xvi. & seqq.

omnibus contra mira modestia, compositio, prudentia, pietas, religio, caritas, fortitudo, fides, sapientiaque resurgent; ut non sit aliud Sanctarum Mulierum Martyrium, quod illustriora virtutum omnium decora comitentur. Fieri autem minime potuisse videtur, ut mulier insania & furore percita, & Daemoniaco spiritu acta, cujusmodi erant Montanistarum Pseudo-Prophetissae, ita sibi in omnibus caverit, ita se gesserit; ut nihil in ejus verbis procax, nihil arrogans, nihil in motibus inverecondum, nihil in actibus irreligiosum, vel severissimus Censor possit animadvertere. Quamdam equidem Montanistae morum externam gravitatem prae se ferebant, se se disciplinae severitate jactabant, abstinentia, pudicitia, & persecutionum tolerantia se plurimum eferebant: sed qui se graviora instituta Evangelicis institutionibus adjecisse, verbis insolentissimis praedicabant, moribus postea Legis Evangelicae sanctitatem minime referebant, sed ab ea quam longissime aberant: Perpetua vero, sociique Martyres Evangelium moribus referunt, atque exactissime exprimunt. Est & aliud in horum Martyrum, & praesertim Perpetuae, virtutibus observatione dignum, quo a fucatis Hypocritarum, Pseudo-Prophetarumque virtutibus discerni facile possunt, quod se nativa quadam simplicitate tuentur: & quam in eis divinae cujusdam sapientiae, & excelsi animi ac pene rebus humanis exenti, indicia clara cernuntur; tam nativo quodam candore placent, & nihil in eis fucatum, nihil per simulationem gestum aut per hypocrisim, deprehenditur: quae quidem simplicitas, & candidi pectoris decus in ipsis quoque Perpetuae verbis & scribendi charactere resplendent, quo suos, ut supra est observatum, humanos adfectus non dissimulat, se supra alios non effert, res suas minime exaggerat, ad Deum omnia refert, in fide, in spe divinae misericordiae, in sinu Providentiae & placidissime conquiescit, & casus omnes contemnit, & nihil timet, & omnia sperat, & nihil non audet. Hi profecto vir-

Pro SS. Perpetua, Felicitate, &c. 147

virtutum flores inter Haeresum dumeta non germinant, hos fructus arbor mala non facit. Potest quidem fieri, ut & nequam spiritus exteriorem quamdam sanctitatis umbram adsciet, ut hos gestiat virtutis actus imitari; sed esse non potest, ut absolutam undequaque, & omni ex parte sinceram Christianae perfectionis imaginem repraesentet: non adeo sibi cavere potest hypocrisis, ut non aliquid excidat, quo se prodat, falsis enim virtutibus aliquid vitii facile intermiscetur, & spiritus ille superbiae tum maxime agnoscitur, quum animi demissionem simulat, & se in exteriorem quamdam modestiae speciem componit. Sed quid habet Basnagius, in his quae ad mores pertinent, quod in Perpetua ejusque Sociis reprehendat? Nihil omnino: & adfirmari utique potest, quod sicuti nulla est Evangelicae disciplinae hac similior imago, ita nulla ab Haeretica institutione magis abludit. Perpetua, & Maximilla invicem conferantur; tam discrepabunt earum mores, quam a virtute vitium, a luce tenebrae amplo discrimine separantur. Fieri ergo non potest, ut eodem furoris & insaniae spiritu agerentur. Sane si tam illustre Martyrium tot virtutum parergis decoratum, inter Haereticos perfectum est, aut perfici potuit; vel perit omnino, aut admodum infirmatur Christianae Religionis argumentum, quod, & sane efficacissimum, ex constantia & virtute Martyrum proficiscitur. Non enim Christianorum Martyrium adeo commendat mors pro fide suscepta, quum alii multi ex omnibus sectis pro suis superstitionibus ultro se neci tradiderint, quam ceterarum virtutum apparatus, quo suum agonem Catholici Martyres decorarunt; fides scilicet, spes, caritas, religio, pietas, modestia, excelsi animi robur invictum, quae mirum in modum, ut ostendimus, in Perpetua, sociisque Martyribus refulserunt.

IV. Sed ut nihil eorum negligam, aut sine refutatione dimittam, ex quibus morosus aliquis cavillator, vel

impudens sycophanta Sanctis Martyribus conflare posset invidiam; duo in examen adducam Aetorum loca, in quibus naturae leges violari videntur, quibus suam unusquisque vitam conservare jubetur; & mortem cum nobis, tum aliis optare, aut alios in interitum nostrum urgere prohibemur. In has autem naturae leges Martyres nostri peccasse videntur, tum §. xv. ubi communibus votis orarunt, ut immaturum partum, *instante jam spectaculi die*, Felicitas ederet, *ne propter ventrem differretur, quia non licet praegnantibus poenae repraesentari*. Tum gravius §. ult. ubi Perpetua necis instrumenta ad accelerandum Martyrium ipsa suis manibus aptavit: *Perpetua autem, ut aliquid doloris gustaret, inter costas puncta exululavit; & errantem dexteram tirunculi Gladiatoris ipsa in jugulum suum posuit*. Haec in Perpetua, Sociisque Martyribus reprehendi posse, nemo mirabitur, qui animum adverterit ad ea, quae ob similem omnino causam in Martyrem Ignatium Dallaeus effudit. Quod enim Sanctissimus Martyr Romanos per literas monuerit, ne optatum Martyrium suis ad Deum precibus, aut officiis retardarent; & bestias etiam repugnantes se in suum interitum adductum esse significaverit, violatae a Dallaeo pietatis, & modestiae reus agitur. Sed ut melius intelligatur, quam bene sibi invicem in ejusmodi votis Ignatius, & Perpetua, Sociique Martyres concinant, ipsa heic Ignatii verba subjiciam (1): *Obsecro vos, ne intempestivam mihi benevolentiam exhibeatis. Sinite me ferarum cibum esse, per quas Deum consequi licet. Fruentem sum Dei, & per ferarum dentes molor, ut purus panis Christi inveniar. Feris potius blandimini, ut mihi sepulchrum fiant, nihilque mei corporis relinquant, ne postquam obdormiero, gravis alicui fiam . . .*

Chri-

(1) Παρεκλῶ ὑμᾶς, μὴ εὐνοια ἀκαμφοῦ γίνεσθαι μοι. ἀετι μὲ θνητὸν εἶναι βλεπόν, δι' ὃν ἐνταῦθα Θεὸς ἐκτετυχάν. οἷός τις ἔμει Θεὸς καὶ δι' ὁδόντων θνητὸν ἀλίσθηται, ἵνα καθαρὸς ἔρως εὐριθὴ τῷ Χριστῷ. μᾶλλον κατακλύσεται τὰ θνητά, ἵνα μοι τὰς φερέ γίνωται, καὶ μηδὲν καταλείπεται τῷ σωματί μου, ἵνα μὴ καίμηνδός βαρὺς τινι γίνωμαι λιτανεύοντα τὸν

Pro SS. Perpetua, Felicitate, &c. 149

Christo pro me supplicate, ut per haec instrumenta hostia inveniar. Quod pro se fieri a Romanis optabat Ignatius, id officii erga Felicitatem nostri Martyres praestiterunt. Volebat Ille a Romanis conjunctas ad Deum preces effundi, quo bestiarum dentibus moleretur, & per haec instrumenta Christi efficeretur hostia: id vero Felicitatis Sociis in votis erat; & ut fetum immaturo tempore emitteret, fufis ad Deum precibus postulabant, ne Martyrium ejus differretur, sed una cum aliis, bestiis objiceretur. Pergit Ignatius, & non solum ardens Martyrii desiderium ostendit, sed bestias, invitas etiam & repugnantes, se, ait, ad suam ipsius necem provocaturum: (1) *Utinam fruar bestiis mihi praeparatis, quas & opto mihi promptas inveniri, quibus & blandiar, ut cito me devorent, non ut quosdam veritae non tetigerunt. Si autem illae repugnantes noluerint, ego vi impellam.* Nihil refert, an Gladiatoris dexteram in suum quisquam jugulum ponat, quod Perpetua fecit, an feras ad se devorandum impellat, quod se facturum scribebat Ignatius. Unde utrumque, aut iisdem reprehensionibus patet, aut iisdem est laudibus prosequendum. Interim autem, quemadmodum Pearsonius Ignatii vota, ut S. Martyre non indigna, nostrorum Martyrum exemplo demonstrat: ita nos eorundem Martyrum pro Felicitate preces Ignatii exemplo tuebimur: cur enim *plebejos Martyres*, ut Pontii Diaconi verbis utar, & a baptismo recentes inde arguemus, unde sapientissimum Episcopum, & Apostolorum discipulum honori & admirationi habemus?

V. Verum quoniam ex Protestantium grege non pauci, & in his etiam Basnagius, Ignatii Epistolas ut pseudepigraphum & adulterinum opus rejiciunt, & inter cetera, quae

in

τὸν Χριστὸν ὑπὲρ ἡμῶν, ἵνα διὰ τῶν ὀργάνων τούτων θυσία γένηται. Ex Epist. ad Rom. ap. Ruin. in Actis sine. &c.

(1) *Ὅταν ἴδω τὸν θάνατον τῶν ἡμεῶν ἐτοιμασμένων, καὶ ὠχρῶμαι ἵτοιμά μαι γινώσκων, ὃ ἡ κο-
λασίᾳ συντρέμεις με καταργῶν, ὃ ἡ ὁσπτερ τινῶν δολωμάτων ὃ ἡ ἔφαρτο. καὶ αὐτὰ δὲ
ἀντὶ μου θέλεις, ὃ ἡ προσβλέπωμαι.* Ibidem.

in eis ut ab Ignatii virtutibus aliena notant, ardens illud Martyrii votum sugillant, aliis exemplis & Epistolicum Ignatium, & nostros Martyres cum Pearsonio tuebor. Celerinus Confessor ad Lucianum Confessorem Epistola inter Cyprianicas xxi. *Haec cum tibi scriberem, Domine Frater, gaudens, & tristis eram: gaudens, eo quod audierim, te pro Nomine Domini Nostri Jesu Christi Salvatoris nostri tentum, & illius Nomen penes Magistratus hujus mundi confessum, &c.* Et infra: *Sic coronet te, cujus Nomen confessus es Pete, ut sis dignus coronari cum numero vestro.* Et rursus: *O te felicem! suscipere vota tua, quae semper desiderasti, vel in terra dormiens optasti pro Nomine illius in carcerem mitti, quod nunc tibi contingit, sicut scriptum est: Det tibi Dominus secundum cor tuum.* Haec Celerinus, a moderatione praesertim, humilitate, timore, cautione, & verecundia, Sancto Cypriano ⁽¹⁾ commendatus. Ita etiam Lugdunenses Martyres Christianae Religionis praecipuum decus, fide & sapientia non minus quam invicta animi fortitudine insignes, *profusis lacrymis*, ut est apud Eusebium ⁽²⁾, *obsecrabant fratres, ut continuæ ad Deum preces fierent, quo tandem ipsi perficerentur.* De S. Cypriano Pontius ejus Diaconus: *Conveniebant interim plures egregii, & clarissimi ordinis, sed & seculi nobilitate generosi, qui propter amicitiam secessum subinde suaderent; & ne parum esset nuda suadela, etiam loca, in quae secederet offerebant.* Ille vero jam mundum suspensa ad caelum mente neglexerat, nec suadelis blandientibus annuebat. *Fecisset fortasse tunc etiam, quod a pluribus, & fidelibus petebatur, si & Divino imperio juberetur.* Nam ut ipse Pontius docet, in priore secessu, *Domino latebram tunc jubenti paruit.* Populus autem fidelis, S. Cypriano ad supplicium ducto,

(1) Epist. xxvii. al. xxiii.

(2) Μετὰ δακρύων παρεκάλουν τὸς ἀδελφούς διαμένοντες, ἵνα ἑκτενέως ὡχλαί γίνωνται πρὸς τὸ τῷ λαῷ δίδναι αὐτούς. Lib. v. Hist. Eccles. Cap. 11.

Pro SS. Perpetua, Felicitate, &c. 151

ducto, tantum aberant ab orando Deum, ut illi parcere-
tur, aut quovis modo Martyrium impediendo, ut simul cum
illo potius mori cuperent: *Quamvis enim non potuerit eve-
nire, quod optabant vota communia, ut consortio parvis glo-
riae simul plebs tota pateretur; quicumque sub Christi spe-
ctantis oculis, & sub auribus Sacerdotis ex animo pati voluit,
per idoneum voti sui testem legationis quodammodo literas ad
Deum misit.* S. Hieronymus de vita Pauli Eremitae: *Sub
Decio, & Valeriano persecutoribus, quo tempore Cornelius Ro-
mae, & Cyprianus Carthagine felici cruore damnati sunt, mul-
tas apud Aegyptum, & Thebaida Ecclesias tempestas saeva
populata est. Voti tunc Christianis erat, pro Christi nomine
gladio percuti. Verum hostis callidus, tarda ad mortem sup-
plicia conquirens, animas cupiebat jugulare, non corpora; &
ut ipse qui ab eo passus est Cyprianus ait: „ Volentibus mori,
„ non permittebatur occidi. Notum est & illud S. Poly-
carpi Martyris ad Proconsulem, nunc bestias, nunc flammam
illi minitantem: ἀλλὰ τί βραδύνεις; φέρε δὲ βύλην. *Quid autem
moras trabis? Adfer quod vis. ταῦτα καὶ ἄλλα πολλὰ λέγων,
θάρος καὶ καρῆς ἐνεπρωπίατο, haec & plura alia cum dice-
ret, fiducia & laetitia impletus est, ut vetustissima ejus Acta
testantur. Plura autem illa, quae fortitudine, & exulta-
tione plenus pronunciavit, qualia, amabo, fuere, si non
Ignatianis, si non Perpetuae, Felicitatis, & Sociorum Mar-
tyrum votis similia? Si non illi voci consona, quam e cae-
lo audivit, Ἰσχυε, καὶ ἀνδρίζου, Πολύκαρπε, fortis esto, & vi-
riliter age, Polycarpe. Notissima est etiam illa Romani Cae-
sarensis Diaconi vox Antiochiae audita, πᾶσι μοι τὸ πῦρ; ubi-
nam mihi ignis? His quae in Ignatii defensionem Pearsonius
adfert exemplis, aliud adjiciam praecedentibus non minus
insigne ex Actis sinceris Ss. Montani, Lucii, &c. Damna-
tis ceteris, Flavianus in carcerem revocatus est; & Mar-
tyrium ejus dilatum: id ipse non minus, quam ejus So-
cii.**

cii aegre tulerunt; unde Montanus, cum, ut est in Aëtis, jam Carnifex immineret, & gladius super cervices ejus libratus penderet; expansis ad caelum manibus, voce clara, ita ut non tantum ad aures plebis, sed & Gentiles quoque ipsos sonus vocis feriret, oravit rogans & deprecans, ut Flavianus, qui per suffragium populi de comitatu eorum remanserat, sequeretur die tertia. Non alia erant Matris ipsius Flaviani adfectus & vota, de qua in Aëtis subjungitur: Haerebat lateri ejus incomparabilis Mater, quae praefer fidem, qua ad Patriarchas pertinebat, in hoc etiam se Abrahae filiam comprobavit, quod Filium suum & optabat occidi; & quod interim remansisset, contristabatur intimo dolore. Ipse autem Flavianus his adflictam Matrem verbis consolabatur: Scis Mater merito carissima, ut semper tentaverim, si confiteri contigisset, Martyrio meo frui, & frequenter catenatus videri, & saepe differri? Si ergo contigit quod optavi, gloriandum est potius, quam dolendum. Haec erant Martyrum vota, quae si in crimen vocentur, innumeri erunt Martyres, quibus Martyrii corona detrahenda erit.

VI. Major ex altero capite Perpetuae conflari posset invidia; sed illa etiam, ut dixi, Ignatii exemplo depellitur. Non enim aliud Perpetua fecit, quam quod se facturum, scribit Ignatius. Sed quoniam de illius Aëtis, & Epistolis controversia movetur, alia exempla non desunt, quae plena manu in suas Epistolarum Ignatii vindicias Pearsonius congestit. In Smyrnenfis Ecclesiae vetustissima Epistola repraesentatur Germanicus, quasi nobilis & insignis Bestiarius, ἐπιστήμιος ἡγετομαχῶν. Quid autem iudicio antiquissimae Ecclesiae ἐπίσημον *insigne*, aut *nobile* in ejus Martyrio breviter descripto invenitur? Hoc unum, unde Perpetua violatae naturae legis argui forsitan posset: (1) Nam cum Proconsul flectere eum vellet, diceretque, ut suam ipse aetatem

mi-

(1) Βυλαμένη γὰρ τὸ ἀνδραγαθὸν πᾶσαν αὐτὴν, ὡς λέγειν (vel λήγοντες) τὴν ἡλικίαν αὐτῆς

Pro SS. Perpetua, Felicitate, &c. 153

miseraretur; ille bestiam ultro ad se adtraxit, eique vim intulit. Hoc enim fecisse narratur, ut Martyrium acceleraret: Cupiens velocius ex injusta, & iniqua eorum hominum vita effugere. Inde autem factum est, ut universa multitudo fortitudinem pii ac Religiosi generis Christianorum admirata, &c. Ille igitur Germanicus, quem ut insignem & nobilem imprimis Martyrem proposuit antiqua & celebris Ecclesia Smyrnenfis, cujus ob insigne facinus Ethnici ipsi nobilitatem & generositatem Christianae gentis admirati sunt; id erga bestias fecit, quod cum Gladiatore Perpetua: Ille videlicet Martyrio flagrans, bestiam ultro ad se adtraxit; Haec autem eodem ardens desiderio, tirunculi Gladiatoris dexteram in suum ipsa jugulum posuit. Dionysius Alexandriae Episcopus Apolloniam Virginem magnopere laudat, quod cum ipsi verberatis maxillis cuncti dentes excussi, flammæque admotæ essent, ⁽¹⁾ celeriter in ignem insiliit, & conflagravit. S. Hilarius Enarratione in Psalmum LXV. Alii enim in vinculis carcerum gloriantur, alii caesi in verberibus gratulantur, alii potestati irreligiosorum desecanda felicitum capitum colla submitunt; plures in exstructos rogos currunt, & trepidantibus poenae ministris ignem saltu devotæ festinationis insiliunt. Hunc in Martyribus patiendi ardorem optime describit S. Chrysostomus Oratione in Romanum, Diabolum ita loquentem introducens: ⁽²⁾ Prunas substravi, hi autem tamquam ad rosas currebant, ignem accendi, illi autem tamquam in fontes aquarum frigidarum seipsos projiciebant Et tanquam in sacra pompa choreas agentes, & in viridi prato luden-

V

κτοικτῶσαι, αὐτῷ ἐπαράτατο τὸ θῆριον προσβιβάμενος, τάχιστα τὸ ἀδίκον καὶ αἰνόν βίῃ αὐτῶν ἀπαλλαγῆναι βυλόμενος. Ἐκ τούτου δὲ πάντων τὸ πλῆθος θαυμάσας τὴν γενναίτητα τὸ θειοφιλὲς καὶ θεοσεβὲς γένος τῶν Χριστιανῶν. &c.

- (1) Σωτήριος ἐπαύδατο ὡς τὸ πῦρ, καὶ καταπέφλεκται. Epist. ad Fab. Antioch. apud Euseb. lib. vi. cap. xli.
- (2) Ἀνδρακὲς ὡς ῥοσά, οἱ δὲ ὡς ἐπὶ ῥόδῳ ἐτρέχον. Πῦρ ἀνῆψα, οἱ δὲ ὡς ὡς πηγὰς ὕδατων ψυχρῶν αὐτοὺς ἐξέρισαν. . . . καὶ ὡς ἐν ἑστῇ τομαῇ χαρῶντες καὶ ἐν λαμῶνι παιζόντες

χλδ-

ludentes, ita tormenta quisque arripuit, non tamquam poenas, sed velut vernos flores accipientes, & coronati, & propriae alacritatis excessu tormenta mea praeripiebant.

VII. Neque mirum est, aliquos bestias jam paratas ad suam ipforum necem provocasse, aut crudelitatis instrumenta in procinctu posita ad accelerandum Martyrium ultro adhibuisse; cum certissime constet, id quod multo majus est, quamplurimos mortem pro Christi nomine appetivisse; cum in hostium potestate non essent, seipsum indicasse, hostesque ipsos ad supplicium infligendum provocasse. De Christianis sui temporis Lucianus in Peregrino ⁽¹⁾: *Miseri homines a seipsis persuasi, fore se integre immortales, semperque victuros, mortem contemnunt, multique ultro se ipsos dedunt.* Justinus Martyr fatetur, Christianum se factum esse, quod ei nemo malus videretur, ⁽²⁾ mortem optare; nedum ut quisquam seipsum necandum ultro proderet, ac deferret, quod Christiani tunc temporis fecerunt. Tertullianus ad Scapulam cap. 1. *Cum omni saevitia vestra concertamus, etiam ultro erumpentes, magisque damnati, quam absoluti gaudemus.* Et cap. 4. *Vide tantum, ne hoc ipso, quod talia suslinemus, ad hoc solum videamur erumpere, ut hoc ipsum probemus, nos haec non timere, sed ultro vocare.* Arius Antoninus in Asia cum persequeretur instanter, omnes illius Civitatis Christiani ante tribunalia se manu facta obtulerunt; quum, ille paucis duci jussis, reliquis ait: *Ὁ δούλοι, ἐθέλετε ἀποθνήσκειν, κρημνὲς, ἢ βρόχους ἔχετε.* Hoc si placuerit & hic fieri, quid facies de tantis millibus hominum, tot viris & feminis, omnis sexus, omnis aetatis, omnis dignitatis, offerentibus se tibi? De nona persecutione Sulpitius: *Certatim gloriosa in certamina rue-*
ba-

χλευσθῶ, ὅτω τὰς τιμωρίας ἱκανοὺς ἔρραζον, ὥς ὡς τιμωρίας, ἀλλ' ὡς ἀνὰ λαμβάνοντες ἐκρίνη, καὶ στεφανιώνται, καὶ τῇ τῶς οὐκίας προθυμίας ἐπαρβαλὼν τὰς ἐμὰς προφθάνων τιμωρίας.

(1) Πιστεύεται γὰρ αὐτὰς οἱ κακοδαίμονες τὸ μὲν ἴδιον ἀθάνατοι ἵστανται καὶ βιώσαντες τὴν αἰὶ χρόνον· καὶ δ' ἐκ καταφρονέει τὸ θάνατον, καὶ ἐκόντες αὐτὰς ἐπιδικάζουσιν οἱ πικροί.

(2) Ὁρατοὶν ἀπαύχοντα, ὥς ἐπὶ αὐτοὺς καταγγελλοὶ φροντισμαίνονται.

Pro SS. Perpetua, Felicitate, &c. 155

batur; multoque avidius tum martyria gloriosis mortibus quærebantur, quam nunc Episcopatus pronis ambitionibus appetuntur. Idem Epist. 11. de B. Martino: *Quid si ei Neronianis, Decianisque temporibus in illa, quæ tunc exstitit, dimicare congressione licuisset, testor Deum caeli, atque terræ, sponte equuleum adscendisset, ultro se ignibus intulisset . . . si vero Gentium Doctoris exemplo gladio deputatus, inter alias, ut sæpe provenit, victimas duceretur, primus omnium, Carnifice compulsus, palmam sanguinis occupasset.* S. Johannes Chrysostomus observabat sub Imperio Juliani ⁽¹⁾ omnem ætatem, & utrumque sexum ad mortem pro vera religione subeundam exsurgentem. Hanc rationem reddit, cur Julianus Apostata apertam contra Christianos persecutionem moliri noluerit: ⁽²⁾ *Novit enim, aperte novit, quod, si hoc auderet ille, omnes pro Christo animas suas prodidissent: Omnes enim, inquit, ut ad favum apes, ad Martyrium convolabant.*

Neque vero tantum fortia locuti sunt antiquæ Ecclesiæ Christiani, sed & fecere, & passi sunt. Celebre imprimis fuit nomen Phocæ Martyris, qui quum Lictores forte hospitio accepisset, qui narrabant, missos se ad interficiendum Phocam; promisit, die crastino se illis Phocam ostensurum, & loco ad sepulturam prius præparato, adstans eis dixit: *Ego ille Phocas.* Illi cum jam hæsitarent, animos eis, ut ipsum interficerent, exhortatione addebat: ⁽³⁾ *Dixit, persuasit, passus est, ac capite truncatus, grata Deo hostia oblatus est;* ut loquitur Asterius Amasenus Epiphanio synchronus. Sub Valeriani persecutione Priscus, Malchus, & Alexander, seipfos invicem insimulabant tamquam ignavos & desides, quod occasione obla-

V 2

ta

(1) Πάντες ἡλικίας ὁπλῶς ἢ φύσιν ἐκπαιρῶν πειθῶσαν ἐπὶ τὰς ὑπὲρ τὰς εὐσεβείας σφαγὰς.

(2) Ἦδη γὰρ, ἴδω σαφῶς, ὅτι τὸ τοιμύκτατος αὐτῷ, πάντας δὲ ὑπὲρ τοῦ Χριστοῦ τὰς ἐκείνων πρέδωκαν ψυχὰς. Πάντες γὰρ, φησιν, ὡς ἐπὶ κηρίον μάλιστα ἔκταν, ὡς ἐπὶ μαρτύριον πετόμενοι.

(3) Εἶπεν, ἔπειθεν, ἔπαθεν, ἢ τῷ χειρὸς αὐτοκτομῶς ἰεῖν τῷ Θεῷ πεκαρισμένον αἰσθῆναι.

ta adhuc cessassent, *μη ὕχὶ προαρχαζόμενοι τὸ τῷ μαρτυρίῳ
τέφανον, nec martyrii coronam praeripuissent.* Quare Judicem
adorti, ad bestias condemnati, *ἦσαν κατωκοσμήσαντες μαρτυρίῳ,
Divino Martyrio coronati sunt,* ut narrat Eusebius lib. vii.
cap. xii. Romanus Caesareensis Diaconus videns multos sa-
crificantes, *ζέλῳ θεοσεβείας πρῶτοι, zelo divini cultus ipsum
incitante, propius accessit,* & contenta voce inclamans eos
objurgavit, Judici vim fecit, & ob audaciam comprehen-
sus, ⁽¹⁾ *generoso si quis alius martyrio decoratus est.* Quia
etiam Apphianus fervente persecutione clam omnibus in
eadem domo degentibus, & militum etiam cohorte, Ur-
bani Praesidis dextra adprehensa sacrificium omittere
coëgit, & gravissimis tormentis se se dedens, passus est.
Id autem Eusebius, illi familiaris, eum fecisse judicavit, ⁽²⁾ *di-
vina virtute ad hoc ipsum impellente, ac tantum non per hoc
facinus inclamante, &c.* qui & Aedesium idem quod a Fra-
tre factum est, facere conatum, eodem modo passum nar-
rat. Longum esset omnes recensere, quos Eusebius, alii-
que, se ultro & de industria Martyrio obtulisse, commemo-
rant. Haec Pearsonius pro Ignatio, quae in nostros Mar-
tyres, quam bene convenient, nemo non videt.

VIII. Sed tot ab ipso commemoratis adjungendum,
omnino existimo insigne illud & audax Andronici, & Tha-
rachi facinus, quorum alter Ursus, alter Leaenam divina
virtute mansuefactos, ad se devorandum, ut in eorum Actis
legitur, incitarunt: ⁽³⁾ *Dimiserunt Ursus pessimum, quem di-
cebant ipsa die tres homines occidisse. Et appropinquavit
ad corpora Sanctorum, & nullum corpus contaminavit. Et cum
tran-*

(1) Γενναῖότητος ἢ καὶ τις ἄλλος ἀποδείκνυται μάρτυς τῆς ἀληθείας. Euseb. de Martyrib. Pa-
laest. cap. 2.

(2) Τῆς ἐπὶ τούτῳ αὐτὸν προαρχόμενος ἐνδείξι δυνάμεως μοναχὶ βούλῃ διὰ τὸ γενναῖον, &c.
Ibid. Cap. iv.

(3) Ἀνδροκρίτου ἀπολόγη ἀρετῶν, ὡς τινες ἔλεγον ὅτι αὐτὸς τῆς ἀρετῆς ἐν ἐκείνῃ τῇ ἡμέρᾳ
διαιρούμενος. καὶ αὐτὸς ἐπὶ ἀπολυθῆναι ὅλγος τὰ αὐτῶν γενναῖον, τὸν μὲν λοιπὸν σωμα-
τὸν

Pro SS. Perpetua, Felicitate, &c. 157

*transisset, venit ad Sanctum Andronicum, & sedens linge-
bat vulnera ejus. Sanctus vero Andronicus posuit caput suum super
Ursu, & instigabat eum, ut irasceretur, & celerius redderet
spiritum. Ursus autem quasi mansuetus subito factus est. Et
paullo post: Et quum exisset (Leaena) vidit corpora Sancto-
rum projecta, & venit ad beatum Tarachum, deposuit se ante
pedes ejus, quasi eum adorans. Sanctus autem Tarachus trabe-
bat manu eam ad se, ut irasceretur bestia, & celerius consumma-
retur. Leaena autem sicut ovis, &c.* Praeter naturalem legem,
qua nobis mortem, aut accersere, aut accelerare vetatur,
accedere etiam videbatur manifestum divinae voluntatis in-
dicium, quae immanissimas bestias, ne Sanctos laederent,
mansuefaciebat. At Sancti Martyres nihil horum cogitan-
tes, & sola Martyrii cupiditate flagrantes, in mortem,
(si ita loqui fas est) praecipites ferebantur; ad quam eos
divino Spiritu intus inspirante anhelasse, vel ex miraculo
constat: Quum enim nemini liceat in suam perniciem, nisi
Deo jubente, grassari; temerarium, & audax facinus num-
quam Deus miraculis comprobasset, nisi fuisset ejus aucto-
ritate susceptum. Eodem Spiritu & illos actos fuisse, qui
se ipsos ultro Tyrannis obtulerunt; vel majori, quam de-
buissent, libertate utentes, ad saeviendum magis magisque
inflammant, & eorum postea memoriam inter Sanctos
Martyres semper coluit Ecclesia, pro certo tenendum est;
nisi innumeros Martyres e Sacris Fastis expungere, nostro
arbitratu velimus. In horum numero Martyrum jam inde
ab initio, & non interrupta postmodum tot seculorum se-
rie Perpetua locum habuit. Unde quod jugulum Gladiatori
prae-

*των διαβάσαι, ἐπιδράμει τῷ ἁγίῳ μαρτυρῇ Ἀνδρόνικῳ κληῖδου παρακαθιστάτω τὴν ἰ-
σχὺν τῶν τραυμάτων ἀπὸ λουχίαν Ὁ δὲ ἅγιος Ἀνδρόνικος προσέειπε τὴν κεραιὴν αὐ-
τῷ ἐπιβιβάζοντο θυμῶσαι τὴν θηρίον, ἵνα τοὺς ἀφαιρέσῃ αὐτῷ, τὰ ἵνα ἀπαυλῇ. ἡ δὲ θήρως
παρημύνοντα συναντῶνται τῷ ἁγίῳ Ἡ δὲ (λεαῖνα) ὡς αὐτὴ τὰ ἄγρια σῶμα αὐτῷ ἐπὶ-
βιβάσκει ἔρχεται πρὸς τὸ μακάριον Τάραχον, ἡ ἀψήσασα ταῖς παρὲς αὐτῷ προσκύνουσα· ἡ
δὲ θήρως Τάραχος τὴν χάριν ἐκτρέφει καὶ τὴν τρυφὴν καὶ τὸν ὄνον αὐτῶς ἀφαιρέσας, ἐβάλλετο
πρὸς αὐτὴν. ἡ δὲ ὥσπερ περιβαίνει ἰλιόμενοι &c. Ap. Ruin. in Actis Sincetis Prim. Martyr.*

praestiterit, & errantem gladium sibi adtemperarit, vitio illi dandum non est; sed ad Divinum, quo intus agebatur, Spiritum praeclarum facinus referendum. Aliquo enim Spiritu actam fuisse Perpetuam, sine controversia est. Quae-ritur tantum, bono ne, an malo Spiritu duceretur. Sed quum in ejus actibus nihil animadversione dignum occurrat, sed omnia potius cum sapientia, & cum virtute gesta; quin inhabitantem in suo pectore Spiritum Sanctum habuerit visionum suarum ac revelationum auctorem; eoque propterea intus impellente, ad Martyrium properasse, dubitandum non esse videtur.

IX. Sed ut omnis hac de re ambigendi de medio ratio tollatur, non solum generatim, quod haecenus fecimus, Perpetuae Sociorumque Martyrum virtutes inspicere volo, sed ad eas praefertim animum advertere, quae inhabitantis in ea Spiritus, & visionum ac revelationum ejus fructus exstiterunt. Si enim ex fructibus, qualis sit arbor, agnoscitur, ex fructibus utique, qualis in Perpetua fuerit Spiritus, deprehendemus. Hujus Spiritus magisterio, cum baptizaretur, edocta didicit, nihil aliud Christiano expetendum, quam patientiam, tolerantiamque passionum: *In ipso spatio paucorum dierum baptizati sumus; mihi autem Spiritus dictavit, nihil aliud petendum in aqua, nisi sufferentiam carnis.* Quod nam isto certius boni ac Divini Spiritus argumentum? Non id certe suus, fortassis etiam quum baptizaretur, Montanum Spiritus docuit, ut quem a baptismo recentem impotenti ambitione, & immoderata primi loci cupiditate aestuasse, narrat Asterius (1): *Vicinus quidam esse dicitur in Mysia contermina Phrygiae, nomine Ardaba: In quo, ajunt, Montanum quemdam ex iis, qui Fidelium numero recens adscripti fuerant, immodica primi loci cupiditate captum, primum sub*
Gra-

(1) Κάμης τις ἄνθρωπος λέγεται ἐν τῇ κατὰ τὴν φρυγίαν Μυσίᾳ, καλεσμένη Ἀρδαβὰν τόπων· ἔνθα ποσὶ τινὲς τοῦ νεοτέρου πρώτους Μοντανίου τόπων κατὰ Γεγάτον Ἀσίας εὐδύναντες, ἐν αὐτῷ.

Pro SS. Perpetua, Felicitate, &c. 159

*Grato Asiae Proconsule, aditum in se adversario Spiritui prae-
buisse; & Daemone repletum, subito quodam furore, ac men-
tis excessu concuti coepisse, & nova quaedam, atque inaudita
proloqui, &c.* Ait quidem de suo Paracleto Tertullianus ⁽¹⁾:
*exhortatorem ipsum fuisse omnium tolerantiarum; Sed nos heic
non verborum folia quaerimus, sed operum fructus. Quae
in Montanistis quantum inter se invicem discrepant, vel
ex hoc Tertulliani loco cum alio Apollonii collato manifestis-
sime liquet. Sic enim Tertullianus: Et ideo Paracletus necessa-
rius deductor omnium veritatum, exhortator omnium tolerantia-
rum: quem qui receperunt, neque fugere persecutionem, neque
redimere noverunt, habentes ipsum, qui pro nobis erit, sicut lo-
cutus in interrogatione, ita juvaturus in passione.* Quid vero
de primariis Montani discipulis, & illius Sectae, ut se iusta-
bant, Martyribus, Themisone & Alexandro Apollonius? An-
non his omnino contraria apud Eusebium memoriae prodi-
dit? „Et paullo post, *inquit Eusebius* ⁽²⁾, de quodam ex eorum
„numero, qui Confessores apud ipsos habentur, haec dicit:
*Praeterea Themison speciosa avaritia obvelatus, qui confessionis
signum non pertulit, sed magna pecuniae vi erogata vincula
abjecit: quum ob eam causam modestius deinceps, ac submis-
sus agere deberet, tamquam Martyr se se efficens, &c. . . .*
*Quod vero ad Alexandrum pertinet, ut veritas omnibus nos-
se cupientibus innotescat, judicatus est ab Aemilio Frontino Asiae
Proconsule non ob nomen Christi, sed ob ea, quae perpetrave-
rat latrocinia, cum jam desertor fidei esset. Deinde vero emen-
titus*

ἰδιωμὶς φοβῆς αὐτὴν φιλοπεριτῆας δόντα τὰς οὐκ ἐν τῇ ἀντικαταστάσει, ἀποφύγε-
ται καὶ τῇ αἰσθητικῇ ἐν καταστάσει τῇ παρὰ τὴν γένεσιν ἐκείνην ἀφ᾽ ἑαυτοῦ
τε καὶ τῇ ἐκείνου. &c. Apud Eusebium libro quinto Hist. Eccl. Cap. xvi.

(1) Lib. de Fuga in persecut. in fine.

(2) Ὅτις δὲ ὑποκαταβῶς περὶ τινος τῶν κατ' αὐτὴν ἐμολογησάντων, ταῦτα φασὶν ὅτι δὲ καὶ
Θεμισὼν ὁ τῷ αἰσθητικῇ πλεονεξίας ἀποφύγετον, ὁ μὲν βαρύνων τὴν ἐμολογίαν τὸ σπ-
μαίνον, ὅλῃα πλὴν χρημάτων ἀποδίδωντας τὰ δευτέρᾳ δίδει ἐπὶ τῇ ταπεινοφροσύνῃ. ὡς μάρ-
τυς καυχώμενος. &c. . . . Ἵνα δὲ τοῖς βαλομένοις τὰ κατὰ Ἀλεξάνδρου ἢ γνώριμα, κέ-
κριται ἐπὶ Αἰμιλίου Φροντίου ἀνδραγαθῇ ἐν Ἑρίτῳ, ἢ διὰ τὸ ἴδιον, ἀλλὰ δὲ ἀς ἐπὶ τὴν
σε λησῶς, ὡς δὲ παρὰ τὴν αὐτὴν ἀποφύγετον τῇ ὁρίματι τῇ Κορίνθῳ, ἀποφύγετον
πλῆ.

titus nomen Christi, dimissus est, quum Urbis illius fideles fessellisset. Ecclesia vero ejus loci, unde erat oriundus, ipsum non recepit, eo quod latrocinia exerceret. Si qui vero totum illius negotium scire desiderant, praesto est publicum Asiae tabularium. Hi sunt Montanisticae Sectae Martyres, & Confessores, hi sunt, quibus Paracletus suum adflaverat Spiritum, quos Tertullianus buccis inflatis praedicat, neque persecutionem fugere novisse, neque redimere. Ab hac etiam passionum tolerantia Prophetissis suis suggerenda, Priscæ (seu Priscillæ) & Maximillæ Spiritus quam longissime aberat; de quibus idem audiendus Apollonius, qui, ut est apud Eusebium ⁽¹⁾, de Montani Prophetissis loquitur in hunc modum: *Ostendimus igitur, inquit, has principes Prophetissas simul ac spiritu impletæ sunt, viros suos dimisisse. Quantopere ergo mentiebantur, qui Priscam Virginem vocabant.* Deinde subjungit hæc verba: *Non tibi videtur Scriptura universa prohibere, ne Propheta munera, & pecunias accipiat? Quum igitur videam Prophetissam, aurum, & argentum, vestesque pretiosas accepisse, quomodo eam non repudiabo?* Hi reapse erant Montanistici Spiritus fructus, non quos Tertullianus ambiciosus inflatisque verbis mentitur.

X. Sed est ad Perpetuam Sociosque Martyres redeundum. Ejus visionis, qua sibi mortem imminere Perpetua & Saturus intellexerunt, & de qua Basnagius tantopere cavillatur, fructus exstitit, Martyrii candidatis, quo expeditiores ad Deum pergant adeo necessarium, rerum omnium humanarum fastidium: *Intelleximus, inquit, passionem esse su-*
tu-

πληθὺς τὰς ἐκὰς πικρὰς. καὶ ἡ ἰδία παροικία αὐτὸν ἔδειν ἢ ἂν ἰδὲται, διὰ τὸ εἶναι αὐτὸν ληρὴν καὶ οἱ δίλοντες μαθῶν τὰ κατ' αὐτὸν, ἔχουσι τὸ τῆς Ἀσίας δημόσιον ἀγ' χάριν. Lib. v. Hist. Eccl. Cap. xviii.

(1) Περὶ τῶν προφητίδων δὲ αὐτῶν (Μontanῶν) ὑποκαταβὼς ἔτω γραφή. θαύνομεν ἂν αὐτὰς πρῶτας τὰς προφητίδας ταύτας, ὥς δ' τὸ πνεύματος ἐπληρώθησαν, τὰς ἀνδρας καταλιπώσας. πῶς ἂν ἐξέμεινον, Πρίσκαν παρθένον ἀσεκαλυντὴς; ἀτ' ἐπιφέρει λίγην. θαυ καὶ σὺ πάντα γρηφοὶ καλῶν προφητίων λαμβάνων δόξα καὶ χρήματα; ὅταν ἂν ἴδω τὴν προφῆτην ἀλεφῶν καὶ χρυσὸν καὶ ἄργυρον καὶ πολυτελεῖς ἐσθῆτας, πῶς αὐτῷ μὴ παραστήσωμαι; Ubi supra.

Pro SS. Perpetua, Felicitate, &c. 161

*turam: & coepimus, nullam jam spem in seculo habere. Ex altera visione, qua Dinocratem in poenis vidit, id boni profluxit, quod mira in Deum fiducia praedita, tamdiu Perpetua caelum votis & lacrymis fatigavit, quamdiu Fratrem poenis eximere, & in requiem transferre promeruit: Confidebam profuturam orationem meam labori ejus, & orabam pro eo omnibus diebus, quousque transivimus in carcerem Caesarensensem . . . & feci pro illo orationem die & nocte, gemens & lacrymans, ut mihi donaretur. Suam Saturus quoque visionem vidit, & propria manu literis consignavit, quae pariter sine fructu non exstitit & divini Spiritus testimoniiis. Per eam Optatum inter & Aspasium gratia componitur. Monetur Optatus, ut plebem corrigit, ejusque mores componat. Saturus expergiscitur, & de futura passione gaudet. Quo tempore a ferocissima Vacca Perpetua in Amphitheatro vexata est, in ecstasi fuit: expergefacta, pudoris potius meminit, quam doloris: & pro Socia magis quam pro se ipsa sollicita, *elisam Felicitatem cum vidisset, accessit, & manum ei tradidit, & sublevavit illam.* His denique verbis, quibus nulla magis fortissimam Martyrem sanctissimamque decebant, Fratrem adlocuta est: *In fide stete, & invicem omnes diligite; & passionibus nostris ne scandalizemini.* Si, uti saepius dictum est, ut ex fructibus naturam arboris, ita ex visionum & revelationum fructu, quo Propheta fuerit Spiritu adflatus, agnoscere ac dijudicare debemus: quis amplius dubitabit, Spiritu Sancto plenam fuisse Perpetuam; eumque divinum Spiritum causam illi uberemque fontem exstitisse caelestium revelationum? Malignus enim Spiritus non has illi visiones immisisset, ex quibus ad Martyrii tolerantiam, ad seculi contemptum, & ad omnium Christianarum virtutum actus inflammata plurimum est; ex quibus fidei, spei, caritatis, religionis, modestiae, patientiae seges amplissima germinavit; ex quibus nihil non sanctum profluxit, nihil denique, quod cum Ecclesiae utilitate con-*

junctum omnino non esset. *Numquid colligunt de spinis uvas, aut de tribulis ficus? Sic omnis arbor bona fructus bonos facit: mala autem arbor malos fructus facit. Non potest arbor bona malos fructus facere: neque arbor mala bonos fructus facere.* Matthaei capite septimo v. 16. & seqq.



CAPUT



CAPUT SEPTIMUM.


Perpetuam Sociosque Martyres Prophetico fuisse Spiritu adflatos, ex Vaticiniorum eventis, & miraculis demonstratur. Eorum doctrinam, & conversationem fuisse a Montanistarum Dogmatis, & institutis perquam alienas.

- I. **P**erpetuae revelationibus eventus in omnibus & ad amissim responderunt.
- II. De Miraculis, quae in nostrorum Martyrum Actis referuntur.
- III. Non modo Martyrum, sed aliorum quoque Fidelium animas, Perpetuam & Saturum in Paradiso vidisse.
- IV. Cum Catholicis Martyribus communicasse.
- V. Dinocratis animam in aeternam gloriam Perpetuae precibus fuisse translata.
- VI. Optatum Episcopum in Actis memoratum Catholicis praefuisse. Nullum id temporis fuisse Carthagine Montanistarum Episcopum.
- VII. Nostrorum Martyrum in carcere victus communis, & usitatus, & a Montanistarum de Jejunio legibus maxime abhorrens.

VIII. De Catholicae Ecclesiae in suis alendis fovendisque Confessoribus, sollicitudine.

IX. Catholicos Martyres paratum sibi Fidelium pietate cibum, imo & delicias, neutiquam respuisse.

X. Disputationis ἀνακεφαλῶσις.

- I.  Ost mores Prophetarum, eorumque visio-
num fructus, ex quibus maximum semper
in hisce controversiis praejudicium existi-
tit; ex oraculorum eventu prima Prophe-
tici Spiritus nascitur conjectura. Nam si
effectu oracula careant, illico animum du-
bitatio subit, num Prophetæ mentem Spiritus Sanctus ad-
flaverit, an potius aut maligni Spiritus seductio, aut hu-
mani sensus deceptio fuerit. Saepius memoratus Asterius
Maximillae Spiritum hoc potissimum argumento falsitatis
convincit, quod non responderit Vaticiniis effectus. Ete-
nim cum illa post suum obitum bella, & tumultus immi-
nere praedixisset, diuturnam pacem cum Imperium obti-
nuit, tum Christiana Respublica. „In eodem quoque libro,
*inquit Eusebius de Asterii adversus Montanistas lucubrationi-
bus loquens* ⁽¹⁾ „postquam nonnulla ad falsam illam Maximil-
lae Prophetiam convincendam interfertur, tum tempus
„ ipsum, quo haec scripta sunt, designat, tum Mulieris illius
„ Vaticinia commemorat, quibus bella, & tumultus immi-
„ nere praedixerat. Quorum quidem Vaticiniorum falsita-
„ tem convincit his verbis: *Nonne, inquit, etiam hoc men-
dacium omnibus manifestum apparuit? Etenim ab obitu Maxi-
millae usque in hunc diem plusquam tredecim anni jam elapsi*
sunt:

(1) Ἐν ταύτῃ δὲ πάλιν ἑτέρα μεταξὺ πρὸς ἐλογχὴν τῶν τῆς Μαξιμιλλῆς ψευδοπροφητιῶν ἀ-
πὼν, ἐμὲ τὸν τι χρέον, καὶ ἐν ταύτῃ ἔγγραφοι σημαίνει καὶ τὴν προέβλεπον αὐτῆς μέλλον-
ται, διὰ τὸν πολέμου ἵστανται καὶ ἀκαταστάσεις προειμνησμέναι. ὅτι καὶ τὴν ψευδοπροφητίαν
ἐκδύναμι ἀπὸ λόγου. „καὶ πῶς δὲ καταφανὲς ἔδει γίνεσθαι καὶ τὸ τοῦ ψεύδους πάλιν γὰρ δὲ
„ τρισκαίδεκά εἰς ταύτην τὴν ἡμέραν, ἐξ ἧς τετελεύτησεν ἡ γυνὴ καὶ ὅτε μεμνημένη ὅτι
„ καὶ

Pro SS. Perpetua, Felicitate, &c. 165

sunt: nec tamen ullum aut particulare bellum, aut universale in terris fuit. Imo Christianis praecipua quadam Dei misericordia pax stabilis & firma permansit. „ Atque haec in secundo „ leguntur libro. Contra vero Ecclesia Smyrnenfis, Polycarpum ⁽¹⁾ *Doctorem Apostolicum, & Propheticum fuisse*, inde demonstrat, quod *omne verbum, quod ex ore suo emisit, aut impletum esset, aut expectaretur implendum.* Eodem & nos argumento Martyres nostros Prophetico perfusos fuisse Spiritu demonstrabimus. Siquidem quidquid eis revelatum est, & omne verbum, quod ex ore suo emiserunt, ἐτελεσθή, *impletum est*; quamquam ex eorum genere essent, quorum praenotio ad divinam tantum Sapientiam pertinet; cuiusmodi sunt futura contingentia, ea praesertim quae ex libera ipsius Dei, aut hominum voluntate dependent. Quum adhuc in incerto res versaretur, an passio futura esset, an commeatus, passionem esse futuram Perpetua priore sua revelatione intellexit; & passio reapse sequuta est. Nec solum passi sunt Martyres, sed eo etiam ordine, quo illos Perpetua passuros esse praevidit: Saturum enim priorem scalam adscendere Perpetua conspexit; prior autem reipsa, ut Passionis Auctor observat, Martyrium Saturus consummavit: *Saturus, qui & prior Scalam ascenderat, prior redidit spiritum. Nam & Perpetuam sustinebat.* Hilarianus Procurator universos jam pronuntiaverat & damnarat ad bestias; quum altera, sancta eadem Perpetua, revelatione cognovit, *se non ad bestias, ut ait, sed contra Diabolum pugnaturam*; id est, supremum sibi durissimumque certamen adversus bestias non fore; sed adversus Diabolum, quo cum sibi visa fuerat in arena luctari. Res ut praevisa est, ita evenit: bestiis objecta, nullum ab eis dolorem experta est; sed

„καθολικός κόσμος γένοιτο πόλεμος· ὡς δὲ καὶ ἡ Χριστιανὴ μαῖσσην ἀνελὼν διαίματος ἐξ ὧντος „Θεοῦ, καὶ ταῦτα δὲ ἐν τῷ θειοτέρῳ συγγράμματι. Lib. v. Hist. Eccl. Cap. xvi.

(1) Διδάσκαλος ἀποστολικὸς καὶ προφητικὸς πᾶν γὰρ ἔφησα ὃ ἐπαρῆκεν ἐν τῷ σώματι αὐτοῦ, καὶ ἐτελεσθή, καὶ τελειοῦνται. Eipst. Encyclic. de Polycarpi Martyrio.

sed acerbissimum sustinuit, quum a Gladiatore *inter costas puncta exulcravit*: cui postea jugulum praebens de Diabolo triumphavit, qui eam fuerat Gladiatoris opera adortus. Nunc illud quaero; an Basnagius hasce revelationes Perpetuam, ut in Aëis dicitur, manu sua scripsisse concedat, an prorsus neget? Si enim a Perpetua scriptas fuisse non credit: quae causa est, cur non in Auctorem Passionis, velut in impostorem id omne rejiciat, quod ejus animum offendit? Non autem Sanctos ipsos Martyres ob ea, quae illis aliena fraude tributa sunt, criminetur. Si autem revelationes suas Perpetuam in literas misisse concedit; quum eas rerum postea gestarum eventis confirmatas fuisse videat: quae causa est, cur earum Auctorem fuisse Spiritum Sanctum in dubium revocet? Nec solum Perpetuam, sed ceteros quoque ejusdem agonis Commilitones Prophetico lumine fuisse collustratos, eodem argumento facile demonstratur. Quod enim unusquisque certaminis genus optaverat, & futurum esse forte praesenserat, consecutus est. Qua de re audiendus Actorum Scriptor: *Sed qui dixerat, Petite, & accipietis, potentibus dedit cum exitum, quem quisque desideraverat. Nam si quando inter se de Martyrii sui voto fermocinabantur; Saturninus quidem omnibus bestiis velle se objici profitebatur: ut scilicet gloriosiore gestaret coronam. Itaque in commissione spectaculi, ipse & Revocatus Leopardum experti, etiam super pulpitum ab Urso vexati sunt. Satorius autem nihil magis, quam Ursus abominabatur: sed uno morfu Leopardi confici se jam praesumebat. Itaque cum Aper subministraretur, venator potius, qui illum Aprum subministraverat, subfessus ab eadem bestia, post dies Muneris obiit. Satorius solummodo tractus est. Et cum ad Ursus substrictus esset in ponte, Ursus de cavea prodire noluit. Itaque secundo Satorius inlaesus revocatur.* Haec autem Martyrum non qualicumque fuisse vota; sed vota, ut ita dixerim, Prophetica, quae non multo post subjungit, Satiri verba aperte de-

Pro SS. Perpetua, Felicitate, &c. 167

demonstrant: *Item Satorius in alia porta militem Pudentem exhortabatur dicens: Adsum certe sicut promisi, & PRAEDIXI: „ nullam usque adhuc bestiam sensi; Et nunc de toto cor- „ de credas. Ecce prodeo illo, & ab uno morfu Leopardi „ consumor. Vaticinio respondit eventus, ut enim Passio- nis Auctor subjungit: Statim in fine spectaculi Leopardo ob- jectus, de uno morfu ejus tanto perfusus est sanguine, ut po- pulus revertenti illi secundi baptismatis testimonium reclama- verit: saluum lotum, saluum lotum. Plane utique saluus erat, qui hoc spectaculo inclaruerat. Sed & quamvis ni- hil heic Propheticum intervenisset; quis tamen ad miram illam erga Martyres, & ad eorum vota suscipienda Dei Providentiam animum advertens, non statim intelligit, quam Deo placita fuerit eorum confessio, adeoque & eorum fi- des? Quum, ut ait Apostolus, sine fide impossibile sit pla- cere Deo.*

II. Est & aliud magni sane ponderis argumentum, ex quo Prophetis maxima accedit auctoritas, & ex miraculis conficitur, quae vel per ipsos, aut pro ipsis ipsa per se Di- vina Omnipotentia demonstravit. Haec autem, quibus nul- la sunt Martyrum Acta quae non abundant, nostris quoque Martyribus non defuerunt, ut vel ex modo dictis jam con- stat. Non enim absque miraculo factum est, ut Aper in Sa- turum immissus, in ipsum potius venatorem iras & impetum verteret: & quod Ursus in eundem incitatus de cavea pro- dire noluerit. Et est heic minus, quam ubi de visionibus agunt, de Actorum fide dubitandum; quum res in propatulo & in medio Amphitheatro gestas referant, quas nemo illo- rum temporum Scriptor, vel impudentissimus, confingere ausus fuisset. Est & illud inter miracula computandum, quod a ferocissima Vacca Perpetua cum vexaretur, adeo in ecstasi fuerit, ut nullum doloris sensum experta sit. Unde quod jam evenerat, non prius credidit, nisi quasdam notas vexationis in corpore & habitu suo recognovisset. Est & hoc palam,

palam, & in media arena, & stupentibus omnibus gestum. Neque res tam mira, ne forte illam Basnagius in Montanismi suspensionem trahat, in aliis Martyribus ab omni id genus suspitione liberis, exemplo vacat. Geminus omnino est huic Actorum nostrorum loco alter de Beata Blandina in Epistola Lugdunensium, ubi narrant; quomodo & ipsa ⁽¹⁾, *reticulo inclusa, Tauro objecta est: a quo diu in altum iactata, nihil jam eorum, quae fiebant, penitus sentiens, tum ob spem & comprehensionem eorum quae credebatur bonorum, tum ob familiarem congressum, quem cum Christo in oratione habebat, tandem & ipsa victimae instar jugulata est.* Adempti etiam in poenis doloris sensus insigne habemus exemplum in eadem Blandina, quae, ut est in laudata Epistola Lugdunensium ⁽²⁾, *instar generosi cujusdam athletae, in ipsa confessione vires atque animos resumebat.* Eratque ei *refectio & quies, sensumque omnem praesentis doloris adimebat prolatio horum verborum: Christiana sum, & nihil apud nos mali geritur.* Non minus insigne illud, quod de Theodoro in Ecclesiasticis Historiis ⁽³⁾ memoriae proditum est. Jussu enim Salustii Praetorio sub Juliano Praefecti, diu & crudelissime tortus, laeto inter tormenta & sereno vultu illum Psalmi versiculum iterabat: „Confundantur omnes, qui adorant scul-
ptilia, & qui confidunt in simulacris suis: *Hunc Theodorum,* inquit Rufinus, *ipsi nos postmodum apud Antiochiam vidimus, & cum requireremus ab eo, si sensum doloris habuisset, ex integro dicebat: dolores se quidem parum sensisse; adstetit*
se

(1) Τὸ τελευτῶν εἰς γύργαν βληθεῖσα, ταύτῃ περιβλήθη· καὶ ἰκανῶς ἀναβιβάται πρὸς τοῦτον, καὶ διὰ αὐτῶν ἐστὶ τῶν συμβαινόντων ἡ ἔκστασις διὰ τὴν ἐλπίδα καὶ ἰσχυρῶς τῶν περὶ αὐτὴν καὶ ἐμὴν πρὸς Χριστὸν, ἐν τούτῳ καὶ αὐτῇ.

(2) Ἀλλ' ἡ μακαρία εἰς γενναίως ἀθλητικῶς ἀντιτάξεν ἐν τῇ ὁμολογίᾳ, καὶ ὅτι αὐτῆς ἀνδραγαθίας, καὶ ἀντάστατος καὶ ἀνταγωνιστῆς τῶν συμβαινόντων, τὸ λέγειν ἐστὶ Χριστιανὴ εἰμι. καὶ παρ' ἐμὴν οὐδὲν φανερὸν γίνονται.

(3) Rufin. lib. 10. Hist. Eccle. cap. xxxv. S. Augustinus lib. xviii. de Civitate Dei cap. 111. Socrates lib. 3. Histor. Eccle. cap. xviii. & xix. Sozomenus lib. v. cap. xix. & xx. Theodoret. lib. 3. Hist. Eccle. cap. x. & xi.

Pro SS. Perpetua, Felicitate, &c. 169

se autem quemdam juvenem, qui sudanti sibi linteo candidissimo & sudores extergeret, & aquam frigidam frequenter infunderet: & ita se esse delectatum, ut tunc moestior factus sit, quando deponi de equuleo jussus est. Denique Sanctus Flavianus, cujus supra mentio non semel facta est, hanc ipse suam revelationem narrat (1): *Quum adhuc Episcopus noster solus passus fuisset, ostensum est mihi hoc, quasi Cyprianum ipsum interrogarem, an pati ictus doleat; scilicet Martyr futurus, de passionis tolerantia consulebam, qui mihi respondit, & dixit: Alio caro patitur, quum animus in caelo est. Nequaquam corpus hoc vidit, quum se Deo tota mens devovit.* Quibus S. Martyris verbis haec adjicit Aetorum Compiler: *O verba Martyris Martyrem cohortantis! Negavit esse in passionis ictu dolorem, ut qui & ipse habebat occidi, animari constantius posset, quod nec parvum sensum doloris in passionis ictu timeret.* In caelo Perpetuae non minus quam Cypriani fuisse animum, quum bestiis objecta, & ab eis vexata, nullo doloris sensu adfecta est, S. Augustinus sibi facile persuasit, qui hunc Aetorum locum his verbis illustrat (2): *Ubi erat illa Femina, quando ad asperrimam Vaccam se pugnare non sensit, & quando futurum esset quod jam fuerat, inquisivit? Ubi erat? Quid videns ista non viderat? Quo fruens ista non senserat? Quo amore alienata, quo spectaculo avocata, quo poculo inebriata, &c.*

Inter miracula etiam referri debet immaturus Felicitatis partus. Quamvis enim feminam acerbum fetum emittere, miraculum absolute non sit; circumstantiae tamen cum quibus Felicitatis partus conjunctus fuit, ipsum ex speciali Dei Providentia, & non secundum communes & ordinarias naturae leges exstitisse, plane suadent. Nam *statim post orationem*, quam Martyres ad Deum fuderant ut par-

Y

tum

(1) Apud Ruin. in Actis Ss. Montani, Lucii, &c. §. xxi.

(2) Scrm. cclxxx. alius 103. de Divers.

tum acceleraret, dolores eam invaserunt. Qua de re audientis laudatus idem Sanctus Augustinus ⁽¹⁾: *Denique editus est partus immaturo mense maturus. Actum est enim divinitus, ut non suo tempore onus uteri poneretur, ne suo tempore honor Martyrii differretur. Actum est, inquam, divinitus, ut indebito die fetus ederetur, dum tamen tanto comitatus debita Felicitas redderetur, &c.*

Denique sine miraculo factum non esse videtur, ut cum Pater, ultra modum iratus, infantem Perpetuae reddere noluisse, ut apud illam, sicut antea, in carcere permaneret, & ab ea lactaretur, nullus aut ex lactis subtractione puerum, aut ex mammarum fervore matrem dolor invaderet: *Tunc quia consueverat a me insans mammas accipere, & mecum in carcere inanere, statim mitto ad Patrem Pomponium Diaconum, postulans infantem: Sed Pater dare noluit, & quomodo Deus voluit, neque ille amplius mammas desideravit; neque mihi fervorem fecerunt: ne sollicitudine infantis, & dolore mammarum macerarer.* Quae sane omnia si quis pro veris miraculis haberi nolit; illud saltem fateatur necesse est, specialem hinc ostendi Divinae bonitatis erga suos Martyres Providentiam. De rerum autem gestarum fide, ipsa narrationis simplicitas, quae potissimum in Perpetuae verbis elucet, dubitare non sinit.

III. Argumenta, quae hactenus prosequuti sumus, generatim ostendunt, Perpetuae Sociisque Martyribus Propheticum Spiritum neutiquam defuisse: quae modo subjiciam, aperte demonstrant, quam longissime a Montanistarum doctrinis & institutis Sanctos eosdem Martyres abfuisse. Montanistarum sententia fuit, ut ex Tertulliano saepius dictum est, solos ante diem Judicii sollemnis in caelum Martyres recipi. Quam opinionem idem Tertullianus in libro de Anima Perpetuae *fortissimae Martyris* auctoritate

(1) Script. cclxxxii. al. de Divers. 104.

Pro SS. Perpetua, Felicitate, &c. 171

tate confirmat; quae, inquit, *sub die passionis in revelatione gloriae Paradisi solos illic Commartyres suos vidit*. Sed aut fallitur aperte Tertullianus, aut fallit: solos enim se in Paradiso vidisse Martyres, Perpetua non dicit: quin oppositum clare & aperte testatur: *Et coepimus illic multos fratres cognoscere, sed & Martyres*. Igitur non solos ibi Commartyres, sed & Confratres etiam, eosque non paucos, Perpetua, seu potius Satorius vidit: hanc enim revelationem Satorius accepit, & manu sua literis consignavit. Cur autem specialem de Martyribus mentionem faciant, ratio in promptu est. In ipso Paradisi limine quatuor Martyres, paullo ante in eadem Severi persecutione consummatos, obvios habuerant, a quibus de ceteris cum requisissent, moniti sunt ab Angelis, ut prius introirent, & Dominum salutarent: *Ibi invenimus Iocundum, & Saturninum, & Artaxium, qui eandem persecutionem passi, vivi arserunt; & Quintum, qui & ipse Martyr in carcere exierat; & quaerebamus ab illis, ubi essent ceteri*. Dixerunt autem nobis Angeli: *Venite prius, introite, & salutate Dominum*. Quae ubi facta sunt, multos se fratres vidisse, testantur, sed & nominatim Martyres, quo scilicet desiderio suo factum fuisse satis, apertius luculentiusque declarent. Quamvis mirum esse non debeat, si animus de Martyrii candida laetus, & Martyrio proximus in Martyrum praemium specialiter oculos intenderit, & de Martyrum gloria specialiter ac distincte loquatur. Ad quae enim adficatur animus, ea libenter recolit, & saepe ac frequenter usurpat.

IV. Est aliud, quod in hac Satori visione animadvertam, in quo non parum momenti inesse videtur, ad nostrorum Martyrum orthodoxiam adversus Basnagium vindicandam. Vult enim ipse, nullam Montanistis cum Catholicis etiam Martyribus consuetudinem intercessisse, sed omnem eorum communionem, ut quos ludibrio & contentui habebant, & tamquam Psychicos traducebant, esse averfatos.

Si ita est, non Saturum modo, & Perpetuam, Sociosque Martyres; sed & Jocundum, & Saturninum, & Artaxium, & Quintum, & ceteros Martyres, quos requirebant, & quorum postea gloriam viderunt, & in eadem Severi persecutione passi jam fuerant, Montanismi reos agere debebimus. Nam Saturus, & Perpetua suae tantum communionis Martyres requisivissent. Quare aut praedictos omnes Martyres de Montanistarum grege fuisse dicemus, aut omnes pariter in Catholicorum Martyrum album referemus. Quis autem ob leves quasdam, quae Basnagio in mentem venerunt, conjecturas, tot e Catholicorum Diptychis expungi Martyres, & ex eis Montanistarum ditari Laterculos, patienter & aequo animo ferat?

V. Sed ut institutum superius argumentum prosequamur; & ex Perpetuae revelationibus, secus atque habebat Montanistarum doctrina, non solos in caelo fuisse Martyres collocatos, luculentius demonstremus: in memoriam nobis ea Sanctae Martyris visio reducenda est, qua fratrem Dinocratem intellexit, translatum esse de poena. Locum, enim, & gloriam, ad quae fuerat translatus, iis Perpetua verbis describit, quibus aperte significatur, in eundem locum, & gloriam ipsum fuisse receptum, in quibus postea Martyres Saturus vidit, ut ex utriusque visionis collatione manifeste liquet. Sic enim de sua visione Perpetua: *Video locum illum, quem videram tenebrosum, esse lucidum; & Dinocratem mundo corpore, bene vestitum, refrigerantem. Et ubi erat vulnus, video cicatricem; & piscinam illam, quam retro videram, submisso margine usque ad umbilicum pueri; & aquam de ea traherat sine cessatione, & super margine phiala erat plena aqua; & accessit Dinocrates, & de ea bibere coepit, quae phiala non deficiebat. Et satiatus abscessit de aqua ludere, more Infantium gaudens.* Iis omnino consona sunt, quae postea Saturus vidit: *Et venimus, inquit, prope locum, cujus loci parietes tales erant, quasi de luce aedificati,*
& an-

Pro SS. Perpetua, Felicitate, &c. 173

& ante ostium loci illius quatuor Angeli stabant, qui introeuntes vestierunt stolas candidas. Et nos vestiti introivimus, & vidimus lucem immensam, &c. Et dixerunt nobis Seniores: *Ite, & ludite*. Et dixi: *Perpetua, habes quod vis*. Et dixit mihi: *Deo gratias, ut quomodo in carne hilaris fui, hilarior sum & hic modo*. Et infra: *Et dum loquimur cum eis, dixerunt illis Angeli: Sinite illos, refrigerent . . . Universi odore inenarrabili alebamur, qui nos satiabat*. Quam bene sibi concinunt Perpetuae de Dinocratis, & Saturi de Martyrum gloria revelationes! Locum, in quo Dinocratem Perpetua vidit, lucidus erat: loci illius, in quo Martyres Saturus vidit, parietes tales erant, quasi de luce aedificati. Dinocrates mundo corpore erat, & bene vestitus: Martyres Angeli stolis candidis induerunt. Dinocrates satiatus infantium more ludebat: Perpetuam, & Saturum Seniores, ut luderent, hortabantur: Dinocratem Perpetua se refrigerantem adspexit: de Perpetua, & Saturo Angeli: *Sinite, illos, inquit, refrigerent*: De aqua Dinocrates sine cessatione bibebat, eoque potu veluti inebriabatur: Perpetua, & Saturus odore inenarrabili alebantur, qui eos mirifice satiabat. Quis neget, sub adeo consonis symbolis, & figuris eandem fuisse gloriam repraesentatam? Quis neget, aquam, ad quam primum Dinocrates anhelabat, quam postea sine cessatione bibebat, qua satiebatur, quae numquam ei deficiebat, perennem illum aeternae vitae fontem adumbrasse, & voluptatis torrentem, de quo olim Propheta cecinit (1): *Inebriabuntur ab ubertate domus tuae, & torrente voluptatis tuae potabis eos: quoniam apud te est fons vitae, & in lumine tuo videbimus lumen*? Quibus utique verbis non aliam, quam caelestem, id est, beatæ aeternitatis, & clarae Dei visionis gloriam, felicitatemque descripsit. Quum itaque Martyr, Dinocrates non obierit; falsum omnino est, quod ait

(1) Psalm. xxxiii. 10.

ait Tertullianus, solos Perpetuam in Paradiso Martyres vidisse: falsum, quod ait Basnagius, Perpetuam, ex Montanistarum opinione, omnes extra Paradisum in loco tenebroso, praeter Martyrum, animas collocasse: & falsum denique erit, Perpetuam, eosque Martyres, qui se mortis socios ipsi addidere, e schola processisse Montanistarum, eorumque inibutos fuisse dogmatibus, & disciplina.

VI. Ex eadem Saturi visione alia mihi nascitur conjectura, qua facile suadeam, Perpetuam, Sociosque Martyres a Montanistarum communione fuisse per quam alienos, sed in Ecclesiae Catholicae pace atque unitate & vitam duxisse, & gloriosum pro Christo sanguinem effudisse: *Et exivimus*, inquit Saturus, *& vidimus ante fores Optatum Episcopum ad dexteram, & Aspasium Presbyterum Doctorem ad sinistram, separatos, & tristes: & miserunt se ad pedes nobis, & dixerunt nobis: componite inter nos, quia existis, & sic nos relinquitis. Et diximus illis: non tu es Papa noster, & tu Presbyter, ut quid vos ad pedes nostros mittatis? Et misimus nos, & complexi illos sumus . . . Et dum loquimur cum eis, dixerunt illis Angeli: Sinite illos, refrigerent; & si quas habetis inter vos dissensiones, dimittite vobis invicem; & conturbaverunt eos. Et dixerunt Optato: Corrige plebem tuam, quia sic ad te conveniunt quasi de circo redeuntes, & de factionibus certantes. Optatum istum Carthaginensium Montanistarum Episcopum, & Aspasium ejusdem Sectae Presbyterum Basnagius facit, & alterutrum existimat nostrorum Martyrum Acta concinnasse. Contra eruditissimus Pagius ex subministrata sibi a Cl. Abbate Ludovico de Four observatione docet, Carthaginensium, utique Catholicorum, Optatum fuisse Episcopum, & Agrippini successorem: & ex hisce Actis supplendum eorumdem Episcoporum Laterculum apud Schelstratium in Dissert. De Ecclesia Africana. Hanc opinionem sequendam omnino existimo, eamque inde confirmo, quod nullus tunc fuisse vide-*

Pro SS. Perpetua, Felicitate, &c. 175

deatur Carthagine Montanistarum Episcopus. Nullius profecto in suis libris umquam meminit Tertullianus, quin nulum tum fuisse, pluribus in locis manifestissime indicat. Id enim evidentissime mihi colligere videor ex iis omnibus locis, in quibus traditionum auctoritatem adversus Haereticos urget. Vult enim Christum doctrinam suam, Apostolis communicasse: Apostolos Viris Apostolicis, quos per singulas Civitates Episcopos constituerunt; hos vero suis Successoribus, idest iis, qui deinceps Viris Apostolicis ordinatione legitima successerunt. Statuit, eas dumtaxat Ecclesias pro veris, & Apostolicis existimandas, quae in suis Fastis digerendis Episcoporum Catalogum ad aliquem vel ex Apostolis perduxerint, vel ex Apostolicis Viris, qui tamen cum Apostolis perseveraverint; aut si serius fuerint institutae, traducem fidei ab Apostolicis Ecclesiis acceperint, & ab earum deinceps communione numquam exciderint; cujusmodi erant Ecclesiae Africanæ, quae ad Romanam Ecclesiam suam originem referebant. Urget Haereticos, ut suarum Ecclesiarum origines edant, & Episcoporum Catalogum, aut ad Apostolos perducant, vel ad Apostolicos viros, vel primum sibi Episcopum ab Ecclesiis Apostolicis datum, una cum fidei semine, ostendant. Ita adversus Haereticos argumentatur, tum libro de Praescriptionibus ⁽¹⁾, tum libro quarto contra Marcion. ubi Marcionitas his inter cetera verbis lacepsit ⁽²⁾: *Habet plane & illud Ecclesias, sed suas, tam posteras, quam adulteras, quarum si censum requiras, facilius Apostaticum invenies, quam Apostolicum, Marcione scilicet conditore, vel aliquo de Marcionis examine. Faciunt favos & vespaee, faciunt Ecclesias & Marcionitae.* Hoc utique argumento numquam Tertullianus fuisset usus, si suum Episcopum, a Catholico Episcopo separatum, Montanistae Carthaginenses id temporis habuissent; quum nihil proclivius

(1) Cap. xxxii. & seqq.

(2) Cap. v.

vius fuisset & facilius, quam illud in suum regerere auctorem, & Montanistas urgere, ut suorum Episcoporum catalogum, ederent, num forte originem suam vel Apostolis, vel Apostolicis viris, aut saltem Apostolicis Ecclesiis deberent; an potius Montano, vel alicui de Montani examine. At Tertullianus, ut supra ostendimus, non se adhuc putabat ab Apostolicarum Ecclesiarum communione praecisum, & ex Catholicis, & Montanistis unum conflare arbitrabatur Ecclesiae corpus: quod in diversis membris diversis institutionibus regeretur; nec disciplinarum varietatem, salva fidei regula, Ecclesiarum laedere unitatem: unde illa ejus vox de Apostolicis Ecclesiis loquentis: *Una Ecclesia sumus* ⁽¹⁾. Sed quomodo una Ecclesia, si Cathedram adversus Cathedram erexissent, & Episcopum adversus Episcopum constituisent?

Verum, quemadmodum Tertullianus, ubi contra Haereticos disputat, Episcoporum ordinem extollit; ita in libris adversus Catholicos deprimit, ac fere Laicis peraequat: adversus Haereticos disputans, nullam sine Episcopis Apostolicis veram agnoscit Ecclesiam; qui tamen in libris adversus Catholicos Ecclesiam in tribus Laicis constituit: ut libro de Exhort. Castit. ⁽²⁾ *Ubi tres, Ecclesia est, licet Laici*. Et libro de Fuga in persecut. ⁽³⁾ *Non potes discurrere per singulos, sit tibi & in tribus Ecclesia*. Et lib. de Pudicit. ⁽⁴⁾ *Non Ecclesia numerus Episcoporum*. Cogitanti mihi, cur adeo sibi contraria in hisce libris effutiret, id unum ad animum occurrit. Quum Catholici Episcopi Montanistas a communione repellerent, neque ipsi alium suae Sectae haberent Episcopum, hoc ad solatium suum excogitasse, nullam esse jure Divino Clericorum in Laicos potestatem, nullam, quae in caussa necessitatis Laicos constringeret. Ita enim fiebat, ut

(1) Lib. de Virginit. Veland. cap. ii.

(2) Cap. vii.

(3) Cap. xiv.

(4) Cap. xxi.

Pro SS. Perpetua, Felicitate, &c. 177

ut Laici communione a Clericis segregati, ipsi sibi Clerici essent, ipsi Sacerdotes, ipsi & tingerent, & offerrent; nullaque proinde eos obligatio manebat, ut se Sacramentorum recipiendorum gratia, Clericorum deinceps arbitrio permitterent: *Nonne*, inquit loco cit. de Exhort. Cast. *Et Laici Sacerdotes sumus? Scriptum est*: Regnum quoque nos & Sacerdotes Deo & Patri suo fecit. *Differentiam inter Ordinem, & Plebem constituit Ecclesiae auctoritas, & honor per Ordinis confectum sanctificatus*: adeo ubi Ecclesiastici Ordinis non est confectus, & offert, & tinguis, & Sacerdos es tibi solus. Sed ubi tres, Ecclesia est, licet Laici. Unusquisque enim sua fide vivit; nec est personarum acceptio apud Deum, &c. Igitur si habes jus Sacerdotis in te metipso ubi necesse est; habeas oportet etiam disciplinam Sacerdotis, ubi necesse sit habere jus Sacerdotis. Digamus tinguis? Digamus offers? Quanto magis Laico digamo capitale est agere pro Sacerdote, quum ipsi Sacerdoti, digamo facto, auferatur agere Sacerdotem? Annon haec optima conjectura est, nullum tum fuisse Carthagine Montanistarum Episcopum? Etenim si adversus Haereticos Episcopalis Ordinis auctoritas urgenda est, Catholicorum Indices proferuntur. Si pro Montanistis adversus Catholicos decertandum, Episcoporum auctoritas contemnitur, & Ecclesia in tribus Laicis constituitur. Optatus itaque Episcopus, qui in Actis nostrorum Martyrum memoratur, perperam fuisse dicitur Montanistarum Carthaginensium Episcopus: sed Catholicae communioni praesuit. Id quod etiam iis Angelorum verbis confirmatur, quibus jubetur plebem suam corrigere, quia sic, inquit, ad te conveniunt, quasi de circo redeuntes, & de factionibus certantes. Haec enim verba non in eum bene conveniunt, qui paucorum hominum sectae praeesset, qualis tunc erat in Africa Montanistarum: sed qui populum, & multitudinem gubernaret, qua se merito Catholici, ut ex eodem Tertulliano discimus ⁽¹⁾, efferebant. Jam vero hoc

Z

ar-

(1) Lib. de Jeuniis cap. xi.

argumento liquere puto, Perpetuam, & Saturum, Socioſque Martyres Catholicae communionis fuiſſe, non autem de grege Montaniſtarum: quum eorum Catholicus Episcopopus curam gerat, ad eos adcurrat, cum eis communicet, ad eorum ſe pedes mittat, ſermones cum eis miſceat, eorum denique opem imploret; & ipſi Martyres ſuum expreſſe Papam & Episcopum appellent.

VII. Poſtrema pro Sanctis Martyribus conjectura naſcitur, cum ex Eccleſiae ſollicitudine, ut ſplendide in carcere Sancti Martyres & liberaliter tractarentur; tum ex facilitate, qua exhibitum ſibi refrigerium ipſi Martyres admittebant, ab omni prorſus moroſitate alieni, quae in hypocritis, & Haereticis, iis praefertim, qui ſe morum gravitate, & diſciplinæ aſperitate jaſtant, ut erant Montaniſtae, ſolet ut plurimum eminere. Actorum loca, quae huc pertinent, adnotanda ſunt. N. III. *Ibi tunc Tertius, & Pomponius benediſti Diacones, qui nobis miniſtrabant, conſtituerunt pretio, ut paucis horis emiſſi, in meliorem locum carceris refrigeraremus.* N. IX. *Deinde poſt paucos dies Pudens miles Optio prae-poſitus carceris, qui nos magni facere coepit, intelligens, magnam virtutem eſſe in nobis, multos fratres ad nos admittebat, ut & nos, & illi invicem refrigeraremus.* N. XVI. *Quum a Tribuno caſtigatius eo tractarentur, quia ex admonitionibus hominum vaniſſimorum verebatur, ne ſubtraherentur de carcere incantationibus aliquibus magicis; in ſuciem reſpondit Perpetua, & dixit: Quid utique non permittis refrigerare noxiis, nobiliſſimis, Caefaris ſcilicet, & Natali ejusdem pugna-
,, turis? Aut non tua gloria eſt, ſi pinguiores illo produ-
,, camur? Horruit, & erubuit Tribunus, & ita juſſit illos humanius haberi, ut fratribus ejus, & ceteris facultas fieret introeundi, & refrigerandi cum eis, jam & ipſo Optione carceris credente. & N. XVII. *Pridie quoque cum illa coena ultima, quam liberam vocant, quantum in ipſis erat, non coenam liberam, ſed agapen coenarent, &c.**

Pro SS. Perpetua, Felicitate, &c. 179

VIII. Quam haec consentanea sunt vetustissimae Ecclesiae Catholicae disciplinae, quae maximam semper, & maternam erga Confessores in vinculis constitutos ostendit sollicitudinem; tam aliena videntur ab asperrimis in speciem Montanistarum institutis. Lucianus in Epistola de morte Peregrini, veterum Christianorum erga fratres suos pro fide in vinculis positos, pietatis & caritatis officia, quamvis ea nefarie deridens, graphice tamen his verbis luculentèque describit (1): *Magistratus autem eorum etiam intus cum eo con-*
dormiebant, custodibus corruptis: dein coenae variae introdu-
cebantur, & sacri eorum sermones dicebantur. . . . Aliqui
etiam ex quibusdam Asiae Civitatibus venerunt, & communi mit-
tentibus Christianis, qui Viro opem ferrent, ipsumque defende-
rent, & consolarentur. Incredibilem autem quamdam celeri-
tatem ostendunt, si quid tale publicum contingat. Illico enim
nulli rei parcunt. Proinde Peregrino tunc multae pecuniae mit-
tebantur, & non exiguum proventum hunc lucrificet. Sed
Christianos hac de re differentes audiamus. S. Cyprianus
pluribus Epistolarum suarum locis veteris hujus Ecclesiae
consuetudinis meminit, & in haec non minus quam in alia
curae Pastoralis officia sedulo ac sollerter incubuit. Ita
enim hac de re praecipit Epistola quinta, quam e secessu
scripsit ad Clerum: Quantum autem ad sumtus suggerendos,
sive illis, qui gloriosa voce Deum confessi, in carcere sunt
constituti; sive iis, qui pauperes & indigentes laborant; pe-
to nihil desit: quum summa omnis, quas redacta est, illic sit
apud Clericos distributa propter ejusmodi casus: ut haberent
plures, unde ad necessitates, & pressuras singulorum operari

Z 2

possint

(1) Οἱ δ' ἐν τῇ αὐτῇ καὶ συνεκάθοντο ἐνδον μετ' αὐτὸν διασπείροντες τὰς δεσμοφυλάκας. αὐτὰ δὲ πάντα παικίλῃ ἀσπασίζετο, καὶ λόγοι ἐπὶ αὐτῶν ἐλάλοιστο. . . . Καὶ μὴ οὐ τῶν ἐν Ἀσίᾳ πόλεων ἔστιν ὅντιναι τινες, τῶν Χριστιανῶν συλλέγοντες ἀπὸ τοῦ κοινῆς, διεδώσαντες καὶ ἐμπροσθεν τοῦ καὶ παραμυθούμενοι τὸν ἄνδρα. Ἀνέχοντο δὲ καὶ τὰ τὰς πόλεων ἐκείνων. οὕτως ἐπὶ αὐτῶν τι τοιούτων γίνεσθαι δεμίστου, ἐν βραχὺ γὰρ σφραδίζετο πάντων. Καὶ δὲ καὶ τῷ Πιργρίνῳ πολλὰ τέτι καὶ χρήματα παρ' αὐτῶν ἐπὶ πρὸς τὰ καὶ δεσμοῦ, καὶ πρὸς τοῦτον ἀποκρίναι ἐποιήσατο.

possint. Is porro erat Christianae Plebis erga Confessores adfectus, ut non ei hac in parte stimulos addere, sed fratrum ad carceres concursum, ad fovendos scilicet atque refocillandos Confessores, ex prudentiae legibus moderari opus esset. Unde statim subiungit: *Peto quoque, ad procurandam quietem, solertia & sollicitudo vestra non desinat: nam etsi fratres pro dilectione sua cupidi sunt ad conveniendum, & visitandum Confessores bonos, quos illustravit jam gloriosis initiis Divina dignatio, tamen caute hoc, & non glomeratim, nec per multitudinem simul junctam puto esse faciendum: ne ex hoc ipso invidia concitetur, & introeundi aditus denegetur, & dum insatiabiles multum volumus, totum perdamus. Consulite ergo & providete, ut cum temperamento hoc agi tutius possit: ita ut Presbyteri quoque, qui illic apud Confessores offerunt, singuli cum singulis Diaconis per vices alternent: quia & mutatio personarum, & vicissitudo convenientium minuit invidiam.* Et Epistola xii. ad Pamelii numeros xxxvii. de eodem argumento ita rursus scribit ad Clerum: *Quamquam sciam, vos, fratres carissimi, literis meis frequenter admonitos esse, ut gloriosa voce Dominum confessis, & in carcere constitutis omnis diligentia praebeatur: tamen identidem vobis incumbo, ne quid ad curam desit iis, quibus ad gloriam nihil deest. Atque utinam loci, & gradus mei conditio permetteret, ut ipse nunc praesens esse possem; promptus, & libens sollemni ministerio cuncta circa fortissimos fratres nostros dilectionis obsequia compleverem: sed officium meum vestra diligentia repraesentet, & faciat omnia, quae fieri oportet circa eos, quos in talibus meritis fidei ac virtutis illustravit Divina dignatio.* Et infra in eadem Epistola, Tertulli in iis pietatis officiis diligentiam, atque sollicitudinem laudat: *Quamquam Tertullus fidelissimus, & devotissimus frater noster pro cetera sollicitudine, & cura sua, quam fratribus in omni obsequio operationis impertit, qui nec illic circa curam corporum deest, &c.* Ad Diaconos haec cura specialiter pertinebat, ut non solum ex nostrorum Martyrum

Pro SS. Perpetua, Felicitate, &c. 181

tyrum Aëis, sed etiam ex ejusdem Cypriani Epistolis, & ex Dionysii Alex. Epistola ad Domitium & Didymum, ubi Eusebii Diaconi sedulitatem commendat, qui in Martyres Alexandrinos eam curam impendit, quam erga Martyres Carthagenenses Tertullus (1): *Eusebius, quem Deus jam inde ab initio roboravit, impulitque, ut Confessoribus in custodia positis ministeria strenue exhiberet; utque consummatorum, ac Beatorum Martyrum cadavera non sine capitis sui periculo sepeliret*. Tertullianus antequam se ab Ecclesia omnino abalienasset, & abruptius adversus eam disputare coepisset, in libro ad Martyras ejusdem moris cum laude meminit: *Inter carnis alimenta, benedicti Martyres designati, quae vobis & Domina Mater Ecclesia de uberibus suis, & singuli fratres de opibus suis propriis in carcerem subministrant, capite aliquid & a nobis, quod faciat ad spiritum quoque educandum*. Carnem enim saginari, & spiritum esurire non prodest. Et infra capite secundo: *Ipsam interim conversationem seculi & carceris comparemus, si non plus in carcere spiritus acquirit, quam caro amittit; imo & quae justa sunt, caro non amittit per curam Ecclesiae, & agapen fratrum*. Sed postquam sese prorsus in disciplinam Montani tradidit, & acerbius atque inveterandius cum Catholicis gerere similitates coepit: tum Ecclesiae erga Confessores caritatem longe quam Lucianus invidiosius traduxit; tum quae Christianis observanda foret in vinculis, ex Montanistarum legibus & institutis, victus & disciplinae severitas, his in libro de Jeuniis verbis exposuit (2): *Plane vestrum est, in carceribus popinas exhibere Martyribus incertis, ne consuetudinem quaerant, ne taedeat vitae, ne nova abstinentiae disciplina scandalizentur, quam nec ille Priscinus vester non Christianus Martyr adtigrat, quem & facul-*

(1) Εὐσέβιος, ὃν εἰς αἰχρὴς ὁ Θεὸς εἰσδυσίμουσι, καὶ παροτρύνοντι τὰς ὑπηρεσίας τῶν ἐν ταῖς φυλακαῖς ῥηγιμένων ἐμολογητῶν ἀναγκασίως ἀποκληθῆναι, καὶ τὰς τῶν σωμάτων περιεργασίας τῶν τελείων καὶ μακαρίων μαρτύρων ὑπὸ ἀκινδύνου ἐκτελεῖν. Apud Euseb. lib. 7. Cap. 11.

(2) Capite duodecimo.

*culcatæ custodiæ liberæ aliquandiu factum omnibus balneis quasi Baptismate melioribus, & omnibus luxuriæ secessibus quasi Ecclesiæ secretioribus, & omnibus vitæ istius illecebris quasi æternæ dignioribus, hoc puto obligatum ne mori vellet: postremo ipso Tribunalis die luce summa condito mero tamquam antidoto præmedicatum, ita enervastis, ut paucis unguis titillatus (hoc enim ebrietas sentiebat) quem Dominum confiteretur, interroganti Præsidi respondere non potueris amplius: atque ita de hoc jam extortus, quum singultus & ructus solos haberet, in ipsa negatione digestis. Haec Tert. de Catholicis, quæ quamvis ad invidiam faciendam sint ultra modum exaggerata, clare tamen ostendunt, fuisse Catholicos Martyres in vinculis, quoad per milites & custodes licebat, splendide ac liberaliter habitos. De Montanistarum vero duritia gravitateque hæc antea præmiserat: Ut ab Johanne Paracletus obmutuisset, ipsi nobis Prophetæ in hanc maxime causam exstitissemus indicentes omnem ταῦτοφ. οἰσιν quum carcer ediscendus, & fames ac sitis exercendæ, & tam inediae, quam anxii victus tolerantia usurpanda sit, ut in carcerem talis introeat Christianus, qualis inde prodisset; non poenam illic passurus, sed disciplinam; nec seculi tormenta, sed sua officia; eoque fidentior processurus ad certamen e custodia abusus nihil habens carnis, sic ut nec habeant tormenta materiam; cum sola & arida sit cute loricatus, & contra ungulas corneus; præmisso jam sanguinis succo, tamquam animæ impedimentis, properante jam & ipsa, quæ jam sæpe jejuniis, mortem de proximo norit. Haec victus austeritas, quam heic Tertullianus ex Montanistarum disciplina describit, non solum in nostrorum Martyrum Actis nullibi adparet, quin eos contra superius vidimus cibo potuque libere utentes; & quum castigati tractarentur, Perpetuam audivimus his Tribunalum verbis objurgantem, eique sancta securitate dicentem: Quid utique non permittis refrigerare noxiis nobis? immis, Caesaris scilicet, & Natali ejusdem pugnaturis? aut non
tua*

Pro SS. Perpetua, Felicitate, &c. 183

tua gloria est, si pinguiore illo producamur? Quae certe verba, praeter excellentiam animi securitatem & indolem, quam praefecerunt, mentem etiam Perpetuae demonstrant a Montanistarum institutis omnino alienam, & aliis, quam Tertullianus, cogitationibus praeditam. Quid enim adeo contrarium quam Perpetuae, & Tertulliani hac de re sensus, & verba? Ille Christianum vult ad certamen e custodia procedere, nihil habentem carnis, sola & arida cute lorica- tum, praemisso jam sanguinis succo, &c. Perpetua vero cum Tribuno de victus tenuitate exoptulat, & quamquam festi- ve, ait tamen, pinguiorem velle se in Amphitheatrum pro- duci. Ille Catholicos reprehendit, quod Pristino, ipso Tri- bunalis die, lautius convivium paraverint: Perpetua vero, Sociique Martyres, pridie quam bestiis objicerentur, coe- nam quam liberam vocabant, & quae Bestiariis lautissima parabatur, neutiquam respuerunt.

IX. In quo sane Catholicorum Martyrum consuetudi- nem sequuti sunt, qui illatos sibi cibos cum gratiarum actio- ne percipere consueverunt. Alcibiades unus e Martyribus Lugdunensibus austerum vivendi genus, quod antequam pro fide comprehenderetur, sectatus fuerat, in carcere retine- bat. Attalo autem per visionem ostensum est, non recte, neque ordine facere Alcibiadem, quod duro illo, & auste- ro, & singulari vitae genere uteretur. Testes hujus rei ha- bemus longe gravissimos, Lugdunenses ipsos atque Viennen- ses in Encyclica de Martyrio suorum, apud Eusebium, Epi- stola ⁽¹⁾: *Alcibiades quidam, unus ex illorum Martyrum nume- ro, durum & squalidum vivendi genus sectabatur: nullumque omnino cibum admittens, solo pane & aqua ad id usque tem- poris vesci consueverat. Cumque in carcere positus eandem vi- vendi rationem vellet retinere, Attalo post primum, quod in*

Am-

(1) 'Αλκιβιάδης γάρ τις ἐξ αὐτῶν, πᾶσι αὐχμηρὲν βιῶντες βίον, καὶ μὲν οὐδὲς ἄλλως τὸ πρῶτον μεταλαμβάνοντες, αἰὲν ὁ ἄνθρωπος μόνον καὶ ὕδατος χρωμένον, παρῳμῶν τε καὶ ἐν τῇ ἀρετῇ αὐτοῦ διαίον, Ἀττάλῳ μετὰ τὴν πρῶτον ἀγάσας, ἐν ἐν τῇ ἀμεριδιότητι ἵκοντι ἀπεκαλίσθη,

181

Amphitheatro consecerat certamen, revelatum est, non recte, neque ordine facere Alcibiadem, qui & creaturis Dei minime uteretur, & aliis exemplum scandali fieret. Paruit itaque Alcibiades, & cunctis deinceps cibis promiscue uti coepit, gratias agens Deo. Neque enim Divina gratia eos praesentia sua destituerat: sed consultorem habebant Spiritum Sanctum. Huic itaque eidem Spiritui nostri Martyres morem gerentes, communem illum, quem diximus, vulgaremque vitae modum, etiam in vinculis, usurparunt, ab ea vivendi ratione aperte diversum, quem suis Montanistae Martyribus praescripserunt.

X. Nunc vero, quamvis mihi jam videar, quae poterant in utramque partem de nostris Martyribus disputari, in medium protulisse: sustine tamen Lector, ut te paullisper detineam, quoad omnia, prolixius forsitan disputata, sub unum veluti conspectum ponam; & utriusque opinionis momenta, tam ejus videlicet, quae Sanctos Martyres uti Montanistas traducit, quam ejus, quae illorum patrocinium suscepit, pauca in verba conferam, utrorumque instituta comparatione. Sed prius nobis in memoriam revocare debemus, hanc unam esse ex illis controversiis, de quibus sententia tuto pronuntiari non potest, nisi ad singulas notas, & omnes circumstantias animum adverterimus, quae vel ex ipsa re in disputatione posita oriuntur, vel eam extrinsecus comitantur; de quibus sapientissima illa constituta regula est (1): quod siquidem omnes circumstantiae tales sint, quales rarissime inveniuntur cum falsitate conjunctae, Viri prudentis est, morigerum se praeberere, & ad sensum facile accommodare. Quod si e contra hae circumstantiae ejusmodi sint quae saepissime adjunctam falsitatem habent, ratio exigit, ut vel

ὅτι μὴ καλῶς ποιεῖν ὁ Ἀλκιβιάδης μὴ χροῦντος τοῖς κρίμασι τῷ Θεῷ, καὶ ἄλλοις τῷ πρὸς σκαδύλῃ ὑπελαπόμενοι. πρὸς δὲ Ἀλκιβιάδης, πάντων ἀνδρῶν μεγαλόμνητοι, καὶ πρῶτος τῷ Θεῷ. οὐ γὰρ ἀντιπαρατίτοι χροῖντος Θεῷ ὅσον, ἀλλὰ τὸ πνεῦμα τὸ ἅγιον ἦν σύμβουλον αὐτοῖς. Apud Eusebium lib. quinto Hist. Eccl. capite tertio.

(1) Vid. Logic, sive de Arte cogit. Part. IV. cap. XIII.

Pro SS. Perpetua, Felicitate, &c. 185

vel ad sensum nostrum inhibeamus, vel ut falsum judicemus quod narratur, quum nullatenus appareat illud verum esse, quamvis aliunde, quin fieri potuerit, absolute non repugnet, aut etiam reapse factum non esse, ea certitudine non constet, quam metaphysicam vocant, & qua Mathematicae facultates gaudent. Hominis enim imprudentissimi, & nullius judicii esset, ejusmodi evidentiam & certitudinem requirere in rebus contingentibus, & particularibus factis, quae in historiis narrantur, & hominum testimoniis, & fide humana nituntur.

His positis, argumenta Basnagii cum nostris argumentis, rationes cum rationibus conferemus: Aequi autem prudentisque Lectoris erit, ei causam adjudicare, cujus rationes rarissime, aut saltem rarius cum falsitate conjunctae sunt, quam quae ex adversa parte producuntur. Et quoniam cum externis, tum internis argumentis utrinque pugnatum est: externorum cum externis, & internorum cum iis, quae sunt ejusdem generis, collationem instituemus. Quod ad priora illa pertinet, sive externa; nullus equidem dubito, quin juxta regulam positam, & sapientum calculo comprobata, nobis, seu potius Sanctis Martyribus, causa adjudicanda sit. Nam quae de nostrorum Martyrum recta fide habemus externa testimonia, ejusmodi sunt, ut quamvis unum, aut alterum fallere possit, aut aliquando etiam fesellerit, omnia tamen, non dicam rarissime, sed numquam omnino inveniuntur cum falsitate conjuncta. Neque enim Martyris aliqujus, aut Confessoris adferri potest exemplum, quem Ecclesia in Sanctorum album ea, qua Perpetuam socioque Martyres, celebritate retulerit, qui deinde post quindecim ab ejus obitu secula a recta fide repertus fuerit alienus. Quare prudentiam Basnagii desideramus, quum, ad extenuandas propositi argumenti vires, exempla indicat quorundam Haereticorum, quorum nomina in sua Martyrologia quidam horumce Operum concinnatores privato judicio retulerunt. Ad argumentum enim labefactandum, quod ex publico, & uni-

versali, & per tot secula numquam interrupto Sanctorum cultu conficitur, Haereticus aliquis in medium fuisset adducendus, cujus in Ecclesia cultus non minus fuerit, quam nostrorum Martyrum, pervulgatus. Magnus Athanasius in Epistola Apologetica pro S. Dionysio Alex. ad ejus orthodoxiam adversus Arianos vindicandam, hoc imprimis utitur argumento, quod magnum, & evidentissimum existimat⁽¹⁾: *Magni certe argumenti est, in hoc illos vere non dicere, sed Virum calumniari, quod nec illumquam ab aliis Episcopis deprehensae impietatis damnatus, Episcopatu pulsus sit, ut illi e Clero ejecti sunt: neque Haeresis propugnandae causa secesserit ab Ecclesia; sed in illa pie obdormierit, ejusque memoria habita cum Patribus celebrata, & una in album relata sit. Si enim eadem, quae illi, sensisset, aut si scriptorum suorum rationem non reddidisset; minime dubium, quin eadem fuisset, qua illi, poena plectendus. An hoc etiam M. Athanasii pro Dionysio argumentum frigida hac Basnagius responsione diluisset, quod Haeretici Episcopi aliquando in Martyrologia, aut Sacra Diptycha inreperint? Nae futile, & prorsus indignum viro prudenti responsum! Quinimo exemplum statuendum fuisset in homine, in quem haec omnia simul orthodoxiae indicia convenerint, qui tamen post plurium ab ejus obitu seculorum intervallum fuerit Haereticus deprehensus. Sed hujusce rei nullum omnino exstat in Ecclesiasticis monumentis exemplum. Quae vero Basnagio suppetunt ex Tertulliani auctoritate, & Actorum Compilatore adversus Perpetuam, Sociosque Martyres conjecturae, ejusmodi sunt, quae falsitatem adjunctam non raro, & manifestissime habent. Quum, ut ostendimus, Tertullianus & Catholicos Marty-*
res

(1) Μέγα μὲν ὦν τεκμήριον τῷ μηδὲ τούτῳ λέγων αὐτοῦς ἁλοῦσι, ὅτι ὃ ἄνθρωπος συνεσταλμένος. ἔτι μᾶλλον καὶ ἐν τῷ ἐκείνου ἐπιστολῶν ἐπ' ἀποδείξει καταγεγραμμένον ἀποβλέποντας τῆς ἐπιστολῆς, ὅτι καὶ ὅπου τὸ κληῖον, καὶ αὐτοῦ ὡς ἁγίου ἐκδικῶν ἐξῆλθεν τῆς ἐκκλησίας· ὅτι ἐν αὐτῷ περικείμενος καλῶς, καὶ ἡ μνήμη μέχρι νῦν αὐτῷ μετὰ τοῦ πατρίων ἐστὶ καὶ γίγνεται. ὁ γὰρ καὶ τὸ τούτου φρονέοντι, ὃ περὶ αὐτοῦ ἐγγράφῃ μὲν ὡς ἀπολογητῆριος, ὡς καὶ ἀποβλέποντες ἐπὶ πάντως τὰ αὐτῷ καὶ αὐτοῖς ἐκτελέσθαι. Montfauconian. Edit. n. 3.

Pro SS. Perpetua, Felicitate, &c. 187

res saepissime laudaverit, & ad eorum communionem aspiraverit, & Novatiani denique, non minus quam Montanistae ab Ecclesia Catholica extorres, Catholicorum Acta Martyrum luci dederint, seraeque Posteritati commendant, &c.

Eadem est internorum argumentorum comparatio. Nostra enim ex sanctitate Martyrum, ex eorum virtutibus, & miraculis, ex vaticiniis, & ex Prophetiarum exitu conficiuntur, quae simul omnia numquam omnino inveniuntur cum Haeresi fuisse conjuncta. Quae vero apud Basnagium ex quarumdam visionum, ut ipsi videtur, inconcinnitate proficiuntur, talia sunt, quae, ut multum, secundum se spectata, & in bonam possemus & in malam partem interpretari. Sed ubi inveniuntur cum sanctitate, & simplicitate vitae, cum miraculis, & vaticiniorum eventu conjuncta, ratio postulat, ut ea in partem, quoad fieri poterit, optimam accipiamus. Et hinc argumentum existit, ex quo Adversarius nulla, ut mihi videtur, ratione possit evadere. Aut enim iis, quae de nostrorum Martyrum virtutibus, Prophetiis, & Miraculis in Actis referuntur, fidem accommodat, an potius abrogat. Si fidem habeat, in tuto profecto est Sanctorum Martyrum orthodoxia; quum eae virtutes, in quibus nihil fucatum, nihil adulterinum repertum est, nihil denique per simulationem & hypocrisim gestum; ea miracula; eae Prophetiae in Haereticos Martyres non conveniant; multo autem minus in Montanistas, quae in Actis habentur, ab eorum dogmatis, & disciplinis, ut ostendimus, per quam aliena. Et tunc, ut dixi, ratio postulat, ut visiones, & revelationes, quemadmodum & a nobis, & ante nos, a Divo Augustino, & ab aliis viris doctissimis factum est, in optimam partem interpretemur. Sin autem iis, quae de Perpetuae, Felicitatis, Sociorumque Martyrum virtutibus, &c. referuntur, fidem Basnagius derogat: eadem ratione, & iis fidem abrogare debebit, quae in Actis ad vi-

siones, & revelationes Martyrum pertinent. Nulla enim ratio patitur, ut Actis contra Martyres credat, pro Martyribus fidem non habeat. Praecipue quum longe proclivius sit existimare, Actorum Compilatorem in iis, quae de visionibus narrat, esse mentitum; quam in iis, quae de signis, & miraculis habet. Visionum enim, & revelationum solus Deus testis erat, & Martyres, qui jam fuerant e vivorum numero immanitate Carnificum exturbati. Quae vero ad miracula pertinent, in aperto quaedam eorum, & in medio Amphitheatro a Scriptore coaevo gesta narrantur, ubi profecto in Auctore contemporaneo ullus fraudis, & suspicionis locus esse non potest; facitque heic maxime, quod de id genus miraculis praeclare Doduvellus observat⁽¹⁾: si ea scilicet pro historicae fidei captu, atque natura probari sibi velint Athei, nihil prorsus esse, quod heic desiderare possint, quominus hujusmodi narrationes videantur esse verissimae: „Imprimis enim non in angulis, *Inquit*, aut paucis quibusdam consciis, quorum posset interesse, sed palam gesta, & in omnium conspectu narrant, tam inimicorum, quam amicorum, quin potius inimicorum, qui locum in theatris praecipuum habebant. Ita factum non modo, ut qui ea scripserint, ea certo possent cognoscere; sed & qui alia in sententia essent, ea facile possent certoque refellere. *Deinde*, talia fuisse haec gesta, ut plurimorum intererit, & quam maxime, ne lateret veritas, sed potius ut esset compertissima. Persecutorum intererat, ne haec vera crederentur, quibus gravissima forent crudelitatis infamia apud absentes, tam vivos, quam etiam posteros onerandi; quibus divino etiam suffragio damnati viderentur. Christianorum etiam maxime omnium intererat, siquidem fuissent falsa, ne vera crederentur, quibus tantos hujus vitae cruciatus tam nulla futurorum praemiorum mercede

lu-

(1) Dissert. xii. Cyprianica De Martyr. Fortitud. §. xlv.

Pro SS. Perpetua, Felicitate, &c. 189

„ lucraturi. Non est itaque quod suspicemur, contentas has
„ fuisse narrationes; sed vero omnem potius ab utrisque dili-
„ gentiam in illis eruendis fore adhibendam. Quod si Acta
Perpetuae ab Auctore coaevo collecta fuisse Basnagius ne-
gat, jam eo res recidit, ut omnem non solum miraculis,
sed etiam visionibus fidem derogemus, & ad externa argu-
menta controversia tota revocetur, in quibus vidimus quan-
tum Perpetuae causa triumphet. Demus tamen, paria esse,
quae in utramque partem momenta modo adferuntur; quum
boni viri sit & aequi Judicis, dubia in meliorem potius par-
tem, quam in deteriore interpretari; & nemo qua fruitur
bonae famae, & existimationis possessione, nisi malus certis
indiciis, & perspicuis argumentis demonstretur, exui debeat:
nullo modo permittendum erat, ut ea qua jam per quindecim
secula rectae fidei, & sanctitatis existimatione gavisi
sunt, ob leves quasdam conjecturas, Perpetua, Sociique
Martyres exuerentur. Quod quidem in causa fuit, ut in
hac controversia defensoris partes in me ultro susciperem,
& hanc qualemcumque meam Dissertationem in publicum
emitterem, quae tota quanta est, utinam in Dei honorem,
& gloriam Martyrum cedat.





FRANCISCI CASTILIONENSIS
M A R T Y R I U M
ANTONIANUM.

F R A N C I S C I
C A S T I L I O N E N S I S
M A R T Y R I U M A N T O N I A N U M ,
S E U
B E A T I A N T O N I I ,
V U L G O
A N T O N I N I D E R I P O L I S
O R D I N I S P R A E D I C A T O R U M
A D
J A C O B U M C A R D I N A L E M P A P I E N S E M
E D U P L I C I C O D I C E M S . B I B L I O T H . S . M A R C I ;
N O T I S I L L U S T R A T U M
A R E V . P . J O S E P H O A U G U S T I N O O R S I
O R D I N I S P R A E D I C A T . S A C . T H E O L . L E C T O R E .



F L O R E N T I A E . M D C C X X V I I I .
T y p i s B E R N A R D I P A P E R I N I , T y p o g r a p h i S . R . C . M A G N A E P R I N C I P I S
V I D U A E A B E T R U R I A .
S U P E R I O R U M P E R M I S S U .

THE
JOURNAL OF THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME 10
PART 1
1880
LONDON
PUBLISHED BY THE
EDUCATIONAL SOCIETY
1880



BRITISH MUSEUM LIBRARY



FRANCISCI CASTILIONENSIS
MARTYRIUM
ANTONIANUM.



P R A E F A T I O.



T haec Monumenta ad Antonii, sive Antonini nostri Martyrium pertinentia in lucem iterum proferrem, notisque aliquot inlustrarem, multae merationes, eaeque gravissimae compulerunt. Compulit imprimis domestici Martyris gloria, quam nupera hac Actorum ejus Editione ornari admodum cupio & vehementer amplificari. Compulit erga Sanctissimum Archie-

piscopum, domesticum item Sanctum, imo & Parentem nostrum Antoninum pietas & amor: Ipse enim cognominem Martyrem, & Praed. Ordini genuit, & iterum Caelo suis precibus parturivit. Compulit communis utilitas, quae id exigere videbatur, ut praeclarissimum hoc sinceræ poenitentiae, & Christianae fortitudinis exemplar in medium produceretur, quo ad earumdem virtutum aemulationem exemplis ejus admoniti provocaremur. Compulit erga Divinam Bonitatem grati animi studium, quae hominem perditum ac profligatum non solum ab errore revocavit, & ad bonam frugem correxit: sed ad ipsum usque Martyrii decus coronamque provexit, in eoque statuit Gratiae vi sua victricis evidentissimum documentum. Compulit denique ipsa per se horumce Monumentorum dignitas, fides, & elegantia, ob quae mihi haut indigna visa sunt, quae iterum in publicum pro more hujus seculi elegantius ornata prodirent. Editæ quidem illa jam pridem fuerant apud Leandrum Albertum in Viris Illustribus Ord. Praed. At quotusquisque est, qui extra domesticos Praed. lares,

pau-

paucis exceptis harum rerum sedulis peruestigatoribus, Leandrum hodie in manus sumat? Ego autem Antonianum Martyrium dignum judico, ut in plurimorum notitiam deveniat, & ab omnibus nocturna diurnaue manu versetur. Praeterea desint apud Leandrum, cum Epistola ad Jacobum Cardinalem Papiensem in Codd. MSS. Actis praefixa; tum aliae Epistolae, quae Actis, ut eodem pertinentes, in eisdem Codd. subjunguntur: quae omnia ut simul ederentur, e re esse multis de causis existimavi. Inde enim facile colligere est, tum quam olim apud gravissimos Viros haec Historia fidem invenerit; tum quam reapse apud omnes fidem obtinere debeat, ac mereatur. Nam scriptam esse constat ab Homine, cujus acumen ingenii, & rectum ac gravissimum his de rebus judicium, & a fabulis per quam alienus animus, in his Epistolis velut in speculo resplendent. In illis etiam cernere est, quos in summis Viris bujusce Martyrii lectio adfectus excitaverit. Nam, ut de ipso Castilionensi taceam, ita hac de re ad eum scribit Cardinalis Papiensis, non modo Purpura, sed & pietate,

tate,

tate, & literis Eminentissimus: Antonianum Martyrium, quod misisti ad me, magna dulcedine sensus omnes complevit. Etenim grande est, & mirabile, & his tepentibus seculis inauditum, &c. Et Hieronymus Abbas Sanctae Florae, Vir item gravissimus, nec vulgaris eruditionis, de hoc eodem Libello his ad eundem Castilionensem verbis rescribit: Et fatebor ingenue, uberes mihi inter legendum excussisse lacrymas. Quamquam autem ex sola harumce Epistolarum lectione facile intelligatur, quam tuto Castilionesi fidem adhibeamus; libet tamen & hoc in eandem rem, pluribus aliis omissis, ex Compilatore Processuum pro Canonizatione Divi Antonini, subungere testimonium, quo sane gravius desiderari nequit, & plurimum in se vim continet testimoniorum: Sunt, inquit, etiam Testes plures testificantes plenissime de legalitate, bonitate, doctrina, & fidelitate, & veridico testimonio, ac fide plenaria adhibenda dictis Domino Castilionesi Canonico S. Laurentii Florentino; ac Leonardo praedicto Ord. Praed. Et infra: Testes

stes testificantur e cognitione certa, quod fuerint tales, ut fides indubitata & plena eorum scriptis sit adhibenda, sicut in triplici duorum Processuum in causa factorum examine Testium patet. *Leonardus ille, cujus in praemissis verbis cum Francisco Castilionensi mentio fit, Auctor est Additionum ad Vitam S. Antonini a laudato Castilionensi descriptam, quas una cum eadem Vita ad secundam Maii diem Papebrochius edidit, ex Autographo, quod in nostra Bibliotheca servatur, & quidem in eodem Codice, in quo & Martyrium Antonianum Leonardus manu ipse sua descripsit. Fuit autem & ipse, haut secus ac Castilionensis, scriptor coevus, & optimae atque integerrimae fidei, de quo in Addit. ad primum pro D. Antonino Processum hoc exstat elogium: Rev. in Christo Pater D. Benedictus Episcopus Vasionensis dicit, quod ultra ea, quae deposuit de Antonii sanctitate in primo Processu, scit, quod F. Leonardus Ser-Uberti, quem novit, qui scripsit Historiam de Gestis Antonii & miraculis, fuit Vir doctus, & bonus,*

nus, fidelis, veridicus, & legalis, atque observantissimus Religiosus. *Ex hujus igitur Codice haec Antoniani Martyrii Acta descripsi; quae proinde duorum Testium auctoritate muniuntur, quorum spectatissima fides fuit, & quorum in Actis pro canonizatione D. Antonini ratio imprimis habita est, uti non solum ex praemissis verbis, sed etiam passim ex Processibus constat. Hunc Codicem, Ser-Ubert. Cod. nominavi. Alius exstat in eadem nostra Bibliotheca Antoniani Martyrii Codex, elegantissime, at recentiori manu, descriptus, quem ideo Cod. rec. appellatione donavi. Illud denique ad fidem his Actis adstruendam maxime facit, quod tota haec Antoniani Martyrii historia in eisdem Processibus ad examen revocata fuit, & super ea testes interrogati, uti adparet ex eorundem Processuum saepius laudato Compilatore sub Tit. de Miraculis operatis ab eo post vitam, &c. n. 25. ubi post breve narrationis hujus summarium subjungitur: De hoc facto, & martyrio, & miraculis D. Franciscus Castellion. historiam scripsit latius omnia continentem. Et*

Testis 14. fol. 92. primi Michaël Christofori annorum 82. testificatur, hoc habuisse a F. Baptista Seniore Ord. Praed. qui ab ipso Antonio, tunc Priore S. Marci, simul cum praedicto Martyrizato Religionis habitum susceperat. Et in tertio examine Fr. Jacobus Siculus dicti Ord. annorum 64. testis primus fol. 6. idem dicit, & quia vidit Martyrii locum, & intellexit historiam. Et testis 2. annorum 54. fol. 9. F. Robertus Florentinus dicit, idem audisse a F. Baptista praedicto, & deinde legisse in Historia D. Francisci praedicti. *Et rursus sub hoc titulo*: Testes tertii examinis, & dicta eorum compendiosa. Num. 1. F. Jacobus Johannis Siculus Ordin. Praed. Prior modernus S. Marci annor. 64. fol. 6. & 7. dicit de latissima fama testis 1. & de fratre discipulo Antonii Martyrizato apud Tunitium, & vidit locum Martyrii. Item producit historiam Martyris compositam per Franciscum Castellion. &c. *Et num. 11.* F. Robertus Antonii de Ubaldinis de Gagliano Praedicator.

ann. 54. fol. 7. &c. testis 2. deponit , &c. de Discipulo martyrizato per Antonii meritum , & monitionem . *Habemus igitur Acta , quae seu rem ipsam spectes , quam nobis exhibent scitu per quam dignissimam ; siue rerum gestarum fidem ; seu genus dictionis , purum , simplex , & nullis oblitum fucis , non minoris videntur aestimanda , quam plura Vett. Martyrum Acta , in quibus illustrandis recentiorum Scriptorum eruditio & industria plurimum laboravit .*

Ad notas quod adtinet , non unius illae generis sunt . Aliae varias lectiones exhibent , & loca indicant , quae in Editis apud Leandrum corrupte legebantur & MSS. Codd. ope restitui : in alias pauca quaedam fragmenta contuli , ex quibus huic Commentario lux aliqua adfulgere posse videbatur : in aliis loca quaedam adnotavi e vetustis Scriptoribus aut priscorum Martyrum Actis , iis parallela , quae de nostro Martyre memoriae prodita sunt , tum ad iis fidem ejusmodi exemplis adstruendam ; tum ut ostenderem , suscitasse Deum in novo hoc Martyre veterum insignia virtutum : aliae denique eo

prae-

praecipue spectant , ut Actorum compilatori , subjunctis hinc inde variis ejus placitis probatissimorum Scriptorum geminis sententiis , aestimationem auctoritatemque conciliem . Viris doctis , & in Antiquorum lectione subactis , earum quaedam supervacaneae forsitan videbuntur . At pro illis eas minime subjeci ; sed in eorum gratiam , qui haec alibi non legerunt , aut numquam forsitan legent , aut non ea adtentione , ut quo unumquodque referri possit , statim intelligant . Utcumque sit , res parvi momenti est ; & nec libri molles , aut pretium admodum creverunt , neque care constat quidquid heinc B. Martyris Actis splendoris aut venustatis accessit . Denique loca illa majoribus characteribus imprimenda curavi , quibus apertius demonstrari videtur , certam semper atque constantem fuisse de illius beatitate apud homines opinionem , & eum jam inde ab initio pro vero Christi Martyre fuisse habitum , & Religioso cultu , sacrisque honoribus , non minus quam Veteres Martyres , prosequendum . Quae tamen privatorum hominum , aut Scriptorum judicia Sacrosanctae Romanae Ecclesiae

supremo iudicio submitto: neque aliter haec vel proferri a me, vel ab aliis accipi volo, quam quod est ab Urbano VIII. his de rebus constitutum. Rem scilicet omnem in medio prorsus relinquo, neque aut aliam his monumentis fidem adhiberi volo, quam quae Historicae narrationi debetur, aut alium Antonio nostro cultum, quam quo impraesentiarum, ut accepi, Ripolis fruitur, ab immemorabili, ut vocant, sine Missa tamen, & Officio, quae illi haecenus Romana non decrevit Ecclesia. Ejus tamen, non sine Beati, ac Martyris titulis, varii Scriptores meminerunt, uti Seraphinus Razius in Vitis SS. & BB. Ord. Praed. Marchesius in Sac. Diar. Dominic. ad x. Aprilis; Possëvinus in Apparatu, qui etiam Sanctum appellat; &, ut alios omittam, Bollandiani Socii ad diem 2. Maii in Addit. ad Vitam S. Antonini, ubi etiam spondent, daturos se illius Actu Martyrii ad xxix. Augusti, quo, inquit, Ripolis in Pedemontio colitur iste Beatus Antonius. Se autem non alias quam eorum Vitas, qui immemorabilis cultus possessione fruuntur, in sua Collectione locum habere velle; laudati Patres saepissime profitentur.

I

VITA, ET MARTYRIUM
BEATI ANTONII
DE PEDEMONTIUM ORD. PRAED.

*Qui fuit receptus ad Ordinem per Sanctum Virum Antonium, postea
Archiepiscopum Florentinum, & Martyrio coronatus de
Anno Domini 1459. 4*

000000

PROLOGUS.
REVERENDISSIMO DOMINO
JACOBO CARDINALI PAPIENSI.

FRANCISCUS CASTILIONENSIS PRESBYTER
S. P. D.



UM pro tua singulari virtute, summaque
in me benevolentia, Reverendissime Domine,
nostra, qualiacumque sint, literarum
studia, & insulas ineptasque nonnunquam
conscribendi aliquid μελέτας approbare con-
sueveris, ad eas me hortatu tuo non nihil,
ut fatear, alienum accendisti. Studebam enim imitari Vi-
ctorinum⁶ praeceptorem, qui quamquam esset in omni do-
ctri-

(1) Verba ista non sunt Francisci Castilionensis; sed F. Leonardi Ser-Uberti, qui Cod. nostrum sua, ut diximus, manu descripsit. Franciscus enim non alium narrationi suae fecisse videtur titulum, quam, *Antonianum Martyrium*.

2. Hinc constat, Antonium nostrum statim ab ejus nece coepisse & Martyr's, & Beati titulo condecorari.

3. Tam Archiepiscopo Flor. quam nostro Martyri fuit reapse nomen *Antonius*. Sed quum postea Antonii Archiepiscopi nomen in *Antoninum* vulgus intlexisset, eadem & in Martyris nomine mutatio facta est: quod scilicet memoriae proditum esset, idem utriusque fuisse nomen.

4. Manifestus anachronismus, ut postea ostendam.

5. Seu potius Epistola Dedicatoria.

6. Ejus vitam Franciscus ipse literarum monumentis consignavit: quae inedita exstat Florentiae in Bibliotheca Gaddiana.

Arina, & scientiae facultate doctissimus, nunquam tamen ad scribendum aliquid se contulit, quod Posteritati prodesse posset: fatis enim superque in omni doctrinae genere conscriptum esse ⁷ asseverabat, ut aetas hominis ad illa etiam perlegenda non sufficiat. Omnia igitur instituta mea, meque totum ad illum Virum, cui virtute & doctrina parem habebam neminem, effingere ac formare decreveram; quamquam in hac parte sentire contra sententiam Ciceronis ⁸ judicetur, ut nosti. Ad imbuendum igitur me bonis literis tantum elaborabam. Principia bonarum Artium, Dialecticae, Mathematicae, ac Rhetoricae, quae eo duce ingressus fueram, tam erecto animo, tantaque spe persequabar, ut non dubitarem, brevi me mirificum studiorum, ac scientiae fructum, & voluptatem animi, magnamque apud homines doctos laudem consequuturum: ardebat animus omnium bonarum Artium facultate repleti: nil tam magnum, tamque arduum videbatur, quod non studio laboreque adsequi posse considerem: aestuabat mens ipsa, fateor, laudis cupidine, & ambitione non parva. Ad hanc edomandam subsequuta sunt tempora procellosa, & omnium rerum incommoda, quae cervicem hanc duram, & insolentiam animi infringerent: paupertas, peregrinatio a solo patrio, & adversa corporis valetudo, quae me admodum in ipsa etiam adolescentia gravius vexabat. Tandem jam grandis natu ad Sacerdotium tricesimo anno proximus, etiam tanto munere indi-

-
7. Hoc Viri docti iudicium, nemini umquam probandum; multo autem minus iis temporibus, quibus optimis quibusque Artibus, & liberalibus Disciplinis, id ornamentum decrat ac splendoris, quod eis e recentium Scriptorum lucubrationibus plurimum accessit.
8. Nihil enim Vir summus magis optabat, quam literariam Remp. novis in dies inventis locupletari: & suam ipse symbolam contulit. Nam nemo ante ipsum de praecipuis Philosophiae partibus inter Latinos tam eleganter, & tam copiose disseruit. Profecto vir sapiens cogitationes suas, ne effluant, literis commendabit: literis autem commendatas an non in publicum edet? *Intemperantis enim esse arbitror, ut idem inquit Tullius, lib. 1. Acad. Quaest. scribere, quod occultari velit.*

indignus sim, non invitus accessi. Quamquam id hac nostra aetate satis contemptui & ignominiae apud homines, vereor, ne apud Deum abominationi sit, devenisse videatur. Sed de hoc alias: major est hic dicendi locus: commune hoc tangit commodum, publica causa est, ad privatum redeo: vereor tamen, ne flagellum divinum asperissimum tandem super nos feratur: nemo est, qui huic rei frenum imponat: omnis ratio rei sacrae, & Religionis nostrae institutio labitur, sacrificiorum observatio pessumit, scandala multiplicantur adeo magna, ut de illis extremum sit supplicium sumendum: nemo tamen est, qui illa animadvertat: Sacerdotum turba excrevit in dies, adeo insolens, adeoque inepta ad id munus, nequid asperius dicam, ut Religio Beati Petri non modo labefactata esse, sed jam pene defecisse videatur 9. Nemo est, qui modum his rebus adhibeat: Episcopi omnes, ad quorum officium haec omnis cura & sollicitudo pertinet, hanc rem negligunt. Summus Pontifex majoribus intentus, si majora sunt quae terrena sunt, quam caelestia, nil tale se curare posse profitetur 10. Dormiunt omnes in hac parte curanda. Sed ad id imprudens redii quod

-
9. Similia quoque Ecclesiae Patribus nonnumquam intimus dolor expressit, quorum tamen, ut nostri Theologi adversus cum veteres, tum modernos Haereticos demonstrant, non ea sententia est, Romanam Ecclesiam, ac Petri Religionem penitus defecisse. Tale aliquid adversus Catholicos ex Hilario Vincentius Donatista protulerat, cui S. Augustinus epist. xciii. al. xlviii. respondit, quod *Hilarius decem Provinciarum Asianarum aut xixania, non triticum arguebat, aut ipsum etiam triticum, quod defectu quodam perditabatur, quanto vehementius, tanto utilius arguendum putabat. Habent enim etiam Scripturae canonicae hunc arguendi morem, ut tamquam omnibus dicatur, & ad quosdam verbum perveniat.* Quod subinde variis exemplis confirmat. Et eodem modo Cassilionensis verba accipienda sunt. Nam tot inter per tot Sacerdotes, multos esse non ignorabat, quorum honestissima esset conversatio, & qui mores suos ad Evangelii legem, & Ecclesiae canones exigerent.
10. Sedebat hoc tempore Pius II. laudatissimus Pontifex, qui de Sacra adversus Turcas expeditione, & de componendis Principum Christianorum dissidiis maxime sollicitus, reformationis negotium, ut in votis habebat, urgere non admodum potuit. Id enim operis tranquillum Ecclesiae, statem requirit. Suo tamen muneri pro temporum conditione non defuit.

quod omiseram. Ad nostra redeamus, relinquamus publica hoc tempore: deploranda enim haec potius essent, quam enarranda. Effecerunt, ut prius narrare coeperam, varia temporum incommoda, & varii fortunae casus, ut nec coepta studia prosequi, nec me ad aliquid conscribendum exercitationis causa conferre possem. Nunc vero hoc postremo restabat, ut etiam septem pupillorum ¹¹ cura ac sollicitudine urgerer, quae mihi tam gravis ¹², tam onerosa est, ut vix existimem, tam imbecilles humeros diutius posse subsistere. Omnis igitur illa studiorum spes, ἡ μελέτη mihi funditus periit, quanto cum dolore, & animi mei aegritudine, non dixerim. Vitam olim ¹³ Sanctissimi Patris Archiepiscopi Antonii adductus necessitatis officio absolvi, cum esset res dignissima, quae ad Posteris transmitteretur. Nonnulla alia, levia illa quidem ¹⁴, exercitationis causa, & pene ludens conscripsi, ut nuper exemplum magnae fortitudinis, quod de novello Martyre Antonio memoratu dignum reperi: quod nos etsi non eleganti stylo, at saltem pio adfectu prosequi studuimus. Atque utinam placuisset doctissimis viris Vitas Martyrum, reliquorumque Sanctorum aliquo eleganti ac probabili stylo illustrare ¹⁵: major in illis
pie-

11. Hi sunt filii Danthis Castilionensis Francisci nostri Fratris germani, quos ex Uxore multis annis sterili suscepit, accepta a D. Antonino benedictione, uti Noster in vita Sancti Archiepiscopi memoriae prodidit.

12. In Cod. rec. deest *tam gravis*.

13. Integro ante decennio; eodem scilicet anno 1459. quo Sanctus Archiepiscopus obiit, ut ipse in Prologo testatur: Hoc vero Martyrium labente anno 1463. ut ex epist. Card. Papiens. qua huic initio sequentis anni respondit, manifeste colligitur. Unde emendandus error Papebrochii, qui in Commentario praevio ad vitam S. Antonini num. 4. B. Antonii de Ripolis Passionem a Francisco nostro circa annum MCDLXXV. exaratam fuisse scribit.

14. Levia haec dicit, non quia haec de re gravissima non agatur (quid enim gravius, quam adeo eximium Christianae fortitudinis exemplum?) Sed quia in hunc Commentarium non multum ipse operae ac laboris impendit.

15. Postquam renasci literae, & a barbarie vindicari coeperunt, hoc commune Sapientum omnium votum fuit. Qua de re leges Melchior. Canum lib. xi. de Loc. cap. vi.

pietatis ratio ¹⁶, ac religionis nostrae firmamentum ¹⁷, majorque, ni fallor, illis adhiberetur fides. Habemus enim, ut nosti, nonnullas Sanctorum Vitas adeo insulse, adeo inepte conscriptas, ut potius rebus ipsis abrogare, quam fidem facere videantur ¹⁸. Quod si non adeo puerili, ut ita dixerim, sed mediocri saltem stylo & oratione constarent, ἀγαθὸν μὲν αὖ ¹⁹. Sed longius tecum & varia confabulatione progredior licentia mea, qua tecum familiariter uti consuevi, quam res tam parva, tamque brevis postulare videbatur. Lege igitur hoc novum Martyrium, magnae virtutis exemplar, quod levi stylo ac currenti calamo, exercitationis causa, ἐπεξήλθον. Sumsi autem id ex longiori quadam Epistola cujusdam Fratris Constantii Cyprii ²⁰, qui huic rei

c

enar-

16. Id scilicet experimur, quoties sincera Martyrum Acta in manus sumimus, ut illa Polycarpi, & Martyrum Lugdunensium apud Euseb. lib. iv. cap. xv. & lib. v. cap. i. & seqq. *Quorum lectio*, inquit Scaliger in Animadvers. Euseb. N. MMCLXXXIII. *piorum animus ita afficitur, ut numquam satur inde recedat: Quod quidem ita esse, unusquisque pro capto suo, & conscientiae modo sentire potest*. Sed pauca habemus ejusmodi monumenta Diocletianae incendio persecutionis erepta. In eorum locum Acta Martyrum successerunt, levi ut plurimum ac prope nullo criterio sequioribus seculis concinnata, quae nemo sine fastidio percurrit.
17. Post Sacras enim Scripturas nihil magis Christianae Religionis decus amplificat, majestatemque tuetur, quam Acta Martyrum genuina, quae veneranda nobis Antiquitas adhuc illibata servavit: *Quid enim augustius, inquit idem Scaliger, quid venerabilius in antiquitatis Christianae monumentis legi potest?*
18. Videndus Cl. Canus loco superius laudato, ubi inter cetera haec habet: *Qui falsis atque mendacibus scriptis mentes mortalium concitare ad Divorum cultum voluerit, hi nihil mihi aliud videntur egisse, quam ut veris propter falsa adimantur fides, & quae secrete ab Auctoribus plane veracibus edita sunt, ea etiam revocentur in dubium*.
19. Acta Martyrum Proconsularia, quamvis nullo furo, nullis perspersa pigmentis, summa nos tamen voluptate perfundunt, nativaeque illa simplicitate rapiunt Lectoris adfectum. Si talia magno numero ad nos pervenissent SS. Martyrum Gesta, ἀγαθὸν μὲν αὖ. Nunc vero, illis absuntis, palcas pro frumento tritres comedimus.
20. Huc referenda censui, quae de illo habet To. x. Scriptor. Ord. Praed. N. Jacobus Echard: „ F. Constantius a quibusdam, nostris ad censetur, non alia ratione, „ quam quod Martyrium nostri Antonii de Ripolis scripserit, vel etiam quod „ a Fran-

6 *Martyrium Antonianum.*

enarratae praesens, & inspector adfuit. Quam enarrationem ille una cum gravissimorum testium fide & adtestatione, verissimam esse adtestabatur: hoc autem feci, ut brevior dilucidiorque esset oratio. Sed vide, quanta fuerit Archiepiscopi Antonii virtus & gratia post obitum, quod tantum mereretur apud Dominum, ut hominem impietate ac scelere deperditum ad poenitentiam revocaret. Tantum enim valuit, illarum Sanctarum manuum impositio, ut non posset malo exitu claudi, quod tam sancto principio coeptum fuerat. Cape igitur hoc breve munusculum: alias, si vita superstes erit, &, Domino concedente, aliquid respirare valueris, aliud quid majus ad te dabo, quod tua sapientia, tuoque gravissimo iudicio dignum sit. Vale.



AN-

„ a Francisco Castilionensi apud Leand. fol. 60. idem Martyrium narrante citetur ut testis praesens, & oculatus; quamvis ibidem *Frater* tantum dicatur, nec cujus familiae fuerit, addatur. Sed sodalitatem suam ipse prodit in titulo libelli ab eo scripti, qui talis est: *Tractatus de Martyrio cujusdam R. P. F. Antonii Ord. Praed. editus per F. Constantium Eremitarum S. Hieronymi de Monasterio S. Rapphaëlis de Venetiis*.

„ *Universis, & singulis Christianis fidelibus, & potissime omnibus, & quibuscumque Reverendissimis Magistris, Baccalariis, Lectoribus, ceterisque Fratribus Ordin. Praed., F. Constantius de Insula Cap. (an Capri, idest, Caprea in Mari Thyrrenico, id enim indicat nota super litera p. addita) de Eremitarum Societate Fratris Petri de Pisis, ad praesens captivus Regis Tunisae, in Domino salutem*.

„ *Ex his (apparet) quis fuerit, unde ortus, ubi professus, & cujus familiae, nempe Hieronymitanae a B. Petro de Pisis in Italia erectae, cujus vitam vide sis in Actis SS. ad xvii. Junii. Porro libellus Constantii curiosus est, existatque Parisi in Regia inter Codd. MSS. num. 6196. in charta; & in 4.*



ANTONIANUM MARTYRIUM

A

FRANCISCO PRESBYTERO ²¹ CASTILIONENSI

EDITUM INCIPIT.

EO tempore, quo Sanctissimus Vir Frater Antonius, qui postea fuit Archiepiscopus Florentinus ²², erat adhuc in Religione Fratrum Praed. cum, esset Prior Coenobii Sancti Marci: quem locum Cosmus Medices, vir ea tempestate opibus, auctoritate, & prudentia admodum praestans, a fundamentis crexerat: recepit ad Religionem, atque induit ipsemet habitu ²³ Sancti Dominici adolescentem quemdam, Antonium nomine, ab ultima Pedemontis Italiae parte oriundum ²⁴. Qui cum post ea tempora forte ab Insula Siciliae

c 2

Nea-

21. Cod. rec. habet a praefato D. Francisco editum.

22. Apud Leandrum add. de quo plura narravimus.

23. Cod. rec. S. Patriarchae Dominici.

24. Annos inter 1439. & 1444. quibus Conventui S. Marci praefuit S. Antoninus, ut in ejusdem Coenobii Chronico MS. legitur in haec verba: *Secundus Prior post hunc* (Cyprianum scilicet de Florentia primum huius loci Priorem, postquam Praedicatoribus adjudicatus est) *insequutus est sanctae memoriae vir F. Antonius, nomine Antoninus, Ser Nicolai Pierozius Florentinus, Reverendiss. postmodum hujus Urbis Antistes, nunc in Caelis B. Antoninus, cujus Prioratus initium sumit A. D. 1439. & duravit quam faustissime ad 44. Et infra in eodem Chronico, ubi nomina exstant Receptorum ad Ordinem, & Filiorum, ut vocant, hujus Conventus, haec leguntur: Tempore secundi Prioris hujus Conventus Reverendiss. P. F. Antonini, postea hujus Urbis Antistitis, ab anno Domini MCDXXXIX ad MCDXLIV. infra scripti habitum susceperunt; & prof. sumi,*

Neapolim navigaret ¹⁵, a Pyratibus infidelibus captus, ad Urbem Carthaginem ¹⁶, quae nunc Tunex vulgo appellatur, deductus est. Cumque opprobriis ac contumeliis affectus, tandem in carcerem cum aliis Christianis compluribus detrusus esset, non modice ac sapienter, ut virum decet Christianum, eam calamitatem tolerabat. Tandem beneficio cuiusdam Clementis, qui tum in ea Civitate Januensis Consulis officio fungebatur, e carcere ductus, in eadem Civitate circiter quinque menses una cum reliquis Fidelibus moram traxit. Incommoda tamen & conditionem vitae, in qua erat, satis iniquo animo ferre videbatur. Tandem siue calamitate defessus victusque cederet, siue Diabolico suasu adductus, aut certe utroque compulsus esset (id enim compertum non habemus) frequenti populo, & praesente Barbaro Rege, gloriosissimum Christi Nomen, sanctamque ejus fidem abnegavit ¹⁷. Hoc fuit 3. Kalendas Aprilis ¹⁸ prima sexta feria post Pascha Domini MCCCCLIX. sicque fuit in illa perfidia quatuor menses, execrabilem Mahometti fidem secutus, nonnullaque ex Alchorano illius Religionis libro, auxilio Interpretis in nostram linguam transferre

sunt, habitis votis a majore Fratrum Vocalium parte capitulariter congregatis. Sunt omnes simul oñodecim, & ultimus inter eos recensetur F. Antonius de Turino Pedemontanus, cum elogio ejus historiam martyrii breviter enarrante.

15. Fertur, S. Antoninus, veluti Divino Spiritu adhaesus, ipsum pluribus ab hoc itinere, & navigatione suscipienda deterruisse.
16. Tunes, seu Tunis duodecim passuum millibus Carthagine distat.
17. In Chronico superius laudato, *primo ab Ordine, post a Christiana fide defecisse*, dicitur.
18. Prima manu in Codice Ser-Ub. scriptum fuerat *viii. Idus Martias*, quomodo etiam legitur apud Leand. Alb. sed manifesto errore. In Cod. recentiori nostrae Bibliothecae post verba illa: *Hoc fuit*, relinquitur integrae lineae spatium vacuum, & postea sequitur, *MCDLIX. omisso intermediis: 3. Kal. April. prima sexta feria post Pascha Domini*. Jacobus Echard in Scriptoribus Ordinis Praed. Antonium nostrum fidem Christi ejurasse dicit, *anno MCDLIX. octavo Idus April. feria sexta post*, Quasi modo, *quae etiam fuit sexta mensis*. Quae Scriptorum varietas efficit, ut rem in medio relinquamus. Verosimilior tamen videtur, quam sequimur, Ser-Ubert. Cod. lectio, cui etiam Razius adit-pulatur.

ferre conatus est ²⁹. Qua ex re coepit paulatim resipiscere : cum in eo nil sanum, nil cohaerens, nil rationi consentaneum, & non nisi fabulas, & ineptias reperisset. Sed cum nonnulli ex Italia mercatores eo applicuissent, fertur, ab eis quidnam novi adferrent, quaesivisse: Cui cum inter alia narrarent, Sanctissimum Archiepiscopum Antonium vita defunctum esse, ex eoque manifesta signa sanctitatis, & miracula fieri; illico perculsus animo immutatus est ³⁰: poenitentiaeque ductus, coepit primum Uxorem, quam lege barbarica duxerat, a se rejicere, Officiumque Ordinis sui singulis diebus dicere, eaque, quae secreto poterat, poenitentiae officia prosequi satagebat. Deceverat enim, palam expectato Rege, qui tum aberat ³¹, quod olim dixerat, revocare; & ad manifestam mortem, ac martyrium festi-

-
29. Laudatus Echard Leandrum Albertum reprehendit, veluti indicet, *Alcoranum* ab Antonio *Italice redditum*. Quum F. Constantius dicat, solum cum curasse, ut sibi Italice a quodam Arabice perito vulgari lingua Itala redderetur. Verum Leander Castilionensis verba unice repraesentat, quem puto cum praedicto F. Constantio omnino congruere.
30. Compiler Processuum pro S. Antonini canonizatione, ex *quorundam relatione* adjungit, Antonio S. Archiepiscopum apparuisse, ab eoque graviter objurgatum, ad sanam mentem rediisse; *apparente etiam illi (juxta quorundam relationem) B. Antonio, ipsumque fortiter super tam gravi peccata redarguente, motus ille intus, atque compunctus, ac fervore fidei caritate formatae accensus, &c.* Sed, ut sit de hac Sancti Viri apparitione; constans omnium opinio fuit, repentinam Antonii conversionem B. Archiepiscopi meritis adscribendam, & inter ejus praecipua miracula numerandam.
31. Laudatus Auctor & Processuum, &c. Compiler nullam inter ejus conversionem, & publicam coram barbaro Rege Christi nominis confessionem moram interponit. Post enim mox relata verba statim subiungit: *Sequenti die in publicum prodians, ubi abnegaverat, iterum publice Christum, & fidem ejus confessus fuit, ac revocavit penitus abnegationem illam, mortem non timens; & amicitiam Regis, quam contraxerat, & omnes mundanas prosperitates, quibus eum prosequi jam coeperat, & in posterum majores pollicitas contemnens; inique Regis impio jussu, a Mauris Saracenis indignantibus, & in eum lapidibus irruentibus, orans, & in Christi confessione persistens, acrisus, gloriosum martyrium cum summa constantia consummavit.* Sed Castilionensi major habenda fides, qui ex oculati testis relatione rem descripsit, & cujus testimonii in his Processibus imprimis habita est ratio.

festinare ³². Qui cum adventasset, ille ut strenuus miles Jesu Christi, armatus omnibus Ecclesiae Sacramentis ³³, assumptoque habitu sui Ordinis, & abrado capite cum corona intrepidus hilari vultu in coetum frequentissimum, ubi Rex aderat, subito prodiit: ait, se esse verum Christi cultorem, pro cuius fide mori paratus sit; suamque priorem perfidiam, erroremque palam omnibus profitetur. Quem Rex admiratus, eo quod constantissime loqueretur, primo
ut

32. Priscis quidem Ecclesiae decretis sancitum fuerat, ne quis se ultro Persequentibus objiceret. Sed ea lege minime tenebantur, qui fidem ejuraverant. Hos enim S. Cyprianus volebat, aciem ultro repetere, ac bellum redintegrare, ut qui pro Tribunali Christum abnegaverant, eo ipso in loco scelus retraherent. & ibidem eum confiterentur. Idque in causa fuit, ut idem S. Martyr scribit ad Antonianum, cur promiscue pacem lapsus noluerit, nondum extincta persecutione, laxari; ut scilicet publica potius coram Tyrannis confessione, & sanguine suo, quam Sacerdotum absolutione, admissum scelus eluerent: Nam quum acies adhuc inter manus esset, & praelium gloriose certaminis in persecutione ferueret, tota hortatu, & pleno impetu militum vires fuerant excitandae; & maxime lapsorum mentes classico quodam nostrae vocis animandae, ut poenitentiae viam non solum precibus, & lamentationibus sequerentur, sed (quoniam repetendi certaminis, & reparandae salutis dabatur occasio) ad confessionis potius ardorem, & Martyrii gloriam nostris increpiti vocibus provocarentur. Quam S. Martyris voluntatem nemo Antonio nostro melius implevit, qui poenitentiae viam non solum precibus, & lamentationibus sequutus est, sed etiam ad confessionis ardorem, & Martyrii gloriam, Patris & Magistri sui Antonini increpitis vocibus adspiravit.

33. Et hoc etiam ex antiqua Ecclesiae disciplina, qua sese Fideles ad imminens pro fide certamen Eucharistiae susceptione semper armare consueverunt. Unde idem S. Cyprianus, quamvis in priori Concilio Carthaginensi statuisse, ut in Decii persecutione lapsi agerent diu poenitentiam plenam, & si periculum infirmitatis urgeret, pacem sub ictu mortis acciperent: postea tamen quum variis, ac frequentibus revelationibus intellexisset, aliam imminere persecutionem, prioris Decreti severitatem in altera Synodo inflexit; & eis, qui poenitentiam agere a primo lapsus sui die non destiterant, pacem dari constituit: Ut quos, inquit, excitamus, & hortamur ad praelium, non inermes, & nudos relinquamus, sed protectione Corporis, & Sanguinis Christi muniamus. Et quum ad hoc fiat Eucharistia, ut possit accipientibus esse tutela, quos tutos esse contra Adversarium volumus, munimento Dominicae saturitatis armemus. Nam quomodo docemus, aut provocamus eos in confessione Nominis sanguinem suum fundere, si eis militaturis Christi Sanguinem denegamus? aut quomodo ad Martyrii poculum idoneos facimus, si non eos prius ad bibendum in Ecclesia poculum Domini jure communicationis admittimus? Epist. Synodic. int. Cyprianic. lviii. al. liv.

ut in fide Mahometti permaneret, multis verbis, additis etiam magnis pollicitationibus, hortatus est. Deinde cum vidit, hominem a sententia dimoveri non posse, minis terroribusque agere coepit. Ille contra gravissimis sententiis, magnaque adtestatione dicebat Regi ³⁴, oportere illum potius ad Dominum ac Redemptorem suum redire, caelestesque ac immortales divitias quaerere: simulque ut secum eam turbam, quae illum sequebatur, in hanc viam vitae traheret ³⁵, suadebat. Minas vero ejus ac mortem, qualiscumque fuerit, forti & jam ad eam praeparato animo se contemnere adtestabatur. Cumque multa in hanc sententiam ultro citroque verba prolata essent; Rex tandem jussit, illum, ut rectius sibi consuleret, ad carcerem duci: caussamque ad Praefectum, qui ejus sectae tutandae primum locum tenet, rejecit. Ille vero cum traheretur, misereque ab impiis, pugnis, alapis, gravissimisque vulneribus caederetur, semper in confessione & laude Nominis Christi omnia constanti & patienti animo tolerabat. Postridie vero ejus diei ad Praesidem ductus, cum itidem inter ambulandum simili modo gravissime caederetur,isque ea vulnera hilare & patienter cum laude sui Redemptoris admitteret; coepit Praeses cum illo magnis pollicitationibus suasionibusque agere, ut in *secunda* eorum, quam olim elegerat, permaneret: addebat, illum Regi gratissimum, si hoc fecerit ³⁶, perpetuoque divitem, ac felicem fore. Sed cum intelligeret tandem ³⁷ post minas etiam acerrimas, hominem a proposito mutari ³⁸ non posse; dato triduo, quo transacto illi moriendum esset, jussit illum ad carcerem duci, ut interim, quid sibi suaeque vitae consulendum esset, intelligeret. Interea Viri Christiani

ni

34. Ex Apostata factus Apostolus.

35. In Edit. apud Leand. *trahere*.

36. Leand. *faceret*.

37. Leand. *jam post*.

38. Cod. rec. *mutare*.

ni agebant litteris (non enim fortasse adire illum licebat) hortabanturque, id quod non opus erat ³⁹, ut a fide perfecta non divelleretur. Ex iis erat quidam Frater Constantius ab Insula Cypro ⁴⁰ oriundus, qui his omnibus, quae narrantur, adfuit, omniaque postea longiori Epistola in testimonium veritatis conscripsit, quam nos pro arbitrio nostro, amicorumque usu ⁴¹ in Commentarii formam redegitur ⁴². Aderat igitur jam dies dictus, quo illi, nisi mutasset sententiam, moriendum erat. Is erat dies Jovis, quo Dominus noster coenam cum Discipulis suis fecerat, quarto Idus Aprilis ⁴³: ducitur ad Praesidem: quaerit ab eo Praefes, quid sententiae habeat. Ubi intelligit, eum nullo pacto immutatum, addicit morti, lapidibusque obrui jubet. Magno igitur tumultu raptus ad locum Martyrii assidue magnificabat Nomen Domini. Cumque intelligeret, se jam morti proximum, exuens se habitum Ordinis sui, illum Licetoribus obtulit dicens: *Servate hunc, ne sanguine,*
infi-

39. Leand. non oportebat.

40. Ita in utroque Cod. MS. & apud Leand. Uti etiam supra in iisdem Codd. *Constantii Cyprii*. Unde non parum ambigo, an probanda sit Echardi nostri conjectura in Cod. Regio leg. *Capri*; an potius ex oscitantia Scriptoris a pro y in eum Cod. inreperit.

41. Leand. *jussu*.

42. Inde est, cur hujus Commentarii frequentia sint exemplaria: Epistola vero pene interciderit. Neque in Processibus D. Antonini, neque in Chronico nostro Epistolae F. Constantii ulla sit mentio, sed solum Francisci Castilionensis Historiae.

43. Si tertio Kal. April. fidem abnegavit, & quatuor mensibus in apostasia vixit: a prima ejus conversione ad publicam hanc admissi sceleris retractionem plures menses intercesserunt. Ceterum hinc emendandus est error, qui in Ser. Ubertini Cod. titulo superius est adnotatus. Anno enim 1459. feria quinta in Coena Domini in vivis adhuc erat S. Antoninus, qui eo anno die secunda Maii, vigilia Ascensionis Domini, vivere desit. Anno ergo sequenti, quo eadem feria quinta in iv. Id. April. incidit, passus Antonius est. Uti etiam constat ex inscriptione marmorea Ripulis ad ejus Sepulcrum posita.

D. MARTYRIS. ANTONII. RIPULENSIS. CORPUS. PRAED. ORD.
 QUIESCIT. HIC.

TUNETIUM. PASS. ANNO. 1460.

inficiatur 44. Nam si illum illacsum Christianis dederitis, magnam pro eo mercedem recipietis. Non deerant interim Viri maligni, qui cum Italiam 45 linguam non ignorarent, eum a sancto proposito avertere conarentur. Ille autem firmus, stabilitusque 46 in fide perfecta, mutari non poterat. At ubi jam jam 47 mortem imminere conspexit: *concedite*, inquit, *& date mihi paululum spatii, ut orem*. Moxque positis genibus, elevatisque ad caelum manibus ad Orientem versus 48 coepit magno spiritus fervore orare. Cumque orationi intentus, & quasi ad caelum raptus immobilis permaneret, coeperunt execrabiles impii Regis Ministri, magno in eum impetu facto, partim saxi 49, partim gladiis districtis eum confodere. Incredibile narratu est, quae fuerit in Martyre Christi constantia. Nemo fuit, qui ejus vocem, aut querelam ab ejus ore prolatam audierit: Nemo, qui illum unquam in aliquam partem flecti, aut

d

re-

44. Verendum non erat, ut Praed. habitus sanguine Martyris inficeretur. Quid enim gloriosius? Sed verebatur Antonius, ne Sacra vestis ludibrio Barbaris esset, & in profanos eorum usus converteretur. In Actis S. Cypriani Proconsularibus legitur, quod S. Martyr in agrum Sexti produitur, ibi se lacerna byrru exspoliavit, & genu in terra flexit, & in orationem se Domino prostravit. Et quum se Dalmatica exspoliavisset, & Diaconibus tradidisset, in linea stetit, & coepit Spiculatorem suscinere. Quae noster Antonius circa eadem loca neci pro Christo traditus, imitatus est. Et perfectior esset similitudo, si lacerna byrrus, & Dalmatica, uti Baronio placet, vestes fuissent Episcoporum sacrae.

45. Leand. Italianam.

46. Leand. stabilitusque.

47. Leand. jam mortem.

48. Ita in Actis S. Pionii legitur, quod ad Orientem oculis, animoque conversus... tacita, ut bene quiesceret, Deum suum oratione posebat. De antiquo hoc Christianorum ritu orandi versus Orientem, quem S. Basilii lib. de Sp. S. Apostolicis traditionibus ad censet, videndi S. Johannes Dam. lib. iv. cap. xii. & S. Thomas 2. 2. Quaeq. lxxxv. Ar. 3. ad 3. ubi docet, hunc morem secundum quamdam decentiam suo adhuc tempore fuisse servatum; variasque ejusdem ritus rationes adfert ex Damasceno loco citato desumptas.

49. In Cod. Ser-Ubertin. desit, partim saxi, quod in ora Cod. rec. adscriptum est: in Edit. vero ap. Leand. partim lapidibus.

reflecti ⁵⁰, aut magnorum ictus lapidum vitare conspexerit. Cumque nullis omnino vinculis teneretur, aequae ac si clavis confixus esset, tantisper rectus stabilisque perduravit, donec magnis vulneribus, gravibusque imprimis lapidum ictibus oppressus occubuit: sicque gloriosum pro Christo martyrium consummavit. Impii vero ac detestabiles Ministri iniquitatis, magna vi lignorum congesta, sacrum Martyris Corpus immisso igne cremare conabantur. Sed plus potest verbum Domini: *Vox Domini in virtute, vox Domini in magnificentia*. Fuit id Sacratissimum Corpus diu in igne, fuit magnis flammarum globis undique oblitum; non tamen postquam inde eductum est, in ejus capillis capitis aut barbae vis ignis apparuit ⁵¹, ut impleretur in eo verbum Domini, quod

50. Simile in Tyrio quodam Martyre constantiam miratur, pluribusque extollit Eusebii H. E. lib. viii. cap. vii. Eusebii verba adtexere libet, ut magis constet, recentem hunc Martyrem veterum exempla Martyrum fuisse, & uno eodemque fuisse spiritu instructum: Καταπλαγῆσαι δ' ὡ τῷ ἐπὶ τότῳ ὁπτόντων τῶν ἱερῶν ἀκόντων κατερίπην, καὶ τῶν ἐν σώματι νῆος βεβηκῆαν καὶ ἀδιέπληκτον ἔνασιν ἰσχύος γὰρ ἡλικίαν ἔδ' ὧν ἐτὼν ἡλικίαν, δίχα δεσμῶν ἐζῶτος νῆν, καὶ τὰς νῆν χεῖρας ἐ-
κτεπληκτοῦς ἐς αὐαυρὸν τύπον ἀκαταπλήκτων ἐς τὴν ἀντιπερὶ διανοίᾳ ταῖς πρὸς τὸ θῶον σχο-
λασταία τιτιμῆσαι ληταῖς, μὴδ' ὅλως τὴ μεθιέχουμένην μὴ ἀποκλινόντες ποτὶ τὰ ἐνδὰ ἐρί-
κην τίτων' ἄρτων καὶ παραδόντων θυμῷ καὶ θανάτῳ πνιόντων, καὶ σχεδὸν αὐτὰς θαυματού-
μεν αὐτὰ τῆς σαρκός. Mirari tunc licebat intrepidam erga haec Sanctorum constan-
tiam, & stabilem, atque inconcussam in teneris corporibus animi fortitudinem. Quippe vidisset tunc adolescentulum, vix dum vicefimum aetatis annum ingres-
sum, absque vinculis stantem: ἐς manibus in crucis formam expansis, firmoque & impenitendo animo intentissime Deo supplicantem; nec ab eo, in quo steterat lo-
co recedentem, aut ullatenus declinantem: cum interim Urbs, ἐς Pardi furorem, ac mortem anhelitu ipso spirantes, membra illius pene jam morsibus invaderent.
51. Sicuti Antiquum veterum in semetipso exempla virtutum, ita Deus antiqua circa ipsum Martyrum miracula demonstravit. Ita enim Polycarpi corpus flamma rever-
rita est, cuius miraculi Ecclesiam Smyrnensem testem habemus locupletissimum: Μεγάλης δὲ ἐκλαμψάντος φλογός, θάψμα μὴν ἄδωμον, οἷς ἐδῶν ἐπὶ καὶ ἐτηρέθη-
μεν, ἐς τὸ ἀνταγῆσαι τοῖς ληνοῖσι τὰ γινόμενα. Το γὰρ πῦρ χαμαὶς ὡς ποταμὸν ὥ-
περε ὄδῳν πλοῖα ὑπὸ πνεύματι πλημερῶν, κύμα περικυκλῆται τὸ σῶμα τὸ μαρτυρὸς; καὶ
πνὴ μόνον καὶ ἐς σφῆς καομένη, ἀλλ' ἐς ἀπὸς ὀπταμένους, ἃς χροστὸς καὶ ὀφρῶν ἐν κα-
μίνῳ πυρῶμενος' καὶ γὰρ νύκτας τοσαύτης ἀντελαβόμεθα, ὡς λιβαίνοντ' ὀπνιόντες, ἢ ἄλ-
λα τινὲς τῶν τιμῶν ἀρωμάτων. Πέρας δ' ἡ ἰδόντες οἱ ἄνθρωποι, ἡ δυνάμειν αὐτὸ τὸ σῶ-
μα αὐτὸ τῶ πυρὸς στασιάζοντι, ἐκλύσαντο προσελθόντα αὐτῇ κορυφαίοντα παραβῶσαι ἡ-
φίσιν. &c. Quamvis vero ingens flamma emicasset, grande miraculum vidimus; qui-
bus

quod dixit in Evangelio : *Capillus de capite vestro non peribit* . Non contenti autem tam magno supplicio , nec contumelia exsaturati scelestissimi Ministri , majori Sacrum Corpus ignominia dehonestare concertant ⁵² . Nam id sic lacerrum ⁵³ , foedatumque , ac deforme per quemlibet locum in Civitate celebrem undique distractum in teterrimam tandem cloacam projiciunt . A quo loco immundissimo postea opera Christianorum , non pauca soluta pecunia , extractum est . Cumque sordes illius Sacri Corporis aqua solum absterfas essent , tantus fuit in eo odor suavissimus , ut stupor non parvus omnes caperet : unde is odor tam suavis , absterfis nuper ab eodem ⁵⁴ fordibus , oriretur ⁵⁵ . Tandem a Fidelibus curatum omni diligentia , pieque , atque honestissime in arcula conditum , in Ecclesia postremo Januensium , quae in eadem Civitate Carthaginis sita est , sub pedibus Crucifixi sepultum

d 2

est .

bus spectare concessum fuit , qui & ideo reservati sumus , ut aliis , quae contigerunt , annuntiaremus . Ignis enim formicis speciem praebens , tamquam navis velum a vento repletum , atque sinuatum , undique circumdedit Martyris corpus ; quod quidem in medio positum , non ut caro assa videbatur , sed voluti panis coctus , vel sicuti aurum & argentum in fornace candens . Tantam quippo fragrantiam odorabamus , ac si thur , aut aliud quoddam pretiosorum aromatum oluisset . Tandem igitur conceniter improbi , corpus ipsius ab igne non posse consumi , jusserunt confectorem propius accedere , pugionemque capulo tenus abdere , &c. In Adis quoque S. Pionii , qui Martyrium per ignem consummavit , simile occurrit Divinae virtutis indicium : Coronae quoque ejus Deus omnipotens ostendit indicium . Subito namque illi , quos illius aut misericordia , aut videndi cura conduxerat , tale corpus Pionii viderunt , ut addita sibi membra possent credi . Habebat erectas aures , meliores crines , barbam florentem , atque ita erat omni membrorum mole compositus , ut juvenis crederetur . Et corpus post ignem quasi in minoris aetatem redactum ostenderet & illius meritum , & resurrectionis exemplum .

52. In Edit. concertantur .

53. In Edit. lacerratum ,

54. In Edit. ab eo .

55. Ita supra Ecclesia Smyrnenfis de S. Polycarpo : Καὶ γὰρ ὡσπὶς τὸ σπῆμα αὐτοῦ , ὡς λίσσανα πύροντος , ἢ δὴα τινὸς τῶν τιμῶν ἀρωμάτων . Vel , ut habet vetus editio Usseriana : Odor etiam thuris , aut myrrhac , aut pretiosi alienius unguenti , tractum nidorem totius fugabat incendii . Et Ecclesia Lugdunensis de suis Martyribus : Τὸ ὡσπὶς ἐκωδῶντος ἀπὸ τοῦ Χριστοῦ ὡς τινὸς δόξου ἢ μύρου κορυμνῆς καλλίστου αὐτοῦ . Ad haec suavem Christi odorem spirantes , ita ut nonnulli terreneos unguento delibatos putarent .

est. Is enim adhuc vivens cum sibi sepulturae locum delegerat. Nec multo post coepit Dominus per Martyrem suum Antonium non pauca signa & miracula in testimonium tantae virtutis ostendere ⁵⁶: habeturque adhuc a Fidelibus, qui illic habitant in honore, & veneratione non pauca. Quin & quod ipse a Domino Bonjoanne ⁵⁷ Jamfigliazio Cive nostro, Viro sane nobili, genere ⁵⁸, opibusque, & maritimis laudibus glorioso accepi, non est praetermittendum. Ipse enim & alias saepius antea mercaturae gratia, & non multo post obitum hujus BEATI MARTYRIS eo se contulerat. Dumque ibi aliquot dies moram traheret, accidit, ut nonnulli ex illis Infidelibus e portu in altum magna cum caeli & maris tranquillitate solverent: nec multo post in eundem portum acti gravissima tempestate redirent. Quam rem admiratus hic noster Civis, quaesivit a quodam sibi familiari, qui unus erat ex iis, qui in ea navi fuerant, quid causae esset, ob quam tam cito remeassent, & quae fuisset illa maris vexatio, cum nusquam nisi tranquillitas undique caelo marique eo die apparuisset. Cui ille respondit: nescire se prorsus unde id factum esset. Verum ne usquam ⁵⁹ hoc proferret, admonuit: hanc fuisse eorum, qui in navi fuerant opinionem, eam tempestatem marisque motum ea de causa illis exortum esse, quod cum arenam saxaque in navim inferrent, ut facilioris navigationis causa fieri consuevit, aliquot ex illis lapidibus, quibus Vir sanctus percussus fuerat, se importasse arbi-

56. De his miraculis actum in Processibus pro canonizatione D. Antonini, & Testes ad examen vocati, ut habet saepius laudatus eorumdem Processuum Compilator: Cujus Corpus etiam in cloaca cum suavi odore fuit a Jesu Christo mirabiliter conservatum, & a Januensibus fidelibus mercatoribus inde Januam translatum clarens miraculis multis. De hoc facto, & Martyrio, & miraculis D. Francisci Castellionem. hisloriam scripsit latius omnia continentem, &c. Vide supra in Praefat.

57. Cod. Ser. Ubert. Bonzano Leand. Bonzano.

58. Est hodieque Florentiae Jamfigliaziorum inter nobiliores Urbis familias.

59. In Edit. apud Leand. nusquam.

arbitrabantur. Cumque aspera gravique procella subito exorta premerentur, poenitentia ducti coeperunt inter se scelus, quod perpetraverant, & agnoscere & profiteri: sicque veriti, ne in interitum abirent, non progredi quo instituerant, sed in portum redire ⁶⁰ decrevere: eaque de causa in eorum etiam saevis animis, aliorumque, qui id acceperant, ortus est timor non parvus, & BEATI MARTYRIS REVERENTIA ⁶¹.

Hoc ego sane Martyrium non impar, nec minori laude dignum censendum esse arbitror, quam martyria multa, eorum, qui ab Ecclesia celebres habentur, magnaque veneratione coluntur. Nam hic primo sui criminis conscientia ductus, quod impie perpetraverat, poenitentia correxit. Deinde magna constantia, & erecto animo se haud ⁶² incerto Martyrio, & manifestae morti objecit, diuque in ea electione consilii, & expectatione supplicii ⁶³ perduravit. Nullis denique suasionum blanditiis pollicitationibusve, nullo praesentis mortis timore perterritus ab incepto abduci potuit. Genus autem mortis acerbum sane, & simile aliquid quod

60. In Edit. deest, redire.

61. Tota haec autem narratio non magis miranda, vel incredibilis, quam quod S. Augustinus narrat Serm. novae Edition. cccxxiii. alias 32. de diversis, de lapide quo ictus est S. Stephanus, qui Anconam delatus innumeris miraculis coruscavit: *Seiurus enim multi, quanta miracula in ista Civitate (Anconae) fiant. Et audite quod miremini.... Quid ad nos fama pertulerit, non tacebo Caritati vestrae. Quando lapidabatur S. Stephanus, aliqui etiam innocentes, & maxime de iis, qui in Christum crediderant, circumstabant: dicitur lapis venisse in cubitum, & exensus inde venisse ante quemdam Religiosum: Tulit illum, & servavit. Homo erat de navigantibus, fors navigationis adtulit illum ad litus Anconae, & revelatum est illi, ibi debere reponi lapidem illum. Ille obediit revelationi, & ferit quod iustum est. Ex illo coepit esse ibi Memoria S. Stephani, & rumor erat, quia brachium S. Stephani ibi est, nescientibus hominibus quid contigisset..... Sed qui sciunt, quae ibi miracula fiant, ipsi nos doceant. Quae heic S. Augustin. ex fama, & vulgari traditione refert, in dubium forsitan severiores Critici revocabunt. Attamen ejusmodi lapidem Anconae fuisse, & per eum Deum miracula perpetrasse, quis sapiens prudensve negaverit?*

62. Corrupte in Edit. aut incerto Martyrio, aut, &c.

63. In Edit. deest, supplicii.

quod de Beato Stephano Protomartyre legitur; & tam fortiter generoseque ab eo susceptum, UT STABILI PERPETUAQUE MEMORIA MERITO CELEBRARI, ET A FIDELIBUS PIE COLI OPORTERE, JUDICEMUS. Nam quem Deus justificavit, idque non levibus signis attestatus est; quonam pacto poterit quis dicere, EUM SANCTORUM MARTYRUM COLLEGIO NON ESSE ADSCRIBENDUM? Quin ea de causa id ego Martyrium gloriosum, & majori quadam laude dignum esse abitor, quod ⁶⁴ ea contigit tempestate, qua raro admodum tale aliquid fieri adfuevit, qua etiam plerique omnes magis quietam cum voluptate vitam, quam Martyrium appetere videntur. Feliciior sane superior aetas; feliciior, inquam, felicitate vera, ac caelesti, in qua frequenti victoria Sancti Martyres coronabantur. Erat enim eorum tanta fides, tantumque in passione meritum, ut pro multis populis, magnisque civitatibus delictorum & calamitatum imminentium deprecationem & veniam mererentur; ut pacem salutemque Urbibus, quod de beata Lucia atque Agatha legitur, impetrarent. Quando igitur aliquid tale nostris temporibus fieri contigerit, quale fuit id, quod in BEATO MARTYRE ANTONIO nuper narravimus, id magna imprimis veneratione, summoque honore ⁶⁵, omni certe amoris ac caritatis affectu ample-

64. In Edit. quo.

65. Seraphinus Razius Historiam hanc Italice versam his verbis concludit: Nè dee alcuno maravigliarsi, che questo Beato prima vinnegasse Cristo; perocchè essandio San Pietro l'istesso peccato, e forse maggiore fece; ed a San Marcellino Papa ancora il medesimo addivenne, il quale per timore della morte offerì lo incenso agli Idoli, ma poi pentitosi del suo errore, volontariamente andò al Martirio, e dalla Chiesa fra i Santi Martiri è annoverato. Sed Marcellini lapsus commentitius. Melius Casti, & Aemilii adduxisset exemplum, de quibus in libro de Lapsis ita loquitur S. Cyprianus: Sic hic Casto & Aemilio aliquando Dominus ignovit: Sic in prima congressione devictos, victores in secundo praelio reddidit, ut fortiores ignibus fierent, qui ignibus ante cessissent: & unde superati essent, inde superarent. Deprecabantur illi non lacrymarum miseratione, sed vulnere; nec sola lamentabili voce, sed laceratione corporis & dolore: Manabat pro stertibus sanguis, & pro lacrymis cruor seminuñtatis visceribus defluebat. Neque illis prior lapsus

plectendum esse ⁶⁶, omnium bonorum, ac sapientum iudicio dicendum erit ⁶⁷. Amen .

EPI-

lapsus obstitit, quominus uti ceteri Martyres anniversaria sollemnitate celebrarentur, uti constat ex pervetusto Kalendario Ecclesiae Carthagin. xi. Kal. Junii, & ex S. Augustino, qui in eorum die natali sermonem habuit novae Edition. cclxxxv. ubi postquam de Petri negatione, & conversione disseruit, subiungit: Tale aliquid factum esse arbitror etiam in his Martyribus Sanctis, Casio & Amilio, quorum diem hodie celebramus, &c.

66. In Edit. est.

67. His Castilionensis verbis haec adjicit Leander Albertus: Haec igitur gesta Antonii idem Franciscus Castilio affirmat, se a quodam Heremita, quum adhuc esset juvenis in Sancto Marco audivisse circa annum Domini MCDLXI. Qui fuerat praesens, quando lapidibus obrutus fuit, & ejus confessionem audivit, ac ultimo cum ceteris Christianis cum traditis sepulturae. Hic Eremita alius non est a F. Constantio Cyprio, de Eremitarum, ut ipse ait, Societate F. Petri de Pisis. A quo tamen se Martyris hujus historiam audivisse Franciscus Castilionensis minime adfirmat: sed ex literis accepisse ad Fratres Praedicatores datis, quibus laudatus Constantius res gestas complexus est. Idem tamen, quod Leand. Albertus memoriae prodidit Gerardus Johannes Vossius de Historicis Latin. lib. iii. cap. viii. Atque haec ex Constantii Cyprii, qui praesens adfuerat, & ore, & epistola se hausisse, Castilionius profitetur.





EPISTOLA⁶⁸
CARDINALIS PAPIENSIS⁶⁹

A D⁷⁰
FRANCISCUM CASTILIONENSEM
PRESBYTERUM⁷¹,

*Commendantis Martyrium Antonianum, & hortantis⁷² ad Veteres
Martyrum Historias digniori stylo reparandas⁷³.*

JACOBUS CARDINALIS SANCTI CHRYSOGONI,
FRANCISCO⁷⁴ CASTILIONENSI PRESBYTERO⁷⁵,

S A L.



Antonianum Martyrium, quod misisti ad me, magna dulcedine sensus omnes complevit. Etenim grande est, & mirabile, & his tepentibus seculis inauditum. Refertur etiam a te eo genere orationis, ut non majori fide tormenta ille subierit, quam tu spiritu ea expresseris. Fecisti rem consentaneam Sacerdoti, pla-

68. Cod. rec. *Reverendissimi Domini Jacobi*.

69. Doctissimi hujus Cardinalis elogium, & opera, quibus literariam Rempubliam locupletavit: Videtis apud Gerardum Johan. Vossium lib. iii. de Historicis Latin. cap. viii.

70. Cod. rec. *Dom.*

71. Cod. rec. ac *Canonicum Florentinum*.

72. Cod. rec. *hortantisque eum*.

73. Cod. rec. *pro communiori utilitate, & consolatione*.

74. Cod. rec. *suo*.

75. Cod. rec. *Et Canonico Florentino S. P. D.*

placitam Deo, & quae nobis exemplo esse possit, si non ad eadem suscipienda, at ad toleranda patientius, quae contra carnem nos premunt. Habeo pio huic officio gratias quas possum: quae vero debentur, referat ille, cujus gloriae hujus scribendi labor inservit. Hortor, capessas alia, neque hic finem industriae facias: Malis autem, nostra hujusmodi persequi, quam involvi Gentilibus, in quibus sine fructu defatigatio multa est. Nosti, quanta Sanctorum Martyria legat Ecclesia ⁷⁶, quam grande de his circumferatur Volumen ⁷⁷, rariorem illa fidem videntur habere, quod minus diserte sunt scripta: Annotantium caritas praesenti magis officio satisfecit, quam Posteritati ⁷⁸. Quod elegans legitur, hoc & factum creditur, pro deliris inconcinna habentur ⁷⁹. Nec tamen hujus fastidii tam liber indifertus caussa est, quam nostra indevotio ⁸⁰, cum non verum in verbis amemus, sed verba. Cuperem ergo, plenum hoc religionis opus ⁸¹ suscipi a te, & pretiosas mortes vendicari in lucem, quae etsi coronas suas apud summum Retributorem acceperint, nullius nostrae laudis indigae; non tamen ad praeparandas nostras tantum incitamenti videntur affer-

e

re.

-
76. De antiqua Passiones & acta Martyrum tum privatim, tum in publicis Christianorum coetibus legendi consuetudine; videlicet P. Ruinarti Praefat. general. in Acta Martyr. §. 1.
77. De antiquis Passionum Martyrum Collectionibus agit eodem loco idem Cl. Autor. De qua vero haec loquatur doctissimus Cardinalis; non mihi constat.
78. Infusa est & risu digna illorum devotio, qui Sanctis decus & honorem fidei miraculis, & fabulis quaerunt.
79. Inelegans frigidaque narratio, & nullas historiae leges servans facile fidem amittit, nisi se nativa quadam simplicitate tueretur. Contra nimium elegantiarum & artis studium Lectorem facile in suspensionem adducit. Media itaque via incedendum.
80. Attamen indifertum librum, & fabulis refertum quis sine fastidio, & devoto animo legat?
81. Ceraunium Episcopum Papiensem, qui seculo vii. incunte floruit, VVarnaharius Lingonensis Ecclesiae Archidiaconus Eusebio Caesariensi comparat, quod Sanctorum Martyrum Gesta PRO AMORE RELIGIONIS congregare in Urbe Parisiaca devotus intendere.

re. Cogita in hoc quaeso, & attende pariter, quanta hic merces, quanta gratia, quam diuturna famae & nominis esse possit propagatio. Est tibi aetas ad hanc curam idonea, est perseverans ingenium, sunt literae cultae & faciles, est denique alieno labore jam res praeparata, ut id tantum tui officii videatur, illustrare obscura, laxa restringere, prave dicta corrigere, & in eam formam statuere, quae animo pariter & auribus faciat satis ⁸². Conarer, si minus ad levandam inopiam tuam subveniret manus potentium; meam, quantulacumque est, Bovi trituranti porrigere. Quid ergo de toto hoc genere & putes, & velis, & possis, pro tuo in religionem studio, scribe ad me. Nam quod de negligentia Praesulum desles multiplicantium sine delectu Sacerdotes, dolendum id quidem est: quum & propterea frigeat fides, & honor Sacerdotii cadat, ac, quod lamentabilius est, una ignorantiae iactura & eorum qui regunt, & eorum qui reguntur, animae pereant. Sed quid agas, Franciscæ, ubi & vetustate roboratum jam malum est, & sine commotione Ecclesiae admoveri securis non potest ⁸³. Precemur bona Proximis nostris, & nobis: idque agamus, ut si non agunt alii quod expedit; nos praestemus Deo quod possumus ⁸⁴. Bene vale. Romae. D. xxv. Januar. 1469.



EPI-

82. Id operis, quod Castilonensi Eminentiss. Cardinalis injungit, Viris eruditiss. immensis laboribus stetit. Difficultatem operis Castilonensis praevидit, & pluribus sequenti Epistola, qua huic respondit, exaggeravit.

83. Vid. S. Augustin. lib. 3. cont. Epist. Parmeniani cap. 1. & seqq.

84. Quid agimus, cum ita improborum multitudine premimur, ut iudicium nostrum in aliqua correptione non possimus exercere? Auferte, inquit (1. Cor. 5. 13.) malum ex vobis ipsis: id est; Si non potestis auferre malum ex medio vestrum, ipsum malum auferre ex vobis ipsis. S. Augustinus loco cit. cap. 2. num. 15.

EPISTOLA
D. FRANCISCI CASTILIONENSIS

A D⁸⁵

CARDINALEM PAPIENSEM,

In qua pulchre se eximit ab injuncto ⁸⁶ Martyrum opere.

REVERENDISSIMO DOMINO ⁸⁷

JACOBO CARDINALI PAPIENSI,

FRANCISCUS CASTILIONENSIS PRESBYTER

S. P. D.



Umanissimas, ac disertissimas literas, manuque propria conscriptas, abs te, Reverendissime Domine, nuper accepi, quibus Antonianum Martyrium cum Epistola nostra te accepisse ostendis: laudasti officium meum verbis amplissimis: egisti pro parvulo munusculo gratias ingentes: fecisti, ut res minima magna esse videretur. Collegisti omnes locos, quibus persuasio fieri possit, ut id, ad quod me hortaris, magno animo, & cum fiducia aggrediar. Velles enim, ut Martyria, Vitasque Sanctorum, qui habentur in Ecclesia, quae minus eleganter scripta sunt, denuo aliquo faciliiori, ne dixerim, disertiori stilo, quod in me non est, illustrarem. Ad quod opus perficiendum, utinam tam mihi facultas & tempus daretur, quam animi studium & voluntas praesto esset. Sed neque ad rem tantam, tamque dignam par mihi est dicendi copia: neque, si id adsit, per vitae & multarum rerum agendarum sollicitudines praestare queam. Nescis, quot quantisque incommodis & perturbatio-

c 2

nibus

⁸⁵. Cod. rec. *Jacobum*

⁸⁶. Cod. rec. *sibi Martyrum vitas scribendi opere.*

⁸⁷. In Cod. rec. geminatur D. D.

nibus undique premar, nullum datur respirandi tempus, nedum ad studia literarum, & ad conscribendum aliquid locus praestetur. Primum omnium in ea sum Ecclesia constitutus, in qua magna pars diei circa divina officia, exequias, & Anniversaria Mortuorum consumenda sit. Habeo, ut nuper ad te scripsi, curam septem Pupillorum, qui sunt etiam ὀρφανὰ τέκνα, utroque parente orbati, quorum major natus undecim annos natus est, omnisque totius eorum domus sollicitudo a re maxima usque ad minimam mihi suscipienda est. Habent satis amplum patrimonium, & fundorum magnam copiam: haec omnia mihi curanda sunt; praeter sollicitudinem tenellarum aetatum, quae me die noctue excruciat, & sub noctem cura recurfat, ne quid eis adversi eveniat circa valetudinem, nequid puerilis infantia maculetur pravitate morum. Scio enim id esse verissimum quod ab Horatio dictum est:

Quo semel est imbuta recens, servabit odorem

Testa diu

Veniunt & ad me quotidie duo tresue ad summum adolescentescens, ut aliquid Graecarum literarum eis impertiar, qui ut darem accedendi locum, & breve temporis momentum eis condonarem, summis precibus, & Amicorum rogatu a me extorserunt; non quod id quod scio, quantumcumque est, non libenter, & sine invidia communicem, sed quia tot rebus agendis non datur perficiendi cujusque operis locus. Premittit me praeterea doctrinae sitis, & scientiae, humanarumque artium desiderium, quarum studio propter haec incommoda tanto cum dolore animi careo, ut narrari nequeat; quum in dies ob tot tantasque sollicitudines sentiam, id continue minui, quod augeri vellem. Sed & res ipsa, quam proponis, non tam facilis est, nec ita se nobis offert, ut sine sudore perfici queat. Novi ego magna ingenia etiam nostris temporibus admodum erudita, & ad dicendum exercitata; nemo tamen est, qui velit praeter Epistolas quasdam, aut brevica Epigrammata scribere. Si quod opus longioris laboris,

ris, aut historia suscipienda est, omnes aufugiunt, nusquam se alto mari credere audent⁸⁸. Video etiam, Majores nostros Ecclesiae principes hoc idem servasse. Siqui docti, aut diserti fuere, susceperere singuli singulas duasve ad summum sanctorum Vitas. Scripsit Athanasius Antonii Vitam, Gregorius Nazianzenus Basilii, Gregorius Papa Benedicti, Severus Martini, Paulinus Ambrosii, Ambrosius ipse Beatae Agnetis, ac Vitalis & Agricolae, Hieronymus Pauli Eremitae, & Hilarionis, simulque de Monacho captivo breve quid, elegans tamen, ut Hieronymi dulcedinem sapiat. Neque id eos fecisse dixerim, quod non potuissent majora praestare, si voluissent. Scripsit Ambrosius multa volumina de rebus variis, hoc idem fecit Hieronymus, & uterque Gregorius, quos nuper nominavi. Potuissent Sanctorum Martyrum palmas diserte & eleganter conscribere, sat scio; tanta erat in eis doctrina, tanta facundia, ut facile eas cum magna hominum laude & gratia profequi potuissent: erat etiam opus dignum omni pietate, ac caelesti retributione refertum. Sed ni fallor, ut quisque doctissimus est, ita ea proferre audet, quae maxime novit, quaeque certissimis verissimisque testimoniis rata esse conspexerit. Multa scripta sunt Sanctorum Martyria, incertis Auctoribus, ut nosti, quae nullam temporis, aut Historiae legem retinent; nil in se habent praeter insulsam

e 3

quam-

88. Ad hoc munus Historici suscipiendum lib. 1. de Leg. Ciceronem Atticus adhortabatur: *Postulatur a te jamdiu, vel flagitatur potius historia*. Cui Tullius respondit, se morem ei libenter gesturum, si tempore abundaret, & otio: *Intelligo equidem, a me istum laborem jamdiu postulari Attice, quem non recusarem, si mihi ullum tribueretur vacuum tempus, & liberum: neque enim occupata opera, neque impedito animo res tanta suscipi potest: utrumque opus est & cura vacare, & negotio*. Sed, quum ad alia permulta scribenda Ciceroni tempus non decisset, idque illi Atticus opposuisset: *Quid ad cetera quae scripsisti plura, quam quisque e nostris, quod tibi tandem tempus vacuum suis concessum? aliam esse respondit aliarum lucubrationum, aliam scribendae historiae rationem: Substituta incurrunt tempora quaedam, quae ego perire non patior, ut si qui dies ad ruscandum dati sint, ad eorum numerum accommodentur quae scribimus*. Historia vero nec institui potest nisi praeparato otio, nec exiguo tempore absolvi.

quamdam pietatem, quae magnam fidem a Lectore postulare videatur; quae siquis in aliquem narrationis ordinem redigere velit, non possit; & quod primum est in Historia, majorem quam antea fidem habitura non sint. Multa sunt apocrypha, ut nosti, & pleraque omnia, hoc est, abscondita a facie Ecclesiae, & non approbata ⁸⁹. Multa etiam sunt, quae a Doctoribus improbantur, ut est id, quod in Vita Beati Sylvestri de Baptismo Constantini legitur ⁹⁰: quem non a Sylvestro Papa, ut ibi narratur: sed in fine vitae a quodam Eusebio ⁹¹ Ariano Episcopo baptizatum, Hieronymus refert ⁹². Unumquodque dicendi genus suis legibus continetur ⁹³; Poëmata, & ἐγκώμια amplitudinem orationis; Civiles causae locos verisimiles, & probabilia quaeque; Historia

89. Vid. Gelasianum Decretum.

90. Quum a vulgi praediciis non statim Viri docti, sed paullatim sese expedierint, mirum videri potest, tam cito, & ab ipsis usque renascentium literarum incunabulis de Romano Constantini Baptismo ambigi coepisse. Sed de ipsa re vid. quae in utramque partem Baronius, Papebroch., Nat. Alex. & alii disputarunt.

91. Nicomedienſi.

92. In Chronico ad annum ultimum Constantini.

93. Lucianus de modo scrib. Histor. Ἀγνοῦντες ὡς ἂν εὐρὴ τῷ ἰσομῷ διέμεσθαι, καὶ διατεμάχισαι ἢ ἱσορίᾳ πρὸς τὴν ἀγνώμην, ἀλλὰ τι μῆνι τέχνης ἐν μέτρῳ ἔχει αὐτῶν· καὶ τὸ τῶν μουσικῶν δὴ τότε, δις διὰ πατῶν ἔστι πρὸς ὕψηλα, ἀλλὰ τῷ μὲν ἐγκωμιοῦντι, μῆνι ἐνὶς μῆλιν, ἵπποῦν ἐπαινοῦσαι, καὶ ἐν ὁροῖσι τὴν ἐπαινομένην. καὶ ἡ φιλοσοφία ὑπερβαίνει τὰ χεῖν τὸ τέλος, ἐλπίς δὲ φερτίσται. ἡ δὲ οὐκ ἀντιψύδος ἀντιπρὸς ἢ ἱσορίᾳ, ἀλλὰ ἀκροειότερον ἀνίστασθαι, ἢ μᾶλλον, ἢ τῷ ὁρμητικῷ ἰσχυρῶς ποιεῖν, τῷ τραγικῷ ἀπὸ δόξης δεικνύναι, ὅν τι ἐς αὐτὴν καταπεδίον. ἐνὶ ἀγνοῖν ἐνέκλειν οἱ τοῖσι, καὶ ποιητικῶς μὲν καὶ τεχνικῶς, ἀλλὰ ὑπὸ σχήματος, καὶ ἀντιπρὸς ἰδίῳ, ἱσορίᾳ δὲ, ἀλλοι. Ignari videlicet, quod non angusto aliquo isthmo divisa & intersepta sint Historia, & Encomium; Sed magno quodam muro per medium iuncte distincta, & Musicorum illud, diς διὰ πατῶν. Bis per omnes chordas, quod dici solet, inter se distant. Siquidem ille, qui Encomium scribit, hoc unum spectat, ut quibuscumque modis possit, eum quem laudandum suscepit, extollat, atque oblectet; etiamsi per mendacium forte id consequatur quo tendit, parum id curat. At contra Historia nihil falsum inferi sibi, ne pauxillum quidem, permittit, non magis quam arteriam dicunt Medicorum pueri, eam quae trachea, sive aspera vocatur, quicquam potius, aut cibi in se recipere. Rursum nescire iidem videntur, quod & Poëticæ quidem, & Poëmata aliud promittunt; aliud Historia, regulasque diversas habent.

floria veritatem potissimum 94, & ordinem rei gestae 95 postulare videtur : omnia elegantiam linguae, & facundiam non adspernantur 96 : adeo ut in ea sententia difficillimum sit, aliquid scribere, quod in manus cujusque doctissimi cum venerit, contemnendum non sit 97. Quare ne me quaeso ad id horteris, neque id a me postules, quod nec promittere audeam, nec si promiserim, praestare posse confidam. Nulla est profecto res, quam tua causa, tuoque jussu, modo potis sim, non libenter sim suscepturus; tanta tibi debeo multis de causis. Non minus etiam nunc debeo ex his, quae mihi novissime offers in literis tuis, quae siquando ne-

ces-

94. Praeclare Polybius lib. 1. "Ὅσως ἦν τῶν ὀφίων ἀραιωθῶν, ἀχρεῦται τὸ εἶλον· ὁ
 τως ἐξ ἱστορίας ἀναιρηθῆναι τῆς ἀληθείας, τὸ καταλυτὸν αὐτῆς ἀνωφελὲς γίνεσθαι
 διήγημα. Ut animal luminibus ademptis prorsus inutile redditur; ita si veritatem
 ex Historia tollas, quod illius superest, inutile fit.
95. Παρ' οἷς γὰρ ἀναιρητὴς ἔστιν ἡ τῶν χρόνων ἀναγραφὴ, παρὰ τούτοις ἡδὲ τὰ τῆς ἱστορίας
 ἀληθείαν δύναται. Ἀπὸ quos confusa est, & dissoluta temporum ratio, illis nec
 historiae veritas constare potest. Tatianus Orat. ad Graec.
96. Tres haec Historicae facultatis praeceptiones, veritatem scilicet, ordinem, &
 elegantiam, Tullius lib. 1. de Oratore complexus est: Nam quis nescit, primam
 esse historiae legem, ne quid falsi dicere audeat? Deinde, ne quid veri non audeat?
 Nequa suspicio gratiae sit in dicendo, nequa similitatis? Haec scilicet fundamenta
 nota sunt omnibus. Ipsa autem exaedificatio posita est in rebus, & verbis. Rerum
 ratio ordinem temporum desiderat, regionum descriptionem..... Verborum autem
 ratio, & genus orationis fufum, atque tractum, & cum lenitate quadam aequa-
 bili profluent, sine hac judiciali asperitate, & sine sententiarum forensium acu-
 leis, prosequendum est.
97. Merito apud Lucianum ii vapulant, qui πάντῃ ἔρῳ, καὶ πρόχρηον, καὶ ἅπαντος ἄ-
 νου ἱστορίαν συγγραφῆσαι, ἢν τις ἐμνησθῇ τὸ ἐπελθόν δύναται. Plane facillimum, ac
 promptum, & cujusvis hominis esse existimant, Historiam scribere; si quis modo
 exponere verbis possit, quod utcumque in mentem venit. Contra ipse Lucianus
 multae id operae esse existimat, & non minus quam cujusvis alterius generis
 lucubrations, artis & industriae desiderare: Τὸ δὲ οἷσδ' αὖτε καὶ αὐτὸς, ὃ
 ἱστορίαι, ὡς ἂν τῶν ἐν μεταχαρίων, ἡδὲ ἐκδύμους συντιθεμένων δυναμένων τὰτ' εἶναι,
 ἀλλὰ ὅτι ἐν λόγοις καὶ ἄλλο πολλὰς τῆς φροντίδος δέχμενον, ἢν τις, ὡς δ' Ὀκυπιδὲς
 φησὶν, εἰς αὐτὰ κατὰμ συντιθέει. Ceterum nostri & ipse, o Amice, quod hoc neque
 facillimorum quidpiam sit, neque eorum quae negligenter, ac temere componi
 possunt: Sed si quid aliud usquam inter ea, quae oratione traduntur, multa
 cura opus habet, hoc certe habet; si quis, ut Thucydides ait, Historiam quasi
 perpetuam possessionem adornet. Quam multis ei opus sit, qui Historici boni no-
 men possidere velit, ostendit Ger. Joh. Vossius Art. Histor. cap. xxxii.

cessitas urgeret; magna cum fiducia abs te petere non erubescerem. Sed ex Altissimi gratia non desunt necessaria, & visui opportuna. Siquid deest, deest Ecclesiae nostrae, quam reficere, ac refarcire cupio ante obitum ob memoriam illius Sanctissimi Patris, a quo illam accepi ⁹⁸. Si magnam librorum copiam non habeo, considero etiam e contra, me non posse illis operam dare. Quare jam fero aequo animo hanc conditionem vitae, in qua positus sum. Haec, quae extrinsecus accessere, nonnihil gravia ac molesta sunt. Sed & haec quoque jam coepi patientius tolerare, quamquam homini insueto id praestare arduum sit. Superiori aetate, dum magis fervebat sanguis, quaeque res minima offendebat animum, levissimum quodque incommodum mentem excruciat. Jam in dies patientior fio: nihil est jam quod magnopere mihi dari velim; nihil est quod optem praeter bonitatem, & disciplinam, & scientiam. Nam quid aliud petendum sit, non video. Dixi jam multis annis antea: *In dimidio dierum meorum vadam ad portas inferi*. Quid jam nunc dicendum erit, cum ingravescit aetas, & inclinata est jam dies, nisi expectare vocationem Domini, ut ad respondendum praesto sim? Sed ut πρὸς τὸ πρόβλημα redeamus; non video hoc tempore, & his incommodis, & vitae perturbatione durante ⁹⁹, posse petitioni tuae satisfacere, quum praesertim magna videatur mihi ea provincia: non est unius diei labor, sed mensium & annorum ¹⁰⁰, mihi praesertim, qui sum ad omnia ineptus, & ingenio tardiusculus. Vidisti hoc Martyrium Antonianum: laudasti illud supra meritum φιλίας ἐνεκα. Scripseram quoque his superioribus annis Vitam Beati Marci Papae, cujus Corpus hic apud nos habemus

98. In Cod. rec. additur, *Antonii scilicet Archiepiscopi Florentini*: Quod in Cod. Ser-Ubert. margine legebatur.

99. Cod. rec. *durantibus*.

100. Eadem, ut superius vidimus, rationes Ciceronem ab hoc munere suscipiendo deterruerunt.

mus in hac Florentina ¹⁰¹ Ecclesia Sancti Laurentii. Cumque longam quamdam de eo reperissem Historiam, redegī illam, strictim carptimque ea colligendo, quae necessaria in eum locum, ut in Lectiones Matutinales distingui posset. Est autem in modum Sermonis ad Collegium nostrum. Simul etiam tetigi omnia, quae ad laudem, & illustrationem Ecclesiae nostrae pertinere videbantur. Mittam illam ¹⁰² ad te, si jusseris, quandoquidem in hac parte operam nostram postulas, ut videas hic quoque, quo probes hominis industriam, & dicendi genus. Sed quid haec quotidie infusa ineptus ingeram, cujus sciam aures esse eruditissimas, & judicium gravissimum: cum etiam prae rerum agendarum & negotiorum multitudine, & πολλῇ ἀσκολίᾳ sciam tibi ad legendum tempus non dari, praesertim τὰ παράεργα, & minus eleganter conscripta. Satius esset profecto mutire, quam prava, & ἀχρήμονα secundum Victorini Praeceptoris sententiam scribere. Vale.



H I E-

¹⁰¹. Ccd. Ser-Ubert. *In hac Ecclesia S. Laurentii Florentini.*

¹⁰². Exstat MS. in eodem Cod. Ser-Ubert. ex quo ista descripsimus.

HIERONYMUS ABBAS

S. FLORAE ARETINAE,

FRANCISCO CASTILIONENSI

PRESBYTERO ¹⁰³

S. P. D.

C O M M E N D A T ¹⁰⁴

ANTONIANUM MARTYRIUM.



Ovi Martyris Antonii virtus apud Barbaros sepulta, & Christianis ferme omnibus jacuisset incognita, nisi eam praeclarum ingenium tuum extulisset. Longe igitur nostra, id est, Christianorum Respublica tibi debeat, in cujus aerarium non minuta aera, ut Anus olim Evangelica, sed magnum auri pondus ingesseris. Aucta est Ecclesia pro tua virtute duobus Antoniis, Patre scilicet, ac Filio; altero Confessore, altero Martyre. Atque utinam superioribus temporibus, dum in Christianos frequentium persecutionum detonaret procella, Scriptores tibi similes habuisset Ecclesia ¹⁰⁵: quorum alii tot & tantis ineptiis scripta refererunt sua, ut rudis nimium & inculta oratio vero plerumque fidem minuat ¹⁰⁶. Alii figmentis & mendaciorum involucris ita redundant, tantaque mentiti sunt impudentia,

¹⁰³. Cod. rec. atque Canonico Florentino.

¹⁰⁴. Cod. rec. *Novum Beati Fr. Antonii Martyrium*.

¹⁰⁵. Tempore persecutionum optimos, & integerrimae fidei Scriptores habuit Ecclesia, uti colligere est ex paucis illis monumentis, quae Diocletianae persecutionis incendium, aut injuriam temporum evaserunt, & ad nos integra illibataque pervenerunt.

¹⁰⁶. Haec & alia hujusmodi vitia non ad coevos Scriptores pertinent; sed ad eos, qui postmodum ex proprio ingenio, & ineptis traditionibus deperdita vet. Martyrum Acta reparare adgressi sunt.

tia, ut fidelium animos labare interdum in fide ac nutare compellant. Quale est illud de Constantini lepra, deque ejus per Sylvestrum baptismo, & pleraque id genus, quae omnia vera mordet & castigat Historia. Tu nectar, tu mella diffundis. Genus dicendi humile, pressum, facile, illaboratum, mellissimum, & veritati imprimis & Christianae puritati conveniens: venustatis autem & ornatus, quantum par est, quantumque res postulat, in se habet. Redditus est mihi Libellus cum tuis literis Feria V. in Coena Domini, ut mihi ¹⁰⁷ miraculum fiat, ea die Libellum accepisse, qua BEATUS ille martyrium fecit. Et fatebor ingenue, uberes mihi inter legendum excussisse lacrymas. Tu igitur *velut oliva fructifera in domo Domini; & tanquam lignum, quod plantatum est secus decursus aquarum, quod fructum dabit in tempore suo;* & de praeteritis dignam adsequeris cum ab hominibus laudem, tum ab optimo Deo mercedem: & in futurum majora nobis de tuo ingenio polliceris ¹⁰⁸. Hortor te ergo, mi Franciscæ, ut quemadmodum coepisti, de talento tibi credito pericliteris, & lucernam ingenii tui, jampridem exemptam modio, super candelabrum colloces, ut dies noctesque luceat iis, qui in domo sunt Domini, & pulsa errorum ac tenebrarum caligine, veritatis lumen pectoribus Christianis infundat. Vale felix.

Arethi die VII. Aprilis 1469.

DEO GRATIAS.

¹⁰⁷. In Cod. rec. deest, *mibi*

¹⁰⁸. Hæc finem scribendi non fecit Castilionæus, sed alia ingenii sui monumenta literis mandare perrexit; ut Vitam S. Vincentii Ferrerii anno 1470. ad Jacobum Cardin. Papiensem; Vitam S. Petri Martyris anno 1471. ad B. Cardinalem Ravennatem; & Vitam S. Thomae Aquinatis anno 1471. ad eundem Cardinalem. Quæ MSS. exstant in nostro Cod. Ser. Uberr. & alia, de quibus videlicet Possevinum in Apparatu, Gerardum Johan. Vossium de Historicis Latin. lib. iii. cap. vii. & P. Negrium in Scriptorib. Florentin.



REGESTUM.

†. †. ††. A. B. C. D. E. F. G. H. I. K. L. M. N. O. P. Q. R.
S. T. V. X. Y. Z. Aa. a. b. c. d. e.

Omnes sunt Duerniones, praeter e., qui sunt Terniones.



FLORENTIÆ. ANNO MDCCXXVIII.
Typis BERNARDI PAPERINI, Typographi S. R. C. MAGNAE PRINCIPIS
Viduae ab Etruria.

Propè Ecclesiam Divi Apollinaris, sub Signo Palladis, & Herculis.







557



